


دیسکی دوائیچہ دیسی علاج

(دادہن دوا مرضن شفا)



نہاراچ کرشن ماوا مسرور

دیی دواتہ دیسی علاج

(دادہن دوا مرضن شفا)

دیسکی دواتچہ دیسی علاج (دادہن دوا مرضن شفا)

مہاراج کرشن ماوا مسرور

فنکار کلچرل آرگنائزیشن، سرینگر کشمیر

کتابہ ہند ناو: دادہن دوا مرصن شفا

مصنف: مہاراج کرشن ماوا مسرور

چھپن وری: ۲۰۱۲ء

مول: 300/= روپیہ

چھاپ خانہ:

کمپوزنگ: ایم ایس وانی

کتاب میلنگ پتاہ:

☆ روی ماوا، A-41، گیٹ نمبر ۱، فریڈم فاکٹریس کالونی، نیب سرائے،

نؤ دل۔ 110068۔ کنٹیکٹ نمبر: 09810259954

☆ فنکار کلچرل آرگنائزیشن

پوسٹ بکس ۱۱۲۔ سرینگر۔ کنٹیکٹ: 9419092468

سرینگر: کتاب گھر، مولانا آزاد روڈ، سرینگر

جو م: کتاب گھر، کنال روڈ، جموں

چہ چھس

یہ کتاب

بہورا برادری ہندس

نامور گونماتھ مانہ جو سوری عطار،

پینس مائلس ہند لال ماوہ ٹاٹھی کولس

تہ

پنہ ماچہ یمبرزل ماوا، تیگر مے کائثر زبان گلہ گلہ آپر،

نذرانہ تہ ارپن کران

مہاراج کرشن منسور

”پرہیز چھ یلا جہ کھوتہ بہتر“

اکھ پڑاؤ کھاوت

قدرتن چھ اَسہ اوتد پوک سہ سورے سامانہ میسر تہ ونور تھومت
یہیمہ ستر اَسر بہار یونشہ دؤر ہیکو رو زتھ۔

کاشتر یلا ج چھ اَسہ اُندک پوک کلین کٹین تہ جڑی بوٹین ہنر
زانکاری تہ تمن ہند ورتاؤ

تہ پیہ

کھنہ چنہ کین چیزن منز کیشہ تبدیلی ہچھناوان
یہیمہ ستر اَسر صحت مند تہ تندرست روزو

ترتیب

نمبر شمار	مضمون	صفحہ نمبر
۱	پیش کتاب	10
۲	گوڈ کتھ	16
۳	میڈی زان	26
۴	بہار آسن کیاہ گوو	31
۵	صحت مند گس چھ	33
۶	انسائی ڈھانچہ۔ نیمیرم تہ اندریم انگ	34
۷	انسائی جسمس منز اندر اڑنچہ وتہ	35
۸	انگریزی یلا جس تہ دیسی یلا جس منز فرق	38
۹	انفلکشن تہ امہ ستر پینہ واجنہ تبدیلیہ	42
۱۰	تشخیص مرض	44
۱۱	سون اوئند پوک تہ سون خوراک	46

49	سائس خوراکس منز کیا ہچھ شامل.....	۱۲
54	انسائے سُنڈ تھنہ پیون	۱۳
57	شہہ کھسنگ تہ وسنگ نظام	۱۴
58	خوراک شز وینگ نظام	۱۵
60	خون بٹنگ تہ باگراونگ نظام	۱۶
61	دہماغ تہ تیتھ ستر وابستہ نظام	۱۷
61	گدود۔ ہارمون۔ تیلہ پیوت۔ بولہ وچہ	۱۸
62	سون اڈچہ کز ہز	۱۹
63	اند ریم غلاظت نہر نیرنگ نظام	۲۰
64	پیشاب نہر نیرنگ نظام	۲۱
65	بچہ پا دکرنگ نظام	۲۲
66	اچھ، نس، گن، دند، مسلہ	۲۳
70	مختلف دا دکر	۲۴
73	شو شہ ناری کر دا دکر	۲۵
74	ژاس، تم	۲۶
78	کلہ دود	۲۷

80	بلڈ پریشتر	۲۸
82	دگ	۲۹
84	وہم	۳۰
86	گاوت	۳۱
88	ہوٹ	۳۲
90	زہ	۳۳
92	دند	۳۴
96	کنکر دا در	۳۵
98	وٹھ پھٹن	۳۶
99	مرگی	۳۷
102	مائل نہ آسن	۳۸
105	نس سپر	۳۹
107	یڈ دود	۴۰
110	ناف	۴۱
112	قبض	۴۲
115	اُندر من ورم	۴۳

116	بواسیری	۴۴
118	خونی بواسیر	۴۵
119	شوگر بہمار	۴۶
122	کڑہنہ مازک دود	۴۷
124	یو کہ وچن ہندری دأ در	۴۸
127	کاجے	۴۹
129	پیشا پکو دأ در	۵۰
133	مردانہ دأ در	۵۱
137	مُتھس گینہ یا ہنبر	۵۲
139	ڈیول بدن	۵۳
140	یا و ن ویر	۵۴
142	زیوٹھ مس	۵۵
149	زنانہ دأ در	۵۶
153	ماہوری	۵۷
157	دل تہ دے لک دأ در	۵۸
161	بجھ چھ دلک اُنہ	۵۹

163	مؤٹ انسان	۶۰
165	ننڊر	۶۱
167	بوچھ	۶۲
169	خوبصورتی	۶۳
173	وٹھ	۶۴
174	تلہ پتہن نارنیرن	۶۵
175	آم تہ خولہ	۶۶
176	عقل تہ یاداشت	۶۷
180	کینسر	۶۸
182	بجر	۶۹
187	مس کرہن	۷۰
189	کینہہ یاد تھاوہ لایق کتھہ	۷۱

پیش کتاب

اگر کلہم کا شری زبان تہ ادب پٹھ نظر تر او و تیلہ چھے اسہ صرف شاعری لبہ یوان۔ سیکھ زبان منز او نگن پٹھ گنراؤس لایق افسانہ، ناولہ تہ تنقیدی مضمون اسن سوزبان کو تام ہیکہ طالب علمن ہنر تشنگی پور کر تھ۔ پڑتھ کینہ علمی زبان منز گروہن مختلف موضوعن پٹھ کتابہ دسی یاب اسنہ۔ اگر اسی اردو زبان ہندس سرمایس پٹھ نظر تر او و تیلہ چھے اسہ ۱۹۴۷ء بر وٹھ مختلف موضوعن پٹھ کتابہ لکھنہ آمہ سیکھ منز فلسفہ، نفسیات، سیاسیات، نباتات، اسلامیات، مصوری وغار موجود چھے۔ اتھ منز یوسہ کام عثمانیہ یونیورسٹی حیدر آبادن کر مرچ چھے، سو چھے تھک لایق۔ اگر اسہ زبان زند اسہ تھا و تیلہ پڑ اسہ کا شریس منز تمکن موضوعن پٹھ کام کرنی یمن ہنر و ہنہ اسہ چھے۔ مہاراج کرشن ماوا مسرور ہنر کتاب 'دادہن دوا مرضن شفا' چھے اکھ اہم کتاب۔ اتھ منز چھے مسرور صابن مختلف کا شرین دوا ہن ہنر و کھنے کر مرچ تہ سستی تم بیون بیون دادہ خاطر استعمال کرنی طریقہ و ہنہ ناؤ و تر۔ یہ چھے کا شری زبان منز پڑنہ نو عتیچ گوڈنچ کتاب یوسہ کا شری پرن والین اکھ نو تحریک تنچ دعوت دوان چھے۔ اسہ پڑ مختلف موضوعن پٹھ پانہ لکھن یا ترجمہ کرن سیمہ ستری کا شری زبان اکھ اہم سنگ میل پڑاؤ۔

جی آر حسرت گڈہ

سیکریٹری فنکار کلچرل آرگنائزیشن، سرینگر، کشمیر

مختلف دَا دَر تہ تہند یلاج

تہچھ، تہر، عارق پھٹن

نزل۔ زُکام۔ پوند۔ انفلونزا

ژاس۔ خوشک ژاس۔ بلغم ژاس

تم شانش نمونیا۔ ٹی بی (سلیہ)

کلہ دود۔ مائی گزین

بلڈ پریشر

مرگی۔ لقو۔ کلہ گیرن۔ چکرین

ہند رنہ تہو۔ ہند رز یاد تہو۔

ورم

دگ۔ پوڑ چیمج دگ۔ کمر دود۔ اڈجن دگ۔ کوٹھن دگ۔ گاوٹ۔

واے یں۔

ہٹیک دود۔ ہوٹ لکن۔

آواز بگر گڑھن۔ ہٹس خراش۔

زہ بڑکنہ تری۔ زہ پھٹری۔

اُچھ بستر۔ اُچھ بدبو۔

دند دود۔ دند ٹکر۔ دند ن کیوم لکن۔

دند نیر تھڑلن۔ دند ن خون یں

دند و منڑ پاکھ نیرن۔

ماذیرن دود۔

کنگ دود۔ کتو منڑ پس نیرن۔ کتو نہ بوڑن۔ نس سیر۔ نس بند گڑھن۔

اکی نکوار شہہ گھسن۔ وٹھ پھٹری۔

اُچھن ہند دود۔ ووز جار۔ زال۔ موتیا بند۔

پیتہ پھٹری۔ کم گاش۔ دُگوش۔

شوہ ناریک دود۔ انفکشن شوہ ناريس منڑ۔ آب جمع گڑھن۔

یڈ دود۔ بد ہضمی۔ پچش۔ دڑو کہ۔ دستہ۔ مسبل۔

ژو کہ ڈاگر۔ پھکے ڈاگر۔ ایسی ڈیٹی۔

معدس منڑ گیس جمع گڑھن۔

ناف۔

اُندر مَن ورم۔ پُر اُندر م۔ آم تہ خولہ۔

مائل نہ آسُن۔ بوچھہ نہ لگن۔

قبض۔ بواسیری۔

دِلک دود۔ دل راؤن۔ دِلچ دُبرائے تیز گڑھن۔

دِل بہتھ گڑھن۔

بلڈ پریشر۔ کم یا زیاد۔

شوگر بہمارو/ موٹ انسان چھ بہمارہن ہند گڑ۔ تون چھ بُرہن

کرہنہ ماڑک دود۔ بوکھ وچن منز گڑ تہ ورم۔

تِلہ پیٹس منز گڑ۔ کابنہ۔

پیشابک دود۔ بار بار پیشاب یُن۔ قطر قطر پیشاب یُن۔

پیشاب دُبار یُن۔ پیشاب بند گڑھن۔ پیشابس ستری خُون یُن۔

پیشاب نہر تھ زلُن۔ پیشابس پٹھ کنٹرول نہ روزن۔

نچن پیشاب نہر تھ زلُن۔ پیشابس ستری سفیدی نہر ن۔

مردانہ دُاد د۔ جنسی کمزوری۔ مردانہ طاقت بڑا ونگ یلاج۔

گُرد دُاد د۔ گردن منز گڑ۔

زنانه داء دُر - ماہواری کم یا زیادہ سپدنی -

ہسٹیریا - ڈپریشن -

ایکوریہ -

خونچ کمی -

ہائٹھ زنانه -

ڈتج پستان - ڈیول بدن -

برتھس گینہ - خوبصورتی بڑاونگ نسخہ - یا ون ویری -

زیوٹھ مس - زنائن ہنزوس -

مس کرہن کرنگ نسخہ -

مس سفید گڑھن

بجھ چھ دِلک اُنہ -

مسلک داء دُر : خارش - کشن - ددر - زخم - دزن - میوند - کھر -

پھنہر - ہونج - شتلی - واچتر -

برتھ کنٹرول -

بوچھ -

تِل پیتس نار

نیںد ر

ماچہ ہنز کھون۔

عقل تہ یاداش تیز کرنگ نُسخہ۔

کیشہ موللہ تہ اہم کتھہ تہ نُسخہ۔

بُجبر۔ کینسر۔

کاشرس یلا جس منز ورتاوس پینہ واکر کیشہ اہم جز



گوڈ کتھ

مُترو ع چھس بہ کران تمس کائنات کس مائلکہ پند ناوستو یس
ایہ کس درس درس منز بستھ چھ تہ یس

رام تہ چھ تہ رحمان تہ چھ

یس نور تہ چھ تہ ناران تہ چھ

یس وند تہ چھ تہ بہار تہ چھ

یس پزوک تہ لوک امار تہ چھ

یس پنہ آسک پائے اظہار تہ چھ

بہ چھس اکھ کائثر لیکن از کل پنہ ماچہ کشیر نشہ دؤر آسنہ باوجود چھم
ماچہ کشیر ہنز ماے رگن رگن منز برتھ۔

مے چھے میڈ کائثر، خون کائثر، رگہ تہ ماز کائثر، جسمک اکھ اکھ

تان کائثر، دل کائثر زبان کائثر۔ مے ییلہ گوڈ نتھ لکھن ہیوت مے
لکھی افسانہ، شارٹ سٹوریز۔ شاعری کرم، نظمہ پچھم، غزلہ پچھم،

خونس تہ رگن منز جوش برن واکر باتھ لیکھم مگر پیلہ بہ رڑھاہ بڑوٹھ
 پوکس مے زون زیہ کام چھے واریا ہو کر مر تہ کران تہ چھ۔ مے
 لیو کھ پڑتھ گنہ موضوعس پٹھ۔ مے چھ اکھ قومی باتھ وونمت۔

وٹھو تلو بندوق جوانوتس بدختس لار کرو

یس زن سانہ آزادی زاگان تسند گر مسمار کرو

وٹھو کروٹھو پکوٹہ سپد تھرتہ ژا نگس ہوند وول

عبرتاکہ سبق پچھنا یوس پڑا ٹوٹھر سند مول

اکر لہ دوکھ چھ دیشتت تھر بدختن

پنہ تس پٹھ اعتبار کرو

1965 کس جنگس پٹھ چھم لیو کھمت۔

پیلہ لاو ذہن گیر کران تیلہ سپدان جنگ

پیلہ ماچہ پن اولاد کھران تیلہ سپدان جنگ

پیلہ ڈانہ تہ رائسہ واران ہنز انسان چھ ازان

پیلہ موتہ ملا پکھ بے وایہ نزان تیلہ سپدان جنگ

آزادی پٹھ چھم لیو کھمت:

بَلَبَلو کر شانہ پوشن شالمار آزاد گوو
 رز غولامی ہنر زہینتھ پیہ اذ وطن آزاد گوو
 1972 کس جٹکس پٹھ چھ لیو کھمت :

چنگیزی مشر ایون پیہ مشر ایون جٹکیز خان
 نو سر ساری موم کر دُون یاد ظالم یچی خان
 مے چھ اکھ لوگٹ افسانہ لیو کھمت :
 ”بے ناوشہر“

تتھ شہر س منز اوسنہ کائسی ناو
 کائہہ پیلہ کائہہ پز ژہان اوس ہے کس سہ چھک ؟
 جواب اوسس یوان بیہ -
 جواب دینہ دول اوسس پز ژہان ژ کس سہ چھکھ ؟
 واپس اوسس جواب میلان -
 ”بیہ تہ چھس بیہ“
 واریا ہن اوس پز ژہان - جواب اوسس یوان -

بیہ - بیہ - بیہ - بیہ

مے سوچ زینیلہ اُس ساری بہ چھ تیلہ کیا زتضاد۔
 سار نے ہند بہ چھ اُکے۔ صرف شکلہ بدلاؤتھ۔
 کز ہن تہ چھ بہ۔ سفیدتہ چھس بہ۔ امیرتہ بہ۔ غریبتہ بہ۔
 اورتہ بہ۔ بہارتہ بہ۔
 نعت، مزاحیہ شاعری تہ پروڈی تہ جھم چھمڑ۔
 کیشہ نمونہ چھ پیش:

درویشا ووتھ داما چھتھ
 سز وگہ کھوتہ سز وگ گوو آدم رتھ
 چرسی از کل گئیہ درویش
 مذہب گوو بس تھاؤن ریش
 پزور باز از کل گئیہ پاگل
 ہند و نید کھوتہ میٹھ کائثر ال
 اکھ مشہور کائثر بات چھ۔ ”پنہ سہ چشمن سرھ کرکھ.....“
 از لے اوسے نور پڑیڈان کائثرس قومس مگر
 از لگان ٹن واد پوڈر بٹھ تمن ووذلاؤس

از کران ماتم چھے پڑی پاٹھی کاشتر بن کاشتری زبان
تم انان انگریزی ٹیچر کاشتر زبان ہنچھناؤس

چھے برتھ مندور لیکن دل تے چھے کوتاہ غریب
چھکھ سمندر چھے نہ طاقت تریشہ داما چاؤس
اکھ نظم چھم وؤنمت:

بڈ کھوتہ بوڈ نادان سہ انسان یس فانان نادان بیین
تسریوت گڑھ انسان وئن یس انسان ونہ انسان بیین

دل وائلس گڑھ بوڈ دل آسن نتہ اوس نامسرورس دل
دلبر گوڑھ امہ قسمک آسن دل کرہے قوربان بیین

مے چھ اُکس روسی افسانہ نگار تہ ناول نگار میسکم گورکی سُنڈ اکھ
افسانہ ”انسان سُنڈ تھنہ پیون“ کاشتر ترجمہ کو رمت۔ روسی بچن ہند
خاطر روسی لکھ کتھ لکھنہ آمہ کاشتر ترجمہ کرتھ چھ مے کاشترس ادبس

منز اکھ موللہ خزانک اضافہ کو رمت۔

گوڈننگ کاشٹر اخباریُس آزادی پتہ کشمیر منز شائع سپد تمیگ
ایڈیٹر آسنگ شرف چھ مے حاصل۔ مرحوم دینا ناتھ نادم، حاجی
صائب، جناب ٹینگ صائب، مرحوم موتی لال ساقی صائب، موتی لال
کیمو صائب تہ پیہ واریاہ نامور شخصیتون ستر و تھ بیٹھ کرنگ شرف چھ
مے حاصل۔

بہ رؤس تقریباً ژون وری یں کشمیر ٹریڈرس اینڈ مینوفیکچررز فیڈریشن
ہند جنرل سیکریٹری یوسہ تمہ وقتہ کشمیر منز ساریوے کھوتہ بڈتہ سرگرم
تجارتی انجمن اُس۔ مرحوم دینا ناتھ مدن (پرنسپل گاندھی میموریل
کالج) تہ مرحوم عبدالسلام پارمو صائبن چھس بہ شکر گزار بیو مے
رہبری کر۔

تجارت تہ تاجرن ۱۹۸۰ء یس منز اُکس مذہبی جلوسس پٹھ
لاٹھی پارچ کرنس خلاف گوڈننگ کشمیر بند تیک کشمیر منز انقلاب اون
تہ سوئچ بدلوو، آمیبانی اپیلہ پٹھ باعمل۔ ساریوے کشمیر منز گو وکھنہ
بل پٹھ کھا دن یار، اوڑی، سوپور، کوپہ وور، ورمیل تہ ساریوے ضلہ

صدر مقامں، گامن کہو شہر ن منز مکمل ہر تال تہ احتجاج۔ ۳۴ ایسوسی
ایشن تہ مختلف تجارتی انجمن سپر اتھ منز شامل۔

لیکن یوتاہ کرنہ باوجود سپر نہ مے تسلی۔ مے دوپ زبہ کر
کاشرس ادبس منز کیشہ الگ تہ بدؤن کام یس اتھ تہ امہ کس
سرمایس منز اضافہ کر۔ شاعری، افسانہ نگاری، ڈرامہ نویسی بیتر چھ
وار یہو کرتھ تر او مہ۔ تمن گونما تن بز وٹھہ کنہ میون لکھن چھ آفتابس
ژونگ ہاؤس برابر۔ کیاہ احد زرگر، شمس فقیر، رسول میر، مہجور صاب،
نادم صاب، کرشنہ جوراودان ہی گونما تھ ووتھہ ناپیہ۔

کیاہ پزکاش رام گرگامی سٹڈ کاشر راماین یا مانہ جو عطار سٹڈ ہیو
کرشنہ اوتار ہیکینا کاٹھہ وٹھہ۔ ساروے کرے کوشش۔ لیکن کتہ
گڑھنگھ خیال مرکوز۔ سمے کتہ چھکھ۔ زمانس آوانقلاب، فراغت
نیکھ رٹھہ، وقت زھوٹو، کام زہٹھیہ، سوچن لوگ بدل ڈاریشن،
ٹیلی ویجن تہ الیکٹرانک میڈیا ہن بدلو زمانہ۔ امی باسیو مے زبہ کر
کیشہ نوو۔

مے دیٹ اکر دوستن مشور ز کاشرس ادبس منز چھ ہندو

میتھالوجی کا شر اونچ ضرورت تھ۔ اوے لچھ مے ”بخشن ہارتہ سورگک
 وتہ بد“۔ اتھ سو مبر نہ منز چھ مے مالکہ ہند بجر کو تمہ کتھ مے شامل
 کر مڑ بیمہ کا شر بن گرن منز سینہ بہ سینہ بڑ وٹھ آسہ پکان۔ میاؤ بڈ
 بن آسہ بیمہ کتھ میاؤ نس مالس بوز نا و مڑ تہ میاؤ مالک بوز نا و تمہ مے
 تہ مے کر قلمبند۔

کشیپر منز آسہ از بڑ وٹھہ ۵۰ روری بجلی یا الیکٹرانک میڈیا اوسہ
 یوتاہ زورن منز۔ اوے اوس تمن دوہن گریگ بزرگ شام سپدہ
 پتہ پننس عیالس بڑ وٹھہ کنہ بہنا و تھ تمہ دھرمہ کتھہ یا لگہ کتھہ
 بوز ناوان بیمہ تمو پننن بزرگن نشہ بوز مڑ آسہ۔ مے سوچو ز بہ کر
 کاشرس ادبس منز دویمین زبانن منز لکھنہ امت شاہکار ترجمہ۔
 لیکن نہ چھم تیوت علم تہ نہ تہر تعلیم۔ با و تھ گڑھ تڑھ آسنی یوسہ عام
 لگن فکر تر۔ امہ خاطر چھ لکھن والبن ہنا یون و سن یا پرن والبن ہنا
 ہیور کھسن۔ از یوس بہ یہ کوشش چھس کران اتھ چھ مے ناو
 تھومت دیسی دواتہ دیسی علاج۔ اتھ چھ وجہ ز میانہ ستھ پیر چھ
 اتھ کارس تہ اتھ یلا جس ستی وابستہ روز مڑ۔

اُسرِ میتھ تہ مذہب ستر وابتہ چھ تجھ کتابہ یا فلسفہ چھ وُنہ
 عربی، فارسی، ہندی یا سنسکرت زبانی تاپے محدود۔ کاشتر زبانی منز کر
 واتہ یہ علم یا فلسفہ تہ چھنہ معلوم۔ بہر حال وُن کبن چھ بیئن زبائن
 منز لکھنہ آمت یا ونہ آمت ادب، فلسفہ یا سائنس کاشتر وُن سبٹھاہ
 ضروری۔ سائنسی ترقی چھنہ ازتھ عروجس وَاژمہز ز اتھ منز چھنہ سون
 وجودے گنہ۔ کائناتس چھ پڑتھ اند ویو ریو ان ٹلنہ۔ پڑتھ کانہہ
 پرد چھ یو ان ژٹنہ لیکن سوچنہ لایق کتھ چھنہ ز کاشتر زبان چھا اتھ
 قابل زسہ و ہراوامہ نو انقلاب گرمی۔ ازچھنہ گڑھان سانہ نو پپہ کاشتر
 پرنس لکھنس شرم۔ بہ چھس نو جوان لکھن والبن وُن یڑھان ز تم
 گرن بیئن زبائن منز ونہ آمت یا لکھنہ آمت شاہکار کاشتر و تھ پینہ
 مادری زبانی ہنز بڈ خدمت۔ ڈاکٹری یا قانونی کتابہ کاشتر و تھ گرن تم
 آئند پینہ والبن نسلن فیضیاب تہ پانہ تہ سپد ز زند جاوید۔

آئی ٹی ٹیکنالوجی گر ہیکہ کاشتر زانتھ یا سمجھتھ یا ورتاوتھ۔ امہ
 خاطر چھ امی نصف و انس انگریزی زبان پرنس لکھنس تہ سمجھنس منز
 ضایہ کرنی۔ کیاہ کاشتر زبان ہیکیاہ پینہ طور تمن موللبن خزان ٹھانہ

تِلتھ یو تام انگریزی زبان واتان چھے یا وائز چھے۔ کم کم فلسفہ دان
 چھ از تام پاؤ گمتری یو روحانیت و نتھ سماجی انقلاب اول۔ اکر ان
 پڑھ گزسی اڑکن اؤن صرف زبانی ہندس بل بوتس پٹھ سہ انقلاب
 یسنہ پتر مسودہ و پندہ و رک یو پٹھ تھانے چھ۔

اگر اسی تنگ نظریہ تہ تعصب تر اوتھ کاشتر زبانی خدمت چھ
 یو تھان کرنی اسہ پز سارنے مذہبی کتابن تہ فلسفن کاشترس منز ترجمہ
 کرن۔ تھ سانی نظر وسیع گزھ تہ تہ سانی وڈو گزھ لامحدود۔



میانی زان

ہتھ پٹھر انگریزی دوا کین وائلس کمسٹ چھ ونان تھتھے پٹھر
چھ دیسی دوا یا جڑی بوٹیں ہند تجارت تہ ورتاؤن وائلس عطار ونان۔
عطار گو و عطر کین وول تہ ساجس منز خوشبو پھلاؤن وول تہ امی ہے
عطار ہند بن شان پٹھ اس حکمت درتھ۔ حکیم اوس صرف کتابی علم
زانان تہ نسخہ لکھان تہ تمہ پتہ اوس تھتھ علی صورت دوان عطار۔ سہ
اوس زانان زکوس جڑی بوٹی کیمہ شکلہ چھ۔ کتہ چھ پاد سپدان،
کتھ داس چھ دواتہ کس دؤیم ہیکہ امیک متبادل استھ۔ شودھ دوا
حاصل کرن، ورتاؤن تہ فور تھاؤن اس امی ہے عطار ہنز ذمہ
داری۔ از چھ کشیر منز کارنجا بدست گلکار کرنہ یوان۔ تم چھنہ
ہرکان برگ سناء تہ برگ حناء، چوب چینی تہ ریوند چینی، رس اشدا یا
سلاجیت، برگ نیم یا برگ لیوم فرق کرتھ۔ ہمار کتہ ہیکہ بلتھ۔
عطار اوس پیر در پیر یہ سارے زان بز وٹھہ پکناوان تہ اتھ بلبوتس
پٹھ رو دیہ ناسازگار حالاتن منز یہ کشیر منزے۔ امی شرؤ پڑووتہ

وپیڑ ووپن وجود پئے وٹس منز۔ کشیر چھے گوڈ پٹھے روحانی بزرگن
ہنز علی تجربہ گاہ اُس منز تہ یس تہ اتھ سفر س منز شامل اوس یڑھان
سپن تمس اُس گوڈ نیچ نظر کشیر پٹھ پوان۔

روحانیت چھے اکھ سوچ، اکھ نظریہ، اکھ عبادت، اکھ طاقت
یس پڑتھ کاٹھہ حاصل کرنہ خاطر کشیر یں اوس یڑھان۔ کشیر چھ
واریہن حملہ آورن ہند قہر تہ برداشت کرن پیو مت تکیا ز تم اُسی
پن نظریہ لکن منز پھلاؤن تہ کشیر ہنز خوبصورتی ہند ویورٹن
یڑھان۔ ریشویت اُسی نہ تم سمجھان تہ اوے اُسی تم زور زبردستی یا
طاقت ستر پن نظریہ بز وٹھہ پکناوان۔ کاثری بٹیم اتھ ئوس نظریہ
ہس ستر اتفاق یا مطمئن اُسی نہ تم اُسی کشیر منز ٹنس مجبور گڑھان تہ
ملکہ کین بین بین جاین ہجرت کران۔

پٹھان راجس منز سپن دول ظلم تہ جبر بنیو کشیر منز بٹہ ژلنگ
اکھ خاص وجہ تہ اتھ دوران یم نہ ژلتھ ہیگی تمو کو رپن یزت تہ
اوز کہ بچاونہ خاطر پیٹہ کین اکثریت والین لوکن ہندی پاٹھو ووتھہ
بیٹھ، پلو پوشاک تہ رکھ اختیار یس تمہ وز مروج اوس۔ کسلیہ، پھرن
کھوڑ چنہ، پوڑ، روپیہ زیورات سپد یمن نہ ژلن والین کھن بٹہ

گزن منز رائج ییمہ کنزیم ژلے متین بٹن بز ونبہ کنہ گوڈ باہرے
(Outsider) تہ پتہ بہورے ناوستی زانہ آہ۔ یم کاہ گر گئے اکر
ہے جلیہ روزنس مجبور تہ اتھ جلیہ پیو وناو بہور کدل۔

امہ پتہ ییلہ ژلے متی بٹہ واپس آہ تمو کرک نہ پتہ روڈو متی تم
کہہ بٹہ گر پانس متی شامل تہ نہ کو رکھ یمن متی روٹی بیٹی ہند رشتہ۔
یم کہہ گر پیپہ الگ تھلگ تہ تہنز اقتصاد دی حالت روڈ پتہ کھور۔
یمو کو رپٹن اوزقہ حاصل کرنہ خاطر لوگٹ موگٹ تجارت اختیار۔
اتھ برعکس ییلہ ژلے متی بٹہ واپس آہ تمو اس علم تہ تعلیم حاصل کر تھ
پنہ خاطر اکھ بہتر مقام حاصل کو رمت ییمہ کنزیم جان جان سرکار
عہدن پٹھ تعینات سپر۔ اتھ برعکس پتہ روڈو متی بٹہ گر روڈو
پسماند تہ واریاہن گتھن منز پتہ۔ از ییلہ کریر کو نینہ مونڈ کھ تہ گھلہ
سمندر س منز دزایہ، پڑتھ کاٹہ کو رپٹن مقام حاصل۔ بہورا
برادری ہندی بچہ دزایہ تعلیمی، تجارتی تہ اقتصاد دی معاملن منز شانہ بہ
شانہ دؤ یمن برادری ہند بن بچن متی۔

بہورا برادری منز چھ واریاہ گونما تھ وٹھو متی یمن اگر دیسی
ادویاتن ہند لقمان تہ وٹو غلط آسنہ کینہہ۔ حکیم سونہ جو، حکیم مانہ جو،

حکیم مادھو جُو، حکیم ست رام، حکیم دینہ جُو، حکیم شرندر جُو، حکیم دامور
شاہ آبادی۔ یمن اُسی حکیم مشور ہو ان۔ یَمُو آسہ نہ مندورے یاثر بناو
مڑ بلکہ اُسی غریبن غرباتن مُفت یلا ج تہ دوا دوان۔

کشیہ منزیم نامور حکیم چھ اُسی متری تمّن منز چھ امہ حکیم، کاشہ
حکیم، حکیم قدرت اللہ، مامہ حکیم، حکیم غلام رسول، حکیم شامہ بھٹ،
حکیم محمد شفیع دانا مزار وغار۔ یَمُو ساروے چھ کاشربن ناویئر لالین
خدمت کر مڑ تہ زھونگہ تلمو ستری پہنر بہمار ٹھیک کر مڑ۔

وید چھ ونان ز معبودس تام واتچہ چھے ژوروتہ اکھ گو وگیان۔
گیان گو و علم یس حاصل کرنہ خاطر اسہ تنگ دایر منز پیرتھ کھلہ
آسمان ہند سیر پز کرن۔ عقل تیز کرنہ خاطر چھ گیان ضروری۔
گیان حاصل کر تھ تھ پٹھ عمل کرنی گو و دھیان یعنی ژبھ دیں۔
گیان حاصل کر تھ یس تہ فلسفہ سون دل تہ دماغ مُشکس کر۔ تھ
پٹھ عمل کرنی چھ واتاوان منز لس۔

کرم گو و یہ کینڑہاہ عمل اُسی اتھو، کھور و، نریو، زنگو، یا جسمیکہ گنہ
تہ تانہ ستری کرویتھ منز دل تہ دماغ تہ شامل چھ، واتاوان اسہ
منز لس۔ اُسی ہمکو نہ کرم کرنہ بغار اُکس ژہس تہ روژتھ۔ اوے

چھ رُت سوچن، رُت ورتاؤن اہم تہ لازم۔ امہ خاطر چھ رُت
 ایاس یعنی رُت عادت پانناؤن ضروری۔ ایاس (عادت) چھ ٹٹھس
 زہرس تہ مدرپر کر پاٹھر کھوان۔ دھیان گو وپننس دس منز مائلکہ
 ستر کاٹھہ صورت، کاٹھہ تہ وصف، کاٹھہ تہ طاقت یا بجر پانناؤن تہ
 تھ منز لے سپدی۔ بھکتی گو ولولک انتہا۔ پڑتھ کاٹھہ وجود خدایہ
 سُنڈے تہ اظہار زائن تہ تکر ستر خدمت خدا زانتھ کرن۔ خدمتس
 چھ اکھ سہ معاوضہ یمیک رد عمل نو رچھ۔ نور چھ انہ گٹس منز گاش
 ہاوان تہ وتہ ہاؤک بٹھ اذیچ انہ گٹہ کاسان۔ انسان چھ اکھ سہ ابدی
 خزانہ لبان یس ابدی تہ چھ تہ ازلی تہ، اول تہ چھ آخر تہ چھ۔

عیسائیت چھ ونان ز انسان ستر خدمت چھ ساروے کھوتہ بڈ
 عبادت۔ یہ گرنس چھ واریہ وتہ۔ کاٹھہ تہ قدم یس اسہ امہ جذبہ
 ستر تولو یا تولنگ ستر کرو یمہ ستر انسان فیض واتہ چھ اکھ
 عبادت۔ سانی کرم، سون سوچ چھ سون مستقبل بناوان۔ اسی یوس
 عمل از کرو یمیک رد عمل چھ گراسعی تہ گرابڑ وٹھ کن نیران۔ یہ چھ
 قانون قدرت۔

مسرور

بہمار آسن کتیاہ گوو

بہمار چھ آسان دویہ قسمک۔ اکھ جسمانی بہمار، دویم ذہنی بہمار
 تیس آکڑتہ نیند راسہ نال وولمت
 یس کھتھ چتھ تہ آسہ نپتہ سوت
 تیس بہہ مؤند آسہ ژامڑ
 یس پانہ کام کرنہ بجایہ بین آسہ محتاج
 یس کتھ زیادہ عمل کم آسہ کران
 یس بد مزاج آسہ
 یس پنڈر کتھ مازاونہ خاطر ہلکاری ہونس ہیو اگا دگرہ
 تیس خود غرضی ہنڑ رگہ آسن دوان۔
 یس صرف اکھ تہ پنڈر آسہ کران۔
 یس صرف مائلس ماچہ ہنڈ ناوتہ دولت خرچاؤس آسہ تیار

یُس پَننِ عابن وُرَن تہ پردِ تھاوَنہِ خاطرِ بیہ سُنَد عاب وِکھناو۔
 یُس مائلکہ سُنَدِس دُریا تِس پَننہ مفادِ خاطرِ قوربان کر۔
 یُس مار کھبتہ تہ سوے کَام کر یوس نہ کرنہ خاطرِ تُم مار کھیو۔
 تیس کھوَرَن پھڑاٹہ تہ وُٹھ پھٹمتی آسن۔
 یس بدنس بدبوے تہ رمال مگر آسہ۔
 تہ تھس شکس لَدِس خاَر کُرَن گو وِخدا یس ستری وار کُرَن
 یُتھ شخص روزِ دوہے ذہنی بہمار
 تکیا ز اُمس چھ وُڑی وُڑی تہ کُڑی بٹہ گڑھان
 یہ چھنہ سمجھان نہ چھ سچھن یٹھان۔



صحت مند گس چھ

سہ انسان چھ صحت مند تیسس اسون موکھ، پھولون ڈبکھ، کمر سیود،
 شریر مضبوط، دند صاف، بوچھہ تیز، ہضمت ٹھیک، قدرت کبن وسین
 ویور تیلہ۔ تھکاوٹ بغار کام کرچ تڑپ آسبس۔ تیسس زم نرم، وٹھ
 ووزلی، کھور پھڑاٹو وراے، مس کرہن، سپنہ کھول کمر تون، عاس
 بدبوے وراے، عارق بدبوے وراے۔ نم گلاب۔ تیسس کنہ پلن پٹھ
 تہ میٹھ نیندر پیپہ۔ مقرر کرک متس و قس پٹھ دوہ دیشہ یڈ آسہ صاف
 کران۔ لہ علاو تیسس اراد مضبوط، کتھ منزچھر۔ دویمین خوش پینہ وول
 تہ دویمین خوش تھاون وول کاٹھہ تہ کام ولہ جانہ ستر تہ خوش اسلوبی
 سان انجام لہ۔ تیسس وچ قدر آسہ۔

مقرر کرنہ آمڑ پڑلہ کتھہ تہ اصول نو انداز انجام دینہ وول گو وگونما تھہ۔
 گونما تھہ ستر کتھ چھ انسان سندر لیس کبو دہما غس اثر تر اوان۔
 موخر یہ ز صحت مند انسان چھنہ کاٹھہ تہ کام کرنس ولہ کران۔ بلکہ آسان
 تہ گندان آلر بغار عقل استعمال کر تھ سخت کبو سخت کام انجام دوان۔
 صحیح و قس پٹھ صحیح کام کرن وول چھ عقلمند کبو صحت مند۔

انسانی ڈھانچہ نیرم تہ اندریم

یُس اُوجن ہند کرئز گردنہ پٹھ ریکہ اُڈر چہ تام چھ تھہ چھ
وانان تھر کوئڈ (Spinal Chord) - یہ تھر کوئڈ چھ اُکس ماز
مؤنڈس انسانی صورت دوان تہ کھڑا تھاوان۔

قدرتن چھ اتھ تھر کُنڈس ستری پنہ کارگری ستری مختلف انگ جوڑی
متر، وپر اُور متر تہ شز وپر اُور متر۔ گویا تھہ پاٹھک اکھ کزال بانہ چھ
تھران تہ اتھ میڑ مختلف صوڑ ژچھ دوان تھہ پاٹھک چھ اتھ تھر کُنڈس
پٹھ نہر کن نر، زنگہ بیتر تہ اندر کن باقی باقی اندریم تان فٹ کرے متر۔



انسانی جسمس منز اندراژنچہ وتہ

یمن و تن ہند تعداد چھ نو۔ 9

عاس

نکمہ وارڈ

نس

ز اچھ

ز گن

مسلہ

زل جاے

تہ مل جاے

گنہ تہ بہمار ہندی جراثیم چھ بیمہ وے وتو کنی انسانی جسمس اندر
اژنچ کوشش کران۔

سانہ جسمک را چھ در جراثیم چھ گراہ یمن نیپری کنی ژلہ راوان تہ گرا

چھ یم سائنس رآچھ در جراثیمس کمزور گرتھ اندر اژنس کامیاب
 سپدان۔ یم ووپر جراثیم اندر اژنہ ستی چھ اسی بہار سپدان۔ یمہ تہ
 داد کو جراثیم اندر اژن تے قسمک دودہ چھ ووتلان۔ نزل، ژاس،
 شائش، نمونیا وغار چھ یمہ ووپر جراثیم ہنز مہربانی۔

ناصراف آب چھ دژوکھ، دستہ، مسیل، یو ڈودو، کابٹے وغار دادین
 ہند باعث بنان۔ کتھ دآس کس تان چھ ملوس سپدان تھہ کروڑ وٹھ
 گن ووکھنے۔

دآس چھ دوا کرن ضروری لیکن کس دوا کتھہ پاٹھہ چھ
 استعمال کرن تہ زانن چھ ضروری۔

کائرس یلا جس منز یم طور طریقہ استعمال کرنہ خاطر ورتاوس
 چھ تمن منز چھ:

شربت بناوتھ گو و آبس منز گز بکہ ناوتھ

شیر بناوتھ

عارق کڈتھ یا قہو بناوتھ

غرغر گرتھ

سوئف بناؤتھ یعنی باریک پوڈر بناؤتھ صافہ چھانتھ

مور بہ بناؤتھ

خمبیر بناؤتھ

گشتہ بناؤتھ

جلا بہ دتھ

ٹکور کر تھ

مہلا م لا گتھ

گرم آبہ کھور چھلتھ

آب شوئے کر تھ

لوسہ آب شیر تھ

ماء لش کر تھ

ٹکور کر تھ

موٹھ دتھ

لتہ مونڈ کر تھ

مشک دتھ۔

اطر یفل بہہ دتھ۔

انگریزی یلاج تہ دیسی یلاج

کشیپر منز انگریزی یلاج یعنی الوپیٹھک یلاج مروج گامتس گئیہ نہ
وہ نہ ہتھ وری تہ پور مگر امہ بڑوٹھ یس یلاج مروج اوس سہ اوس
دیسی یلاج (آیور وید یا یونانی) یلاج یس صرف اندر پکڑی بوٹیو
تہ اسہ اندر پکڑی گاسہ کچھو یا کلبو کٹو ستر کرنہ اوس یوان۔ امہ علاو اس
واریاہ تھک چیز یمن منز مصالحہ، ہاکہ سبزیہ، میو وغار استعمال کرنہ ستر
سانن دادن یلاج چھ سپدان۔

اس یس تہ کھن ازل کل کھوان چھ تھ منز چھ تم ساری چیز سانو
عقل بزرگوشائل تھاؤ متری بیم سانہ نشونما خاطر اہم تہ ضروری چھ۔
مرٹ وانکن کوتاہ ٹیوٹھ چھ یہ ونچ چھنہ ضرورت لیکن اتھ منز چھ
کینسر ٹھیک کرنچ صلاحیت۔ آنچارک ناوہنہ ستر چھ اسس آب
یوان مگر غذا شتر وپراونس منز چھ مدد کران۔ یس نہ یوچھ اسہ تمس
چھ مال پھیرناوان، لپڈر چھ سانن اڈھن طاقت دہ وول مصالحہ،
رونک چھ دلہ کس داؤس دوا، کونگ چھ مردن ہنز مردانگی طاقت

بخشان، سبز تر کار چھئے اچھن ہند گاش بڈ راوان تہ برقرار تھاوان۔
ہند چھئے بوکہ وچن ہنز کار کردگی ٹھیک کران۔ موچھ بطور دوا اکھ
نعت۔ اکھ ژوٹھ دودھ ویش کھنہ ستر پیپہ نہ ڈاکٹرس گڑھنچ ضرورت۔
یتھے پاٹھر چھئے باتے سبزیہ یا باتے مو یا مصالحہ مختلف دادن دوا۔
دآن، امب، کیلہ، ہند و بند، خر بڑ، لیوم وغار سائی چھ پنہ پنہ
جایہ اہم تہ لازم۔ یمن سارنہ چیزن ہند تاثیر چھ سانہ بزرگو
مند تھ تھوٹ۔

کاشٹر یلاج چھ کولہ کٹو یا جڈی بوٹیو ستر کرنہ یوان۔ تہ اتھ منز
چھ اسر کھلک پن، کھلک دہل، کھلک پوش، کھلک مول، کھلک بیٹلو، کھلک
رس یا کھنہ ستر یمن سارنہ کھلن ہند انک یکوہ استعمال کران تہ
مختلف بہارن تدورک کران۔ اتھ یلاجس چھنہ کانہہ سائیڈ ایفلٹ
یس نوقصان و اتناو تہ اتھ برعکس چھ انگریزی یلاج اکھ دود بکراوان
تہ بیا کھ دود و وتلاوان۔ انگریزی یلاجس منز دہن کمیکل تاثیر آسہ
کنر چھ تمس فاید کم تہ نوقصان زیاد۔ کیشہ جڈی بوٹی چھ اسہ مادانی
علاقن منز دسریاب سپدان، کیشہ وٹن تہ ویرائن منز تہ کیشہ دریاو

بٹھن، تھد بن کوہن تہ کینہہ کوہسارن منز حاصل سپدان۔ کینہہ دوا
چھ گرم علاقن منز تہ کینہہ سرد علاقن منز حاصل سپدان۔

کینہہ چھ تاپس منز ہو کھناوتھ پُن تاثير دوان تہ کینہہ چھ شہلس
منز ہو کھناو فی ضروری۔ اگر نہ تہ کرو تیلہ چھ تہند تاثير ایل سپدان۔

حکمت اُس سینہ بہ سینہ اکہ پیر پٹھ دو پکس پیر تام واتان۔
یتھہ پاٹھکی اوس اتھ واریا بن پیر بن ہند تجربہ حاصل سپدان۔ نچو
اوس مائس نش ہنچھان تہ مول اوس بڈی بس نش۔ امہ ستر اوس
اتھ واریا بن پیر بن ہند تجربہ تہ ورتاوشا مل۔

بیمہ جدی بوٹی اُس بطور دوا استعمال چھ کران تم چھ مزاز مطابق
الگ الگ تاثير تھاوان۔ کانہہ چھ گرم مزاز وائس فایڈ کران تہ کانہہ
سرد مزاز وائس۔ یتھہ پاٹھکی انسان سُنڈ مزاز چھ بیون بیون۔ دواہ
جدی بوٹی تہ چھ الگ الگ مزازک۔ کانہہ چھ گرم، کانہہ سرد، کانہہ
بادی، کانہہ ٹیوٹھ، کانہہ مؤدر، کانہہ ژوک، کانہہ زہریلہ، کانہہ نشہ
آور، کانہہ سستی اثر کران تہ کانہہ واریاہ کالک۔ کانہہ دوا یا جدی بوٹی
چھ استعمال کرنس سستی فایڈ کران تہ کانہہ چھ واریاہ کال گرہتھ

(یعنی پڑون گڑھتھ) فائید مند مثلاً پڑون گبو، پڑون گوریٹھ جاپہ لگہ
تھ جاپہ لگہ نہ تاز۔

کاٹھہ دواچھ خالی میا دس یا کینہہ کھتھ چیتھ استعمال آسان کرن۔
کاٹھہ سکلے، کاٹھہ شونگن وِز، کاٹھہ دودس ستر، کاٹھہ آبس
ستر۔ بہر حال ا کس حکیمس گڑھپہ نظر تل آسن ضروری۔



انفکشن تہ انفکشنس ستر پینہ واجنہ تبدیلیہ

انفکشن کتھہ پاٹھہر چھ سپدان:

انفکشن چھ مختلف طریقو ستر ا کس انسانس پٹھ دویہ مس انسانس
تران۔

۱۔ اتھواس کرنہ ستر۔

۲۔ نالہ موت کرنہ ستر۔

۳۔ پوند یا زاسہ ستر۔

۴۔ گند باتھر روم استعمال کرنہ ستر۔

۵۔ اکھ ا کر سندر پلو لاگنہ ستر۔

۶۔ مہو ٹوپو ستر یا کیمو کر پلو یا مچھو ستر۔

۷۔ پیشاب یا تھو کہ ستر۔

۸۔ عارقہ ستر۔

۹۔ خونہ سرنج نا صاف آسنہ ستر۔

۱۰۔ لاگ دار بہمارن ہند و تھنہ بہنہ ستر۔

انفکشن ستر چھنہ یمہ تبدیلیہ یوان:

۱۔ بار بار اتھن کھورن عارق پھٹان۔

۲۔ کام گرہ ستر یا کام نہ کرنے تھکاوٹ سپدان۔

۳۔ لگاتار دستہ یا مسیل۔

۴۔ اُس خوشک گڑھان یا اُس بستہ گھسان۔

۵۔ لگاتار خوشک ژاس۔

۶۔ گینہ تہ جسمہ کس حص دگ۔

۷۔ تناو۔

۸۔ ہند رنہ تڑ۔



تشخیص مرض

ایلو پیتھی یلا جس منز چھ مختلف قسمک ٹیسٹ کرنہ پتہ کنہ بہمار ہند
 تشخیص یوان شبقہ کرنہ لیکن دیسی یلا جس منز چھے مختلف علامتہ وستر
 تہ مختلف ترکیبوستر بہمار ہند پتہ چلان۔ گوڈنٹھے چھ حکیم بہمار سندن
 بُتھ وچھتھ تہ بیرونی حالت (General Condition)
 وچھان۔ بُتھ چھ دِلک عانہ۔ حکیم چھ پنہ تجربہ ستی بہمارس بُتھس
 نظر کرتھ بہمارس ستر کتھ باتھ کرتھ مرض ژینان۔ حکیم عمہ صاب
 (عمہ حکیم) اوس ہتس بہمارس منز کائسہ اُکس بہمارس بڑوٹھے
 بلاوان تہ یلاج کران۔ تکیاز اُمس اوس بُتھ پٹھے تشخیص مرض
 سپدان۔ ٹی بی یعنی سلہ بہمارس چھ بُتھس تیل ہیو پڑیڈان پیہ چھے
 یہ لاگ دار بہمارک میہمہ کنہ یہ گوڈنٹھے فارغ کرتھ دؤیمین بہمارن
 نش دؤریہ تھاونہ۔

دؤیم گوونبض۔ نبض چھ دِلک دودتہ دِچ حالت بیان کران۔

کائسہ چھ نبض تیز، کائسہ سوت، کائسہ چھ نبض منز زبہ پھٹان،
 کائسہ بہمارس چھ زبہ آسان سفید، کائسہ ووزج، کائسہ چھ آسان
 زبہ چکاٹ آسان گمتر۔ زبہ ہنز حالت چھ الگ الگ دادہن ہنز
 علامت ظاہر کران۔

نم:- حکیم چھ اتھ کسب نمں چہر تھ خوئچ کمی یا زیادتی زانتھ ہرکان۔
 اچھ:- اچھ ہند اندر رنگ، ووزجار، اچھن پھوکھ، اچھن لگ کھسہن۔
 یڈ ہند معاینہ:- نرم یڈ، سخت یڈ، یڈ دگ آسہ وغار چھ الگ الگ
 بہمارن ہنز زینہ وان ووان۔

بہمارس پزٹھہ گار کر تھ چھ حکیم مرض سمجھتھ ہرکان۔ سہ چھ بہمارس
 پزٹھان قبض ماچھ، نہر ماچھکھ بار بار نیران، پیشابس ماچھکھ بار
 بار کران، پیشابس ستر ماچھ سفیدی نیران، پیشاب کرنہ ستر ماچھ
 تر ووتھان۔ تھہ پاٹھو نندر مطلق پزٹھہ گار تہ بہمارس ستر
 رشتہ (Personal Relation) قائم کر تھ چھ یہ مختلف دادہن ہنز
 زانکاری حاصل کران۔

بہمارا گر شہہ گزھہ یلاج کرن گزھہ سہل۔

سون او تڊ پوک تہ سون خوراک

اکھ صاف شفاف او تڊ پوک چھ صحتیابی ہند ضامن تہ اکھ
گندہ او تڊ پوک چھ بہار بن سال کران۔ پنہ گرچ گندگی پیہ سڊس
گرس بڑ وٹہہ کنہ تر او تھ چھنہ اُس تہ محفوظ روزان بلکہ سہ ہمسایہ تہ
ہیکہ پتہ گندگی سانس گرس بڑ وٹھہ کنہ تر او تھ۔

گندگی چھ مہن، مچھن، کیمبن، کرلین ہنر پناہ گاہ لہذا چھ اسہ
سارنہ پٹھ لازم ز اُس تھا و گندگی پنہ کوچہ، پنہ سڑک، پنہ محلہ نش
گویا پنہ شہر یا پنہ گامہ نش دور۔

گندگی ہند گرا شیم چھ ہوا کہ ذریعہ سانبھن گرن تام واتان تا
کہ سانس جسمس تام واتان تہ بہارن ہند باعث بنان۔

سانہ ووتھنگ بہنگ طریقہ، سانہ رتنگ یا پاکوٹک طریقہ بلکہ
سونچنگ سمجھنگ طریقہ تہ چھ سون جسم بہارو نش رچھنس یا بہار
سپد نس منز مدگار سپدان۔

سون جسم چھ ماچہ ہنڈر یڈ منزے پرتھن تہ پھانپھلن ہوان۔
 ماچہ اگر صحیح خوراک تہ صاف صفائی ہنڈ خیال تھا ونہ تکر سنز پنہ واچنر
 نسل آسہ نہ صحت مند، خوبصورت تہ بہار یو بغار۔ اگر اُکس ماچہ بچہ
 یڈ منز آئس دوران دود بچ کمی گڑھ تکر سُنڈ پنہ ول بچہ آسہ اُڈو
 کمزور۔ سون خوراک چھ مختلف معدنیات، وٹامن، منرلز،
 کاربوہائیڈریٹ، آئرن، فاسفورس بیتریک مجہ یمن منز گنہ تہ چیز بچ
 کمی چھ سائنس جسمس منز کانہہ نتہ کانہہ کمی تھاوان۔

ماچہ ہنڈ دودھ چھ اکھ مکمل غذا تہ یہ نہ چھ صرف اُکس بچہ
 ہنڈ خاطر صرف خوراک تہ نشوونما بلکہ بہار یو نش دُور تھا ونہ خاطر تہ
 مقابلہ کرنے خاطر اکھ طاقت تہ اکھ حفاظت۔ ماچہ ہنڈ دود علاو چھ
 مختلف جانورن ہنڈ دود تہ یتھ منز سارے سرس گاؤ ہنڈ دود چھ
 یس تقریباً ماچہ ہنڈس دودس متبادل چھ۔ باقی یم دود چھ تمن چھ
 الگ الگ تاثیر مثلاً زھاوچہ دود، مائشہ دود، اُونٹہ دود۔

کینہہ دودہ چھ انسانن ہنڈ خاطر منفی اثر تر اوان مثلاً کھر نہ دود چھ
 کھر دہماغ بناوان، مائشہ دود چھ موٹ دہماغ تہ موٹ عقل بناوان

ییمہ کنز اُمس سیو دتہ صاف گتھ بڈ مشکلی سان فکر تران چھے۔
 دودِ ستر بنیمتہن چیزن تہ چھ الگ الگ تاثیر۔ زامت دود، اوم
 دودھ، زامن، گُرس، چھو کہ دودھ، لُسر، منہ وونی، گبو، تھنر۔ یمن
 سارنہ چیزن چھ الگ الگ تاثیر۔ فل کریم، تھنر تلتھ دودھ،
 دوشونو چھ الگ الگ تاثیر۔ اکھ چھ چربی کھالان تہ بیا کھ چھ
 چربی والنس منز مدد کران۔



سائنس خوراکس منز کياہ کياہ چھ شامل تہ کياہ کياہ گڑھ آسن

اُسریہ کینڑہاہ کھوان یا چوان چھ تم ساری چیز چھ الگ الگ
تأثیر تھوان۔ کُنہ چیزک تأثیر چھ گرم، کُنیک سرد، کانہہ چھ بادی،
کانہہ چھ قبض کران تہ کانہہ مُسل۔ ہاکہ سبزی خوراک چھ اکھ تأثیر
تھوان تہ ماز دار (یعنی نان و بچ) خوارک چھ بدل تأثیر تھوان۔
مختلف سبزی بیمہ سائنس خوراکس منز شامل چھ، چھ بذاتِ خود دَوہن
ہُند تأثیر تھوان تہ اُسہ بہمارِ نشہ رچھان تہ دُور تھوان۔ تِلتھ، گستھ غذا
یا کم پاکہ و تھ غذا تہ چھ سائنس صحتس پڑھ اثر تر اوان۔ ہاکہ، ہند،
سوژل، مچہ، مونچہ، وانگن، آل، گنڈ، پزان، رُہن، ٹماٹر، پالک،
گریلہ، تریلہ ساری چھ الگ الگ تأثیر تھوان۔

مختلف جانورن ہُند ماز چھ مختلف طریقو تیار کر تھ استعمال یوان
کرنہ۔ کٹہ ماز، کوگر ماز، مائشہ ماز، اؤٹہ ماز، کگو ماز، گاؤ ماز وغائر
خوراکن منز چھ الگ الگ تأثیر۔ خوراک چھ کانہہ ٹھوس تہ کانہہ

نرم (Liquid) مگر سائنس معدس منز و آتھ چھے یمن سارنے اے
 صورت بنان تاکہ شز و پنس منز گرھ نہ کاٹھہ دُشواری۔ کاٹھہ
 خوراک چھہ سستی ہضم گرھان تہ کاٹھہ واریاہہ کاکر۔ مختلف دالہ مثلاً
 مونگ، مُسر، رازہ ماہ، چنہ، مُٹھ، کر، واری مُٹھ وغائر تہ چھہ سانہ خوراک تہ
 بیو ستری تہ چھہ اُسر مختلف معدنیات حاصل کران۔ مختلف قسمکو مو، مثلاً
 ژوٹھ، ٹنگ، امبہ، دچھ، سنگتر، امرود، ژکر، ژغز، دآن وغائر چھہ
 الگ الگ تاثیر تھوان تہ سانہ خوراکہ خاطر اہم تہ لازم۔ تھتھے پاٹھر
 چھہ مختلف مصالحہ یم در اصل دواچھ، چھہ الگ الگ تاثیر تھوان تہ
 سانہ مختلف بہار بن ہند یلاج۔ لیڈر، شوٹھ، مرژ، مرژ
 وانکن، بادیانہ، دارچین، عاکہ، رونگ، دانہ ول، گنڈ، رُہن، پزان۔
 بیو ستری چھہ اُسر مختلف نعمت بناوان، پنس خوراکس منز اکھ مچھر پاڈ
 کران لیکن در اصل چھہ یم سانہ بزرگو تم دواسائنس خوراکس منز شامل
 گردی متری یم اہم تہ لازم چھہ۔ سائنس خوراکس منز چھہ امہ علاوہ تہ چیز
 شامل یم اسہ مائل چھہ انان تہ بوچھہ چھہ پاڈ کران۔ مختلف قسمک
 آنچار، ژئیٹنہ، سرکہ وغائر چھہ شز و پراؤس منز مدد کران۔

گویا سانہ عاقل بزرگو، حکیمو، وید وچھہ سبٹھاہ تجربہ کرتھہ سانہ دوه

دشک کھن چن مقرر کو رمت۔ پتہ نس عام خوراک کھنچ منا ہی چھے
تہ چھے سلا د یعنی مجہ، گازر، ٹماٹر، لار بہتر روزان۔ انسان اگر قدرت
کس کنہ تہ چیزس بے جا استعمال کر سہ و اتنا و نقصان۔ انسان،
حوان، چرند، پرند یہ ذریات چھے قدرت کو پانڈو چیز و ستر تھر نہ
آہ۔ اگر اسی یمنے پانڈون چیزن ہند استعمال بہار ڈلراؤس یا
بکراؤس منز استعمال کر ویا ورتاؤس اٹو، دہن ہنز پیہ نہ ضرور تھے۔
دڑو کہ، دستہ، مسلہ خاطر اگر اسی صرف زگلاس گرم آب چمو، دودنلہ
پائے۔ تاپس روزنہ ستر چھے تر زلان، تازہ ہوس منز پھیر تھ چھ
سپنہ پھولان، دہماغ تازہ سپدان تہ تھکن زلان۔ سرد آہ سزان کرنہ
ستر چھے توانائی حاصل سپدان۔ کاشر کہاوت تھ چھے ”پیر چھاؤ ڈکنہ
یقین“ جواب چھ یقین۔ یقین کرنہ خاطر گڑھ دل تہ دہماغ یکسو
سپن۔ کامیابی سپدانے، رت سوچنہ ستر میلہ رڈر۔

تھہ پاٹھر ذرخیز میڑگیہ سو میڑگیہ منز مختلف معدنیات، مناسب
تہ معقول تعدادس منز شامل آسن، تھہ پاٹھر گڑھ سانس خوراکس
منز مختلف وٹامنز، کاربوہائیڈریٹس، آیرن، کیلشیم بتر معقول تہ مناسب

تعداد اس منز شامل آسہ۔ غذا گڑھ تیتھ آسن یتیمہ ستر اسہ چربی
 گھسہ نہ بلکہ سانس جسمس تہ جسمہ کین مختلف تانن تہ انکن ہمت
 تہ توانائی میسر سپد۔ کینہہ غذا چھ آلٹ بناوان تہ کینہہ پھر تیلہ تہ کام
 کرنس لایق بناوان۔ گنہ منز چھ چربی کھسنگ مواد زیادہ، گنہ منز
 کاربوہائیڈریٹس وغائر۔ دودھ دس گڑھنہ لکیر کا فقیر بنن تہ اکی قسمک غذا
 کھیون بلکہ تبدیلی کران روزن۔ گنہ دودھ گڑھ نوئے دار کھیون تہ گنہ
 دودھ نوئے ورآے۔ گنہ دودھ مؤڈر تہ گنہ دودھ مدیر ورآے۔ گنہ دودھ
 گڑھ صرف مو کھیون تہ بتہ تہ ٹوٹ ترک کرن، گنہ دودھ گڑھ
 فاقے روزن۔ اکہ دودھ فاقہ دینہ ستر چھ سانس جسمس منز جمع سپز مڑ
 فاضل چربی کملان تہ تمیک نوقصان دہ اثر چھ ذائل سپدان۔

سانہ جسمک سرتاز انجن اوور حال کرنہ خاطر گڑھ منز منز
 جلابہ کرن۔ تمہ ستر چھ سانہ جسمچہ گاڑ سروس سپدان تہ توانائی تہ
 طاقت حاصل سپدان۔ سانس جسمس یم چیز ضرورت چھ تم چھ اسی
 بتہ، ٹوچہ، کھنڈ، آلو، کیلہ وغائر چیزن منز حاصل سپدان۔ چربی یوس
 سانس جسمس منز چھ جمع گاڑ سوچھہ تمہ وقتہ ضرورت یتیمہ ساتھ

اسہ گنہ وجہ کنز کھین چھ پوان تر اؤن۔ یہوے ریزرو سٹاک چھ کَام
دوان۔

تھن، گپو، دودھ، ماز چھ سائنس جسمس کاربوہائیڈریٹس و فور
تھاوان تہ پروٹین چھ دال، ٹھول، گاڑ وغار چیز وستی میسرپدان۔
منرلز (Minerals) یم سانہ جسمکی مختلف تان بہتر کَام کرنہ خاطر چھ
تیار کران، سانہ اڈچہ مضبوط تھاونہ خاطر چھ ٹھول، گاڑ، کلشم وال
وغار چیز و منر ڈسکریاب سپدان۔

انسان سُنڈ تھنہ پیون

انسان سُنڈ تھنہ پیون چھ بذاتِ خود قدرتگ اکھ بہترین عجوبہ۔
 مردس تہ زانہ ہند بن ٹھولن میل گڑھتھہ کتھہ پاٹھر چھ یم انسانی
 صورت اختیار کران، کتھہ پاٹھر ووتلان، پڑتھان تہ خوراک حاصل
 کران، چھ قدرتگہ عظمتگ اکھ زندہ ثبوت۔ یہ نظام چھ نہ صرف
 انسان تام محدود بلکہ چھ کائناتگ پڑتھہ کاٹھہ وجود حاران کرن
 وول۔ اکھ نہ بوزنہ پنہ وچینر سبل کتھہ پاٹھر چھے اندریم تہ نیمیرم
 وسہ خان بناوان، کتھہ پاٹھر چھ ماچہ ہندس شور بانس منز اکھ مکمل
 انسان بچہ ہندس صورتس منز تبدیل سپدان چھ حاران کن زائن
 لایق۔ ماچہ ہندس جسمس ستر کتھہ پاٹھر چھس واٹھ، ماچہ ہندس
 تھنس منز کتھہ پاٹھر چھ اکر ہند خاطر دود پاد سپدان۔ یہ سارے
 عمل چھے ا کس آپہ پھیرس زندگی منز تبدیل کران۔

اکہ برگد کلنگ بیول چھ آسان ا کس آئر پھلس سو مب لیکن
 اتھ منز چھ تم ساری وصف یم ا کس پور آمتس ہڈس برگد کلکس منز

آسان چھ - یہ وُن چھ ضروری زِ بُر گدگل چھ آسان کُشیر منز آسن
 واجنہ بونہ کھوتہ بوڈ - تتھے پاٹھی چھ ا کس انسانِ سیلہ منز تم وصف یا
 عیب پیر در پیر بڑ وٹھ پکان یم تکر سِندس مائلس ماچہ یاد ویمین پیر بن
 منز آسان چھ - یم چیز چھ آئینہ پینہ والبن نسلن منز تہ منتقل سپدان -
 اکھ بچہ بیلہ پاڈ چھ سپدان اُمس ستر چھ مختلف نظام تہ پاڈ گزھان
 یمن منز مختلف نظام تہ تتھے پاٹھی چھ -

۱- شہہ کھسنگ و سنگ نظام -

۲- خوراک تہ تمکھ شتر و پنگ نظام -

۳- خون بتنگ تہ تمکھ باگر نہ پنگ نظام -

۴- دماغ تہ تنھ ستر وابستہ نآرن ہند نظام -

۵- اڈچہ کز ہنز - تھری کوئڈ تہ باقے اڈچہ -

۶- گدوڈ تہ ہارمون - تلہ پیوٹ ، بوکھ وچہ ، ٹھالی راید و غار -

۷- اندریم غلاظت نہر نیرنگ نظام -

۸- پیشاب خارج کرنک نظام -

۹- بچہ پاڈ کرنک نظام -

۱۰۔ مختلف تان مثلاً اچھ، نُس، گن، دند، مُسلہ۔ یمن سار نے ہمو اُس
الگ الگ سام۔

اکھ بچہ پیلہ ڈمبہ چھ لگان تمہ پتے چھ اُمس پڑتھنہ تہ پھانپھلنہ
خاطر خورا کچ ضرورت پوان۔ مانج یہ کینڑھاہ خوراک پانس چھ
کھوان سہ چھ حسب ضرورت اُمس بچس تام اکہ نار ہند ذریہ
واتان یتھ اُس 'نان' چھ ونان۔ ماچہ ہندس شکمس منز نوں رتن
روزنس دوران کیاہ کیاہ چھ اُمس ماچہ پوان ژالن تہ چھ اکھ سعمل
یتھ منز ماچہ ہند بجر تہ لول ظاہر چھ سپدان۔

ماچہ ہند شکمہ منز نیرنس ستر چھ قدرنگ اکھ سہ عمل تہ نظام
بارنس یوان یتیمہ ستر ناچہ ہند بن تھن منز دودھ چھ ظاہر سپدان۔
بچہ سندنان یعنی سہ واٹھ یس تمس ماچہ ستر چھ سہ ژٹنہ پتہ چھ
ماچہ تہ اولادس نیرم سہ دُنیاه وجودس یوان یتیمک ذکر تہ مچھر
وچھنہ خاطر دُنیاه کو بڈو بڈو فلا سفر و پور تعریف چھنہ کرتھ ہیگرت۔



شہہ کھسنگ تہ وسنگ نظام

سون زیند روزن چھ صرف شہہ کھسنگ تہ وسنگ طابع۔ گویا
زندگی چھ توتے تام ممکن یو تام شہہ روز کھسان تہ وسان۔ شہہ گو و
بند تہ زندگی گپہ ختم۔ شہہ ہیون چھ گڑھان نستہ تہ عاسہ پڑھہ شروع
تہ سانس ششہ نارس تام و اتھ اند۔ اگر او تام واتہ نس منز گنہ فسمچ
کثافت یا گندگی یا جراثیم شامل سپدن تیلہ چھ نزلہ زکام، شائش، تم،
ژاس، تڑتھہ حتی کہ نمونیا، کوگر ژاس، خوشک ژاس، بلغمی ژاس،
سلہ بیتڑ چھ شہن ستی اندراژن والبن جراثیمن ہند دیٹ۔ اتھ
نظامس ستی یم یم دا دکر وابستہ چھ تمن دادبن ہند یلاج تہ پرہیز کرو
الگ پاٹھر بیان۔ کشیر منز چھ اکھ گریلوئسجہ یتھ منز کہہ زبان،
سپستان، شنگر بیتڑ شامل چھ۔ یمن چیزن ہنز شربت چھہ 'شہہ'
کھاننگ تہ والئز دا دکر ٹھیک کران۔



خوراک شتر و پنگ نظام

انسانی جسمس منز گھلن وول گوڈنیک بوڈ درواز چھ اُس یتھ
منز دند، زیو، مازیر تہ پتہ کینہ لوکٹ زیو، شہہ نور، خوراک نور شامل
چھ۔ اُس یس خوراک اُسس منز تر اوان چھ تنھ چھ سائی دند
اڈ بڑ وک گرتھ خوراک نالہ کئی سانس معدس منز واتناوان۔ لیکن
معدس منز واتنہ بڑ ونہہ چھ سانس اُسس منز نیرن وول اکھ لعاب
شامل یس اتھ نرم تہ مالید چھ بناوان۔ زیو ہند ذریہ چھ اُس امہ
چیزک پچھر یا پچھر ژینان تہ زانان۔ خوراک یتلہ معدس منز واتان
چھ اتھ چھ پیہ تہ کینہہ جومیلان مثلاً تیلہ پتہ پٹھہ پتہ وول اکھ رس
یس اتھ تیزا پکڑ پاٹھر ریز ریز کران چھ تہ شتر و پنگس لایق بناوا۔ امہ
پتہ یتلہ یہ بڑ ونھ پکان تہ سانبن اندر من منز واتان چھ، اچ کیمیائی
عمل چھ شروع سپدان۔ امہ منز چھ سانبہ جسمیہ گاڑ ہند پیٹرول
چلاون وول مواد یعنی خون بنن تہ نیرن ہوان۔

اَسَرِ یُسِ تہ غذا کھوان چھ سہ چھ سائی سیرت تہ صورت
 بناوان۔ سائہ سوچنگ سمجھنگ طاقت، سون جسمانی طاقت، روحانی
 طاقت چھ یہوے خوراک مشخص کران۔ غذا یوت سیو دتہ ساد آسہ
 صاف شفاف آسہ تیوت روزو اَسَرِ بہمار یونشہ دُور۔ غذائے حلال تہ
 غذائے حرام چھ سائبن خیالن تے آسہ بناوان یمہ آسہ اسہ خوراک
 آسہ حاصل کو رمت۔ گویا سون صحت، سائی تندرستی یا سائہ بہمار یا
 دادر چھ سائس کھنہ چین کس تاثیرس تابع۔ زیاد مصالحہ دار کھن
 چھ سائس معدس نوقصان واتناوان یمہ کنز ژوکہ ڈاکر، پھوکہ
 ڈاکر، بدہضمی، دزوکہ، دستہ، مُسِل بیتز چھ ووتلان۔ قبض کو بوا سیری
 تہ چھ زیاد مصالحن ہنز مہربانی۔

یاد تھاؤ کم کھنہ ستر چھ وریاہ کم مؤدو مگر زیاد کھنہ ستر مرن
 واکر چھ واریاہ زیاد۔



خون بتنگ نظام

لو کٹو اندر موتہ بدو اندر مو منز نیرنس دوران چھ امہ خورا کہ منز
 خون نیرنگ عمل شروع سپدان۔ یہ خون چھ آسان صفائی بغار۔ پیلہ
 یہ سانس دس منز واتان چھ، شو شہ نار پٹھہ پیہ وول آکسیجن چھ اتھ
 صاف کرنہ خاطر میسر سپدان تہ پور پاٹھو صاف سپدنہ خاطر چھ
 اتھ بو کہ وچن ہنز چھانی لگان تہ تمہ پتہ چھ یہ پیہ دس منز واتان
 پیہ یہ جسمہ کین باقی حصن منز با گراونہ یوان چھ۔ خون چھ زندگی
 ہند حاصل تہ امہ کس بنس یا با گراونہ پنس منز اگر کاٹھہ رکاوٹ پیہ
 سہ چھ دلک دود بنان۔



دماغ تہ نتھ ستر وابتہ نظام

دماغ چھ انسانى وجودک پاور ہاوس تہ ایچ تارچھے پڑتھ گنہ
 تانس ستر جڈتھ۔ کمہ وزکتھ تانس کیناہ عمل چھے کرنی دماغ چھ تہج
 خبر اترتھوان تہ نتھ تانس سو عمل کرناوان تہ گر نہ خاطر تیار کران۔
 اگر اسہ گنہ جلیہ معمولی ہر نہ ترس تہ لگہ سون دماغ چھ امہ خاطر
 واپسی رد عمل یعنی جوابی کاروائی کران۔ یہ چھے سانہ تالہ پٹھہ کھورتام
 پڑتھ گنہ تانس کنٹرول کران۔ سون سوچن سمجھن، وٹھن بہن گویا
 سانی عمل تہ رد عمل چھ سون دماغ طے کران۔

گدود۔ ہارمون۔ یو کہ وچہ، تلہ پیوت، تھالی رائڈ

بیم ساری تان چھ پنہ جلیہ اہم تہ لازم یمن منز اگر گنہ تہ تانچ
 کمی یا کمزوری اسہ سہ چھ سانہ زندگی منز کاٹھہ نتہ کاٹھہ کمی پاد کران تہ
 اسی چھ مختلف تکلیفن منز مبتلا سپدان۔

سون اڈی چہ کزنہز

سون اڈی چہ کزنہز، سون تھر کوئڈ، سانیہ سپنہ تر، سانبین نرین
 زنگن ہنز اڈی چہ، سون کلہ کھوپر چھ سانی مازبنہ کھرا تھوان۔ بہنس،
 ووتھنس، شوگنس، پکنس تھورنس منز مدد کران۔ اڈیو بغار کتھہ پاٹھگر
 روز ہے یہ مازبنہ کھرا۔ یم ساری چھ تھر سندر کارگر گری ہند زید
 ثبوت۔ اسہ پز یاد تھاؤن زسہ کارگر چھ لا جواب تہ بے مثال۔ امی
 سہز کارگر گری چھ بے مثال۔ امی یس نظام بنوومت چھ، سہ چھ
 بے مثال۔ کانہہ تہ سانیہ جسمک نظام چھ پنے پنے جاپہ اہم تہ گنہ تہ
 نظامس اگر خلل ولتہ سہ چھ نوقصان واتناوان۔



غلاظت نمبر نیرنگ نظام

اُس پر کینڑہاہ خوراک کس صورتس منز کھوان چھ تمہ ستر چھ سانبہ
 شریچہ مختلف ضرورث پور سپدان تہ اتھ منز یس غار ضروری حصہ چھ
 سہ نمبر نیرن چھ ضروری۔ امہ خاطر چھ سانس جسمس منز زل
 جائے، مل جائے، اُس، نس، مسلہ کام کران روزان۔ یہ عمل چھ
 سانبہ خوراک غار ضروری کوش تہ آب وغار چھ انتھ نمبر کڈان۔ اگر
 یہ کوش یعنی گند مواد سانس جسمس منز جمع روز اُس سپد واریاہ
 موزیق بہمارن منز شامل۔ اگر یہ گند یا مل پانی پائے نیرنس منز
 کانہہ رکاوٹھ یہ تیلہ چھ واریاہ مختلف طریقو ستر سانبہ جسمہ منز
 نمبر پوان کڈنہ۔



پیشابک نظام

سانہ بوکوچہ چھ خون صاف گران تہ پہ کرنس منز یس گند مواد
 چھاتھ پیشاب کس صورتس منز نہر نیران چھ اتھ منز چھ واریاہ تنھ
 چیز یعنی یورک ایسڈ، آکزیٹس، شوگر، کلشیم، البومین وغار غار ضروری
 مواد تہ خارج سپدان۔ تجربہ تہ تجربہ پتہ چھ اُس اتھ خارج
 کر دی متس پیشابس منز گنہ چیز چ کی یا زیادتی یا گنہ بہمار ہند آسنگ۔
 یا نہ آسنگ پے پتہ تہ لگاوتھ ہبکان۔ بوکہ وچن غار ضروری زور
 واتنہ کنز چھ واریہن بہمارہن زو اژان یم بڑ وٹہہ گن بڑہن
 پریشائین ہند باعث چھ بنان۔ بوکہ وچہ چھ اکہ قسمک فلٹرسائیس
 جسمس منز تہ یمین ہنز کمزوری دؤر کرنہ خاطر تہ کار کردگی بہتر بناونہ
 خاطر چھ تزلش زیاد چینی ضروری۔ اکہ صحت مند انسان گڑھ کم
 کھوتہ کم اکہ لیٹر آب چوں۔

امہ بغار کس کس چیز چھ یمین بوکہ وچن ہنز کار کردگی بہتر
 بناونہ خاطر ضروری تچ ودکھنے کر و بڑ وٹہہ گن۔

بچہ پاؤ کر تک نظام

ذریات بز وٹہہ پکناونہ خاطر چھ قدرتن پڑتھ گنہ زائز جنس
 پاؤ کر دمتی تہ یم دوشوے کیوٹہ میلٹھ چھ اکھ نو نعمت پاؤ سپدان تہ
 نسل بز وٹہہ پکان۔ یہ عمل تہ یہ نظام چھ کیمو کر یلو، چرند و پرند و پٹھہ
 حوائن کو انسان تام لوگو تہ کانہہ تہ ذریاتھ پکناونہ خاطر لازم و
 ملزوم۔ یہ عمل چھ اکھ قدرتی عمل تہ زمین پٹھہ یا زمین تل یا ہوہس
 منز پڑتھ کانہہ حرکت کرن واکر سہ ضرورت، حوس تہ خائش۔



اچھ، نس، گن، دندتہ مسلہ

یمن تریشونڈی چھ پانہ وانی واٹھتہ یم چھ زندگی ہندسہ نظام پور کران
 یمہ وراے زندگی نامکمل چھے۔ یم کاتیاہ اہم چھ یہ ونچ چھنہ
 ضرورت بلکہ محسوس کرنہ سستی ہسکو اسی یمن ہند قیمت، قدرتہ اہمیت
 زانتھتہ تہ پھنز حفاظت کرتھ محسوس کرو ز اکھ اچھو وراے (یعنی
 اون) انسان کوتاہ پریشان تہ لاچار آسہ یمہ وز ائس یمن ہنز
 ضرورت آسہ پوان۔ قدرتن یس تہ تان اسہ بخشمت چھ، چاہے سہ
 اکھ موے وال چھ، یا چاہے بے کار نم چھ یا بج تہ گج نس چھے، چھ
 پنہ جاپہ اہم تہ یکو بغار چھ انسان نامکمل۔

اچھ چھے اسہ نیمر دُنیا اندرو اتناوان تہ امیگ رنگ روپ، جان
 یا ناکار ہاونچ کام انجام دوان۔ یہ دُنیا چھ خوبصورت، یہ چھ اسی
 اچھو ستری وچھتھ ہرکان۔ زیاد تیز لایٹ یا زیاد کم لایٹ چھے اچھن
 ہند وچھنگ طاقت کمزور کران تہ اچھن نوقصان واتناوان۔

ہتھے پاٹھی چھے نُس اِسہ خوشبوے یا بدبوے تینہ ناوان تہ اکھ
اہم رول چھ ادا کران۔

کَنن ہند رول کوتاہ اہم چھ تہ ونچ چھنہ ضرورت لیکن کَنو
بغا رچھ انسان میڑمون میڑمہ بز وٹہہ کنہ نگاروائیں تہ فضول چھ۔
دند چھ سہ ہتھیار یُس قدرتن ٹھوس کھنن اڈ بڑوک کرنہ باپت
اسہ عطا کو رمت چھ۔ دند چھ سہ ڈیڈوان یُس سانس جسمس اندر
گھلن وجہ ڈیڈ پٹھہ ۳۲ اوزار وستی را چھ چھ کران۔ دند اگر کمزور
پپہ سارک ہے سائہ عمارت پیہ نیل۔

مسلہ چھ انسان سِندس شریس پٹھہ سہ پشمینہ شال یُس نقاشی
تہ کارگر گری کرتھ اسہ ہاؤن تہ ہاؤن لایق چھ بناوان۔ اتھ شالس
تل چھ تم تم عاب یم اگر نژ گڑھن اسی کرو توبہ ز اسی کاتیاہ مگر
چھ۔ ہتڑ متری چھ تہ بد صورت چھ، یہ چھ سہ ورن یُس اسہ نبتہ نُس
شریرس پرد پوشی چھ کران۔

اچھن ہند بن داد بن منز چھ دوز جار، اچھن دگوش گڑھن، موتیا
بند، اچھن مار بن پھسھر، اچھن ورم، دولہ دولہ وچھن، کم بوزنہ یُن۔

اُچھن تڑ وِشر آسنہ کز چھے اُچھ گوبان۔ امہ خاطر چھ 'رَس اشد'
 گنہ صاف کنہ پٹھہ گتھہ اُچھ ٹارن لاگن۔ امہ ستر چھ اُچھن شہلتھ
 پوان تہ دوز جارتلان۔

اُچھ گاش تیز کرنہ خاطر گتھہ اُچھن منز گلاب عارق ز تڑور پھیر
 صُبحن تہ شامن تڑاؤنی۔

سورمہ سیاہ، فلقل تہ کافور دیسی سورمہ کنہ پٹھہ گتھہ لاگن۔ یہ
 چھ سنت تہ روایت۔ گلاب عارق رلاوتھ نیم رَس تہ توبوتھ لیدر گنہ
 شیشہ بَاس منز تَجھن دوہن گنہ خلوق جاپہ سنبالتھ تھاون۔ تَجھن
 دوہ گتھہ گتھہ ز تڑ تڑ تڑ پھیر شوگن وِز اُچھن تڑاؤن اُچھ
 گاش گتھہ تیز۔

۲ عدد ہلیہ آبہ گلاس منز شوگن وِز راس ترَس (وزناؤن)
 تھاون تہ صُچے نیند روٹھر تھے گتھن امہ ستر اُچھ چھلنہ۔

سفید زندن گنہ صاف کنہ پٹھہ گتھہ اُچھن پٹھہ لاگنہ ستر چھ
 موتیا بند ٹھیک سپدان۔

ماچھن شیشہ سلیہ ستر یا سورمہ سلیہ ستر تہ چھ موتیا بند ٹھیک گتھان۔

گلاب عارق ۵۰ گرام تہ پھٹکر لایہ ۵ گرام یکوٹہ ملناؤتھ زیز قطر اچھن
تڑاونہ ستر چھئے اچھن پٹھ زال کھسنی تہ ووز جارٹھیک سپدان۔

اچھ داد کو مختلف وجہ چھ:

تیز گاشس لبکھن پرن یا کام کرنی۔ اچھن ہنڈ زیاد استعمال ترون
ہوان، پور نیند رنہ کرنی، تڑیر تام ہشیار روزن، پریشانی، شرارت،
زیادہ ہمبستری۔

پرہیز: نون، مرثہ وانگن، ژوکبر، آنچار، تیل کم۔
اچھ گول نژھناونہ چھئے اچھن ہنڈ ورزیش۔



مختلف دَا دُر تہ تہند یلاج

پتھ تہ، عارق پھٹن، نزل ز کام پوند

شریرچ گرمی اچانک بڑنس چھ تھہہ ونان۔ پیلہ سائنس جسمس منز
گنہ تہ بہمار ہندو جراثیم اندر اترنچ کوشش چھ کران سانہ شریرک
”رأ چھ در جراثیم“ (انٹی باڈیز) چھ یمن زلہ راوہ خاطر جوآبی
کاروآبی کران بیمہ کنز تھہہ چھ گھسان۔ تھہہ چھنہ بذات خود کانہہ
دود بلکہ ثینہ ون ز کمہ تام دادیک حملہ آور چھ سائنس سرحدن اندر
اترنچ کوشش کران۔ سون شہہ کھالنک تہ والنک نظام چھ ہوہس
منز کثافت آسنہ کنز متاثر سپدان تہ پیلہ سانہ جسمک رأ چھ کرن دالہ
انٹی باڈیز کمزور چھ گڑھان شریرچ حرارت چھ بڑان۔ بیمہ قسمکو
حملہ آور جراثیم زور ور آسن تمی قسمک دود چھ دوتلان۔ تھہہ، تہ،
نزل، ز کام، ژاس، پوند بیتز چھ شروعاتی علامہ۔

پتھ گھسنہ ستر چھ تھکاوٹ محسوس سپدان۔ گنہ کامہ کارس
چھنہ دل لگان۔ اُسک مز چھ خراب گڑھان تہ سورے پان چھ

پھٹت باسان۔ منز چھ اچھو کنی اوش وسان، کنن شور باسان، نس
 بند گڑھان بیہ کنی شہہ کھانس والنس منز وقعت چھے یوان۔ زیاد
 کانس تھھ روزہ کنی چھے سانس جسمس منز آچ کمی سپدان تہ رگہ
 شٹھان۔ علاج کرنہ بز وٹہہ چھ تھھ کھسنگ وجہ زائن ضروری۔ تھھ
 ہیکہ ملیریا، ڈینگو، ٹایفائیڈ یا بیہ کنہ وجہ کنی تہ آستھ یس زائن ضروری
 چھ۔ اگر تھھ زیادہ تیز آسہ تیلہ گڑھن سرد آہہ وجہ بہمارس ڈیکس دینہ،
 پاکہ نوومت آب ٹھنڈ کر تھ گڑھس چہنہ خاطر دین۔ تھھ آسنس
 دوران گڑھ خوراک کم کھوتہ کم کھیون۔ کاتھ دودھ ٹھنڈ کر تھ، مونگہ
 دالہ ہنڈ آب، سوہ دانہ، گل کوز، آب یا نارجیل آب گڑھ استعمال
 کرن۔ تھھ ژلراونہ خاطر چھ واریاہ نسخہ۔ لیکن دیسی یلابس منز چھ
 اکھ اہم نسخہ یس تپس ستی وابتہ بیہن دادن تہ ٹھیک چھ کران۔
 نسخہ:

گہہ زبان۔ سپستان۔ شنگر۔ گیوتھر۔ شاخ گلوئی
 ۱۰ گرام ۵ گرام ۵ گرام ۵ گرام ۵ گرام

زگلاس آبس منز گز بکہ ناوتھ بیہلہ یہ ژوڑم حصہ روز سرد کر تھ گڑھن ۳

چمچ دواہس تریپہ لہ بہارس چاؤنی۔ اگر چہنس منز کانہہ وقعت پیہ
نابہ رتھاہ گزہن ستر ملناؤنی۔ اگر امہ علاؤ اکھ عددانجیرتہ کھیون
دیوس جلد گزہ آرام۔

نسخہ ۲:

عرق بادیانہ، عرق پدینہ، نون تہ کالہ مرٹ پوڈر ملناؤتھ دواہس
دویہ تریپہ لہ چہنہ ستر وسہ تھہ۔ اگر تھہ ترے دواہ زیادہ روز تیلہ چھ
وجہ زائن ضروری۔ سنیل یا کتر و بانس منز گزہ کالہ مرٹ پوڈر تہ نون
مز مطابق ملناؤن تہ تریپہ ژور لہ بہار چاؤن۔ صُجے سکلی (کھنہ چہنہ
بزوٹھے) گزہ ژوٹھہ رس، اکھ گلاس دانہ ول تہ شوٹھ پوڈر تقریباً ۳
یا ۴ گرام بہارس کھنہ خاطر دین تھہ گزہ دور۔

تازہ برگ نیم ۶۰ گرام، کالہ مرٹ پوڈر، ۲ گرام یا کالہ مرٹ ۵ یا ۷
دانہ آبس منز گزہ یکہ ناوتھ تہ ٹھنڈ کر تھ چہنہ ستر چھ ملیریا تھہ ژلان۔
برگ اڈوسہ ۴ آبس منز گزہ یکہ ناوتھ تہ آب ٹھنڈ کر تھ ییلہ ژورم
حصہ ۵۰ گرام روز دواہس ز ز چمچ استعمال کرنہ ستر نیمہ قسمک تہ
تھہ آسہ سہ گزہ ٹھیک۔

شوشہ نارِ کِ دَا دِر

مؤ دُر دِچھ، انجیر، روہن، ماچھ چھ شوشہ نارِ کین دادین منز اکسیر۔
 ۵ فِلْفِل اُکس دو دِ گلاسس منز گزبکہ نائوتھ پتہ ٹھنڈ کر تھ چوان
 روزنہ ستر چھ شوشہ نارِ چ کمزوری دُور سپدان۔ شوشہ نارِ منز اگر
 بلغم جمع آسہ گوشت تیلہ گڑھ ہو کہ تلسی و تھر، کافور تہ الاچی سبز
 (آلہ) ہموون تہ کھنڈ دو گنہ یا ترے گنہ ملناوتھ پوڈر بناوڑ تہ
 اُکس بوتلہ منز تھاؤن۔ امی منز وقت ضرورتھ اکھ اکھ
 تروٹھ (۲ گرام) صُبحن شامِن استعمال کرنہ ستر چھ واریاہہ کالک بلغم
 دُور سپدان۔



ٲاس-تم-شائش-نمونیا-ٹی بی

ٲاس چھنہ بذات خود کاٹھہ بہاؤری بلکہ چھے یہ بیٲن دادہن ہنز ثینہ
ون۔ اگر زیادہ کالس ٲاس روز تیلہ چھے کمزوری شہہ نارہن، شو شہہ
نارہن تہ ہڈ رگن پٹھ اثر تزاوان تہ کمزور کران۔ کمزور س چھے معمولی
تہ لو کچہ بہاؤریہ اثر کران۔

ٲاسہ چھ کتر قسم۔ اکھ گئیہ خوشک ٲاس، دویم بلغم واجیٲی ٲاس،
گنہ چیز چہ الرجی۔ کنی ٲاس، کوگر ٲاس، ہٹس خراش آسہ کنی ٲاس۔

علاج:

۱۔ نیم رس، کالہ مرٲ تہ نوٲہ رٲاھ ملناؤتہ اکھ ز چچہ دوہس دوپہ
ترپیہ لہہ چہنہ ستر گزھ خوشک ٲاس ٹھیک۔

۲۔ خوشک آملہ پوڈر ز ترٲے گرام، ہموزن ماچھ ملناؤتھ دوہس دوپہ
ترپیہ لہہ استعمال کرنہ ستر تہ چھے ٲاس ٹھیک سپدان۔

۳۔ ژوٹھگر رس چھ ٲاسہ خاطر اکسیر دوا۔

۴۔ خوشک ٲاسہ وائس گزھ آملہ چٹن، دینہ ول پتر ملناؤتھ

استعمال کړن۔

د چھ کھنبه ستر ته چھ شوشه نارس طاقت میلان ته بلغمی ژاسه هڼد
گف خارج سپدان۔ د چھ کھنبه پته گره نه کینډوس کالس تزلش چینر۔
میته بیول ژور چچې ا کس بوس آب ګلاس مژ پاکه ناو ته، چھانته
بیله ژوریم حصه روز۔ گرم گرم چنبه ستر چھے واریاه کلچ ژاس ژلان۔

انجیر بڑتھ ته قهو چنبه ستر چھے ژاس ته ز کام ته سنس پښ جمع
گو مت بلغم تون سپد تھ نبر نیران۔ اگر سردی کنژ ژاس آسه، اکھ ګلاس
آبس مژ گره ژور چچې سفید تیل ته نابدر ژتھ ملناو ته گز بکھ ناون۔
بیله یہ تقریباً نصف ژمه، دوهس دویہ تریپه لہ استعمال کرنه ستر ژله
ژاس۔ ز چچې سبز بادیانہ، ز چچې اجواین، ز ګلاس آب گز بکھناو ته بیله
تقریباً نصف روز اتھ ستر گره ز چچې ماچھ ملناون ته ز ز چچې دوهس ز
ترے گنډ پته بهماس چاونہ ستر چھے ژاس ژلان۔ دار چین ژاپنه
ستر ته چھے ژاس ژلان۔ سبز آلہ، بڈ آلہ، روہن، پدنه، منقہ،
لیدر، موسی، ماچھس مژ پھکر لالے کڈتھ ملناو ته ز ز چچې دوهس دویہ
تریپه لہ استعمال کرنه ستر چھے ژاس ژلان۔ اجواین، ادرک، تلسی،
نارجیل (ہو بکھ) یم ساری چھ ژاس ژلراوان۔

خالی معدّ یعنی صُجے سکی اُمَلہ خوشک پوڈر تہ شنگر پوڈر ہموذن
دوہس دوپہ تریپہ لہ دچہ رس ستر، دودھ یا نیم گرم آب ملناؤتھ
استعمال کرنہ ستر چھے شانش ٹھیک گڑھان۔

خوشک ژاسہ منز گڑھ گور (یعنی گڈ) ۱۵ گرام کائثر تیل، ۱۵
گرام نیم گرم کر تھ چاؤتھ گڑھ خوشک ژاسہ فرق۔ ہند وہند، گازر،
نے شکر، کھڑ استعمال کرنہ ستر چھے خوشک ژاس ژلان۔

ٹی بی وائلس بہار س چھے اکثر ژاس روزان، دوہس راتس
تھہ آسان۔ گراہ کم تہ گراہ زیاد۔ شاہ کھالن تہ وائن چھس مشکل
گڑھان۔ سپنس دگ، شہہ نارہن منز لیڈر بلغم جمع گڑھان یس نہر
کڈنہ خاطر چھ بہار ژہڑٹہ ژہڑٹہ کران۔ راتس چھس عارق
پھٹان، وزن چھس کم گڑھان تہ یم ساری چھ ٹی بی یعنی سلہ بہار
ہنڑ علاؤٹھ۔ امہ علاؤ چھ امہ بہار ہند کر کیمو یعنی جراثیم اؤ جن تہ ملس
پٹھ تہ اثر انداز سپدان۔

بیبلہ ٹی بی ستر شو شہ نور آولنہ چھ یوان تمہ وز چھ ژاسہ ستر لیڈر
بلغم تہ تھو کہ ستر خون تہ جاری سپدان۔ اندر من ہند ٹی بی آسنہ ستر
چھ بہار س منز گیس جمع سپدان، بد ہضمی روزان، یڈ پھو کہ گھسان،

پیشانس ستر خون تہ جاری سپدان۔

ٹی بی چھ لاگ دار بہمار۔ یہ چھ اُ کس بہمارس پٹھ دؤیمین
بہمارن اکھ اُ کس ستر ووتھ بیٹھ کرنہ ستر، تھو کہ ستر، اکھ اُ کس رتی
کھنہ چنہ ستر، شراب نوشی ستر لاران تہ تران۔

تدورک: ٹی بی وائلس چھ گوڈنتھے BCG انجکشن لگاؤن ضروری۔
امہ پتہ امیک دواتھکے بغار کھیون ضروری۔

ٹی بی چھ کمزورن زیادہ حملہ کران لہذا اچھ امہ کس بہمارس طاقتی
خوراک، تھن، ٹھول، دودھ، موہتر کھیاؤن ضروری۔

دیی یلا جس منز چھ بہمارس اُ کس دودھ گلاسس منز پانڑہ فلفل
دراذ گز بکھ ناوتھ تھن ملناوتھ چاوان تھ تمس بہمار ہند مقابلہ کرنہ بابت
طاقت تہ حاصل سپد۔ نیوم چھ تقریباً پڑتھ بہمارس فائید و اتناوان۔
اُ کس نیمس رس کڈتھ، تلسی یں و تھر، سفید ز پور تہ نوئے رزھ ملناوتھ
دوہس دوہ تریپہ لہ چاؤن چھ تھھ و سنس منز مدد کران۔

ٹی بی وائلس پڑمو، ژوٹھ، دچھ، نارجیل، کھڑر، کیلہ، منقہ، گازر
ضروری بطور دوا کھیون۔ سبزین منز چھ زتچھ اکھ، پھول گوپی، کچ
گنڈ، روہن، ٹماٹر، مکاپہ ژوٹ، ماچھ کھیون فائید مندروزان۔

کلمہ دود۔ مائے گزین

کلمہ دود چھ ڈبکس، کلمہ کس پتر مس جس یا سارے ہے کل مختلف
وجوہاتو کنی سپدان۔ گنہ وز چھ کلمہ داد ستر دز وکھتہ یوان۔ کلمہ دود
اسنس چھ مختلف وجوہات مثلاً نیند رکم تر، تناو، ٹین شن، پریشانی،
فکر، زیاد سوچن، قبض وغائر۔

اچھن زیاد زور واتنہ کنی، زیاد تیز گاش یا زیاد کم گاشس منز
اچھن کام پئز۔

کنس، نستہ، ٹپس، دند دگ آسنہ کنی، زیاد گرمی منز کلس تاو
واتنہ کنی۔ زیاد شرارت کرنہ کنی، زیاد شور آسنہ کنی، دہماغس پٹھ زیاد
زور تر اونہ کنی، کاٹھہ جانی یا مالی نوقصان سپدنہ کنی۔

یلان: گوڈ بنتھے چھ گر یلو یلان۔ سہ گو وکلس اُندک اُندک چیر اکھ دج
گنڈتھ تھاوہی۔ گنہ خلوق جاپہ سوچنہ بغار نیند تر اوہی، کلس گروہ
کاشر تیلچ مائش کرنی۔ اکھ چچہ شوٹھ پوڈر ۴ پانٹھ چچہ آب گرم کر تھ

دیکس گرم گرم لا، گتھ تھاونہ ستر چھ ڈر ڈر کلہ دا دس فرق سپدان۔
 آفتاب کھنہ بزدلٹھے گرم دودھ تہ جلیبی کھنہ ستر۔ اکھ گلاس نہجہ
 رس آفتاب کھنہ بزدلٹھے کھنہ ستر۔

ڈوڈ چچہ فون تہ اکھ چچہ ماچہ ملنا تھ کھنہ ستر۔

ترنیہ ژور لہ گور تہ ماچہ کھنہ ستر۔

دلیسی گہس منز کالہ مرژ پوڈر تقریباً ۵ ستھ گرام کھنہ ستر۔

ٹلسی و تھرن ہنز چائے چہنہ ستر۔

بادام گوچہ، قلمی شور، کالہ مرژ، فلفل دراز، دارچین، سفید زیر۔

سرخ۔ صند سفید کنہ صاف کنہ پٹھ، گتھ توت توت

دیکس ملتھ تھاونہ ستر چھ کلہ دا دس آرام سپدان۔



بلڈ پریشتر

پیلا خون پکناؤن دامن رگن یا نارن منز اندریم جاے تنگ چھے
 سپدان، خون چھ تیزی سان بڑ ونہہ پکان تہ امیک پریشتر چھ بڑان۔ اتھ
 حالو منز چھے دلچ دبرائے تیز گڑھان تہ بوکہ وچن پٹھ چھ زور پوان۔
 گنہ ساتھ چھے کلچ رگ تہ پھٹان تہ کلس اندر خون باندھ گڑھان۔
 نیمہ پانچ رگ پھٹہ سہ پاس چھ بے کار گڑھان تہ ہلن ڈلن تہ کام کار
 کرن بند کران تکیا زتھ پاس پٹھ چھسنہ دہماغس کنٹرول روزان۔
 کاشتر زبانی منز چھ اتھ لقو گڑھن یا وج گڑھن ونان۔

گنہ ساتھ چھ بلڈ پریشتر آسنہ ستر دِلک دوہر تہ پوان۔ دل کام
 کرن بند کران تہ انسان چھ مڑتھ تہ گڑھان۔ بلڈ پریشترک باعث
 چھ زیادہ ویوٹھ آسن یعنی جسمس اندر زیادہ چربی، زیادہ شراب نوشی، زیادہ
 سگریٹ نوشی یا کاٹھہ تہ نشہ کرن والین چھ بلڈ پریشترک چانس زیادہ۔

علاج

۱۔ تلسی و تھرن ہنز چاے دوہس دوہیہ تزیہ لہ چہنہ ستر۔

۲۔ بلڈ پریشر بہمارس گزھ یڑ صاف روزنی۔ قبض گزھنہ روزن۔

۳۔ تازہ اُملیہ رس۔ ست اسمبول، تر پھلا چورن، نیم تریش، زچھن
اکن ہند رس، ہند و ہند، ژوٹھگر رس، پیتا، گڈھ، لار، ٹماٹر بطور سلاو،
سو تھ الو زامت دودھ ملناؤتھ، پد نہ چوٹ چھ فاید مند روزان۔ بلڈ
پریشر وائلس چھ نوں بلکل کم کھیون ضروری۔

موٹن انسان، شوگر بہمارن کو بلڈ پریشر والین چھ دوا کھوتہ
زیاد ضروری صبحے سار یعنی مارنگ والکس (Morning Walk) گزھن
ضروری۔ ز ژور میل صبحے سلہ یا شامس سر سبز باغن منز، گلین کٹھن،
پوشہ باغن، مو گلین اندر پکو اکھ ز گنٹہ گزھن ضروری گز ارنی۔ یاد
تھاؤ ویس سبز ار اسہ اندر پکو چھ، چھ آکسچنگ آگر یس زندگی ہند
اکھ اہم جز چھ۔ لہذا پز سائلس گزھن ضروری۔ نہ وورے سبز گاسہ
پٹھ پکنہ ستری چھ اچھن ہند گاش ہران، تونائی حاصل سپدان۔

اشکنڈ، شاخ گلوئی، سرپ گنڈ، ارجن چھال تہ پونروا، ہمودن
پانڈھ پانڈھ گرام شربت بناؤتھ دوتس دویہ لہ چہنہ ستری چھ ہائی بلڈ
پریشر ٹھیک سپدان۔ ہند و ہند، لیچی، شہوت شربت بناؤتھ استعمال کرنہ
ستری چھہ دلچ کمزوری دوار پدان یوس ہائی بلڈ پریشر چ مہربانی چھہ۔

دَگ

پوڑِ جسمِ دَگ یا کُنہ تہ تاہِ دَگ: اُدچہ دَگ یا کمر دود

دَگ ہیکہ کُنہ تہ تانس اُستھ۔ یتھ تہ تانس دَگ آسہ سہ چھ تقریباً
بے کار سپدان۔ کام کرنس منز کوتاہی کران تہ پیہ چھ بیہن بیہن تانن
تہ پانس ستی ملوث کران۔ کمرس آسہ دَگ، نر زنگہ تہ چھے ملوس
گوشہان۔ دَگ دُور کرنہ خاطر یم دوا اُسی استعمال کران چھ تم ساری
چھ تقریباً تقریباً نقصان و انتوان۔

گوڈنتھے چھ دِگہ ہندو وجوہات دریافت کرنی۔ دَگ ہیکہ
لوکس بچس کبو و انسہ امتس بُڈس تہ اُستھ۔ یہ ہیکہ کُنہ تہ اُکس
تانس یا سار نے تانن تہ اُستھ نہر کنی ہیکہ اُدجن تہ اُستھ یا مازس
تہ اُستھ، جوانس، بچس، بُڈس، مردس، زننہ تہ اُستھ۔ یہ کمہ وجہ کنی
چھ تہ زانچ کوشش چھ کرنی۔

علاج: گرم سیکہ ٹکور، گرم آبہ ٹکور۔ یتھ تانس دَگ آسہ یتھ تانس ٹکور
کرنی، یتھ جلیہ گرم پیلچ مالش کرنی۔ گرم آبہ بوتل تھاونہ ستی چھ دِگہ
منز آرام سپدان۔

کاشرس پھل تپلس منز ز روہن کج گزبکہ ناوتھ تقریباً ز ایتھ
گژھ امی تپلہ ستری گرم گرم مائش دگہ ہنز جلیہ کرنی۔ ہنکھ آٹچ ژوٹ
اکہ پاسہ تاو پٹھ تڑ کرنی تہ دویمہ پاسہ کج تھاتھ دگہ ہنز جلیہ کچ
پاسہ دج یاپلو گنڈتھ تھاونی۔

کمرس، اتھن، کھورن، زنکن، نرن پیتہ نس تہ دگ آسہ چنہ
اوٹ آس منز وشناوتھ گژھ مائش کرنی یا متھتھ تھاون۔

بڈ آلہ یا سبز آلہ تپلس منز تلتھ گژھ تمہ تپلہ ستری مائش کرنی، دود
ملناوتھ لید رلیو پ گژھ دگہ ہنز جلیہ لا گتھ تھاون۔ ز گلاس گرم آس
منز گژھ ز چچہ سفید زیر گزبکہ ناون تہ تمکی تتر تتر ٹکور دنی۔ یہوے
گزبکہ نووٹ زیر گژھ آپہ منز پھیارتھ دگہ ہنز جلیہ وور لا گتھ
تھاون۔ دگ اگر گنہ جلیہ اڈجن زور واتنہ کنی یا خون باندھ گژھنہ
کنی اندر مین یا نیر مین تانن زور واتنہ کنی یا دپ لگنچہ جلیہ خون باندھ
گژھنہ کنی (نجر پینہ کنی) تھ جلیہ گژھن دگتھ کج الو گنڈتھ تھاونی۔

اگر گنہ جلیہ زخم آسہ تہ دگ آسہ تھ جلیہ گژھ کیلہ مؤنڈ (یتھ
لٹس ستری کیلہ کلس کیلہ چھ آسان الا ندر تمکے رس لگا ونہ ستری چھ
خون نیرن بند سپدان)۔

دگہ ہنز جلیہ شپنہ آنچہ دچہ دنہ ستری تہ چھ دگ کم گژھان۔

وَرِم

گنہ تہ تانس پھوکھ گھسُن گو وورم۔ ورم تھ جلیہ آسہ سہ دباونہ
 ستر چھ تھ جلیہ دوب ہیو گڑھان۔ ورم آسنگ یس تہ وجہ آسہ اتھ
 دوران چھ مائل کم گڑھان، تڑیش زیاد لگان، منزی گنہ گنہ ساتہ تھ تھ تہ
 گھسان، کامہ کارس چھنہ دل لگان، انسان چھ آلز بنان، ورم چھنہ
 بذات خود کانہہ دود بلکہ چھ یہ پیہ داوچ ثینہ ون دوان۔ اگر دِلک
 دود آسہ گوڈنتھے ۶ چھ یڈ، اتھن، کھورن ورم کھسان۔ یو کو چن اکر دود
 آسہ تھس چھ ورم کھسان۔ یو کو چن دود آسہ کنز چھ اچھن، زبن،
 زنگن کو کھورن ورم کھسان۔ ورم کمہ وجہ کنز چھ یہ زانن چھ ضروری۔
 ورم وائلس گڑھنہ قبض آسُن بلکہ گڑھس معدنم آسُن۔ امہ خاطر اگر
 جلابہ دنگ ضرورت تہ پیہ کوتاہی گڑھنہ کپڑی۔ تھ جلیہ ورم آسہ تھ
 جلیہ اندر پکڑ چھ آسان آب جمع گو مت۔

علاج:

کیلہ کھینہ چھ بہمارس فایدہ وائناوان۔
 گرم آب سزان کرن۔

گرم دودھ گلاس منز گزہ اکھ چچہ لیدر پوڈر ملناؤتھہ چیون۔
 گرم آپکو ٹکور گڑھس پانژن منٹن تہ تمہ پتہ اکس منٹس سرآبہ دجہ۔
 ہند و ہند بیول، خضر، گازر، کنکہ آبس منز گزیکہ ناؤتھہ ورچہ جلیہ
 لاگنہ ستری چھ ورم وسان۔

مرز وانگن تیل: ۱۰۰ گرام مرز وانگن ۳۰۰ گرام تپلس منز گزیکہ
 ناؤتھہ پتہ چھانتھ گزہ امہ تیچ مائش ورچہ جلیہ کرنی۔
 وشکہ آب:

۱۰۰ گرام وشکہ ۵۰۰ گرام آبس منز گزیکہ ناؤتھہ پتہ ٹھنڈ کر تھہ چینہ
 ستری چھ ورم وسان۔



گاوٹ

سانن جوڑن منز یورک ایسڈ جمع سپدنہ کنی چھ ورم کھسان تہ
 دگ کران یس بہمارس برداشہ نہر چھ سپدان۔ بہمار چھنہ پھیرنس
 تھورنس لایق روزان۔ کھورن، کھورنٹھن تہ گوڈن چھ ورم کپو دگ
 آسنہ کنی جوڑ بکو تہ ککو تہ بہمارس چھ اتھہ کپو کھور چن او نلجن دگ
 آسان۔ ناصاف دند، فکر تہ پریشانی، خوف تہ وہم، زیادہ سرد چیزن ہند
 استعمال، راتس ہشیار روزن یا زیر تام ہشیار روزن گویا نیند رہنز کمی،
 لوکٹ پیشاب یا یوڈ پیشاب رکاوٹ تھ تھاون، زخم لگن یا زیادہ خون نیرن،
 زیادہ جسمانی محنت، زیادہ ویوٹھ آسن چھ امکو علامت۔

علاج: گاوٹ وائلس بہمارس گزہنہ قبض روزن۔ امہ خاطر پز افس
 مقرر کرے ہنس و قس پٹھ لیٹرین گزہن تہ مادان نیرنچ کوشش
 کرنی۔ زیادہ زور لگانہ کنی سپد بوا سیری لہذا اگر زیادہ قبض آسہ تیل اکھ
 چچہ دودس ستی یا آبس ستی شو نلکن وز استعمال کرن۔

تیل کم تھنر، گپو، تلو متھن چیزن ہند استعمال ترک۔ ٹھول، ماز،

تیز مصالحہ، مرز و انگن، آنچار، ژوکبر کھنچ منا ہی چھ گاؤٹ بکراؤس منز
مدد کران۔ نیم رس موسمہ مطابق سرد یا گرم آبس ستری بغار کھنڈ یا نوٹن
دوہس کم کھوتہ کم دوپہ لٹہ استعمال کړن۔

عرق جاوید یا جاوید تپلس منز تر اوتھ تیج مائلش کرنی۔ اجوائن پوڈر
بناوتھ خالی معدس صجے گرم آبس ستری پھبکہ کھنچ ستری چھ فاید و اتان۔
زامت دودھ گڑھ ترک کړن۔ دگہ ہنز جاپہ گڑھن دگتھ الو لاء گنی۔
قبض نہ روزہ خاطر گڑھن عادات تمہ قسمکو بناو فی یٹھ زن مائل
پھیر نسمنز کاٹھہ مشکل سپد نہ۔ سلاد، مچہ، گازر، نیوم، لار، ٹامٹر، چوگندر،
گنڈ، کریلہ، گوگچہ، الہ، ہاکھ گڑھ سبزین منز استعمال کړن تہ پھلن
منز گڑھن ژوٹھ پیتا، امرود، خربوز استعمال کړن۔



ہوٹ تہ اتھ ستر واپستہ دا در

ہوٹ چھ سائنس نیپر مس دُنیا ہس تہ اندر مس سدرس ا کہ
سوَن کناچ کَام دوان۔ ہٹہ کبن دادہن منز چھ ہوٹ لگن، ہوٹ
ہوگھن، ہٹس خراش، ہٹس گولر، ٹانسل، ہٹس وِسِر۔

سردی، زکام، ٹراس تہ زیاد گتھہ گرنہ ستر یا زور کڑ بکھ دینہ ستر
چھ سائی آواز بگڑ گڑھان تہ کتھ کُرن کھوگھر یا بند سپدان۔
گزوکھ ننگلاؤن چھ مشکل سپدان۔ اتھ چھ ونان ہوٹ لگن۔

سائنس ہٹس منز چھ ز ٹانسل دون چوکیدارن ہنز کَام کران۔
کُنہ ساتہ چھ یمن انفکشن سپدان یتیمہ کنی کھبن چبن ہٹہ یون والن
مشکل سپدان چھ۔ ہٹس اگر زخم آسن تم بکراؤنی چھ مشکل سپدان تہ
چھ 'کینسر' بنان۔

کاشٹر یلاج چھ ٹانسل خاطر یم:

۱۔ نوئے آبک غر غر۔ دوہس تزیہ ژور لٹہ۔

۲۔ نوئے آبس منز نیم رس ملناؤتھ غر غر۔

۳۔ ۵ گرام مچہ بیول گرم آبس ستر پھیکہ کھنبہ ستر۔

۴۔ شنگرا کھٹکڑا سس منز تراپھ دینہ ستر۔

۵۔ توتھ مڑتہ نابدیکوٹہ ا سس منز گولہ ناوتھ۔

۶۔ شہہ تل شربت چھ ہنچ خراش تہ خشکی دؤر کران۔

۷۔ ہوٹ اگر خوشک آسہ، اکھ خضر انٹھ گڑھ ا سس منز گولناؤنی۔

۸۔ آلو بخار دویہ زور لہ ا سس منز گولناوتھ چھے ہنچ خوشکی دؤر سپدان۔

ہو چھ دانہ ول تراپتھ تمیک رس چنبہ ستر۔

گوچ دودس منز پاکہ ناوتھ ہٹس نیپر گنڈتھ تھاونہ ستر۔

تہ کاٹے بیول آبس منز گڑبکہ ناوتھ شوگن وز ہٹس گنڈتھ

تھاونہ ستر۔ امہ کہ آچہ ستر ہٹس مالش کرنہ ستر چھ ہٹکو داؤر ٹھیک

سپدان۔

پرہیز: ہٹو داؤس منز گڑھنہ ششتر یا شپہ آب استعمال کرن یا سرد

کاٹھہ تہ چیز استعمال کرن۔



دند۔ دند دود۔ دند نیرتھ ڈلن۔ دند ن خون نیرن

قدرتن چھے سانبہ پڑتھ گنبہ وسٹہ خانچ کامہ مقرر کر مرث۔ دند چھ
 ٹھوس کھنن اڈ بڑوک کر تھ یا ژا پتھ سائنس معدس سوزان۔ اژ کر
 انسان چھ نرم غدر کھیون شروع کورمت نیمہ کنز دند ن زیاد محنت
 چھنہ پوان کر فی سکت، مافی، چاکلیٹ، میگی، آلیس کریم وغار کھننس
 منز چھنہ دند ن محسنہ پوان کر فی۔ دند ن ہنز کمزوری ہند وجہ چھ
 یہوے۔ سو کام نیمہ کامہ خاطر کانہہ تان مقرر کر نہ چھ آمت سو کام
 کرنک عادت ییلہ نہ نس روزی سہ چھ گزہان کمزور، گنبہ ساتہ بے
 کار تہ، لوکٹن بچن دند خراب آسنگ وجہ چھ ماچہ ہنز یڈ منز آسنس
 دوران کیلشم کم گزہن۔ کلشم چھ زیاد دودس منز آسان لیکن ماچہ کبہ
 بچن چھ ازل کل دود چینک عادت کھران۔ تمن اگر اکہ پاسہ دود بوتل
 تھاد و پیہ پاسہ کوا کولا بوتل تم دن کوا کولس تھہ۔ دند اڈ و الس
 چھ کھیون چیون مشکل سپدان تہ تمس چھے بوچہ کم لگان۔ قبضی تہ بد

ہضمی تہ چھے اکھ وجہ۔ کھنڈ مٹھائے تہ کھنڈ ستری بنیمتری چیز چھ دند داد کر
 بنیادی وجہ تہ دندن کیوم لکنگ باعث بنان۔ زیاد گریا زیاد سرد کھن
 چھ دندن نو قصان واتناوان۔ دند چھ سہ نعمت یس سائس جسمس منز
 پڑتھ تھ چیزس حملہ چھ کران یس اُمس موافق آسہ۔ دند چھ سہ
 نعمت تیج قدر آسہ امہ نشہ مبر اسپد نہ پتے فکر چھ تران۔
 ہدایتھ:

☆ کانہہ تہ غذا کھنہ پتہ گڑھن دند صاف کرن۔
 ☆ دند کھر پن منز گڑھ نہ کُنہ تہ قسمک کھن جمع روزن۔
 ☆ لوکھن بچن گڑھ کھنڈ کھنک عادتھ مشراؤن۔
 ☆ ماحہ ہند دود بغار یس تہ دودھ بچس دمو تھ گڑھن کھنڈ ملناؤن۔
 ☆ نیمکر آبک غر غر کرنہ ستری چھ دند دس آرام یوان۔
 ☆ نیم رس تہ تون یکوٹہ ملناؤ تھ گڑھ بطور منجن استعمال کرن۔
 دند دود ٹھیک کرنہ خاطر چھ واریاہ گریلو سنجہ۔ یتھ منز کینہہ تہ تھہ
 پاٹھ کر چھ:

۱۔ برگ تچ پوڈر بطور منجن استعمال کرن۔

۲۔ لیڈر پوڈر تہ پھکر لائے گڑھ بطور منجن استعمال کُرن۔

۳۔ مازیرن برشہ ستری تچھان روزنہ ستری چھے مازیر گلان تہ دند ڈیلو گڑھان۔

۴۔ مازیرن گڑھ نیم دبلہ ستری وار وار مائلش کرنی۔

۵۔ کاشرس تپلس منز لیڈر تہ نوں ملناوتھ گڑھ مازیرن مائلش کرنی۔

۶۔ بیتھ دندس دگ آسہ تتھ دندس پٹھ گڑھ اُکس مکاپہ پھلس سو مب پھکر ٹکر تھاؤن۔ سہ کڈ تمہ جلیہ ہند گند آب یا پاکھ ژہ تتھ نمبر۔ موادنیر نمبر تہ دگ گڑھ کم۔

۷۔ جافر پوشہ کلئیک پن ز ژور و تھر ژاپنہ ستری دانہ ول، کالہ مرژ، ہموذن پوڈر بناوتھ گڑھ منجن تیار کُرن۔ امہ ستری نیر دند کو مازیر و منز گند مواد کو پاکھ تہ دند گڑھن صاف۔ لوکٹین بچن یُس دند نیر نس دوران تکلیف چھ سپدان سہ گڑھ بچن مازیرن ماچھ متھنہ ستری ٹھیک۔
دآن شربت (شربت انار) چاونہ ستری ٹھیک۔ مازو پھل تہ پوڈر بناوتھ مازیرن تہ دندن مائلش کرنہ ستری ٹھیک۔

ٹماٹرس زترے چچہ دندن کو مازیرن مٹھنہ ستری گڑھ دند و منز
خون نیرن بند۔

مازیرن اگر دو دیا دگ آسہ، دگہ ہنز جلیہ گڑھ روہن کج یا گنڈ
واپتھ تھاؤن۔

اگر دند ڈیول آسہ گوٹ، الان آسن تیلہ تپلس منز کالہ نوون
ملناؤتھ گڑھ دندن منجن کرن۔

ککر کلنک داتنش گڑھ دند کریم برشہ ستری کرنہ بجلیہ استعمال
کرن۔

دند ٹلن: دند ٹلن چھ اکثر بچن منز وچھنہ یوان۔ امہ خاطر گڑھ
اجواین پوڈر ز زور چچہ پھیکہ کھیون دند ٹلن گڑھ بند۔

امہ علاوچھ واریاہ گریلوئسخہ بیم دندن مطلق زانکاری چھ دوان۔
مؤدردا نک دہل آبس منز گز بکہ ناؤتھ غر غر۔

اجواین خوراسانی، بابرنگ، عامر قرہ ہموذی پوڈر بناؤتھ استعمال
کرنہ ستری چھ دند گنہ داد وراے ساتھ دوان۔ پالک رس چھ دند
مضبوطہ اسیج بدبوے ٹھیک کران۔

کنکو دا دُر کنو منز پَس نیرُن، کنو نہ بوڑن

کنکو دا دُر چھ مختلف وجوہاتو کنی سپدان یمن منز کنن اندر آب
گڑھن، کنن منز کاٹھہ کیوم اژنہ کنی کنہ کبن پردن ستر چھیڑ چھاڑ
کرنہ کنی، کنن گنہ تیز دار سامانہ یا تجو ستر کھلن کرنہ کنی، کنن منز
پھپھر یا زخم آسنہ کنی، کنک پرد پھٹنہ کنی، کنن منزل جمع گڑھنہ کنی،
ہوا کہ دباؤ کنی، برداشت نہر شور آسنہ کنی وغار۔
یکو منز یس تہ وجہ آسہ سہ زائن چھ ضروری۔

علاج:

- ۱۔ کنچ دگ۔ ادرک رس چھانٹھ ز ترے پھیری کنس منز تراونہ ستر
چھ دگ کم گڑھان۔
- ۲۔ کاشر تیلچ مائلش۔ (تیلہ گوگل تیل) ز ترے پھیری کنس اندر
تراونہ ستر۔

۳۔ گرم آبس منز برگ نیم گز یکہ ناوتھ تمیک بہا کئس دینہ ستری چھ کنگ مل نیران۔

۴۔ سبز تلسی آبس منز گز یکہ ناوتھ امکی تڑے ژور نیم گرم کئس اندر تڑا ونہ ستری چھ کئو منز نیرن وول پس یعنی پاکہ بند گڑھان۔

نیم تڑیش تہ چھے کئو منز نیرن وول پس بند کران۔ ۵۰ گرام تیل، اکھ روہن کوچ تلکھ تہ امہ پتہ ۱۰ گرام سندور ملناوتھ گڑھ اکس بوتلہ منز پھرن۔ وقت ضرورت کئن منز ز تڑے پھیری تڑا ونہ ستری چھ کئو منز نیرن وول مواد بند سپدان۔

نیم گرم گنڈ رس ز تڑے پھیری کئن تڑا ونہ ستری چھ کئن منز گڑھن واچینز آواز تہ شور بند گڑھان۔

کنگ پرد پھٹنہ ستری چھ نیم نفکشن دہماغس تام سید سیود واتان نیمہ کنز سارک سے ریکہ اڈجہ کولکس منز پس چھ پھہلان نیمہ کنز گردن چھے اکڑان، بہمار چھ کوماہس منز گڑھان تہ فوری علاج نہ واتنہ کنز مرتھ گڑھان۔ اتھ داس چھ کاشتر ناوکلہ سرائہ۔
پتھس بہمار سُنچن چھ سبٹھاہ مشکل۔

وٹھ پھٹن

وٹھ تیرمہ تہ وجہ کنڑ پھٹن یم چھ انسان سہنر نند بانڈ شکلہ بے شکل
کران۔ زن چھ گنہ روپہ سہنر مورتی ہو کھمت پوش پوزایہ لا گتھ۔
کاشتر تیل (سرسوں) یا مونگ پھلی تیل یا دیسی گوبگنہ کھو ورس
اتھس پٹھ رٹھ دچھنہ اتھہ چہ اڈنگہ ستر اکھ وٹھن تہ پیہ نافہ ہنر
جایہ ملنر تہ مالش کرنی۔

پانڑھ پانڑھ بادام گوچہ گنھن کینڑون دوہن صحن شامن کھنڑ۔
گلسرین مٹھنہ ستر تہ چھ وٹھ پھٹن بند گنھان۔ سبز آلہ پشتھ تھنہ ستر
ملنا وٹھ وٹھن مٹھنہ ستر پیہ گلاب پوش تہ ملاے اکس بانس منز یکوٹہ
ملنا وٹھ تہ رگڑا وٹھ پتہ وٹھن مٹھنہ ستر چھ وٹھ گلاب رنگ رٹان۔



مرگی

مرگی ہند تولق چھ دہا غس ستری وابستہ۔ تیس بہار س مرگی
 آسہ تیس چھ اچانک دور پوان تہ سہ چھ بے ہوش گڑھان۔ اتھہ
 کھور چھس اکڈان تہ سارے پانس چھس تھر تھر اڑان۔ یہ پتہ
 نس تہ آسہ سہ چھ پتھر س پان زھر ٹے وان۔ اُس چھس پوس
 گھسان۔ پنہ پانک چھسہ بلکل ہوشی روزان۔

یہ دور کتہ نس پتہ تہ کمہ وز پتہ تہ چھسہ معلوم۔ مگری چھ ز قسم:
 اکھ گپہ معمولی، بیا کھ سخت۔ امیک دور چھ زیادہ تھر پٹھہ یون نظر
 تزاوہ ستری یا گنہ تیز بہا و اُس دریا و س پٹھہ نظر تزاوہ ستری پوان۔
 گنہ ساتھ چھ دور س دوران زو دندن منز پھسان تیسہ کنز زبان رتہ
 گھل چھ سپدان۔ گنہ ساتھ ہیکہ یہ زو ڈھینتہ تہ۔

مرگی ہند دور چھ پانزو منٹو پٹھہ گنہ وادن تہ اُس تہ۔ دور س
 دوران چھ بہار س پیشاب تہ ہبکان نیر تھ ڈلتھ۔ یہ دور میلہ

موکلان چھ بہمارس چھنہ آسان زیر کرنگ طاقت تہ نہ ہمت۔ اُمس
چھ پان لٹھہ ونہ تہ تھڑٹہ ونہ ستر شکل تہ آسان تبدیل گامز۔
مرگی دوران گزھنہ مریضس گنہ قسمک کھن یا چین دیں۔
مرگی لدس گزھنہ سائل، سکوتر یا گاڑی چلاونہ دنی۔ مرگی اگر واریاہ
کالس روز بہمارچھ بد مزاج، کتھ کتھ پٹھ شرارتھ کرن دول، پڑتھ
ساتہ لڑاے کرنس تیار، اُمس ستر گزھنہ گنہ تہ ساتہ بحث کرن۔

علاج

☆ مرگی دوران گزھ مریضس نہ تل روہن یا گنڈرس مشکل دیں۔
زیو گزھس نہ دندان منز بند آسن۔ اگر آسہ چچہ ستر گزھ اندر کرن۔
امہ خاطر چھ دند ووٹ تھو دتھن تہ دوشوے دند وڈی کھولن۔

☆ بہمار گزھ لرساؤن۔ پلو گزھنس ڈیکو کرن۔

☆ بیلٹ، موڑ یا ٹاے اگر آسبس تم مژرا و تھ گزھ ہسپتال و اتناونچ
کوشش کرن۔ اُمی ہند بن گر کبن اُمس بہمار ہند بن چندن منز مکمل
ایڈرس پرچہ تھاون۔

☆ بہمار گزھ نہ خلوق تراؤن۔

☆ ٹھیک گزھنہ کس صورتس منز گزھ ائس پروٹین تہ وٹمن دول غذا
دین۔ نون یوتاہ کم کھپنہ تیوتاہ واتنس فاید۔

☆ روہن اکھ ز پھل گزھن دوئس منز گزیکہ ناوتھ مریفس چاؤنی۔

☆ مائز پنک (برگ حنا) رس، آسور پوڈر، کالہ مرز پوڈر یکوٹہ
ملناوتھ گزھ بہمارس ز نور پھیر کستہ اندر تر اوئی۔

☆ سبز تلسی و تھر پستھ گزھ بہمارس مالش کرنی۔

☆ ۲۱ درانہ ذافل مال نالو تر اوئے ستی تہ گزھ فرق۔

☆ دآن کٹیک سبز پن ۱۰۰ گرام تہ ۶۰ گرام شکر، ۶۰ گرام دیسی گب
صجن شامن استعمال کرنہ ستی چھے مرگی ٹھیک سپدان۔



مائل نہ آسن، بوچھ نہ لگن

یمن بوچھ چھ لگان تمن چھ معد ٹھیک کام کران۔ بوچھ چھ واٹھ
ہضمس ستر۔ پیلہ گوڈنبتھ کھیؤ مت کھن معد منز بڑ ونہہ پکے بوچھ
لگہ پائے۔ کہاوتھ چھ بے مائس چھ آلہ تہ کھران، یعنی پیلہ مائل
آسہ نہ کمہ کمہ نعمز آسرتن بڑ ونہہ کنہ کھنس چھنہ دل مانان۔ بوچھ
نہ لگنس چھ کینہہ خاص وجوہات امہ وراے تہ۔ یمن منز بہار شخصس
(گنہ تہ قسمک بہار) چھ مائل رٹان۔

قبض آسن۔ ورزش ہنز کی یا نہ کرنی، بے کاری، زیاد سوچ پریشانی،
زیاد سگریٹ نوشی، زیاد شراب نوشی، وقس پٹھ میسر نہ سپڈن یا منہ
مطابق کھن نہ میلن۔

سائنس کھنس منز یم مصالحہ جات ورتا ونگ سلسلہ پتہ پٹھے چلاو
آمت چھ تمن منز چھ مائل پھرناونچ صلا حیت تہ موجود۔ یم مصالحہ
جات چھ بطور ادویات تہ کام کران تہ سائہ خوراکیو مختلف تاثیر سائہ
مزا مطابق بناوان۔ امہ علاو چھ کینہہ چٹ پٹی چیز تہ یم سون مائل

پھر ناؤس منز مدچھ کران تہ کھنس منز گرم، سرد، بادی بیترا اثر ذایل
چھ کران۔ یمن منز چھ آشچار، ژوکبر، ٹچھر، مچھر وغائر۔

یتھہ پاٹھر چھ مائل نہ آسن یا بوچھ نہ لگن، معدس منز سپدن
و ا لس نظامس علاو معدس منز پاؤ سپدن و ا لس گیسس یا کھنس
چنس منز چکنائی، چربی، گبو، تیل آسن تہ گیس پاؤ کران، ہوکھی
ہوکھی کھن کھنہ ستر چھ گیس بنان۔ یہ کمی کتھہ پاٹھر گزھ دور۔

یڈ منز بنیومت گیس خارج کرن چھ ضروری یتھ زن مائل پھیر
تہ بوچھ لگہ۔

ادرک، امرود چھ یڈ منز سپدن وول گیس خارج کرنس منز مدکران۔
ادرک ۵ گرام نیگ نیگ کترتھ نوٹن مرٹ و انگنس رتھاہ ملناوتھ
خوراک کھنہ بڑ وٹھہ چھ گیس خارج سپدان تہ نو و گیس چھنہ بنان تہ
مائل چھ پھیران تہ بوچھ چھ لگان۔

بادیانہ، اجوائن، روگ، مرٹ، لپدر شوٹھ مصالحہ چھ بادی
ہو خارج کران۔ ٹماٹر چھ بوچھ بڑاوان۔ تمبر آب اکھ گلاس کالے
ترس تر آوتھ تہ صُجے موٹھ دتھ چنہ ستر چھ مائل کھلان۔

بوچھم کم لکنہ خاطر نُسجہ:

کیٹرون لکن چھنہ کھئے کھئے تہ پڈے یوان۔ زن چھک یڈ
منز سرف آسان۔ امہ خاطر چھ اکھ کپ کر ہن چہنہ ترے گلاس
آبس منز گز بکہ ناوتھ، چھانتھ، ٹھنڈ کر تھ چہنہ ستر لگہ بوچھ کم۔
نؤنہ دار مچہ ز پٹنر یانج، توتھ سفید زیر بگار، میتھی بگار، پنگہ بغار،
ز تٹھو وانگن، پدہ رس نون مرث وانگن ملناوتھ۔ ادرک، ر ون
گروھن پتیس غذہس منز شامل کرنی۔



نس سپر

- ۱۔ نس سیر پینہ وائس گزھن ز پھیر د نیم رس نکوار بن منز تر اونی۔
- ۲۔ مؤر د چھ رس نستہ کن کھالہ ستی چھے نس سیر دستی بند سپدان۔
- ۳۔ املہ: تاز یا خوشک املہ آبس منز ا کس راتس وز ناوتھ صُجے
گزھ امی آب ستی کلہ چھلن نس سیر گزھ بند۔ یس املہ آبس منز وز
ون اوس تھو و مت سہ گزھ د گتھ کلس پٹھ حلوک پاٹھو لا گتھ
تھاؤن۔ کینش کالس کلس پٹھ تھاوتھ گزھ کلہ چھلن۔ نس سپر کو
کلچ گرمی گزھ دور، کلس پیہ شہلتھ پیہ گزھ مس ملایم تہ پرتھ زلن
گزھ بند۔

☆ دودس منز کیلہ تہ کھنڈ رزھ ملناوتھ چہنہ ستی گزھ دہن دہن
منز مکمل فایدہ۔

☆ دَا ن رَس یا گنڈ رَس ز ز پھیرِ نِسۂ اندر ترِ او نہ سترِ چھۂ نَس سیر
بند گڑھان۔

☆ تازِ دِلۂ وَل: تازِ دِلۂ وَل پترِ کَلَس پٹھ لیو ب کُرتھ (یعنی آبَس
منز پستھ تہ پیسٹ بناوتھ) تھاو نہ سترِ چھ گرمی کنی سپَدَن واچینِ نَس
سیر بند سپَدان۔

☆ شَنۂ آبۂ یا سر د آچہ دچہ کَلَس دِ نہ سترِ چھۂ نَس سیر بند گڑھان۔
دلیسی گبو: ژور ژور پھیرِ نِسۂ منز ترِ او نہ سترِ تہ چھۂ نَس سیر یَن
بند سپَدان۔



یڈ دود، بدہضمی تہ پیچش

یڈ دود آسنکو چھ واریاہ وجوہات۔ عام یڈ دود چھ کھن ہضم نہ
گڑھنہ کن سپدان تہ کنہ ساتہ چھ کھن پور نہ واتنہ کن سپدان۔ یڈ
دادستی چھ منز یڈ پیچھ یوان، منز یڈ دگ کران، منز یڈ پھوکھ کھسان،
دڑوکھ یوان، مسیل گڑھان یا بار بار باتھ رؤم گڑھنچ ضرورت
باسان۔ منز چھ دڑوکھ پڑاہ یوان ز انسان چھ پریشان گڑھان۔
سہ چھ سونچان ز مے نہ کھنڈے نہ یوت واپس کپارک دڑاویوت۔
منز چھ دڑوکھ ستی خون تہ یوان یس اکثر زور واتنہ کن کنہ خون
انن واجنہ یانہ واجنہ نار ہند زھنہ کن یوان۔ دہہ پنداہہ لٹہ نہر
نیرنہ کن چھ مادان جاپہ تڑ ووتھان تہ اتجہ لاگن تہ مشکل سپدان۔
بہمارس چھ ہمت موکلان تہ تھچھ کھسان۔ کنہ ساتہ چھ یڈ دود یوتاہ
زبردست آسان یس وقتس پٹھ پر اندر پچ ژینہ ون چھ دیوان۔
یڈ دود چھ اکثر نا صاف کھنس یعنی یس کھن صاف تہ پاک

جلیہ، صاف تہ پاک اتھو ستر، صاف تہ پاک بائن منز تیار آسہ نہ
 کرنہ آمت، مہو یا چھو اولوڈ آسہ کورمت یتھ کھن کوتاہ تہ لذریا
 دزؤگ اسی تن، یہ چھ نوقصان و اتناوان۔ اتھ پٹھ پھلیو مت انفکشن
 چھ سائنن اندرمن کو معدس ملوٹ کران تہ آسہ چھ بہمار سپدان۔

کلبے، قبض، پھوکہ ڈاگر، ژوکہ ڈاگر، ایسی ڈیٹی وغار چھ امکی
 دین۔ ہمیشہ گڑھ صاف جلیہ، صاف بائن منز صاف اتھو ستر نوش
 فرماؤن۔ انداز چھ ز کم کھن کھنہ والسن ہند مرنگ تعداد چھ زیاد
 کھن کھنہ والبو کھوتہ کم۔ یعنی کم کھنہ والی چھ کم مران تہ زیاد
 کھنہ والی چھ زیاد مران۔

سائنس جسمس منز چھ تقریباً ۷۰ فیصدی آب تہ اگر گنہ وجہ کنی
 یہ آب کم گڑھ چاہے سودر وکھ تری کنی سپد یا دستہ آسہ کنی یا پیپہ کاٹھہ
 وجہ آسہ بہمارس چھ آب اندر و اتناؤن ضروری۔ چاہے سہ آسہ کنی
 و اتن یا گلوکوز ڈرپ لا گتھ و اتن۔ یو تام بہمار ہوش منز چھ اُمس
 گڑھ گزیکہ ناؤر ہمتس آلس منز سرد گرتھ نون تہ مددیر ملناؤتھ
 چاؤن۔ بہمار ہندس جسمس منز آچ کی چھا کنہ نہ یہ چھ بہمار ہند

اتھہ کس پتیس حصّس ژؤمّت بھتھ مُسلّم ہیور کھسان پتہ چھ یہ
مُسلّم واپس وسان اگر آتچ کمی آسہ تیلہ وسیہ یہ مُسلّم وار وار نتہ چھ
یہ یکدم سستی واپس وسان۔

لوکٹہن بچن دستہ، دڑو کہ یا پچیش یعنی یڈ دود آسُن چھ خطرِ ناک۔
اتھ پوزیشنہ منز چھ بچہ سُنڈ دھیان تھاؤن ضروری تہ کینژون گتھن گُن
گڑھ فوری توجہ دیں۔

۱۔ بچن گڑھ نہ ماچہ ہنڈ دود بغار باقے دودھ بند کُرُن۔

۲۔ کھنہ چنکو چیز گڑھن صاف صفائی ستر و لٹھ تھاؤنی۔

۳۔ کچھن، مہین نشہ گڑھ بچاؤ کُرُن۔

۳۔ تاز آب گڑ بکھ ناؤتھ، ٹھنڈ گڑ تھہ یہوے آب چالوتھاؤن۔

۴۔ کالک یا واریاہن دوہن ہنڈ غذا کھنّس گڑھ پرہیز کُرُن۔

یڈ داو وائس گڑھ دگہ ہنژ جاپہ گرم آبہ بوتل تھاؤنی تہ یڈ داؤس

فرق سپنس تام گڑھ نہ بہار رس گنہ تہ قسّمک کھن دیں۔



ناف

ناف چھ انسانی جسمس مئز سہ انگ بیہیمیک تصور دیسی علا جس
 مئز ے زیادہ پہن چھ۔ ایچ جاے چھ سائنس شکمس مئز نیپر کئی تہ
 بوزنہ یوان یتھ اُس تون چھ ونان۔ یہ چھ سہ گنڈ بیہیمہ کئی اُس ماچہ
 ہنز یڈ مئز آسنس دوران خوراک، طاقت تہ توانائی چھ حاصل
 کران۔ بیہیمہ ساتھ اُس ماچہ ہنز یڈ مئز نہر چھ نیران اتھ اندرم کلس
 چھ اُس ثنائ تہ گنڈ کران یس بڑوٹھہ گن توہنچ شکل اختیار چھ
 کران۔ گنہ وجہ کئی مثلاً گوب بورٹلنہ کئی یا زیادہ زور لگانہ کئی چھ یہ
 اندرم گنڈ یعنی ناف پنہ جلیہ نش دچھن یا کھوور ڈلان بیہیمہ کئی یڈ
 دودچھ باسان۔ سانہ معدہ کارکردگی چھ فرق یوان۔ اگر ناف پنہ
 جلیہ ڈچھ آسہ یہ پرکھاونہ خاطر چھن اُسی بہمار یڈ ہیور گن کر تھ
 سادان تہ اکہ پنہ داوستر تونہ پٹھ پستانن تام مینان۔ یہ گنہ دچھنہ
 پستانہ پٹھ تونس تام تہ تونہ پٹھ کھوورس پستانس تام برابر آسن۔

اگر برابر آسہ نہ تیلہ گڑھ اکہ چچہ کا شری تیلہ ستری تو نس نش مائش
 کرنی۔ وار وار محسوس کرنہ ستری واتہ یہ پنہ جاپہ۔ اڈی ماہر پن کھور
 (گوڈ) تو نس پٹھ تھاتھ بار تر اوان تہ ناف چھے واپس پنہ جاپہ
 واتان۔

علاج:

۱۔ زچچہ بادیانہ پوڈر گورس ستری ملناوتھ پائون دوہن استعمال کرنہ
 ستری چھے ناف پنہ جاپہ ڈٹتھ روزان۔

۲۔ ناف دبار نہ ڈالہ خاطر گڑھ ۵۰۰ رام زومتس دودس منز اکہ چچہ
 لیدر پوڈر ملناوتھ استعمال کرن۔ ناف روز پنہ جاپہ ڈٹتھ۔



قبض

قبض گو و مقرر کر دے متس و قس پٹھ یڈ صاف نہ گزھن۔ یا یڈ کم
 صاف گزھن یا سخت زور لگا ونہ پتے وار یا بہ کا کزیرن۔ امہ کز نہر
 نرن و ائلس ملس آنچہ گزھان بیہ کز یہ مل اندر من منز رو زتھ
 ئوس ملس بز وٹہ پکنس رکاوٹھ چھ کران۔ گنہ ساتہ چھ زور لگا ونہ پتہ
 تہ اوڑے مل نہر نیران تہ اوڑ اندرے روزان بیہ کز بار بار پا خانہ
 نیرنچ کل چھ روزان۔

قبض کتھہ پاٹھی چھ گزھان

بے قاعدگی سان کھنہ چنہ ستر الگ الگ و قس پٹھ تیار گزھن و ول
 مل معدس کبو اندر من منز جمع سپد نہ پتہ سخت گزھان تہ بز وٹہ نہ پکنہ
 کز ئوس ملس نہر نیرنس رکاوٹھ کران تہ تھہ پاٹھی چھ ملک نو و نو و
 تہ اندر من منز جمع گزھان۔ یاد چھ تھاؤن ز یہ کینزہاہ اسی کھو ان
 چھ تہ منز چھ سون جسم معد کبو اندر من ہند ذریہ کینہہ کار آمد حصہ

ژہان تہ باقی حصہ چھ کوش یس جسمہ منز نہر کڈن ضروری چھ۔ اگر
 یہ کوش سانبہ جسمہ منز صبح و قس پتھہ نہر نہر تہ یہ چھ واریا ہن
 تکلیفن منز بتلا سپدان۔ یڈ دود، السر، گیس جمع گڑھن، دل راؤن،
 کلہ دود، بوا سیری وغار چھ صرف امہ قبض آسچ مہربانی۔

یڈ کبو اندرم صاف کرنک نظام گڑھ صحیح تہ مکمل آسن تہ امہ
 خاطر چھ اُکس مقرر کرئ متس و قس پٹھ یڈ صاف کرنک عادت
 بناؤن۔ اگر اتھ و قس پٹھ حاجت بابہ نہ توتہ گڑھ کوشش کرئی۔ مل
 نیرنک وقت اگر کنہ وجہ کنڈلہ تیلہ چھ قبض پاؤد گڑھان۔ اگر اُسی صبح
 نیند روٹھ تھے ز گلاس آب گرم یا سوکھہ وشن چبنک عادت بناؤد کوتاہ
 تہ کالک قبض تہ گڑھ دؤر۔ اگر اُسی رتس منز اکہ دودہ جلابہ کرنک
 عادت بناؤد سون معد روز نرم تہ گند مواد نہر نہر تہ اُسی کز و راحت
 محسوس۔ شرط چھ یہ جلابہ گڑھ دیسی آسن یتھ منز برگ نساء یا
 کسٹرا مل شائل آسہ۔

تر پھلا چورن یعنی ہلیلہ تہ اُملہ ہموذن پوڈر بناؤتھ اکہ اکہ چچہ
 شوکنہ بز وٹھہ استعمال کرنہ ستر تہ چھ معد نرم روزان۔ ست اسمول
 ۱۰ اگر ام شوکن و ز اُسن دودس ستر یا آبس ستر چھ قبض دؤر کرنس

ستری پیہ تہ کینہہ معد کر یا اندر من ہند تکلیف دور کران۔
 اگر واریاہ کالک قبض آسہ صجے گڑھ سنگتر رس اکھ گلاس اٹھن
 دوہن چنوں قبض گڑھ دؤر۔ مل نیرنہ باپتھ اگر آس زور لگا وول نہر
 نیرنچہ جاپہ ہنر ز اؤر چہ رگہ چھے ژھنہان تہ تمن چھ خون یوان یا
 بو اسیری ہنر ہمبہ چھے خونی سپدان تہ انسان چھ خون وچھتھ پریشان
 سپدان، کم ہمت گڑھان۔ یڈ منز جمیمت مل چھ گنہ ساتھ یوتاہ بدبوے
 چھکان ز انسان چھنہ کائہ نش وٹھن پھن لایق روزان۔ گنہ ساتھ
 چھ یہ گیس رس دبرارے تیز کران تہ انسان چھ پریشان گڑھان۔
 موربہ ہلیہ آنچہ کڈتھ ا کس گلاس گرم گرم دودس ستری ز ترے
 دوہن استعمال کرنہ ستری تہ چھ قبض دؤر گڑھان۔

خالی ہلیہ زرد پوڈر ۱۰۰ گرام راتس آہے گلاسس منز ترس تھاتھ
 صجے بند روٹھ تھے چنہ ستری یا صجے سکے ژوٹھ کھنہ ستری۔ امردو، پیتا،
 انجیر، خضر، گنڈ، مچہ، گازر پھول گوی رس، خربوز چھ قبض دؤر کرنس
 منز مدد کران۔

مسر دال، نیم رس، انجیر آہس منز پاکہ ناوتھ مچہ نون مر ژ ملناوتھ
 چھ یڈ ہند مل نہر کڈنس منز مدد کران۔

اُندرمن ورم

بڈس اُندرمنس ورم آسنگ علاج چھ گازررس، چوگندررس ۵۰ گرام،
 لاررس ۱۶۰ گرام یکوٹہ ملناوتھ چیون۔ دوه دس ژوٹھ کھنبہ ستری چھ
 یڈ ہندو واریاہ تکلیف ٹھیک گزھان۔ یمن منز معدس منز گیس پاڈ
 سپدن، یڈ دگ، تزلش زیاد لگزی یا اُندرمن زخم آسہ ژوٹھ چھ یمن
 سارنہ تکلیفن ٹھیک کرنس منز مدد کران۔

ٹماڑتہ گازررس چھ اُندرمن ہندو دا دھیک کرنس منز مدد کران۔



بواسیری

لگاتار قبض روزن چھ بواسیری ہنز بنیاد۔ تیز مصالحہ دار کھن (Fast Food) چھ بواسیری بڑوٹھہ پکناؤس منز مدد کران۔ مل نہر نیرنچ جاے چھ تھان تہ اتہ نس چھ ہمبہ پاد گڑھان یم گراہ مل جلیہ اندر کنز تہ گراہ مل جلیہ نیئر کنز تہ چھ آسان۔ مل نہر کڈنہ باپت بیلہ قبض آسنہ کنز اسی زور چھ لگاوان یم ہمبہ چھ پھٹان تہ خون جاری گڑھان تہ بہمار چھ حواس باحتہ گڑھان۔ یمن ہمبہ چھ ہنز تڑس ہی لگان تہ منز چھکھ دگ تہ کران تہ دگہ ستر کشن تہ بان۔ بہمار چھ کم ہمت کو کمزور گڑھان۔

علاج

۱۔ گوڈنٹھے چھ قبض دؤر کرن ضروری۔ اگر قبض دور گڑھ نہ خون نیرن تہ دگ روز جاری۔

۲۔ تیز مصالحہ دار کھن (Fast Food) تہ کم رتبہ ول کھن چھ بواسیری ہنز بنیاد۔ لہذا چھ دؤیم دواتمہ چیزک ترک کرن۔

۳۔ بواسیری و اُلس چھ ہضم کم سپدان، بوچھہ کم لگان، بٹھس چٹھس کم زیادہ ورم تہ کھسان۔

۴۔ ۵۰ گرام ریٹہ گڑھن تا و پٹھ تھاؤنی تہ یمن پٹھ گڑھ اکھ کل دُبہ کُرتھ تھاؤن تہ امہ پتہ گڑھ تا و تل تقریباً اُس گائٹس نارزالن۔ امہ پتہ گڑھ کل تھو دتُلن۔ ریٹس آسہ بسمہ گوٹ۔ امہ پتہ گڑھ ۲۰ گرام یہ ریٹہ بسم، ۲۰ گرام سفید اصلی پان کتھ تہ ۳ گرام کُشتہ فولاد کیوٹہ ملناؤن۔ چھان کُرتھ گڑھ یہ اُکس شپٹہ بوتلہ منز جمع تھاؤن۔ دود دس تقریباً دہن پندہن دوہن گڑھ اکھ گرام یہ تیار کو رمت کُشتہ صُجن شامن ۲۰ گرام تھنہ ستر ملناؤتھ پٹھہ کھ پاو گرم اوم دود چئون۔ یہ چھ بواسیری خاطر اکھ کامیاب دوا۔

پرہیز

ماز، شراب، امہ، دچھ گڑھن نہ کھین۔ یم چیز قبض آسن کران تم گڑھن نہ بلکل کھین۔ یم ہبہ مل نیزن جلیہ اندرگن یا نہرگن چھ تمس گڑھ پنہ او نگہ ستر و اسلین ۵۰ گرام یٹھ منز بورک ایسڈ ۶ گرام تہ دلی کو فور آسن ملناؤتھ کینٹون دوہن پنہ او نگہ ستر لائگن۔

خونی بوا سیر ژلراونک نسخہ

جافر کولیک پینہ و تھہر ۱۰ گرام، سیاہ مرچ ۲ گرام، مصری ۱۰ گرام گڑھن
آبس ستر کھل کرن یعنی رگڑاؤنی تہ ژورن دوہن اکہ اکہ لٹہ چہنہ
باپتھ ژور خوراک بناؤنی۔

☆ کچ گاڑ کھنہ ستر، گاز رس ۳ حصہ تہ اکہ حصہ پالک رس چہنہ
ستر چہنہ بوا سیری ٹھیک سپدان۔

☆ وانگن لوٹ، ہو کھنا و تھہ تہ پوڈر بناؤ تھہ اگر ہمبن پٹھ زور لا گتھ
تھاونہ تین ہمبہ پین ہو کھتھ و ستھ۔

☆ چونگدر کھنہ ستر تہ چہنہ بوا سیری ٹھیک سپدان۔

☆ مؤڈر امبہ رس ۲۰۰ گرام (یعنی تقریباً اکہ گپ)، مؤڈر زامٹ
دود ۲۵ گرام، اکہ چمچہ ادرک رس، ژون دوہن ژور خوراک امی
حسابہ ۳ خوراک چہنہ ستر سپد بوا سیری دؤر۔

دودہ دش کھنس چنس منز گڑھن یم ہیرم چیز شامل کرنی۔

شوگر بیماری

سائیس جسمس منز کھنڈ انسولینس منز تبدیل کرن وول نظام متاثر سپدنہ کنی چھ یہ کھنڈ سائیس پیشابس ستر خارج سپدان بیمہ کنی سانبین بوکہ وچن زیادہ کام چھ پیوان کرنی تہ تہنژ کار کردگی چھ اثر انداز سپدان۔

سون لب لب (Pancreas) یس سائیس جسمس منز امہ کھنڈیچ تہ اتھ کھنڈس انسولینس منز تبدیل کرتھ ایچ لیول برقرار تھاوان چھ پیلہ یہ مقرر کرنہ آہڑ کام چھنہ ہبکان کرتھ اُس چھ مختلف تکلیفن منز مبتلا سپدان۔ کمزوری، زہن زنگن دگ، اُس خوشک، زیادہ پیشاب، زیادہ بوچھ، زیادہ تڑیش، قبض پھپھر نیرنی، بندر نہ تنز وغائر تبدیلیہ چھ صاف باسان۔ یہ بیماری چھ واری واری نال ولان تہ گوڈ گوڈ چھنہ محسوس سپدان زامہ بیماری چھ نال وولمت مگر پیلہ بیمہ علامت چھ بز وٹہہ یوان امہ ساتھ چھ آسان زیر گوومت۔

پیشابس ستر خارج سپدس ستر ستر چھ یہ خونس ستر ستر شامل
سپدان۔ مسلکو دادر، کلہ دادر بیتز چھ امکو تینہ ون۔ گوڈ گوڈ اوس
امینگ شکار موٹ مردیا موچہ زنانہ یکن ۴۰ پٹھہ ۵۰ وری علاوہ وائس
اُس آسان لیکن از کل چھ امینگ شکار لوٹ بچہ ستر سپدان۔ شوگر
بہمارس پیلہ علاج وائس کوتاہی گڑھ یا علاج صحیح وائس نہ اُس
چھ اچھ ہند گاش ستر متاثر سپدان۔

علاج

ساروے بڑوٹھہ چھ اُس بہمارس مدریر ستر مدر چیز کھنس
پرہیز کرن۔ امہ پتہ گڑھ اُس خونس کو پیشابس ٹیسٹ کرن یتیمہ
ستر یہ پے لگہ ز اگر یہ بہمارس چھہ بچہ ستر ایچ لیول کاڑاہ چھہ۔ ایچ
بول گڑھ ۸۰ پٹھہ ۹۰ یونہ ستر ہیر ۱۱۰ پٹھہ ۱۲۰ تام اُس لیکن وچھہ
چھ اُمّت زوار یا ہن چھہ ۵۰ پٹھہ پوائنٹ ہیر کو یونہ بڈ پٹھہ آسان۔
امہ قسمک بہمار گڑھہ آلہ اُس۔ بلکہ گڑھ زیادہ Active اُس۔
صچک سار سزارس منز کرن چھہ اُم سندر خاطر اہم۔ لہذا گڑھ یہ نہ
زنگہ ستر جسمکو باقی تان ہلاؤس پٹھہ تیار اُس۔ اُس چھہ پٹن دودہ

اڪه مقرر ڪرڻ آءِ ٿايم ٿيليل مطابق گزائون۔ وقت پڙھ وٺھن،
 پھن، ڪھيون، چيون، پکن ٿلن، شونگن بتر گزھ اڪھ لاکھ عمل بناون
 تہ اتھ پڙھ مضبوطي سان عمل ڪرڻ۔

☆ سبز ترڪار، دال، زامت دودھ، چھوڪہ دودھ، گريلہ، جامن، نيم
 تڙيش پڙن اءِ مس يار بناؤڻ۔

☆ قبض گزھ تہ آسن امہ خاطر اڪھ چمچ تر بھلا چورن، اڪھ چمچ
 آلس ستر ڪھڻگ عادت بناون۔

☆ لار، ٿماڙ تہ گريلہ رس يا اڪھ گلاس گزھ دودھ استعمال ڪرڻ۔
 ☆ نونہ دار ليمس تڙيش گزھ بار بار چڙي۔

☆ ميتھ بول پوڊر بناوتھ اڪھ چمچ صُجن، اڪھ شامس استعمال ڪرڻ۔
 ☆ بته ڪم تہ ٽوٽ زياد ڪھڙي۔ ڪنڪہ اءِ اُس ستر وشڪہ اوٽ تہ چنہ
 اوٽ ملناوتھ اڪھ ٽاپچ ٽوٽ ڪھڙي۔ سلاو زياد ڪھتھ يد پڙي۔

☆ ٿور پاڻو سدا بهار پوش نصف گرم آبه گلاس منڙ پاڻون منڻ
 وزناوتھ تھاونہ پتہ تہ آب چيون۔



کڑہنہ ماڑک دود

کڑہنہ ماڑچھ دُچھنہ پاسہ کین سپنہ ترہن اُنڈر رُکڑی آسان۔
 اتھ دود آسنہ کڑچھ گوڈنتہ تھچھ کھسان، کڑہنہ ماڑس ورم کھسان،
 کڑہنہ ماڑچ جائے سخت گڑھان، دباونہ ستر دگ کران، محنت کرنہ
 ستر یا کینہ ساتھ محنت کرنہ وراے تھکاوٹ باسان۔ کلہ دود، بدہضمی،
 اُسس بد مزہ، قبض، یڈ سخت تہ یڈ منز بادی گیس جمع گڑھنہ، بے چینی
 تہ کمزوری چھہ امہ دادچ علامتھ۔ کھنہس چنہس نہ ماہے، زیو، اچھ،
 بُتھ چھ سفید شہین ہیو باسان۔ بُتھ پٹھے چھہ کمزوری پڑیدان آسان۔
 کڑہنہ ماڑک دود آسن وائس گڑھ مپو رس، سولاد، مچہ، گازر،
 ٹماٹر، موسی رس، پیتا، دان رس، خضر، انجیر، کشمش، امہ تہ
 ساروے کھوتہ زیادہ لیمو رس یار بناوڑی۔ اُکس لیمپس گڑھنہ ژور
 حصہ کرنی۔ اُکس حصہ گڑھ نوَن ملناوَن۔ دویمس حصہ کالہ
 مرٹ پوڈر، تریپہ مس حصہ شوٹھ پوڈر تہ ژورک مس حصہ کھنڈ۔ یم

زوشوے حصہ گڑھن گنہ کٹورس منز راتس ٹھانہ دتھ تھاؤنی۔ دویمہ دوه
 صُجن گڑھ اتھ مصالحہ دار لیمپس گرم کرتھ رس کڈتھ چئون یہ واتناو
 سبٹھاہ فایدہ۔

دانہ ول، پُدنہ، شوٹھ، کالہ نون یمن گڑھ چُون بناؤن۔ یہ
 چُون گڑھ دوہس تڑیپہ لہ استعمال کُرن، بہمارس پھیر مائل۔
 کزہنہ مازس واتہ طاقت۔ زوشوٹھ، پیپتا، گازر، خربوزہ چھ اتھ
 داس فایدہ واتناوان۔

سبزین منز چھے زہٹھ آل، گریلہ، وانگن فایدہ مند۔ اجوائن ۱۰
 گرام، تلسی پن ۱۰ گرام اُکس آبہ گلاسس منز گزبکہ ناوتھ ییلہ سہ
 زورم حصہ موڑ پتہ گڑھ یہ اکہ دوپہ لہ ستن اُٹھن دوہن استعمال
 کُرن۔ کزہنہ مازک تکلیف گڑھ دُور۔



یو کہ وچن منز کنی

سائنس خور اکس منز کلشم، فاسفیٹ، آکزیٹ شامل آسنہ کنی چھ
 بیم یو کہ وچن منز جمع گڑھان تہ کنہ ہنز صورت اختیار کران بییمہ کنی
 گوردن، کمرس برداشتہ نہر دگ چھ کران تہ بہمار چھ پان تھر پٹ
 وان۔ دگ آسنس ستر چھ اتھ قطر قطر پیشاب یں تہ پیشاب کرنہ
 ستر تتر وٹھن تہ علامتھ۔ کنہ ساتھ چھ پیشابس ستر خون تہ یوان تہ
 کنہ ساتھ چھ پیشاب بند تہ گڑھان۔

علاج

۱۔ تاز کھوپر آب چھ کنی نہر نیس منز مدد کران۔

۲۔ تاز پالک رس۔

۳۔ گریلہ رس اکھ گلاس دوہس دوپہ لٹہ چہنہ ستر۔

۴۔ تخم، لاجنتی یا لاجنتی کولیک مول پنہ وٹھر ڈنڈ یا بیول آبس منز

گزبکہ ناوتھ بیٹلہ ژورم حصہ روز سرد کر تھ گڑھ پیہ دوہس دوپہ تری پیہ

لہ چوون، پیشاب نالین ہند ورم گڑھ دؤر۔

۵۔ زالتھ مکایہ وچہ ہند سورتہ وشکھ سؤر گڑھن الگ الگ بوتلہ منز
تھاوہ تہ وقت ضرورت مکاے وچہ سؤر زچچہ گڑھن صُجے آبس ستر
کھینز تہ شامنس گڑھ وشکھ سؤر آبس ستر کھیون، کُز نیر ریڑ ریڑ
گرہتھ نہر۔ پیشاب گڑھ صاف۔

وش کشاہ (وشکھ آب چہنہ ستر) چھ گن ریڑ ریڑ گڑھتھ نہر نیران۔
زہٹھ ال ٹگر کرتھ آبس منز گرم کرتھ دگہ ہنز جلیہ لاگنہ ستر تہ امہ آبہ
ستر مائلش کرنہ ستر چھے دگ فوراً آرام یوان۔

کُز کڈنہ خاطر چھ واریاہ نسخہ یمن منز کینہہ نسخہ ہتھ پٹھر چھ:
۱۔ لار بیول، خربوز بیول، مرث کونڈ، کشمش تہ کاج ۱۰، ۱۵ ادودہ صُجے
شیر بناوتھ استعمال کرنہ ستر چھے کُز نیران۔

۲۔ بریہ ۱۰، اگرام، زیر ۱۰، اگرام تہ کشمش ۱۰، اگرام ہم وزن چھ بیا کھ نسخہ۔
مہون منز: ژوٹھک، امبہ، خربوز، جامن، خضر، گازر، لار، گنڈ گڑھن
بطور سلا استعمال کرنہ۔ سوؤت ڈون (کُند تہ گوچہ ہتھ) زالتھ تہ
اتھ پوڈر بناوتھ گڑھ صُجن شامن اکھ چاہہ چچہ یہ پوڈر آبس ستر
پھکھ کھنہ ستر چھے کُز نہر نیرنس منز فایدہ اتناوان۔

گُرس (زامت دودھ، تھنڑی کپولایہ بغار)

نے شکر رَس، کرو تھ آب، برگ نیم، چوگندر، گنڈ رَس، مچہ بیول، مچہ
پُترن ہند رَس، چبنہ دالہ ہند آب، کنکہ آٹچ ٹوٹ، برگ حناء (مانزو
پن) آبس منز گزبکہ ناوتھ بیلہ ژورم حصہ روزیہ گنڈھ سوکھہ وشن
کرتھ پانٹون دوہن چیون۔ مچہ رَس ۲۰ گرام تہ مچہ پُتر ژاپنہ ستری چھہ
کنڑی ٹکر ٹکر گنڈھتھ نیران۔

☆ کرو تھ دال، کالہ مرژ، سفید زُر، کالہ زُر، ہلدی (لیدر) غذاہَس
منز شامل کرنہ ستری چھہ کنڑی نرس منز مدسپدان۔

☆ دچھہ رانت پن تقریباً ۳۰ گرام رَس اُکس آہہ گلاسس منز
چھاٹھ تہ نوہ رژھ ملناوتھ چھہ یو کہ وچن ہنز دگ فوراً کم گنڈھان۔

☆ کیشن دوہن گاز رَس تہ گو گچہ رَس نصف گلاسہ چبنہ ستری چھہ
یو کہ وچن دگ بلکل ٹھیک سپدان۔

☆ ہند و ہند چھہ یو کہ وچن طاقت دوان۔

☆ یو کہ وچن منز کنڑی یادگ تہمس آہہ تہمس چھہ اُلو دوا۔ اُلون منز
چھہ سوڈیم زیادہ تہ پوٹیشیم کم۔ یہ چھہ یو کو چو منز فاضل نون نہر کڈنس
منز مدد کران۔

کابٹے

سائنس خؤنس منز بیپلہ کنز ووزچہ سہلہ کم چھے گزٹھان
 بلیروون Billirovin یس کزٹھنہ ماز پٹھہ چھ یوان، چھ پٹن اثر
 تزاوان۔ سائنس خؤنس منز شامل سپد تھ چھ پٹھ لیدریرسانن اچھن
 ، سائنس مسلسل، سانن نمَن ہند رنگ لیڈر سپدان۔ اتھ چھ ونان
 اسی کابٹے۔ شروعاتی ستی چھے اتھ دا دس منز گوڈنتھے اولن یوان، د
 زو کہ پھیران، چھن ووتھان، اُس ٹٹھان، تن مسل سپدان، معمولی
 معمولی ۹۹ پٹھہ ۱۰۰ ڈگری تھھ گھسان، کام کرنہ بغارتھ کاوٹ؟ وزن
 کم گزٹھان تہ اچھن ہند گاش تہ کم گزٹھان۔ امہ علاو چھ زیو پٹھہ تہ
 مل یا پوس گھسان۔ پیشاب کو ما دان تہ چھ لیڈر سپدان۔ ما داس
 چھ بوے بد آسان۔ کابٹے دوران چھ نبض سو ت ووتھان۔ گبو، تیل،
 چربی دار چیز چھنہ شروان نیمہ کنز بد ہضمی تہ چھے سپدان۔

علاج

کابٹے بہارَس گزھ گوڈنچھے کَام کار کَرَس منا ہی کَر فِ تہ پَنے گِر
 اُکس جاپہ پتھ یاشونگتھ آرام کرناؤن۔ اگر گِر ممکن آسہ نہ تیلہ گزھ
 یہ ہستالس منز پننن نظرن تل آرام کرناؤن۔ دوا کرنہ بڑوٹھہ گزھ
 اُمس جلاپہ دیُن، جلاپہ تہ چھ مُنزی کار گر سپدان تہ دوہک چھنہ
 ضرور تھے پہوان۔ بہارَس گزھ نرم غذا، نرم کھنچر پاکہ ناوتھ گرم
 دودھ ٹھنڈ کر تھ، کم نوٹہ دار لُسی، شکر رَس، گل کوز آب، موسی جوس،
 پیٹا، آلو بخار تمبر آب کالے ترَس تر وومت چنہ ستری تہ گریلہ
 رَس، چنہ دال، شوٹھ پوڈر ملناوتھ، تاز املہ رَس تہ لیمبی رَس یا گنڈ
 رَس یکوٹہ ملناوتھ، نوٹہ رٹھ ملناوتھ چنہ ستری چھے کابٹے کیشرن
 دوہن منز پتھ ہوان۔ (۳ عدد فلفل داز، لُسی یا گُرَس) چنہ ستری چھے
 کابٹے رُکان۔ گاز رَس، مچہ رَس، لار، ٹماٹر تہ گریلہ بطورِ سلا دیا رَس
 کڈتھ استعمال کرنہ ستری چھ فایڈ واتان۔ پد نہ ٹیوٹ تہ گزھ کھنَس
 چنَس منز استعمال کرن۔ ماز، گاڈ، کوگر، تیل، گبو، تلو متری چیز چھ
 کابٹے وائلس ممنون۔

پیشاپک دادر

بار بار پیشاب یُن، قطر قطر پیشاب یُن، پیشاب کرنہ ستر تتر
 وٹھن، پیشاب بند گڑھن، پیشابس ستر خون شامل آسن، پیشاب
 نیرتھ نلن، پیشابس پٹھ کنٹرول نہ روزن، بچن پیشاب بستر س پٹھ
 نیرتھ نلن۔ یم ساری دادر چھ گوردن تہ بوکہ وچن ستر تعلق تھوان۔
 بار بار پیشاب یُن چھ گنہ خاص بہمار ہنز ثینہ ون۔ اگر گردنہ ورم
 آسہ یا کینٹون دہن تھہ روز تمہ ستر تہ چھ پیشاب بار بار یوان یاز
 زیادہ یوان۔ اسی ہیکو پننس کھنس چنس منز تبدیلی گرتھ یہ بہماری
 دور گرتھ۔ امہ خاطر چھ مختلف نسخہ۔ شگر وائلس تہ پیشاب بار بار
 یوان تہ اُمس پز اتھ ٹیسٹ ضروری کرن۔

۱۔ اکھ چچہ لپدر پوڈر تقریباً ۳ ژور گرام اُکس آہہ گلاس تقریباً
 ۲۰۰ ایم ایل صحن تہ شامن یعنی دوہس دوپہ لہ استعمال گرتھ چھ
 پیشاب بار بار یُن ٹھیک سپدان۔

۲۔ اگر دَچھن ہند موسم آسہ تم گزھن ہتھ ہتھ گرام دوہس دوپہ تریپہ
لہ کھنڈی۔

۳۔ تازِ اُملہ رَس، آبس منز تقریباً ۵۰۔۵۰ گرام دوہس دوپہ تریپہ
لہ چہنہ ستری چھ پیشابہ کین دادہن آرام واتان۔

۴۔ وائس برٹس ستری ستری چھ بار بار پیشاب پنگ دود پراسٹیٹ
گدود بڑنہ کنی سبٹھاہ پریشان کران۔ امہ بہمار ستری چھ راتھ کیتھ کرٹ
پھر پیشاب کرنہ وٹھن پوان نیمہ کنی ہند رتہ آرام راوان چھ۔

پروٹیٹ بہمار گزھ خضر دودس منز گزبکہ ناوتھ واریاہس کالس
چیون۔ یہ خضر دود چھ واریہن تکلیفن ہند اگے دوا۔ مردانگی کمزوری،
کمر دود، اڈچہ دودھیک کرنگ اکھ اکسیر دوا۔

☆ سلاجیت کر پھلس سوب شوکن وز ا کس دود گلاس ستری
استعمال کرنہ ستری تہ چھ پیشان کین دادہن آرام سپدان۔

کزہن تیل گور ملناوتھ تقریباً ۱۰۰ گرام دوہس دوپہ لہ صجن شامن
استعمال کرنہ ستری چھ پیشاب بار بارین کنٹرولس منز پوان۔

پیشاب دایس منز کس کس چیز چھ فایدہ دوان تم چھ ہتھ پاتھ:

☆ مَدِرْدَا نَک پوڈر ناؤ تھ ۵ گرام خوراک دَوَس دویہ لِہ استعمال کرنہ ستر۔

☆ کز ہن تیل یا سفید تیل تہ اجواین یکوٹہ کرتھ دہ دہ گرام۔

☆ مُسر دال کھنہ ستر۔

☆ گازِر رس دَوَس دویہ لِہ اکھ اکھ لوکٹ گلاس چنہ ستر چھ

پیشاب ستر نیرن واجینز سفیدی ٹھیک سپدان۔

☆ اگر پیشاب رُکان آسہ تاز دینہ وَل پتر پانژ دہ گرام کھنڈ ملناؤ تھ

کھنہ ستر تہ پیہ کھلہ پیشاب۔

☆ اکھ گنڈا کس لیٹر آبس منز نیگ نیگ کرتھ یا کدوس کرتھ گز بکہ ناؤن

تہ ٹھنڈ کرتھ چنہ ستر۔

☆ اکھ مُج تہ اکھ گوچ گچی کھنہ ستر، وشکہ آب، گازِر رس، شوٹھ

پوڈر آبس ستر دودِ گلاس منز پانژ شے سبز آلہ گز بکہ ناؤ تھ ٹھنڈ

کرتھ چنہ ستر۔

اگر پیشاب ستر خون آسہ یوان تیلہ گزہ اکھ کس کوپر کتر وِس بانس

منز اکھ منز اوڈ لیٹر آبس منز ۳۰ گرام عاقر قر، ۳۰ گرام دینہ وَل پوڈر

رائس ترس (وُز ناؤن)، صُجے موٹھ تھ دَوَس ترویر پانژ لِہ ۱۰۰ گرام

چیون۔ پیشابس ستر خون یُن یا پیشاب رُک رُک یُن گزھ ٹھیک۔
دگ، بے چینی، تتر و تھن گزھ ٹھیک۔

☆ زیاد پیشاب پینہ و اُلس گزھ سُور دال کھنڈر دنی۔

☆ اگر پیشابس ستر سفیدی آسہ نیران، گازر رس، دأن شربت
استعمال کرنہ ستر چھ یہ تکلیف ٹھیک سپدان۔

گلہ بیول، ست اسمول، کیسرہ سفید، بیر بیول، دودس یا آبس ستر
پھبکھ کھنہ ستر یا ترس تراؤتھ چنہ ستر چھ پیشابک قہرُن یا تتر
و تھن ٹھیک گزھان۔

☆ زیر سفید تو تھتہ کھنڈر زہاملناؤتھ چنہ ستر چھ پیشاب کھلہ یوان۔



مردانہ دُا دُر، جنسی کمزوری ٹھیک کرنے بابت نسخہ مردانہ طاقت کمی، وجوہات، اثرات تہ علاج

لو کہ چار چھ سائہ بجر چہ عمارت ہند گن۔ لو کپار اگر صحیح وتہ آسہ
تیلہ چھ یہ سائہ کو سائس مائس ماجہ، سائین انگن آشناون، یارن
دوستن، سائین ہمسائین کلہ تھو دلتھ یہ وتنگ حوصلہ دیوان زیہ چھ
میون اولاد، یہ چھ میون آشناو، یہ چھ میون یار۔ یا اگر لو کپار غلط وتہ
آسہ دزامت یمنے پننن آشناون، یارن دوستن کلہ پھر نس مجبور
کران بلکہ کلہ پتھ گن پھر تھ یہ وتنگ جوازتہ پاد کران زب آسہ واتہ
نہ کہن۔ تمہ چھ لو کچہ کتھ بد کتھ بناوان تہ ونان زیہ اوس خاندانی
یتھ۔ اُس چھ مول تہ یتھ، اُس ستھ پیر پڑھے۔ ییلہ لو کپار س
منز کاٹھ غلطی چھ نالو گڑھان سو چھنہ مرنس تام تھھ تان۔ لہذا چھ
سائس مائس ماجہ سائس لو کپار س تہ پنہ بجرس رُا چھ گرنہ موکھ نظر
گزر تھاون۔ مرد آسن گو و طاقت ور آسن، ہمت ول آسن۔ نہ

صرف جسمانی بلکہ ذہنی طور پر۔ یس پنہن ہوسن تہ حاجتن ہندس
 بے لگام گرس لگام تھا و چاڑتھ، یس انسانی کمزورین پانس پٹھ حاوی
 دیہ نہ گتھنہ سہ چھ پڑی پاٹھو مرد۔ مرد چھ شیطانی سوچن پنہنس
 کنٹرولس منز تھا و تھ تہ ما لک بٹھ تمن پٹھ حاوی سپدان یٹھ زن نہ
 تم کلہ ہیکن تلتھ۔ مردانگی گپہ مردانہ طاقس را چھ کرنی یٹھ زن سہ
 وقت ضرورت شرم سار گتھ نہ۔ ذریات بڑ و تھہ پکناونہ خاطر چھ
 قدرتن پڑتھ زان منز ز جنس اکھ نہ تہ اکھ ماہ بنا وک ستر، اکھ مرد اکھ
 زنانہ مگر پیلہ وقت ضرورتھ ا کس زنانہ ہنز جنسی ضرورت پور کرئس
 منز ناکام چھ روزان سہ کاٹاہ شرمندگی چھ محسوس کران یہ لفظن منز
 بیان کرن چھ مشکل۔ تم چھ آسان پنز مردانگی ناجائز طریقو ستر
 ضایہ گر ہڑ۔ لہذا اگر تہی پڑی پاٹھو مرد چھو پنہنس مردانہ طاقس کرو
 را چھ۔ کینہہ نچہ چھ بینہ ستر تہو را چھ ہیکو کرتھ۔

- ۱۔ ست گلوبی تہ طباشیر ہم وزن پوڈر بنا و تھ ماچھ ملنا و تھ استعمال کرنہ ستر۔
- ۲۔ ذافل پوڈر اکھ گرام زل جلیہ آبس ستر یا تپلس ستر مٹتھ تھا و ن تہ
 دون کا شربن ٹھولن ہند آلیٹ کھنہ ستر۔

۳۔ بیر بیول، ہند بیول، دانہ ول جاویند خوراسانی، لار بیول، ہم وزن پوڈر بناؤتھ ۶ شے گرام صُبحن شامن کھنہ ستر گڑھ نیند رمنز تہ خواہس منز مردانہ طاقت نیرتھ زلنگ دودھیک۔

۴۔ مغزیستہ، ریگ ماہی، قرنہ فل، ذاول، جلوتری، بنگہ کچلہ، اجواین خوراسانی، مال کنگی، فلفل سفید، مرچ سیاہ، هموزن تقریباً ۶ شے گرام تپلس منز گزیکہ ناؤتھ گڑھ یہ تپل ٹھنڈ کر تھ گنہ بوتلہ منز تھاؤن۔ روزانہ گڑھن امہ تپلگ ۳ ژور قطر و ستر مردانہ جاپہ مالش کر فی کمزوری گڑھ دؤر۔

۵۔ عاقرقرہ، کباب چینی، ذافل، بیج بند، هموزن پوڈر بناؤتھ اکھا اکھا گرام پوڈر بناؤنی تہ ہم بستری کرنہ بز وٹہہ دودھ ستر یا خمیر قلقد ستر استعمال کرن۔

۶۔ تلعب پنچہ، موٹی سفید، شیتا وری، تلعب مصری، تلعب گندا، مشقال مصری، دارچینی، طاشیر، مسطکی رومی، کمرکش، تال مکھانہ، لاجوتی، اشکنڈ، عاقرقرہا، خونجان، صخ عربی، بدھارا قند، تخم ریحان، اجواین خوراسانی ساری گڑھن ہم وزن پوڈر بناؤتھ گنہ شپشہ بانس یا

بوتلہ منز تھاؤنی تہ وقتِ ضرورت دودس ستر دہ یا ۱۵ گرام گز بکھ نأوتھ
 چنڑ یا پھیکہ آبس ستر کھیون۔ سارے قسمچہ کمزوری گڑھن دؤر۔
 اڈجن دگ، کمر درد، کوٹھن ہنڑ دگہ سپد آرام۔
 ☆ ست سلاجیت اکھ مکایہ پھلس سو مب شو نغن و دودس ستر۔
 ☆ پانڑھ خضر اکس گلاس دودس ستر استعمال کرنہ ستر۔
 ☆ جافر پوشک بیول پوڈر بناؤتھ یا رس کڈتھ استعمال کرنہ ستر۔



بُتھس گینہ یا ہنبر

بُتھ لہ آسن اندر ژامہ یا ہیو رکن ہنبر یم ہمکن صرف ورزش
کرنہ ستر ٹھیک سپد تھ۔

۱۔ اُس و ہر اوتھ گڑھ او وُن تہ وُن زیوٹھ شاہ تراؤن۔ یہ ورزش
گڑھ کم کھوتہ کم پاٹون منٹن کران روزن۔

۲۔ بُتھ ژوکر اوُن۔ بتھہ پاٹھو اُس کاٹھہ ناپسند چیز وُچھنہ ستر اسہ
نس چھہ کھسان یا ژکھ چھہ کھسان بتھہ پاٹھو چھہ کینٹوس کالس بُتھ
دڑہ تہ ژکھ کھائی۔ یہ عمل چھہ پاٹو لہ دو ہراؤن۔

۳۔ وُٹھ وُٹن زنتہ پھوکہ ڈو نس پھوکہ چھہ کھالُن۔

۴۔ دوشوئی بُتھو لبِن پیٹھ چھہ پننن دوشوئی اتھن ہنبر تڑے تڑے
او نگجہ تھو تھ دیاوِنہ۔ یہ عمل چھہ ژمٹیمتر بُتھو لہ ٹھیک کرنہ خاطر
بہترین ورزش۔

۵۔ اُنس بز ونبہ کینہ بہتہ گڑھ گوڈ وٹھ ژومٹاوتھ پھوکھ کھالن پتہ
 اُس بند کرتھ بُتھس پھوکھ کھالن تہ اِچ کُوشش کرنی۔ یہ عمل گڑھ
 اُسان اُسان کرنچ کُوشش کرنی۔

۶۔ دوشوئی بُتھر لبن پٹھ گڑھن پینہ اُتھچہ دوشوے ماو دباوتھ تھاوینہ تہ
 اِچ کُوشش کرنی۔

۷۔ یہ عمل دہن پندہن منٹن کرنہ ستر گڑھن اندر ژامپن بُتھر لبہ ٹھیک تہ
 نیمرون بُتھر لبن تہ پیہ شوب۔

کائسہ چھے کم وائسہ منزے بُتھس گینہ گڑھان یِتھ زَن سہ
 یوڈھ چھہ باسان۔ امہ خاطر چھہ بُتھس پھوکھ کھالن ضروری۔ صُجے
 بُتھ چھلنہ وز گڑھ اُسس منز آب بُرتھ اکہ گلہ پٹھہ بنا کھ گول زور
 زور سان پھر ناؤن۔ دُییم ورزش چھے زور زور پھوکھ نمبر چھلن۔
 گرنہ ٹیلِس پٹھہ کاغذ زھوٹھ گڑھ پھوکھ ستر ٹھیک کُرن تہ یہ کرنہ ستر
 گڑھ کاغذ زھوٹھ دُری پڈنی تہ بڈراوئی۔



ڈیول بدن: ڈیوچہ پستانہ

زنانہ داد بن مژ چھ اکھ دود ڈیول بدن تہ ڈیوچہ پستانہ یتھ مژ جسمک
ماز چھ آسان تہ باسان زنہ الو ند گو مت ، ڈیول مت تہ ڈیسومت -
پتہ نس تہ مازس اتھہ لاگو تہ نس باسان ڈیول - زن تہ نہ زوے
چھسن - زنانہ موہنوس چھ باسان زنہ پستان الا نز گامز -

علاج

- ۱۔ کچہ امبہ آنچہ ہنز گوچہ پوڈر بناوتھ پستان پٹھ مہلا مکو پاٹھ مٹھتھ
تھاونہ ستر چھ ڈیول ماز صحیح صورت اختیار کران -
- ۲۔ کھنہ خاطر گڑھ سپاری پاک کیٹرون دوہن استعمال کرن -
- ۳۔ پھل کھج (تیلہ گوگل تیلچ کھج یعنی تیل کڈنہ پتہ یس کوش باقے
روز) آبس ستر ملناوتھ پیسٹ ہیو بناوتھ مہلا مکو پاٹھ سینس کو
پستان پٹھ مٹھتھ تھاونہ ستر چھ صحیح صورت اختیار گڑھان -
- ۴۔ شیتاوری پوڈر بناوتھ ۵ گرام دودس ستر کھنہ ستر چھ ماچہ ہندس
دود برڈر سپدان تہ ڈیول ماز ٹھیک سپدان -

یاون ویر

یاون ویر چھے جو آنی تیج تینہ ون۔ اتھ منز چھ ہتھس لوکڑ
لوکڑ پھسھر نیران نیمہ کنی خوبصورت تہ چھ بدصورت باسان۔
ہارمون ہند گڈ بڈ تہ صفائی ہنز کمی کنی چھ ہتھس یاون ویر پھٹان تہ
یمن زورتہ داغ چھ واریا ہس کالس روزان تہ پریشان
کران۔ چاے۔ کافی۔ شراب پیہ زنانن منز ماہواری ہند زیاد سپدن
تہ چھے یاون ویری ہند وجہ۔

علاج

۱۔ اُکس ہفتس گڑھ صرف مو کھیون۔ اناج گڑھ اُکس ہفتس
ترک کرن۔ مو نیمہ قسمک تہ آسہ ہبکو کھتھ۔ دوپہ لٹہ بجایہ کھیو
تزیہ لٹہ مگر کھیون چھ صرف مو۔

۲۔ یتھ غذا ہس منز شارچ یا پروٹین زیاد آسہ تہ کھنس چھ
پرہیز کرن۔

- ۳۔ کلس کُف آسنہ کنرتہ چھتہ یا ون ویر نیران۔
- ۴۔ کم کھوتہ کم چھ دہ گلاس تزلش دوہس چنڑ ضروری۔
- ۵۔ میک آپ، کریم پوڈرتہ صابن کینڑس کالس بند کرن۔
- ۶۔ بُتھس گڑھن گرم آبکی بہہ دنی۔
- ۷۔ بُتھس گڑھ نوہ وراے تھنہ مالش کرنی۔
- ۸۔ گرم آبہ بُتھ چھلن یتھ زن پھپھر و مز گندگی نہر نیر۔
- ۹۔ راس گڑھ نیم رس تہ نار جیل تیل بُتھس ملتھ تھاؤن صجے گرم آبہ چھلن۔
- ۱۰۔ ادرک رس نوں ملنا وتھ گڑھ بُتھس مُتھتھ تھاؤن۔
- ۱۱۔ دوہ دیش گڑھ کھنس منز سلا د، ٹماڑ، گازر، گنڈ مچہ شامل کرنی۔



زیوٹھ مَس چھ زَنان ہُنْد وَس

یتھہ پٹھ کر شرم حیا چھ زَنان ہُنْد زبور تھہ پٹھ کر چھ زیوٹھ مَس
زَنان وَس، رونق تہ نعت۔

سائس کلس منز چھ سون پاور ہاوس یعنی دماغ یس سبٹھاہ اہم
چھ تہ اوئل چھ۔ یہ چھ جسمہ کس پڑتھ حصس تہ پڑتھ تانس
پکناوان تہ کنٹرول کران۔ ایچ نذاکت، اہمیت تہ بچاو کرنہ خاطر
چھ قدرتن اتھ مَس عطا کورمٹ۔ یئے یوتنہ بلکہ مَس کوتاہ فاید مند
چھ ا کس انسان ہند خاطر خاصکر ا کس زانہ ہند خاطر یہ چھنہ
بحث طلب بلکہ تصور کرو اکھ زانہ موہنیو مسہ وراے (ٹھولہ کلہ
گرتھ) تمس کیناہ گڑھ تہ باقی کیناہ ونن ا مَس وچھتھ تھہ پٹھ کرو
رژھاہ غور۔

سائس کلس تہ کلہ کس ملس پٹھ مل جمع سپدنہ کنی پیہ نہ واتنہ
کنی چھ کلس کف تہ مستس زٹھ گڑھان تہ مَس مولن نوقسان وایتھ
چھ مَس نیرتھ ژلان۔ پانی پائے باز رک دوا استعمال کرن چھ فاید

بدلہ نوقسان و اتناوان۔

ہنگتہ منگ پریشانی تہ تناوتہ چھ مس نیرتھ ژلنگ اکھ وجہ۔ بیا کہ
وجہ چھ صابن یتھ منز تم کمیکل چھ آسان یم نوقسان چھ و اتناوان تہ
مس چھ نیرتھ ژلان۔

مس چھ مضبوطی تہ صفائی باپتھ چھ کائرس علاجس منز املہ
نوشک، شکا کائی تہ ریٹہ ویل پوڈر بناوتھ مائز پن تہ ناگرموتھا، ساری
ہموذن تہ پوڈر بناوتھ اکھ زچچہ آبس منز گزبکہ ناوتھ تہ امی آپہ ستر
کلہ چھلن۔ یہ عمل چھ کینٹون دوہن جاری تھاوڑی۔ انشاء اللہ مس
گڑھ چمکدار، مضبوط تہ ملایم تہ نیرتھ ژلن گڑھ بند۔

مس چھ پڑتھ کائسہ انسانس نیرتھ ژلان تہ یہ چھ اکھ قدرتی
عمل۔ پیلہ یہ پور لمبائی یعنی زچکھرس چھ و اتان یہ چھ نیرتھ ژلان تہ
امہ بدلہ چھ نوؤ مس یوان۔ مگر پیلہ یہ زیاد تعدادس منز نیرتھ ژلہ
تیلہ چھ یلاج کرپچ ضرورت۔

تحقیق چھ کرنہ آمت ز مس والس چھ مستس تزے وری و انس
تہ امہ پتہ چھ یہ نیرتھ ژلان تہ اتھ جاپہ چھ نوؤ مس یوان۔

پنہ وانسہ واسنہ بڑونہ پیرتھ ڈلنگ وجہ چھ خوئچ کمی یا مس
 مولن کانہہ بہارڈ آسنہ کنی یا زیاد گرمی کنی یا کف لکنہ کنی چھ مس
 پیرتھ ڈلان۔ اگر ماچہ آسہ کم عمری منز مس پیرتھ ڈلان تیلہ چھ اُمڈ سہنر
 کوریتہ کم عمری منز مس پیرتھ ڈلنگ امکان۔ کلہ کس مسلس اگر ستر
 یعنی سفید داغ آسن تھ جاپہ تہ چھ مس پیرتھ ڈلان تہ سفید
 گڑھان۔ کینسر کس یلا جس دوران تہ چھ کینسر دواہن ہنر اثر تہ کیمو
 تھرپی ہنڈ اثر ستر مس پیرتھ ڈلان۔ مس نہ شیرنہ پائرنہ کنی تہ کنگو
 ادرس مستس دینہ کنی یا کنگو نہ دینہ کنی تہ چھ مستس زٹھ گڑھان تہ
 مس پیرتھ ڈلان۔

گنہ ساتہ چھ کانہہ تیٹھ دودیتہ آسان تیمہ کنی واریاہ کالس تھہ
 چھ روزان۔ ٹایفائیڈ چھ آسان تیمہ وز چھ مس پیرتھ ڈلان۔ اگر سانہ
 خونگ دوہر صبح آسہ سائس مستس تہ واتہ تمیک فیض۔ ورنہ اگر خونگ
 دوہر متأثر آسہ تیمہ ستر چھ مستس پٹھ تہ اثر پوان تہ پیرتھ ڈلان۔

علاج

- ۱۔ کھوپر تیل (Coconut Oil) یا کاشر تیلہ گوگل تیلچ مائش کلس تہ مستس کرنہ ستر چھ مس مؤلن طاقت میلان تہ نیرتھ ڈلن رکان۔
- ۲۔ سزان کرنہ پتہ یا کلہ چھلنہ پتہ گڑھ مس پور پاٹھر ہوگھن تکیا ز ادیس مستس کنگو کرنہ ستر تہ چھ زیاد مس نیرتھ ڈلان۔
- ۳۔ کلس تہ مس مؤلن گڑھ لیمکور سچ مائش کرنہ۔
- ۴۔ مس نرم تہ ملایم تھاوہ خاطر گڑھ بغار کھنڈ تہ دود لپٹن چاے بناوتھ تہی آبہ ستر کلہ چھلن۔
- ۵۔ ہموذن املہ شکا کائی تہ ریٹھ دہل پوڈر بناوتھ ز چمچہ آبس منز گزبکہ ناوتھ ٹھنڈ کرنہ باپت تھاؤن تہ اتھ دوران گڑھ گندک پوڈر بناوتھ ز امتس دودس ستر ملناوتھ کلس متھتھ تھاؤن۔ آب پیلہ سوکھہ وشن سپد کلہ گڑھ چھلن۔
- ۶۔ ٹکسی پن تہ املہ پوڈر آبس منز رلاوتھ کلس مائش کرنہ ستر چھ

سفید مس کرہن گڑھان تہ پیہ زیوٹھ گڑھان۔

۷۔ غار ضروری مس بُتھس پیٹھ یا پیہ گنہ جاپہ ختم کرنہ باپت گڑھ
لیدر پوڈر، املہ پوڈر، لیوم، نار جیلی تیل یکوٹہ ملناؤتھ کینڑس کالس
غار ضروری مس والن ہنڑ جاپہ مُتھتھ تھاون تہ پتہ بُتھ چھلن۔

۸۔ مس مؤلن دیسی گومالش کرنہ ستر چھ مس مضبوط سپدان۔

۹۔ گنڈ رس تہ لیمبر رس یکوٹہ رلاؤتھ مالش کرنہ ستر چھ مس کرہن
گڑھان۔

۱۰۔ زامتس دودس مژر کالہ مرز پوڈر تہ لیمبر رس کینڑس کالس مُتھتھ
تھاونہ ستر۔

۱۱۔ تیل شلچ مالش تہ ۱۰ گرام ہوکھ تیل (سفید یا کرہن) کھنہ ستر
چھ سفید مس کرہن گڑھان۔

۱۲۔ ۱۰ گرام تیل، ۱۰ دانہ کالہ مرز، سکے معدن اپنہ ستر چھ مس کرہن
گڑھان۔

۱۳۔ سبز دانہ ول، تازہ املہ رس، تلسی پتر ہموذن کلس مُتھتھ
تھاونہ ستر۔

۱۲۔ ۶ چمچے مَاز، ۴ چمچے اُمَلہ پوڈر، اکھ چمچہ کافی، اکیک ژورِم حصہ
سفید کتھ راتس ورنائون تہ دؤیمہ دوه صُجے گڑھ اُکس گنٹس مَسْتَس
مُتھتھ تھاون تہ پتہ کلہ چھلن۔ مَس روزِ ملایم تہ چمکدار۔

اُمَلہ چھ مَسے خاطر اکھ قدرتی دوا۔ یہ یتھ تہ صورتس منز استعمال
کرو چاہے اُمَلہ تیل، چاہے اُمَلہ رَس، چاہے آبس منز گز بکناؤتھ،
چاہے اُمَلہ موربہ۔ یہ چھ پڑتھ صورتس منز فایدہ واناوان۔

زوو دوا:

مَسْتَس زو ووتھنگ وجہ چھ جان پاٹھر مَسْتَس صفائی نہ کرنی یا
واریاہس کالس کلہ نہ چھلن۔ زو وچھے مَسے کبن مؤلن کمزور کران
نیمہ کنڑ خارش تہ کُف چھ ظاہر سپدان۔

علاج:

اوڈ چاہیہ چمچے مرژ پوڈر، اکھ کپ زامت دود، اکہ نیکہ لیمبیک رَس
یکوٹہ لئاؤتھ تقریباً ۳۰ رہن منٹن کلس مُتھتھ تھاون تہ پتہ کلہ چھلنہ ستر
تہ چھے زو و نیران۔

برگ نیم آبس منز گز بکناؤتھ تہ تمی آبہ کلہ چھلنہ ستر۔

۶ پھلو کالہ مرز، ۶ الہ بیار، اکھ چچہ گبو یکوٹہ رلاوتھ کلس متھتھ تھاونہ
 پتہ چھ دوپہ گنڈہ کلہ چھلن۔ کلہ چھلنہ وز گرنھن اچھ بندتھونہ۔ کاشتر
 تیل ۲۵ گرام، نیمس رس ۲۵ گرام یکوٹہ ملناوتھ کلس متھتھ تھاونہ ستر
 گڑھ گھنڈہ کھنڈر کلہ چھلن، لچھہ ژلن تہ زو وگلن۔

ٹنڈ کلہ۔ دآن کلیک پن پیسٹ بناوتھ، مس نیرتھ ژلنچہ جاپہ
 گنڈ رس متھن، کھنس منز روہن استعمال کرن، دانہ ول رس،
 ارہریا، اودھر دال پیسٹ بناوتھ کلس متھتھ تھاونہ ستر چھ نیرتھ
 ژؤلٹ مس یوان۔



زنانہ تہ زنانہ دَا دَر

زنانہ چھے قدر تچ اَکھ سو ذریات یُس تھُرئس منز تَمَس واریاہ محنت تہ
 واریاہ سوچن آسہ پیوُمت۔ زنانہ چھے گوڈ کور، پتہ پَنہ، پتہ شریک
 حیات، پتہ مَاج مگر پڑتھ گنہ رگن منز مپٹھ تہ مڈر ٹاٹھر ذریات۔
 اُمس چھے پڑتھ رگس منز کشش۔ پڑتھ تانس منز مستی تہ پڑتھ
 شکلہ تہ پڑتھ صورتس منز کچھر تہ مڈریر تہ ماچھ۔ یَتھ تہ صورتس منز
 اُمس تعریف کرو، بیتیاہ تہ تعریف کرو تپتیاہ چھ کم۔ یہ چھے مایہ ہند
 آگر، محبتک سمندر، برداشتک خزانہ۔

مرد ذریات بناؤس منز تَم سونچ تہ گو و تیار مگر زنانہ ذریات تھرنہ
 وِچھ ساری حاران تکیا زیو تہ بارتر اوہ پتہ تہ چھے اَکھ زنانہ کلہ
 دَا تھ ساری سُنر و و گنر ژا لَتھ تَم سُنر دُنیا بڑ و نہہ پکناؤٹھ۔

جسمانی طور چھنہ زنانہ تہ مردس کاٹھہ زیاد فرق مگر زنانہ یوت
 بور چھ تُلن پوان مردس اگر تَمیک سُنیم حصہ تہ تُلن پپہ سہ دیہ نوڑ۔

ذرا سونچو مردس اگر ۱۰ یا ۱۲ دھیرس ماہواری گزھ، ریتی ریتی اگر
 اکھ بوتل خون خارج سپدنہ بجایہ اکھ چمچہ خون خارج سپد یا مردس
 پیہ نون رتن بجایہ نون دوہن کچہ پتر اوں یا اگر مردس پز سنگ بار
 پیہ تئکن تیلہ کیناہ سپد۔ ماہواری دوران کیناہ کیناہ چھ پوان اُمس
 پتر اوں سہ چھ اکھ ذہنی عذاب۔

تُمس مرد ہند باپت پُن ریت تہ شفیق مول مانج، پیہ باے،
 وہہ تر اوہ چھ پوان تہ تمہ پتہ پیلہ اُمر سے مردس نش دوار چھس
 پوان روزن امہ پتہ کزن دوہن کلہ نہ چھلن، پلو نہ چھلن وغار۔
 بہر حال اُمس چھ لائہ لی لیکھتھ، اُسر کیناہ ہیکو کرتھ۔ اسہ نش
 چھ بڈ دولت مائے سوچھ اُسر کران۔

اکھ چیز یس اُمس اہم چھ سوگپہ کشش۔ سوچا ہے کز ہن آسہ یا
 پڑنی آسہ، نند باڈی آسہ یا ژھوڑ کاڈی، پری آسہ یا رائس سوچھ
 پنس شریک حیات ہند خاطر اکھ نعمت، اکھ حاجت، اکھ مقصد، اکھ
 رونق۔ زنانہ پیہ ذریات بڑ وئہہ پکناؤس مژا اہم رول چھ ادا کران
 تہ چھ اُمس دا دکر تہ تمہ قسیمکو ناکر سپدان یم وہراؤنی اُمر سئدے

طاقت چھ۔ ماہواری، لیکوریا، ہسٹیریا، نموریا، بچہ پادِ کرنس دوران تہ
 بچہ پادِ کرنہ پتہ، بچہ سٹرنشونما۔ بہر حال پیہ و نوا کہ لٹہ ”زائمس چھ
 لائے لی لیکھتھ“۔ و لو اسی ہمو اسی سٹنہ بن دادہن سام۔ گوڈنیک دود
 چھ اُمس ماہواری۔

ماہواری:

یہ چھ اُکھ قدرتی عمل یوسہ اُکس لڑکی ۱۲-۱۳ ویش وائٹس
 سستی شروع چھ سپدان تہ ۴۵-۵۰ وری شہ تام جاری چھ روزان۔
 ماہواری دوران چھ جلیہ ستر کنی خون نیران یس تڑن تڑن دوہن
 جاری روزان چھ۔ اگر ماہواری زیادہ آسہ گڑھان تَمس ماچہ پیہ کور پڑ
 چار پایہ پٹھ پوز آرام کرن تہ کھور پاسہ چار پائے تھڑ تھوڑی۔ گویا ککچ
 لیول گڑھ یون آسہ تہ کھورن ہنڑ تھڑ۔ اتھ دوران گڑھ ماچہ پیہ
 ٹھنڈ ٹھنڈ چیز یعنی تم چیز دنی یمن ہنڈ تاثیر ٹھنڈ آسہ۔ تیل، مرث
 وانگن یا گرم تاثیر والین چیزن گڑھ پرہیز کرن۔

ماہواری اگر زیادہ آسہ خوشک دان گنڈ پوڈر بناؤ تھ اُکھ چچہ آس
 ستر پھیکہ کھوون، زیادہ خون خارج سپدن گڑھ بند۔

۲۰۰ گرام آبس منز گڑھ ۲۰ گرام ہو چھ دانہ ول گز بکھ ناوڑی۔
 بیئلہ ژوریم حصہ موڑ یعنی ۵۰ گرام روز کھنڈ رڑھ ملناؤتھ چبنہ ستر
 گڑھ ماہواری بند۔

دانہ ول پوڑ ز چچہ، شکر ترے ز چچہ، دیسی گبو ز چچہ یم
 تریشوے ٹھیک پاٹھک ملناؤتھ دوہس دوپہ لٹھ صحن شامن اکھ اکھ چچہ
 استعمال کرنہ ستر گڑھ زیادہ خون نیرن ٹھیک۔

بیگلہ آب اکھ چچہ دوہس تریشوے لٹھ چبنہ ستر گڑھ ٹھیک۔
 کرہن تیل تہ گور ز کپ آبس منز گز بکناؤتھ تہ ٹھنڈ کر تھ چبنہ ستر سپد
 ماہواری ہند نظام ٹھیک۔

سردی لکنہ کنز اگر ماہواری بند آسہ گاڑو ز چچہ نوں گرم آبس ستر
 ملناؤتھ تریشوے ژور لٹھ چبنہ ستر گڑھ ماہواری ٹھیک۔

جاوید پوڑ دووس منز گز بکھ ناؤتھ چبنہ ستر چھ بند ماہواری یلہ
 گڑھان۔

دویم زنانہ دودیس اُمس ژٹھ چھ تر اوان سہ گوولیکوریا۔

ماہواری نہ سپدنی

ماہواری نہ سپدنس چھ واریہ وجوہات یتھ منز بچہ دانی نہ آسنی یا
بچہ دانہ ستر وابستہ دویمبن حصن ہند تال میل نہ بہن یا بچہ دانی
لوکٹ آسنی۔ بچہ پاد سپد نہ پتہ تہ چھے کیشنون رتن ماہواری بند
روزان۔

دہماغی تناو۔ ماہواری سپد نہ پتہ سردی لگنی یا ماہواری سپد نہ بڑ فہہ
سردی لگنہ کنی تہ چھے ماہواری سپدنی بند سپدان۔

علاج:

۱۔ مچہ بیول، گازر بیول تہ میتھی بیول ہموذن آبس منز گر بکے ناوتھ،
چھا تھ تہ ٹھنڈ کر تھ کیشنون دوہن چہنہ ستر چھے بند گا مڑ ماہواری گھلہ
سپدان۔ امیک خوراک چھ ۵۰ پنڑاہ گرام دوہس تریپہ لہ۔

۲۔ کرہن تیل ۱۰۰ گرام تہ گور ۱۰۰ گرام ہم وزن ز گلاس آبس منز
گر بکے ناوتھ پیلہ ژورم حصہ روز ۵۰ پنڑاہ گرام کیشنون دوہن صبح
سکلے دودس ستر استعمال کرنہ ستر گڑھ ماہواری یلہ۔

۳۔ اجوائن ۶۰ گرام تاو پٹھ توتھ نون تہ مرٹ پوڈر ملناؤتھ دوہس
دویہ تڑیپہ لہ دودس ستر چنبہ ستر۔

۴۔ برگ نیم تازہ، ثلسی بیول اکھ گلاس آبس منز کڑبکہ ناؤتھ پیلہ
نصف روز، یہ چنبہ ستر گڑھ بند ماہواری یلہ۔
لیکورا:

اتھ ہمار منز چھ زنانہ مؤہوس جاپہ ستر کنی سفید آب ہیو مواد نیران
ییمہ کنی اُمر سُنڈ سورے طاقت تہ ہمت ذائل چھ سپدان۔ یہ مواد
خارج سپدن چھ واریا ہن بیین داوہن ہنز ثینہ ون یتھ منز کمر دود
تہ چھ۔

علاج

☆ پھٹکر چھ انفکشن دؤر کران اوے چھ پھٹکر آپہ ستر جاپہ ستر صاف
تہ پاک تھاؤن ضروری۔

☆ ز اُملہ خوشک پوڈر ۱۰ گرام، ماچھ اکھ چچہ ملناؤتھ دوہس دویہ لہ
اُکس رتس استعمال کرنہ ستر۔

☆ کیلہ حلو کیا کیلہ دودس ستر ملناؤتھ، ماچھ ملناؤتھ یا کھیر ہش

بنائوتھ دوتھس دویہ لہ استعمال کرنہ ستر۔

☆ مسر دال، دال بنائوتھ یا اوٹ بنائوتھ تمیک چرمہ بنائوتھ استعمال کرنہ ستر۔

☆ شوٹھ پوڈر ۱۰ گرام ا کس آجہ گلاس منز گزیکہ نائوتھ پیلہ ژوریم حصہ موڑ، تر بن ہفتن استعمال کرنہ ستر گڑھ یہ بلکل ٹھیک۔

☆ نصف تو ملہ کپ ا کس آجہ کپس منز وزنائوتھ ۱۰۰ گرام مونگ تاو پٹھ توتھ تہ پوڈر بنائوتھ تہ تو ملہ آبس ستر ملناوتھ استعمال کرنہ ستر۔

☆ تازہ مدردان کلک پن تقریباً ۱۰ گرام، کالہ مرز ز گرام پوڈر کینرش کالس وزنائوتھ پتہ دوتھس دویہ لہ استعمال کرنہ ستر۔

☆ گار آٹچ ژوٹ یا گار آٹیک حلوچھ فایدہ مند۔

☆ ٹماٹر سلا د بنائوتھ یا سبزی بنائوتھ۔

☆ شیشم کلک پن تقریباً پانز ستر گرام آجہ گلاس منز گزیکہ نائوتھ

پیلہ تقریباً نصف روز، ٹھنڈ کر تھ چنہ ستر تہ واتہ فایدہ۔

☆ پیپل کلکو پانز پنے و تھر ژاپنے ستر یا شربت چنہ ستر۔

☆ جافر پوشہ کلک پنے و تھر ژاپنے ستر۔

شیشم کُلیک پنہ و تھر آس منز گز بکہ ناوتھ چہنہ ستر تہ چھ لیکوریا
 ٹھیک گزھان۔

برہمن:

چاے، تکر مٹر چیز، ماد آٹچ زوٹ گزھنہ کھینز۔ قبض گزھنہ روزن۔



دل تہ دیکو داؤ

نوی طریقہ، لسن بسن چھ واریا ہن بہار ہن ہند باعث تہ بنیومت۔
 سارہ کھنگ، چنگ، ووتھنگ، بہنگ طریقہ چھ واریا ہن فکرن تہ
 پریشائین ہند وجہ۔ ٹن شن، تناو، ڈپریشن، طمع، ازرو ن، دیکھا دیکھی،
 بے شرمی، بے حیائی چھ نوزمانکو دین امہ کنی چھ سانہن راژن ہند
 نیندر تہ دوہن ہند آرام کو فور گوومت۔

اسہ یوس بے قراری تہ بے چینی چھ سوچھنہ صرف پنہ آسچ
 بلکہ پیہ ہند آسچ۔ یہوے چھ وجہ ز اسی چھ دلہ کین دادہن منز مبتلا
 سپدان۔ دیکھا دیکھی منز چھ اسی پنن دُنیا بساونہ خاطر یا بناونہ
 خاطر پڑتھ کاٹھہ جائز یا ناجائز طریقہ تہ وتہ اختیار کران پیہہ کنی
 اسی کمپے کالس منز امیر چھ ہنزی یوہان پیٹھ زن سائی حاجت تہ حوس
 دوہن منز پوڑ سپدان۔ یہ کران کران تہ سونچان سونچان چھ اسی دلہ
 کین دادہن منز مبتلا سپدان۔

دل راؤن: دلچ دُبرارے تیز سپدنی، عارق پھٹن، کامہ کارس
 ستر دل نہ لکن، شاہ کھائس والنس منز مشکل سپدن وغار وغار چھ امکو
 علامتھ۔ امہ دادیک شکار چھ زیاد سوچن واکر یمن دولت جائز یا نا
 جائز طریقو حاصل کرینچ دوچھے لچمڑ۔ ڈاکٹر، وکیل، منسٹر تہ بڈہن
 افسرن علاو چھ بڈر انڈسٹریل سربراہ وغار امیک شکار سپدان یمن
 حوس تہ حاجت جنون کس حدس تام ناکر چھ آسان گمتر۔ سیاست
 دان یم پنے گرسی رز چھ یڑھان کرنہ تہ تمہ راونک خوف چھ یمن
 پڑتھ وز پریشان تھاوان۔

دلہ کہ دادکر علامتھ چھے تڑتھہ پاٹھو:

- ۱۔ پور بند رنہ یمن۔
- ۲۔ اتھن کھورن وائے یمن۔
- ۳۔ زیاد تھو دشاند تھون۔
- ۴۔ بار بار ژاس یمن۔
- ۵۔ شہہ کھائن والن مشکل گڑھان۔
- ۶۔ کئے کام کرنہ ستر زیاد تھکاوٹ

۷۔ زیاد عارق یں۔

۸۔ سینس دگ، بے ہوش سپدن۔

۹۔ کھورن ورم، دپچ دُبرارے تیز سپدن۔

علاج

گوڈ بنتھے چھ وسہ واس، پریشانی تہ ٹپن شبن نش دُور رُو زتھ حکیمس یا
ڈاکٹرس مشورہ یوں تہ تھ پٹھ عمل کرنی ضروری۔

دلہ کس دادر وائلس چھ ا کس سبٹ پروگرام پٹھ پنن ووتھہ
بیٹھ، کھیون چیون، پھیرن تھورن یا اکھ ٹایم ٹیبل بناؤن تہ تھ پٹھ
سختی سان عمل کرنی۔

مارنگ واک یعنی صُجک یر۔

دوہ دیش ورزش کائسہ زانکار سٹرنگرانی منز۔

مقرر کردی متس و قنس پٹھ کھیون چیون۔

ماز، تھنن، ٹھول، گبو، چربی دار کائسہ چیز ترک کرن۔

تولمت کھنن، زیاد مصالحہ دار کھنن، سگریٹ، شراب، چائے، کافی

منہی۔ نون بلکل کم۔ موٹ اگلر آسہ وزن کم کرن ضروری۔

لاڻچ، خود غرضی، دھوکہ، لڑائیہ جھگڑ، شرارت چھ وِ لکڑ داکڑ زیاد
ووتلادان۔

۴۰ وری وائس سپدنہ پتہ گڑھ مڈریر بلکل کم کړن تہ چربی دار
کھین، تھن، گوبلکل ترک کړن۔

ڈونی تہ بادام گڑھن ہفتس منزاکہ دوه استعمال کړی۔

سفید زندن تہ ذہر مگر گڑھ صاف کنہ پٹھ، گہتھ اکھ اکھ رزھ دلہ
چہ جایہ پیہ پنے زیو متھن۔



بُتھ چھ وِلک اُنہ

جوان زنانن کبو مردن چھ بُتھس نور پڑیدان - ییلہ تم پنے
 جوآنی پانہ راچھ کرن، غلط صحبتس منز پنے ستر کم کم جوان تہ جوآنیہ
 ناکار گرشہان - غلط کامین ہندی شکار سپدن واکر تہ غلط سوچ پانہ
 ناون واکر کم کم نیند بائی چھ ژھوڑ کائی بنان - چرس، گانچہ، افیم،
 بزاون شگر چھ غلط صحبتگ اثر تہ ایجاد یمن کمزور حوصلہ والین چھ
 امہ کارنی شکاری اچھ کڈی کڈی ژھانڈان آسان - سون بُتھ چھ
 سورے اندریم حال نیہری ونان - یہ چھے اندریم رونق تہ اندریمہ
 غلاظتگ اُنہ - صاف تہ پاک خیالات یورت انسان چھ بارونق،
 پڑ بزان تہ یہ چھ مقناطیس کشش پاد کران - اُمی ہندس سونہ بُتھس
 ییلہ یاون وی یا جوآنی ہنر باقی عمل چھے سپدان تم تہ چھ شوبان تہ
 سجان - اتھ برعکس چھ بد کردار، بد معاش تہ بد خیالو ستر برتھ انسان
 ہندس بُتھس نخوست پڑیدان - مند چھ تہ چھے تھس انسانس ستر

صِجَتِ کَرَنَسِ مَنَدِ چَہان۔ گویا سائِئِ بُتھَسِ رُونَقِ بُخْشَنِ وول چُھ
 اُنْدَرِ مِ خِیالات۔ بُتھِ نِیہِ شِیرِ پَارِئِ خَاطِرِ گُزِھِ اَکھِ چِچِہِ گَلَسَرِیْنِ گَرَمِ
 آسِ مَنزِ تَزِ آوِ تھِ بُتھَسِ اَمِیگِ بَہِہِ دِیْنِ۔ اَکھِ تَوِلیا کَلَسِ پِٹھِ تھَاوِ تھِ
 گُزِھِ یَہِ آہِہِ بَانِہِ بُتھَسِ بُوئِہِ کِنِہِ رُٹِیْنِ تِہِ دِہِنِ پِنْدِ ہِنِ مَنٹُنِ بَہِہِ دِیْنِہِ
 پِٹھِ گُزِھِ تَوِلیا سِترِ بُتھِ وِوِتھِراؤن۔ صابنِ گُزِھِہِ اِمِہِ وِزِ اسْتِعمالِ کَرِئِ۔
 اُنِہِ وُچھِستھِ باسِوِ تَوِہِہِ پَانَسِ تِہِ فَرَقِ تِہِ رُونَقِ۔



مؤٹ انسان چھ بہار بن ہند آگر

موچر آسن گؤو چربی زیاد آسنی۔ چربی چھے واریا بن بہار بن ہند وجہ۔ امہ کنی چھ بلڈ پریشر، ہارٹ اٹیک، تھکاوٹ، زنانن منزلیکوریہ، ماہواری پٹھ کنٹرول نہ روزن، شنش، بچہ نہ تھہرون (ڈمب نہ لکن)، وزن زیاد گڑھن، وزن بڈنہ کنی اڈ جن دگ وغار وغار۔

دیکو دا در چھ مؤٹس انسانس پٹھ حملہ کران تہ حاوی سپدان۔ چربی چھے کالسٹرال بڑنک اکھ وجہ امہ علاو چھ ماز، الو، گبو، تکر، مٹر چیز، جسمانی محنت کم کرنی، مٹھائے، کیلے، کھنڈتہ کھنڈ دار چیز، دوس زیاد وقس شوٹن، ضرورتہ کھوتہ زیاد کھنڈتہ، ہضمت ٹھیک نہ آسنہ کنی، نرنگہ کم ہلاونہ کنی، ورزش ہنرکی، محنت کم کرنہ کنی۔

اسی یہ کینڈہاہ کھو ان چھ تمیک اُخری انجام چھ مل یس قبض آسنہ کنی یڈ کو اندر من منز جمع چھ روزان تہ اسہ چھ گڑھان وچکھرس ہر ہر۔ لہذا اگر یمن سار نے پریشائین تدورک چھ کرن، اسہ چھ گوڈ

قبض کنٹرول کرن۔ معدہ گڑھ نرم روزن تہ معدس تہ اندر من گڑھ
مل نہر کڈنچ صلا حیت آسنی تہ عادت بدستور آسن۔

علاج

- ۱۔ ورزش چھ تہ ٹھس انسانس چرب گملاؤس مژمد کران۔
- ۲۔ گریلہ رس۔ لیمبی رس تہ لار رس چھ چرب کو ملاؤس مژمد کران۔
- ۳۔ نون گڑھ بلکل کم کھیون۔
- ۴۔ اکھ گلاس کڑہنہ چنگ رس (کائے ترس تر وومت)
اکھ چمچہ ماچہ ملناؤتھ چہنہ ستری چھ چرب وسان۔
- ۵۔ نصف گلاس پالکہ رس لیومب ملناؤتھ۔
- ۶۔ لیمبی قہو، قہو چاہہ مژ لیمبی رس گوو یعنی لیمبی قہو۔
- ۷۔ کروتھ دال دودھ دس کھنہ ستری۔
- ۸۔ بتہ کم تہ سلا دزیاد۔ (سلا دگو وٹماٹر، لار، گازر، مچہ، گنڈ)
- ۹۔ ۵ گرام فلفل دراز پوڈر بناؤتھ اکس ماچہ چمچس ستری ملناؤتھ استعمال
کرنہ ستری چھ چرب وسان۔



ننڊر

ننڊر زیادتی:

جسمانی تھکاوٹ آسنہ کن، آلڑ پینہ کن، موکل آسنہ کن، زیاد کھن
کھنہ ستر، کانہہ نشہ کرنہ ستر، مردانہ طاقت ضایہ کرنہ کن۔

علاج

ز گلاس گرم آبس منزہ اگر ام بادیانہ گز بکھ نأوتھ پیلہ سہ ژوریم حصہ
روز ز چچہ صحن شامن نوئے رتھ ملناوتھ ا کس ہفتس چہ ستر گزھ
زیاد نیند رتھ ٹھیک۔

ننڊر کم تی:

ا کس صحت مند انسان سندر خاطر چھ اٹھ گھنٹہ نیند رتھ ضروری۔
ننڊر چھ جسمانی کبو ذہنی تھکاوٹ دؤر کرک ا کھ بہترین یلاج مگر
انسان پیلہ شوکچ کوشش کران ا مس چھ دہچہ سارے پریشانی یہ یاد
پوان تہ پنمن مشکلاتن ہند حل ژھانڈان ژھانڈان نیند ر غاب

گڑھان، دودھ ویش پینن مسکن ہند حل سونچان سونچان چھ اُمس یہ
 اکھ عادت بنان۔ پریشانی دَل دوان دوان چھ اُمس اکھ نو
 پریشانی نالو گڑھان ز مے چھنہ نیند رے یوان۔ امہ خاطر
 چھ یہ نیند ر دوا استعمال کران مگر یکو ستر چھ اُمس نو نو
 پریشانیہ نالی گڑھان۔

علاج

☆ شوٹن و ز گڑھ اکھ گلاس گرم دودھ استعمال کرن، دھچ پریشانیہ
 گڑھن شوٹن و ز مشراونہ، دوس گڑھ کاٹھہ نتہ کاٹھہ ورزش
 ضرور کرن۔

نیند رینہ خاطر چھ واریہ علاج۔ امہ، زامتس دودھ منر لیمبر
 رس، کڑھن مرزا اکھ گرام، بادیانہ پوڈر ز گرام، اکھ چچہ ماچھ استعمال
 کرنہ ستر چھ مپٹھ نیند ر یوان۔ گاز رس اکھ گلاس شوٹن و ز چہنہ
 ستر تہ چھ نیند ر مپٹھ یوان، ژوٹھ مورہ، تلہ پتہن تلہ مالش۔



بوچھ

تیمس بوچھ چھ لگان تھس چھ معدھیک کام کران۔ بوچھ لگنس یانہ
لگنس چھ کیشہ خاص وجہ آسان۔ پیلہ اکھ شخص بہار چھ سپدان تھس
(بہار گر تھنس کانہہ تہ وجہ آسہ) تھس چھ بوچھ کم لگان۔

قبض آسن، ورزش نہ کرنی، زیادہ سگریٹ نوشی یا شراب نوشی یا
پیہ کانہہ نشہ یا تیمہ ساتھ سون جسم کانہہ چیز کھوون یا چوون چھ منگان
تہ سہ چھنہ تمہ وقتہ میسر سپدان، مال چھ پھٹان۔ گویا وقتس پٹھ
کھن چن نہ میلن یانہ کھوون تہ چھ سانہ بوچھ نہ لگن اکھ وجہ۔

سائنس کھنس چنس منزیم مصالحہ جات ورتاؤنگ سلسلہ چھ
چلان تم مصالحہ چھ بطور ادویات الگ الگ کام کران۔ تم چھ سانہ
خوراکو گرم، سرد، بادی، تاثیر تھیک کران۔ کیشہ مصالحہ چھ یڈ منزجم
سپدن وول بادی ہوا (گیس) خارج کرنس منز مدد کران تہ کیشہ
مصلحہ چھ خوراک شتر وپراؤنس منز مدد کران۔ بوچھ لگن یانہ لگن یا کم
لگن یا زیادہ لگن یا معدس منز گیس جمع سپدنہ خاطر چھ الگ الگ تاثیر
واکو مصالحہ، مویا باقی باقی چیز دستیاب یم استعمال کرتھہ اُس پتھس

صحتس را چھ ہیکو کرتھ۔

امرو دچھ یڈ منز بنیومت گیس خارِج کران تہ نو فو گیس چھنہ
 بنان۔ گیس بنن چھے اکھ سو عمل یوس سائنس خوراکس معدس منز
 کیمیائی عمل سپدس دوران پاد چھ سپدان ہتھ پٹھو پریشر کلس منز
 کانہہ چیز پاکناؤس دوران عمل چھ سپدان تھ پٹھو چھ سائنس
 معدس منز ناروزان آسان تہ کیمیائی عمل چلان آسان تہ اوے چھ
 پریشر بنان روزان۔ گنہ ساتھ چھ یہ ڈاکر ہتھ تہ گنہ ساتھ گیس ہتھ
 نمبر نیرنج و تھڑھانڈان۔ گنہ ساتھ پیلہ نہ گیس خارِج سپد یہ چھ یڈ
 دایس تہ دلہ کس دایس تہ ووتلاوان۔ یہوے گیس خارِج کر نہ
 خاطر گڑھ ادرک تقریباً ۶ گرام نیگ نیگ کرتھ نوں مرژ وانگن رڑھ
 ملناؤتھ کیشہ غذا کھنہ بز وئہ استعمال کرن، گیس گڑھ نہ پاد۔
 اجوائن، رونگ، کالہ مرژ، بادیانہ، لپدر، شوٹھ چھ گیس خارِج کرنس
 منز مدد کران۔ ٹماٹر چھ بوچھ بڈراوان۔ تمبر آب یعنی ۳۰ زتجی گرام
 تمبر آب کس آبہ گلاس منز کالے ترس تر اوتھ صجے موٹھ دتھ چنہ
 ستر چھ مائل گھلان۔ اکھ گپ کر ہن چنہ ۳ گلاس آبس منز گزبکہ
 ناوتھ تمہ پتہ چھاتھ چنہ ستر چھے بوچھ کم گڑھان۔

خوبصورتی بُڈراونک نَسجے

خوبصورتی چھے دیہ سُنڈ دین یُس سماجس منز عزت تہ شان شوکت
 چھے بختشان، کانہہ تہ خوبصورت چیز پیلہ تہ نظر گزہان چھ واہ واہ
 کرنہ ور اے چھنہ ہرکان رُو زتھ۔ خوبصورتی چھے نیہرم کپو اندرِ م
 دوشوے اکھ ا کس ستری واٹھ تکیا ز پیلہ اندرِ م سٹم ٹھیک آسہ تیلہ
 روز نیہر کز تہ رونق۔ اگر اندر کن گنہ تانس کانہہ کمزوری یا تکلیف
 آسہ سہ ہا و بٹھ پٹھے ز اندر چھے کوستام کمی۔ نیہرم وُسٹہ خان، زرنگہ،
 اچھ، نس، گن تمن ہنز بناوٹ، سجاوٹ، رکھ رکھاو، شیر پآرامہ خاطر
 چھ از دوشوے زنانہ کپو مرد کز یشان۔ اندرِ مہ خوبصورتی منز چھ
 سوچنگ، سمجھنگ، بولنگ، چلنگ طریقہ۔ کتھن منز مچھر، آواز مڈر
 وغار ہکپو اسی اکھ ا کس ستری ووتھہ بیٹھ کر تھ زیاد بہتر پآٹھ سمجھتھ۔

اگر ا کس انساں (زنانہ یا مرد) شکلہ نڈ بون تہ آسہ مگر ووتھ
 بیٹھ آسببس غلط انسان ستری تھ سُنڈ سوندر آسنگ مطلب تہ مقصد چھ
 گزہان فوت۔ خوبصورتی چھ مول صرف حیا بند، شرم دار، رز صحبت

والہن تہ آسن والہن منز۔ بے حیا، بے شرم، بد کردار دوستن یا ولسن
 ستر صحبت چھے خوبصورتی پٹھ اکھ داغ تہ اکھ لعنت۔ اتھ برعکس اگر
 اکھ کرہن انسان تہمس ناک نقشہ برابر آسن تہ نہ، آسہ رتہن ستر
 ووتھہ بیٹھ، عاقلن ستر ووتھہ بیٹھ، مندرن، مشیدن، روحانی محفلن یا
 بزرگن منز آسہ ووتھان بہان، سہ چھ پڑی پاٹھ سوند ر۔ کس چھنہ
 یوٹھان خوبصورت بنن یا باسن۔ از چھ اسہ اوتد پوکھتن سوند ر بناونہ
 خاطر ذال وہر اوتھ ڈھاران۔ ٹیلی ویکن، ریڈیو، اخبار و غار چھ سوند ر
 بنگ سامنہ کنان، ونان تہ ووکھن کران۔ ادک کریم، ادک پوڈر،
 ادک دواتہ اڈی بدن پاراونگ سوز و سامنہ۔ لیکن یم ساری چھ بے
 وقوف بناوان تہ اسی چھ بنان۔

یس پنڈ خوبصورتی پڑی پاٹھ قائم تہ بڈ راؤن آسہ یوٹھان تہمس
 پڑیمن کیشن گتھن ہند خیال تھاؤن۔

۱۔ قبض گڑھنہ روزن۔ اسہ خاطر گڑھ پڑتھ ہفتہ اکھ دوہ مقرر گرتھ
 ہلیہ ذرد پوڈر زچہ شامس شوکنہ بڑونہ کھیون۔

۲۔ کھنس ستر گڑھ سلاد یعنی مچہ، گازر، ٹماٹر، لار، گنڈ بند گوپھی،

پھول گوبھی، چوگندر ضروری استعمال کړن بلکه گڑھ نصف یڈامی ستر
پرږي۔ سلا دچھې پنځ رونق تہ خوبصورتی بڈراوان تہ قائم تھوان۔

۳۔ لیڈ رزٹیز بناوتھ یا سبزی منز استعمال کرنہ ستر چھ جسمک رنگ تہ
رونق قائم روزان۔

۴۔ گرم آبس منز گڑھ الو گڑیکہ ناؤن تہ تمہ پتہ تمی آبہ ستر بُتھ
چھلن۔

۵۔ بُتھس گڑھ اکھ زچچہ ماچھہ اکس دون گھنٹن مُتھتھ تھاون تہ تمہ
پتہ بُتھ چھلن۔

۶۔ زچچہ لیڈر، ۵ چچہ بھیسن، زچچہ کاشرتیل یکوٹہ پیسٹ بناوتھ گڑھ
بُتھس مُتھتھ تھاون تہ اکھ دویہ گھنٹہ پتہ بُتھ چھلن۔ اگر اتھ ستر

عرق گلاب تہ ملناوُسہ روز زیاد بہتر۔

۷۔ صابنہ بدلہ گڑھ صابنہ ہندی پاٹھی ملتان میو استعمال کرن۔

۸۔ موربے اُملیہ اکھ دانہ تقریباً ۴۰ گرام گڑھ دون ترہن رتن
لگاتار استعمال کړن۔

۹۔ گازر رس ڈوڈ گلاس صُجن تہ اوڈ گلاس شامس استعمال کرنہ ستر چھ

مسلہ ووزلان تہ نرم تہ ملائم روزان۔

۱۰۔ لیمبرس ہتھس متھن تہ گھنڈہ دوپہ گھنڈہ پتہ ہتھ چھلن چھ اکھ بہترین نسخہ۔

۱۱۔ ٹماٹر رس، مچہ رس، لار رس، گلاب عارق یم ساری ہم وزن تقریباً زہ چچہ یکوٹہ رلاوتھ گڑھبس لیمبرس رس تقریباً اکھ چچہ، لیدر پوڈر 1/4 چچہ، 1/4 نوٹہ وراے تھن۔ یمن سارنے چیزن پیسٹ بناوتھ گڑھ ہتھس ملتھ تھاؤن تہ گھنڈہ کھنڈی گڑھ گرم آبہ ہتھ چھلن تہ تمہ پتہ گلبرین تہ گلاب عارق یکوٹہ ملناوتھ ہتھس مالش کرنی۔ ہتھ گڑھ پڑون تہ نون۔

امہ علاوچھ واریاہ تجربہ کرنہ آمتہ نیمہ ستر اُسی پنڈی خوبصورتی بڑاوتھ ہسکو۔ تو ملہ چھلن وونی، دوپہ بہہ، ناریل آب دوہس دوپہ لہ ہتھ چھلن۔ کسٹرایل تیلس منز بھین رلاوتھ ہتھس متھتھ تھاؤنہ ستر تلسی و تھرن ہنڈ رس تہ لیمبرس رس ہموذن یکوٹہ ملناوتھ ہتھس متھتھ تھاؤنہ ستر گھنڈہ کھنڈی ہتھ چھلن یکو منز یس تہ کانہہ نسخہ عملہ اُنوسہ بناوسوندر تہ سوندر مال۔

وٹھ

پھٹی متری وٹھ۔ وٹھن پتر لگنی، کرہنی وٹھ

بیلاج:

- ۱۔ شونگہ بڑ وٹھہ کاشتر تیلچ وٹھن تہ تونس مائش کرنی۔
- ۲۔ دیسی گبو وٹھ چچہ نوٹہ رزہ ملنا وٹھ وٹھن تہ تونس (نقہ ہنز جلیہ) مائش کرنی۔
- ۳۔ گلرین دویہ لٹہ دوہس وٹھن مٹھتھ تھوڑی۔
- ۴۔ صُجن شامن پانڑ پانڑ گرام بادام گوچہ کھنبہ متری۔
- ۵۔ اگر وٹھن پتر آسہ لچھڑ مسلہ ورق آسن ووتھان سبز آلہ پوڈر بنا وٹھ تھہ متری ملنا وٹھ دوہس اکہ دویہ لٹہ کم کھوتہ کم ستن دوہن استعمال کرنہ متری۔
- ۶۔ اکہ چچہ دود، اکہ چچہ ملاے یکوٹہ چچہ متری ملنا وٹھ۔ اگر کوئلہ رزہ بہ آسہ سہ ملنا وٹھ وٹھن مائش کرنہ متری چھ وٹھ ووز لکرتہ نرم روزان۔
- ۷۔ دود زور پانڑ چچہ۔ گلاب پوشہ وٹھ پانڑ دہ یکوٹہ پستھ، بادام گوچہ زور پانڑ پیسٹ بنا وٹھ گڑھ وٹھن مٹھتھ تھاون۔
- ۸۔ شونگن وز گڑھ وٹھن دیسی گبوچ مائش کرنی۔
- ۹۔ گرم زوچہ تاو پٹھ گبو مٹھتھ یس گبو پڑ یڈان روز تہ گبوچ مائش گڑھ وٹھن کرنی۔

تلہ پتہن نار گنڈن

مے اوس بابہ صاب و نان رنگن چھم ہوئی لہان۔ رنگن ہا چھم پیچھ
 یوان، تلہ پتہن چھنم نار گونڈمت، وانج ہاچھ و ہان۔ بہ اوس
 آسان۔ رنگن منز چھا کیشہ اندرم پیچھ ہن مگر ازیلہ مے پانس منز
 بیمہ علامٹ لبہ آیہ مے تور فکر زسہ اوس صحیح و نان۔ بیمہ علامٹ چھے یارہ
 گنہ دادچہ یا بجر چہ۔ بہر حال بیمہ بہ وجہ کنز آسن یلاج کرن چھ
 ضروری۔

علاج:

۱۔ گرم آبہ لیٹرس منز گرہن زچچہ کائثر تیل تر اوتھ امی آبہ ستر کھور
 چھلنی، پانٹون ستن منٹن گرہن کھور سنگ پالیں ستر رگڑاؤنی۔ اکھ
 گرہن کھور صاف پیہ ژلہ نار وٹھن۔

۲۔ زچچہ الہ ہند اندرمہ بیٹاکی دار حصہ کھورن رگڑاؤنی ستر چھ نار
 وٹھن ژلان۔

۳۔ گریلہ پن آبس منز پستھ لاگنہ ستر یا کھورن مائز لاگنہ ستر امہ

کُلک با من رگڑا ونہ ستر۔

۴۔ کتیر کالے آبس منز و زناوتھ صُجے صُجے چہنہ ستر۔

۵۔ دانہ ول پوڈرتہ کھنڈ رزھ یکوٹہ ملناوتھ دوہس دوہ تریہ لٹہ
پھکھ کھنہ ستر۔ تھن اکھ چچہ کھنڈ رزھ ملناوتھ کھنہ ستر چھ کھورن
نارو تھن بند گڑھان۔

آم تہ خولہ

آم چھ سانبن اندر من منز پلن ول سہ کیوم یس یمن اندر من منز
پنن گرتہ چھ بناوان تہ بچہ کشی تہ چھ کران۔ گنہ ساتہ چھ یہ مل جلیہ
کنہر تہ نیران۔ اُسریلہ آمہ دوایم کیمر نہر کڈنہ خاطر چھ کھوان
یم چھ ملس ستر نہر نیران مگر نوئی پنی چھنہ کم گڑھان۔ کھنہس چنہس
منز رزھابد لاو گرتھ ہکبو اُسریلہ تہ یمن ہند پو پڑا تراو نشہ بچتھ۔

علاج:

بہار س گڑھ کالہ ہلکے غذا دیں۔ بہتر روز دلیا دیں، دویمہ دوہ صُجے
جلابہ دیں۔

عقل تہ یاداشت ٹھیک کر نک نسی

دو باغار یلاج:

صُجے آفتاب کھسنہ بڑوئہ نہند ر ووتھنہ ستر چھ دل پھولان،
 وائس ہران تہ ا کس کامہ دوئس دون دوئس ہنز برکت سپدان۔
 صُجک شبنم چھ آب حیاتک تاثیر تھاوان۔ یاد تھا وودنی اچھ اکھ عائنہ،
 اُسر نیمہ نظر اتھ وچھوتی نظر وچھ یہ واپس۔ آسان آسان وچھوتہ
 دُنیاہ بابہ رحمت، ودان ودان روزویہ دُنیا بابہ زہمت۔ یہ لائنہ لیکھتھ
 آسہ تہ چھ لونن۔ ودان ودان لونو توتہ چھ لونن، آسان آسان لونو
 توتہ چھ لونن۔ ٹینشن تہ پریشانی چھ ساروے کھوتہ بڈ بہمارک۔
 امیک یلاج چھ صرف خوش روزن۔ دودھ دس سزان کرن، منز منز تیلہ
 مالش کرنی چھ آلوتہ غنودگی ژلراوان۔

صُجک سارچھ روح تاز کران تہ امہ ستر چھ ابہ آکسیجن حاصل
 سپدان یس زندگی تہ زند روزک اکھ اہم جز چھ۔ زندگی گڑھ
 ا کس سبٹ کُری متس پروگرامس تحت بسر کرنی۔ ایچ پڑتھ کانہہ

کام گزھ مقرر کر دی متس و قس پٹھے کرنی۔

صبحے اتھہ بٹھ چھلتھ تزامہ بانس منز کالے تھونہ آمتی آلس ز
گلاس چہنہ ستی سپد یڈ پور صاف۔ قبض گزھ دور۔ اگر یڈ صاف
کر نک چار آسنہ آمت توتہ گزھ ز منٹ کموڈس پٹھ بہن۔ مل دور
لگا ونہ بغار گزھ نہ نیرن۔ زور لگا ونہ ستی چھہ بواسیری سپدان۔
پڑتھ کامہ خاطر گزھ وقت مقرر کرن تہ اتہ پٹھ عمل کرنی۔ کام چھہ
پانے سپدان۔ پٹھہ پاٹھ مقرر کرنہ آمتس و قس پٹھ یڈ صاف کرنہ
خاطر باتھ روم گزھنہ ستی چھہ پانے گنہ زور لگا ونہ ور اے یڈ صاف
سپدان۔ اگر گنہ وجہ کنی یڈ صاف گزھ نہ توتہ گزھ کموڈس پٹھ
ضروری دون ترین منٹن بہن۔

سونچنہ سمجھنگ ماد پاد کرنہ خاطر گزھ جان جان عالمن ہنز کتابہ
پر نہ تہ تمن ستی ووتھہ بیٹھ کرنچ کوشش ضرور کرنی۔ پاٹھ، پوزا، نماز،
عبادت کرنک چھ سانپ بزرگو وقت مقرر کر تھ تھومت۔ پٹھ گزھ
سختی سان عمل کرنی۔ فاتحہ یاروز گزھن پور عقیدت سان درنی۔ کم
سے کم گزھ اکہ دوہ اکہ رزھ کام کرنک عادت بناؤن۔ سہ دوہ گزھ

بے کار زائیں یمہ دودہ نہ تھو اکھ رٹ کالم کرو۔ زنانہ تہ مردس میل
 کرنس گڑھ اکھ دودہ مقرر کرن تہ تمہ دودہ بغار گڑھ حوسن کلہ زٹن،
 پُن دل تہ دماغ گڑھ کا ترٹن۔ بیم دوشوے گڑھن پنے کنٹرولس منز
 رٹن۔ یاد تھاؤ وییمہ ذریاتکس مائلکس نش چھنہ کانہہ گتھ تہ ژھایہ۔
 یس تہ چیز اسہ اندر پکو حرکت کران چھ تھ منز چھ سہ بستھ۔ ہس
 ت منز تہ چھ، ریہ منز تہ چھ۔ اوے چھ ونان ز اگر اسی اُس
 مالکہ سندس ذریاتس اکار بکار یوسو چھ تھ منز بد عبادت۔

پُن پُن سوچن گھن گڑھ مذہبس تابع بناؤن۔ مذہب چھ اکھ سہ
 لائحہ عمل یس لچھ بدو وریو پٹھ سانبو عاقلو، سانبو بزرگو، سانبو خاطر
 مند تہ تجربہ کرتھ چھ تھو و مت۔ اسہ پز تنگ دایو منز پیر تھ کھلہ
 سمندر س منز نیرن تہ کانہہ تہ جان گتھ پیٹہ نس تہ حاصل سپد تہ
 حاصل کرنی تہ تھ پٹھ عمل کرنی۔

غذائے حلال تہ غذائے حرامس گڑھ ہمیشہ زبٹس تھاؤن۔ سون
 دماغ یس تہ فلسفہ پنے خاطر منظور کر سے فلسفہ گڑھ پیس تہ
 ورتاؤنگ موقعہ دیں۔

علاج

اُملمہ چھ وٹامن سی ستر برتھ تہ وٹامن سی چھ اچھن، کنن، نیتہ،
دندن علاویڈ، دل، دماغ وغائر سارنے وُسٹہ خانن نو زندگی بخشان۔
اُملمہ چھ قدر تک اکھ سو نعمت یُس ہو کھناوتھ یا تاز رس کڈتھ یا تیل
کڈتھ یا مورپہ بناوتھ یا کینڈی بناوتھ پڑتھ گنہ صورژ منز استعمال
کرن فاید مندروز ان چھے۔

دون کلون املن ہند رس شیشہ بانس منز تھاوتھ گڑھ ۳ پاو ماچھ
ملناوتھ، پندہن دوہن تاپس تھاون۔ پندہن دوہن تاپس تھاونہ پتہ
گڑھ اکھ اکھ چاہیہ چمچ صُبحن شامن استعمال کرن۔ انشاء اللہ سپد
یاداش تیز۔ مرژ وانگن تہ ژو کبر گڑھ یمن دوہن ترک کرن۔



کینسر

خدا کرِن سارِنے لو کن کینسر بہارِ نش را چھ۔ یہ بہارِ مہ اَسَن
 دُشمنس تہ۔ تیسس یہ دود چھ آسان سے زانہ یہ دود کوتاہ موز یکھ چھ۔
 کینسر گو و جسمہ کس کُنہ تہ حصّس منز بلا وجہ تبدیلی، کُنہ تہ جلیہ آنچہ
 گرھنہ، بیمہ آنچہ بڈنہ یا پھلنہ۔ اگر ا کس جلیہ بیم زٹو کھ یعنی
 آپریشن کر تھ سو جائے زٹو بیم چھ دؤیمہ جلیہ کلہ کڈان۔ اگر صرف
 اکھ سبل جسمس منز روز بیم چھ پھلان روزان۔ بیم گو گچہ یا آنچہ چھ
 منز اندری اندری پھٹان روزان تہ سارِ ہے جسمس تہ جسمہ کس
 پیس نظامس تہ اثر تر اوان۔ اگر ابتدائی دورس منز بیم ہند پتہ چلہ
 تیلہ ہبکو علاج کر نک سنز کر تھ مگر اتھ چھنہ ابتدا ہس منز تڑو کائہ
 علامت یتھ زن اُس علاج ہبکہ ہو کر تھ۔ بیمہ ساتھ امیگ پتہ چھ
 چلان تہ ساتھ چھ آسان وقت دز امت بیمہ سبلہ آسان پھلیم۔ بیمو
 سلو چھ آسان کچہ کشی کر ہڑ۔ اگر کائہ خوش نصیب و ا لس ابتدائی

دورس منز تشخیص سپد تہ مناوی زانو نہ ممکن چھ بہمار ہسکون بچاؤ تھ نہ تہ

چھ امیک انجام موت سیو دموت نہ دردناک موت۔

امہ دادکر علامت چھ یو کینٹ وکتھو ستر زانہ۔

۱۔ کائہ تہ زخم یس واریاہس کالس ٹھیک سپد نہ۔

۲۔ جسمہ کس گنہ تہ حص لگاتار خون جاری روزن۔

۳۔ زنانن ماہواری بند گڑھنہ پتہ (یعنی ماہواری ہندک دودہ مکمل

گڑھنہ پتہ تہ) خون جاری روزییلہ کہ بواسیری آسہ نہ۔

۴۔ کھن ہٹہ بون والن اگر مشکل گڑھ۔

۵۔ اگر لگاتار بد ہضمی یا اندر من ہنز مقرر کر مرہ کامہ کائہ تبدیلی پیہ۔

۶۔ اگر لگاتار قبض روز۔

۷۔ لکھشن چھ تقریباً تقریباً پڑتھ کائہ انسانس تہ یہ ہیکہ گنہ تہ

جایہ آستھ۔ اگر لکھشنس رنگ تبدیل گڑھن محسوس سپد۔ ہنگہ منگہ کم

ہمتھ یا کھنہ چنک مائل کم گڑھ۔

یو علامت و منز اگر گنہ فسمچ شکایت آسہ جلد سے جلد گڑھ ڈاکٹرس

رجوع کرن۔

بَجر

بَجر چھ اکھ قدرتی عمل ییمیک احساس سائی وائس بڈنہ کنی،
سانہن وُستہ خائن کمزوری پینہ کنی، اُچھن ہند گاش کمزور گڑھنہ کنی،
مس سفید گڑھنہ کنی، اڈجن دگ، مس پیرتھ زلنہ کنی، پیشابس پڈھ
کنٹرول نہ روزنہ کنی، مردانہ کمزوری پینہ کنی چھ انسان کم ہمت
گڑھان تہ چھس ژینہ ون لگان ز "بَجر چھ آمت"۔

بَجر کہ احساسہ ستری چھے خاہشہ مران، کھنہ چنک شوق ہضم نہ
سپدنہ کنی یا کم شزو پینہ کنی چھ پیوان مانن ز بَجر چھ دستگ
دوان۔ سانہ دودہ دیشہ ہنز دوتھہ پڈھ پڈھ تہ چھ امیک اثر صاف
بوزنہ پیوان۔ اسہ چھ وار وار آلژنال ولان تہ معمولی کام کرنہ ستری
تھکاٹ باسان۔ گراہ کوٹھن دگ، گراہ اڈجن دود، گراہ کلہ گیران
تہ گراہ کمر جواب دوان۔

سانہ جسمہ چہ خون سارن واجنہن رگن منز چھ چوئہ ہیو مصالحہ
اندرد کنی جمع سپدان تھہ کولسٹرال ونان چھ۔ امہ کہ جمع سپدنہ کنی
چھ رگن ہنز اندریم جاے تنگ سپدان تہ گنہ ساتہ چھ یہ بلڈ پریشر

بڈنہ کنی ہارٹ اٹیک سپد نلک باعث بنان۔ سون پڑانی پٹھر ووتھن
 بہن، خوش تہ خوشحال پٹھر زیند روزن چھ متاثر سپدان تہ اسہ ہجرک
 احساس شبقہ سپدان۔ اکہ دود چھ اکہ دود پیہ دودہ بیا کہ دود۔ گراہ
 کمرس دگ، گراہ ربکہ اڈچہ تہ گراہ باقی باقی تان متاثر سپدنہ کنی
 چھ ہجرک احساس پور پٹھر محسوس سپدان۔

ہجر دور کرنہ خاطر چھ اسہ پنہ دودہ دشیچہ ووتھہ پیٹھ منز تبدیلی اثر
 ضروری۔ ا کس مخصوص ٹایم ٹیبلس پیٹھ عمل کرن چھ نہایت ضروری۔
 مقرر کری متس وقتس پیٹھ ہند رووتھن، ورزش کرنی نیمہ ستر نرنگہ
 ہلاونک عادت بدستور قائم روزنتہ اکڈن (Stiff) تم تان۔

زیند روزنہ خاطر چھ مقوی غذائہ معقول غذا آسن ضروری۔ مقرر
 کری متس وقتس پیٹھ کھیون چیون، ووتھن بہن، پیٹھ ہند، کھلہ
 ہوہس منز ورزش تہ پھیرن تھورن چھ سبٹھاہ ضروری یٹھ زن
 سائنس جسمس تازہ ہوا (آکسیجن) مسیر سپد۔ ہجرس منز زیادہ کھیون چھ
 بدہضمی، دڑو کہ، ایسی ڈیٹی ہند باعث بنان۔ یہ چھہ چرب کھالان تہ
 آلٹ بناوان۔۔ کم کالم کرنہ کنی چھ کھیون ضروری۔ اسہ چھ زیند
 روزنہ خاطر کھیون ضروری نہ کہ چھ کھنہ خاطر زیند روزن۔ تلتھ،

کستھ، زیاد مصالحہ دار کھن چھ نقصان دہ۔ کم پاکہ نامہ سبز تر کار
 چھ فائد مند۔ از تام چھ کم کھنہ واک کم مؤدک متری تہ زیاد کھنہ واک
 زیاد مؤدک متری۔ ہفتس منز گڑھ اکہ دودہ فاقہ کرن، اکہ دودہ گڑھ
 صرف سو کھن۔ رنے سبزی مہ، گازر، لار، ٹماٹر، بند گوبھی، پھول
 گوبھی، سلاد بناؤتھ کھنک عادت گڑھ بناؤن۔ زتچھ الہ ہند رس
 گڑھ یار بناؤن۔ چھو کہ دودہ (تھنر تلتھ زامت دود) چھ موچر
 والنس منز مدد کران۔

یاد تھاؤ و موٹ انسان چھ بہار بن ہند گر تہ تون چھ وڈون
 جانا وار یس آسانی سان وپھ تلتھ ہیکہ۔

ہجرک احساس کم کرنہ خاطر گڑھ بچن کب جوان ستر ووتھ بیٹھ
 کرن۔ ژوٹھ وچھتھ چھ ژوٹھ رنگ رٹان۔ منفی سوچ گڑھن نہ
 پانس نزدیک اینہ تہ۔ پریشانی تہ تناوچھ ہجرک بیا ک وجہ۔ کائہہ تہ
 لوکٹ یا بڈ پریشانی گڑھ پنہن گر کب باژن باؤنی یا پنہن یارن
 دوستن ونہ یمن ہند حل نیر ضرور۔

اگر وائسہ کنی بوڈ انسان جوان ہنز سوچ پاناؤسہ روز بوڈ آسانہ
 باوجود جوان۔ خوش روز نہ تہ اسنہ گند نہ سستی چھ دل پھولان تہ دود

ژلان۔ پُن دودہ گزارنہ خاطر گزہ اکھ سبٹ پروگرام بناؤن۔ صُجے
 نیندر و تھر تھے گزہ گوڈنٹھے یڈ صاف کرنی۔ اگر مقرر کُری مِتس
 و قس پٹھ یڈ صاف کرنہ خاطر زیاد وقت تہ لگہ واپہ گزہنہ بُرن۔ یڈ
 صاف کرنہ وراے گزہنہ نہر نیرُن۔ یہ عادت گزہ بوجہ کرن۔
 اگر قبض آسنہ کنی یڈ صاف گزہنہ تیلہ چھے قبضی دُور کرنہ خاطر شبقہ
 علاج کرن یٹھنہ یہ نالک گزہ۔ صُجے سلہ نیندر ووتھن وول چھ پانی
 پانے تھ و قس پٹھ ہشیار گزہان زن چھ اُمس ملا یکھ نیندر
 و زناوان۔ اُمس چھنہ الارم تھاوچ ضرورت پہوان۔

گنہ تہ داد خاطر گزہ انگریزی دوا استعمال نہ کرنچ کُوشش
 کرنی۔ انگریزی دوا چھ اکھ دود ژلراوان تہ بیاکھ دود ووتلاوان۔
 دیسی دوا چھ سایڈ ایفلٹ وراے۔

کیشہ چیزیم جو اُنی منز تو بہ خوش آسن کران مثلاً سگریٹ، نشہ،
 تموکھ، گوب، تھنی، ملاے، چربی گزہن مشراونی۔ پنی کَام پانے کرنک
 گزہ عادت بناؤن۔ وں گو و یوسہ کَام پانہ ہیکو نہ کرتھ تہ خاطر
 گزہ اولاد سُند، ہمسایہ سُند، یارن دوستن یا رشتہ دارن ہند مدد

حاصل کرنس منز کانہہ وائے کرن۔ اگر توہہ از مدد تچ ضرورت پپو
 ممکن چھ پگاہ ما پپہ تمن تہ۔ تھو بیلہ کانہہ پُن مائی وُن تیلی مانو سہ
 پُن۔ پڈ موہنوس پز نہ کانہہ کام پگاہ پٹھ تھاون بلکہ پز بس پگچ کام تہ
 کالے کرنی۔ ہجرس منز آور روزن چھ ضروری۔ سائس گرگھن،
 سزان دھیان، عبادت، کھیون چیون، لکھن پرن گزہ عادت
 بناون۔ پنہ گرس منز گزہ اتھہ بٹاونچ کوشش کرنی۔ زیند زوس گزہ
 نہ کائسہ یہ وتنگ موقعہ دین ز ”یہ چھ بے کار پڈ۔“

یاد تھاون پز ہتھ کانہہ سائی عمل چھ سائس اعمال نامس درج
 سپدان۔ عملہ چھ رد عمل۔ رت سوچن، رت ورتاون، رد عمل تہ آسہ
 رتے۔ کائسہ اکار بکارین چھ عبادت ہند معراج۔ پز ہتھ کانہہ وجود
 چھ مالک سُنڈ وجود تہ ایچ خدمت چھ عبادت تہ شکرانہ۔ شکر گروز
 توہہ میول کائسہ ہنز خدمت کرنک موقعہ۔



مَس کرہن کرنہ خاطر نُسجہ

کاشتر تیل (یعنی تیلہ گوگل تیل) اکھ کلو

رتن جوت (یعنی پارلنگ) ۱۰۰ اگرام

امبہ اُنٹ پوڈر بناؤ تھ ۱۰۰ اگرام

برگ حناء (یعنی مائز پن) پوڈر ۱۰۰ اگرام

دون دوہن آبس منز وُزناؤ تھ تہ یہوے آب تپلس منز تر اؤ تھ گڑھ

یہ تیل رتن جوت، امبہ آنچہ پوڈر تہ مائز پن گڑ بکھ ناؤن تہ ملناؤن۔

ییلہ گڑ بکان گڑ بکان آب ہو کھ تہ تپلی یوت روز دواگو و تیار۔

یہوے تیل استعمال کرنہ ستر گڑھ مَس کرہن۔

چربی والنہ خاطر:

موچر والنہ خاطر گڑھن کیشہ خاص ورز شہ کرنہ۔ سبز پنہ واجنہ

سبز یہ استعمال کرنہ۔ اکہ وقتہ گڑھ صرف پھل کھیون تہ کھنہ پتہ

اکہ گائٹہ گڑھ آب چیون۔ چاے، کافی، میڈر چیز تہ چربی واکر چیز
گڑھن ترک کرنی۔ ماچھ دار لیمک تریش تہ چھے چرب والان۔
گرم آب ستر موچر والن:

کینہہ کھنہ پتہ اکھ کپ یا اکھ گلاس گرم آب لگاتار چنہ ستر
چھے چربی وسان۔ قبض دؤر گڑھان، یڈ منز گیس بن بند گڑھان،
اندر من ہند ورم تہ یڈ ہند کیکر (آم) تہ دؤر گڑھان۔
کلہ داد خاطر ژوٹھ:

صجے سکے اکھ ژوٹھ دہل تلمہ بغار کھنہ ستر چھ واریاہ کالک
کلہ دود پند ہن دوہن منز ٹھیک سپدان۔ کوچ کھنہ بڑوٹھہ دہ منٹ
اکھ مود ژوٹھ کھنہ ستر چھ دماغس طاقت میلان۔

دل تہ ژوٹھ:

ژوٹھ مورپہ ۵۰ گرام ز روپہ ورق لاکتھ پند ہن دوہن کھنہ
ستر چھ دیکر داکر ٹھیک سپدان۔

کوکر ژاس:

پھنکر لایہ (نارس پٹھ پھنکر تڑاوتھ چھ پھنکر گملان تہ تھ چھ
لایہ نیران)۔ اکھ مونگہ پھلس سؤمب ز ثور دانہ مد ریر ملناوتھ
دوہس دوپہ لہ استعمال کرنہ ستری چھے پانئون دوہن منر ژاس ژلان۔

ژاسہ دوا:

شنگر، کتھ سفید، گوند بیول ہم وزن یعنی دہ دہ گرام پھبکھ
بناوتھ۔ کپر چھانز کترتھ ادک رس رلاوتھ راز ماہ پھلس سؤمب
گولہ بناوتھ گتھہ بیوے گولہ منر اکھ اکھ ژہان روزن۔ ژاسہ خاطر
چھ یہ اکھ کار آمد نسجہ۔

ژاس:

شنگر تہ کالہ مہر ژدہ دہ گرام تہ یرون (پرانا گڈ) گور ملناوتھ مٹر
دانس سؤمب تہ گولہ بناوتھ تاز آلس ستری دوہس دوپہ تریہ لہ
استعمال کرنہ ستری چھے کنہ تہ قسمیہ ژاسہ فرق گتھان۔

کینسر:

رہن کھنہ و اُلس چھنہ کینسر گڑھنچ کاٹھہ گنجائش۔ گازر، ٹماٹر، سبز
پتر واجنہ سبز یہ کھنہ ستر چھ کینسر گڑھنچ پریشانی کم۔

پیتہ پھپھر:

پیتہ پھپھر ٹھیک کرنہ باپت گڑھ اکھ خضر اُٹ صاف کنہ پٹھ
گھتھ اُچھ ناربن اوگچہ ستر لاگن۔ تمہر آنچہ ہنز گوج اُچھ ناربن کنہ
پٹھ گھتھ لاگنہ ستر تہ چھ پیتہ پھپھر ٹھیک سپدان۔

پائیریا:

لید ر رنگہ تمہ کھر پن ۱۰۰ گرام تاو پٹھ ز اُتھ پیلہ امکہ دزنک
دہہ بند سپد پھبکھ بناوتھ گڑھ اتھ ستر ۱۵ گرام نون تہ ۵ گرام کالہ مرث
(کالی مرچ) پوڈر ملناوتھ اُکس بوتلہ مرث تھاؤن۔ دودھ دس بطور منجن
استعمال کرنہ ستر چھ دند و منز خون یا پاکھ نیرن بند گڑھان تہ دند
موضع ہی چکان۔

موٹ بٹنگ ٲللاج:

اگر تو یہ موٹ بٹنگ شوق چھو، ۱۰ ابادام گوچہ راتس آہے گلاس
منز وزن اوتھ تہ صُجے دہل تلتھ ۲۵ گرام تھن تہ کھنڈ رتھ ملناوتھ ڈہل
ژوچن ژون پسن پٹھ متھتھ اکھ پاونیم گرام دودھ چہنہ ستر گرنہوتھو
کینٹس کالس منز موڈ۔

بار بار پیشاب تہ مردانہ کمزوری ہنڈ ٲللاج:

شیناوری پوڈر بناوتھ ۲۵۰ گرام گرم دودس ستر اٹھن دوہن
کھنہ ستر گرتھ بار بار پیشاب یں دؤر۔ ٹھیک مردانہ طاقت بڈاونہ
خاطر تہ چھ یہ اکھ بہترین دوا۔

موچر والنہ خاطر:

اکھ گلاس گزیکہ ناوڑ متس آبس منز سوکھہ وشن گرتھ تہ ۱۵ گرام
ماچھ ملناوتھ چہنہ ستر چھ موچر وسان تہ غار ضروری چربی کم سپدان۔
تر بن رتن گرتھ استعمال کرن۔

ہائی بلڈ پریش خاطر نچ:

اشکنڈ، شاخ گلوئی، سرپ گندا، ارجن چھال تہ پوتروا۔ ہموذن
تقریباً پانڈھ پانڈھ گرام دوہس دوہیہ لہ آبس منز گزیکہ ناوتھ چہنہ
ستر سپد ہائی بلڈ پریش ٹھیک۔

دیچ کنزوری:

ہند و ہند، شہوت شربت بناوٹھ چھے دیچ کنزوری دوسپدان۔

لو بلڈ پریش:

۳۰ گرام کشمش، ۶۰ گرام آبس منز راتس تر تر اوتھ صجے کشمش
کھنہ ستر تہ کشمش آب چہنہ ستر گاز ررس تہ ماچھ ملناوتھ چہنہ ستر
چھ بلڈ پریش ٹھیک گزہان۔

یو مبر (Corn):

یو مبر ٹھیک کرنہ خاطر گزہ یو مبر چہ جلیہ لیمکر رس دوہس دوہیہ

لہ متھن۔ لیمی رَسس منز پھمبہ رڑھا بوڈناؤتھ گڑھ بومبر چہ جاپہ
گنڈتھ تھاؤن۔ یٹھ بومبر چہ جاپہ رڑھ روز۔
گنڈ رَس دوہس ترپیہ لہ بومبر چہ جاپہ متھتھ تھاؤنہ ستر چھ
بومبر زمان تہ نہر کڈس منز مدد کران۔

اُندر من زخم:

کوچ رُہن زور پھلی بہتہ کھنہ پتہ استعمال کرنہ ستر۔ کوچ کیلہ
سبزی بناؤتھ یا کوچ کیلہ پوڈر بناؤتھ نوہ بغار استعمال کرنہ ستر چھ
اُندر من ہند زخم (Gastric Ulcer) ٹھیک سپدان۔

ژاس تہ بلغم:

اگر سہنس منز بلغم جمع آسہ گو مت۔ دچھ کھنہ ستر چھ بلغم ووتھان
تہ سپنہ صاف گڑھان۔ ژاسہ تہ چھ فرق گڑھان۔
ژوریم حصہ پدہ رَس تہ ژورم حصہ گرم آب کیوٹہ ملناؤتھ
دوہس ترپیہ لہ چنہ ستر چھ نزل، زکام تہ بلغم ٹھیک گڑھان۔

چایہ سوڈر، دیسی کوفور ۵ گرام یکوٹہ ملناؤتھ کشتیہ چایہ مائش کر فی۔

دست:

پیتل کلکی پائز پنے و تھر ژاپنے یا پاکناؤتھ امیک آب چہنے ستر چھ
دست بند گڑھان۔ مغز بیلگری پوڈر بناؤتھ زانتس دودس ستر اکھ
اکھ چایہ چچے دوس دوپہ تڑپہ لہ استعمال کرنہ ستر چھ مسیل بند
گڑھان۔

گوردن گڑی:

پیتا کلک مائل کنہ پٹھ گتھ یا باریک پوڈر بناؤتھ ۶ گرام
خوراک ۵۰ گرام آبس منز ملناؤتھ تہ چھانتھ استعمال کرنہ ستر چھ
گوردن ہنز گڑی ریڑ ریڑ گڑھتھ پیشابس ستر نہر نیران۔
کروتھ دال ۲۰ تڑہہ گرام ۲۵۰ گرام آبس منز گڑیکہ ناؤتھ ییلہ
آب تڑوڑم حصہ روز، یہ چہنے ستر چھ اکوہن دوہن منز گڑی نہر نیران۔

دند دگ:

دند د اِس منز گز ه رُهِن کوج یارُهِن ٹگر گرم کَر تھ دگہ ہنز جاپہ
دباؤ تھ تھاؤن، دگ گز ه کم۔

مردانہ طاقت:

مردانہ طاقت بڈ راوہ خاٹر یعنی جنسی کمزوری دؤر کرنہ خاٹر
گز هِن زور خضر چھلتھ تہ اندر نہر صاف کَر تھ ا کس دود گلاس
منز گز بکہ ناؤ تھ چنر۔

دیی گبوس پٹھ ۲ دیسی ٹھول آملیٹ بناؤ تھ خضر دودس ستر کھنہ
ستر چھ مردانہ طاقت حاصل سپدان۔

کوٹھن دود:

ہو کھ نار جیل کھنڈ دوس دویہ زور لٹہ کھنہ ستر چھ کوٹھن ہنز

دگ ژلان۔

ارنڈ کلک پن دگتھ کوٹھ لاگنہ ستر چھ کوٹھ دودھیک سپدان۔

قبض:

شونگن وزست اسمبول ۷ گرام آبس ستر یا دودس ستر تریپہ ژور
 دہی متوآ تر کھنبہ ستر چھ واریاہہ کالگ قبض دؤر سپدان۔
 اگر قبض آسنہ کنڑ تھپھ آسہ روزان ۱۰ اگر گرام کسٹرایل گڑھ گرم گرم
 دودس ستر پھیکہ کھیون۔

دندمنجن:

دارچینی پوڈر، تو تھ دانہ ول ۱۰ گرام، کالہ مرژ پوڈر ۵ گرام،
 چوب چینی پوڈر ۱۰ گرام، کپور کچری ۱۰ گرام یکوٹہ ملناؤتھ بطور منجن
 استعمال کرنہ ستر چھ گنہ تہ قسمک دند دودھیک سپدان۔

خونچ خرابی:

۱۰۰ گرام تازہ نیم پن (برگ نیم) آبس منز پستھ یا رس کڈتھ
 اوڈ کلوگبوس منز پاکناؤتھ پیلہ صرف گبور روز زائن گڑھ دواگو و تیار۔
 یہو ۷۵ گرام خوراک چنبہ ستر چھ خونچ خرابی دور سپدان۔

ہوٹ لگن:

کاٹھہ تہ گرم چیز کھنبہ پتہ پیلہ کاٹھہ سرد چیز کھبو تیلہ چھ ہوٹ
لگان۔ امہ خاطر چھے شنگر زاپہ شنگر زاپہ ستر یس مواد امہ منز نیران
چھ تمہ ستر چھ ہوٹ کھلان تہ ہٹیک دود بلان۔

خون نیرن:

یتھ جاپہ خون نیران آسہ تھ جاپہ گڑھ میڑ تپلس منز و زناوتھ دج
یا کپر پیس لا گتھ تھاون۔

دگ:

لیڈر پوڈر زخمن منز تراونہ یا برنہ ستر چھ خون نیرن بند سپدان
پیہ دبہ ونہ آمڑ جاپہ ہنز دگ کم سپدان۔

ورزش:

صجک سار چھ ہنس بہار بن کئے یلاج۔ رز گندن چھ دہن
ورزشن ہنزاکے ورزش۔

سدا بہار:

پوش تہ پینہ و تھر نصف گرم آبہ گلاس منتر تقریباً دہن پند ہن
منٹن و زنا و تھ چبنہ ستر تہ پٹھہ خالی گرم آب نصف گلاس چبنہ ستر چھ
شگر لبول ٹھیک سپدان۔

یو کو چن کنی:

بڈ عاکہ دانہ، ۵ گرام خر بڑ بیول، ۵ گرام اکھ چچہ کھنڈ شیر بنا و تھ
چبنہ ستر چھ یو کو چن ہنتر کنی ٹکر ٹکر گرنہ تھ نیران۔

اڈر چہ دگ، گاٹ:

گاٹ یا جوڑن ہنڈ دود چھ یورک ایسٹ جمع سپدان کنی سپدان۔
ورم تہ دگ بے انتہا آسنہ کنی چھ بہار پیچہ دوان۔ بہار چھنہ
پھیرنس تھورنس لایق روزان۔ کھور گوڈن تہ کھور کبن او نگجن چھ
ورم تہ دگ آسنہ کنی جوڈ ہلور تہ کور پیہ اکڈ فی ہوان۔

یلاج:

بہارِ رس گزھنہ قبضِ روزن۔ جاویدِ عرقِ جون یا جاویدِ تیج
 مائش، لیمبرِ رس، گازِ رس، ٹماٹرِ رس، گنڈ، رُہن کھنہ یا تیل کڈتھ
 مائش کرنہ سترِ سپدِ آرام۔ ماز، آچار، ژوکبر، ٹھنڈی، گبو، ٹھول، زامت
 دودس چھہ منائی۔

دگ تہ قدرتی یلاج:

دگہ وز گزھن قدرتی حسین منظر تہ شاہکارِ یاد کرنی۔ یمنے منظر
 منز گزھن پنہ سوچہ آوراوہ تہ شرفِ پراوہ۔ دگہ ہند نشانہ روزہ
 گنہ۔

قدرتک بجر:

کوتاہ جان گزھہ ہے اگر اُس گنہ تہ دادیک یلاج قدرت کس
 بجرس منز ژھانڈ ہو۔ اگر تہ میلہ نہ تیلہ ژھانڈ ہودوا۔

مَس:

شکا کائی، رینٹ، اُمَلہ خشک ہموزن آبس منز یکوٹہ گڑ بکھ ناوتھ تہ
ٹھنڈ کرٹھ امی آبہ ستر چھلنہ ستر چھ مَس پیرتھ زلن بند سپدان تہ
چمکدار سپدان۔

مَس:

سینٹھ دار تیل مستس ونگ عادت گڑھ مشراؤن بلکہ گڑھ نار جیل
تیل یا بادام تیل استعمال کرن۔ بادام تیلہ ستر یا نار جیل تیلہ ستر مستہ
کبن مؤلن مائلش کرنہ ستر چھ مستہ مؤل مضبوط سپدان۔

کنگو: اگر ممکن سپد ہچہ کنگو گڑھ استعمال کرن تکیاز نائیلان یا
Synthetic کنگو چھ رگڈ (Friction) پاد کرٹھ مستہ کبن
مؤلن کمزور گران۔

موچر: موٹ مرد یا موچہ زنانہ چھے واریا ہن بہمار ہن ہند ٹھکانہ۔
 موچر چھ چربی دار کھن، ماز، گبو، تھن، بتہ، آلو، مٹھائے، تولمٹ چیز،
 مدریر، کیلہ، دچھ، زیادہ شوٹن، کم محنت کرنہ ستر کھسان۔ وزن چھ
 ہران، زنانہ گرتھنہ ۶۰ کلو علاوہ مرد گرتھنہ ۷۰ کلو علاوہ آسن۔ موچر
 چھ زنانن شوگر، لیکوریا، دیکو داؤر، شائش، اڈجن دگ بیتر بہمار ہن
 ہنز شکار سپدان۔

موچر کم کرنہ خاطر:

موچر کم کرنہ خاطر چھ گوڈنتھے آس کلف کرن۔ صرف
 دوس دوپہ لٹہ ہلکے غذا کھنہ خاطر کلف مٹراؤن۔

موچر کم کرنہ خاطر:

غذہس منز گرتھ سلاڈ، ٹماٹر، مچہ، گازر، گنڈ ضروری کھین۔ اڈ پوک
 غذا، کھن کوشش گرتھ کرن۔ ہفتس منز گرتھ اکہ دودھ صرف مو
 کھین، رتس منز گرتھ اکہ دودھ ضرور جلابہ کرن۔

اچھ:

رس اشد صاف کنہ پٹھ، گتھ گڑھ صاف اؤنگہ ستر اچھ نارہن
لا گتھ تھاوہ ستر چھے اچھن شہلتھ پوان۔ ہواک ہلیہ، گتھ تہ چھ
اچھن خاطر ٹھیک۔

گن:

کنن منز گڑھنہ آب گڑھن۔ کنن گڑھنہ توجو، کلپو یا گنہ تیز دار
چیز ستر کشن یا خلل کرن۔ کنک اندریم حصہ گڑھ پور صاف
روزن۔۔ صاف پھمب گڑھ تچہ ولتھ وار وار کنک اندریم حصہ
صاف کرن۔ زور گڑھنہ واٹن۔

زکام/اژاس:

اژاس یا شانیش اگر آسہ۔ اکھ شنگر ٹگر گڑھ اُسس منز تھاؤن تہ
وار وار ژاف دتھ گڑھ تمیگ رس ژہن۔

گرم آبک نوہ غر غر چھ زکام تہ اژاس ژلراؤس منز مدد کران۔

یو کہ وچہ دَا دِس:

یو کہ وچہ دَا دُر وَا لِس پزن مُجہ، گازِ رامبہ، دَچہ، تُو ٹھکی بطورِ سِلاد
ضرور استعمال کرنی۔

گرم آب:

گرم آب چھ دز وکھ، دستہ یا مُسِل ٹھیک کرنہ خاطر اَکھ سیو دساو
تہ مؤثر علاج۔

نُونہ دار گرم آبک بہا یا ٹکور چھ اُد جن یا کُنہ تانچ دگ تہ ورم
دور کران۔

یڈ دود:

دز وکھ، دستہ یا مُسِل زیاد گرتھنہ کنی چھ جسمس منز آب خارج
سپدان تیج بھرپائی ضروری چھ۔ امہ خاطر گرتھ گزبہ ناو د مٹس
آبس اَکھ چچہ نون تہ اَکھ چچہ مد ریر ملنا وتھ بار بار چوون۔

مَس:

دودھ تہ کھنڈ وراے لپٹن چاے آبس منز گز بکھ ناوتھ تہ ٹھنڈ
گر تھ امہ آبہ ستر کلہ چھلنہ ستر چھے مستس چمک یوان۔

مَس:

املہ خوشک راس آبس منز وناوتھ تہ صجے امی آبہ کلہ چھلنہ ستر
چھ مَس نیر تھ ژلن بند سپدان۔

املہ:

املہ گنہ تہ طریقہ چاہے رس، چاہے تیل، چاہے موربہ تہ
صورتس منز استعمال کرو، چھ واریاہہ قسمک دودو رسپدان۔

مَس:

مَس مؤلن صفائی نہ آسنہ کنڑ چھ کُف پاؤ سپدان۔ نیمہ کنڑ مَس چھ
نیر تھ ژلان۔

مَس:

سزان گر نہ پتہ یا کلہ چھلنہ پتہ چھ مس ہو کہ کُرن ضروری۔ ادرِس
مستس گر نہ پتہ کنگو دیں۔ زٹھ آسنہ ستی چھ مس پرتھ ڈالان۔

گرم بہا:

کلس گرم بہاد دینہ ستی چھ مس ملایم تہ ریشم ہیو سپدان۔ گرم
آبہ منز و زنا و متو لیا کلس پٹھ تھاوتھ گرم بہاد دینہ ستی چھ امہ مزید تہ
واریاہ فاید واتان۔ نزہ، زکام، کلہ دا دس تہ چھ فاید واتان۔

کلہ دود:

کلہ دود آسنہ وز گر تھ کلس اکھ و ج چیر گنڈ تھ تھاوتی تہ گنہ خلوق
جایہ آرام کُرن۔

شوٹھ پوڈر ز تڑے چچے آبس منز گز بکہ ناوتھ گرم گرم ڈکلس
مٹھتھ تھاوتہ پتہ بیلہ یہ خوشک گر تھ کلہ دود سپد دُور۔

پیشاب قطر قطر:

قلمی شور ۳ گرام، اوم دودھ ۲۵۰ گرام تہ آب اکھ لیٹر یکہ وٹہ
رلا وٹھ دوہس دوپہ لٹہ چہنہ ستر پکہ پیشاب کھلہ۔

پیشاب یُن تہ یُن:

سیاہ تیل ۲۰۰ گرام دگتھ، ۲۵۰ گرام گور شیر یکوٹہ ملنا وٹھ گڑھن
۲۰ گرام لڈو (گولہ ہی) بنا وٹھ دوہس دوپہ لٹہ صجن شامن استعمال
کرنی، پیشاب یُن تہ یُن گڑھ بلکل ٹھیک۔ بچن اگر گڑھ صرف اکہ
لٹہ دوہس کھیون دیُن۔

اتھن کھورن وائے یُن:

ڈوئی گوجن ہند تیل، اڈوسہ پوش تہ پھل اٹھ تپلس منزرا لٹھ
تہ چھاٹھ امی تیچ مائش کرنہ ستر چھ اتھن کھورن وائے یُن ٹھیک
سپدان۔

دب لښ دگ:

دب لښ جايه دگ ته ورم ټھيک کړنه خاطر گزته ديسي گوس منز
کافور (ديسي کوفور) ملناون ته دب لښ جايه ملته ته گنډته تهاون-
دگ ته گزته کم ته اگر خون آسه يوان سه ته گزته بند-

دگ ته ورم:

برگ تج پوډر بناوتھ يا ليډر پوډر يا دان پن پوډر آبس ستر
پيسټ بناوتھ دگه هنر جايه لا گته تهاونه ستر يا گنډته تهاونه ستر گزته
ورم کو دگ ټھيک-

مس:

برگ نيم ته برگ حنا هموزن آبس منز گز بکھ ناوتھ ته ټھنډ کر ټھ ته
امی آبه کله چهلنه ستر چه مستکو مؤل مضبوط گز تھان-

مَس:

برگِ انار (دَاں کُلِیک پَن) پوڈر بناو تھ آس ستری پیسٹ بناو تھ
کَلَس تھاونہ ستری چھ مُنڈ کَلَس تہ مَس یوان۔

مَس:

سبز دانه ول رَس کڈ تھ کَلَس مائلش کرنہ ستری تہ کینرش کَلَس
مُتھتھ تھاونہ ستری چھ نو و مَس یوان۔

سفید تیل (کاندر تیل) کھنہ ستری چھ مَس پیر تھ زُن بند گزھان
تہ نو و مَس یوان۔

ذامت دودھاؤ ڈکپ، کالہ مرز پوڈر ز گرام، نیم رَس یکہ وٹہ ملناوٹھ
گزھ تقریباً دون گنن کَلَس مُتھتھ تھاون تہ دوپہ گنہ پتہ کلہ چھلن۔

غار ضروری مَس:

غار ضروری مَس گویا پتہ نَس مَس ضروری چھنہ یعنی بُتھس یا پتہ
گنہ جلیہ پتہ نَس مَس گزھنہ آسُن تھ جلیہ گزھ لپڈر پوڈر مُتھتھ
تھاون۔

دل:

سون دل چھ سائہ صحتمندی ہند ذمہ دار۔ دل کمزور صحت کمزور۔ زیادہ
کھیون چھ نوقصان و اتناوان۔ چربی دار کھین گڑھ ترک کړن۔
اکثر گڑھ بلڈ پریش چک کړن۔

پیشاب:

اکھ لوکٹ کریلہ آبس منز گہتھ دوہس اکھ لٹہ چہنہ ستی گڑھ
پانژون دوہن اندر اندر پیشابس ستی خون نیرن ٹھیک۔ مرڈ وانگن تہ
گرم چیز کھنس گڑھ پرہیز کړن۔

دروکھ دستہ:

اکھ کیلو آبس منز گڑھن ژور سبز عاکہ گڑبکہ ناوہ۔ پیلہ آب
نصف موڑ اتھ آبس گڑھن ژور حصہ کرڈی تہ ژور ژور گنڈہ چیون،
دروکھ تہ دستہ گڑھ بند۔

یاداشت تیز:

ز کیلو تاز آبس منز تاز املہ رس ۷۵۰ گرام ماچہ ملنا وتھ گزہ گزہ
 شیشہ بوتلہ منز ڈکنہ بند کرتھ پندہن دوہن تاپس تھاوتھ گزہ ۱۰، ۱۰
 گرام صُجَن تہ شامن استعمال کرن، مشرف گزہ دور یاداشت گزہ
 تیز۔

خونچ کمی:

گاز رس، سنگتر رس، موسمی رس پیہ ماچہ ز چچہ استعمال کرنہ ستر
 گزہ خونچ کمی دور۔ زنانن گزہ پز سنج دگ کم تہ پاد سپدن وول بچہ
 آسہ تھنہ دوگل ہیو۔

مستس لف:

ژور چچہ بے سن آبس منز اڈراوتھ تہ مستس متھتھ تھاوہ ستر تہ
 گنہ کھنڈر کلہ چھلنہ ستر لف ژلان تہ مس ملایم سپدان۔

مَس:

رینٹہ دہل آہس منز گز بکہ ناوتہ تہ آب ٹھنڈ کر تھ امی آبہ کلہ
چھلنہ ستر چھ کف دؤ رسپدان۔

مَس:

کلہ مرژ ۶ دانہ، گول الہ ہندو ۶ بیٹو، دیسی گبواکھ چمچہ آہس۔
منز، گتھ تھاوہ پتہ کلہ چھلن، زوہ و مران تہ کلہ گزہ نو دمس پتہ خاطر
تیار۔

دزن دوا:

اگر اچانک جسمہ کس گنہ تہ تانس توت لگہ یعنی گنہ وجہ کز دز،
یکدم گزہ سرد آہس یا شپنہ آہس منز بوڈناون۔
دزن جاپہ گزہ کوچ اولو دگتھ تہ اڈ بڑوک کر تھ لا گتھ
تھاون، شہلٹھ پپہ تہ بستہ گھسہ نہ۔

دَزن داغ:

تاو پٹھ توتھ کرہن مسور تقریباً زالتھ، نار جیل تپلس ستر
ملناوتھ گڑھ دَزن جاپہ لآ گتھ تھاؤن، نہ گھسن بستہ تہ نہ روزن
داغ۔

دُور:

(داد) چھ مسلک تکلیف تہ اتھ جاپہ چھ یوتاہ کشن یوان کشن
ستر چھ اتھ رتھ یوان تہ یہ چھ وانج ژٹان۔ انسان دپان بہ ژہنہ
تانے ژٹھ۔ امہ جاپہ ہند کشن ٹھیک کرنہ خاطر چھ پنہ اچ تھو کہ
اونچہ ستر اتھ جاپہ متھن، دُور گڑھ دوہن منز ٹھیک۔

خوبصورتی:

خوبصورتی قائم تھاوہ خاطر گڑھ ٹماڑس، گازر رس، چوگندر
رس، ہموذن تقریباً ۵۰، ۵۰ گرام دوہس اکہ لہ رتس کھنڈس
استعمال کرن، بٹھس پیہ رونق۔

بواسیری:

جافر پوٹکو سبز پنہ و تھر ۱۰ گرام، کرہن مرٹ پوڈر ۲ گرام یا پائوشے ولہ
کھنڈ ۶۰ گرام آبس منز گر بکے ناوتھ ٹھنڈ کر تھ ژون دوسن متواتر چہہ
ستری سپد بواسیری ٹھیک۔ گرم چیز گرہن نہ کھینڈ۔ قبض گرہہ نہ روزن۔

دڑوکہ:

لیمو جوس تہ پد نہ تہ چھ دڑوکہ بند کران۔

نس سپر:

نس سپر بند کرنہ خاطر گرہن کلس سرد آبچہ دجہ دہہ۔
تاہ لیمو رس ز ترے قطر نسبت منز تراونہ ستری تہ چھے نس سپر بند
گرہہاں۔

کلہ دود:

واریاہ کالک کلہ دود ژلراونہ خاطر گرہہ شونٹھ، جلوتری ہموذن
پوڈر بناوتھ گوس ستری ملناوتھ تہ پیٹ بناوتھ توت توت ڈکس

لا گتھ تھاون، کلہ دَا دِس گزھ یکدم فرق۔
 داه بادام گوچہ، زگرام قلمی شور، سفید ژندنہ ستری گھن، ڈبکس لگنہ
 ستری تہ چھ کلہ دودڑ لان۔

ماذیرن بستہ:

زچچہ لیدر، اکھ لیٹر آ بس منز گزیکہ ناوتھ تہ امی آبک غر غر
 کرنہ ستری گزھن ماذیرن تہ اسچہ بستہ ٹھیک۔

بار بار پیشاب:

اگر پیشاب بار بار آسہ یوان داه گرام شتاوری پوڈر بناوتھ اکھ
 پاود دس ستری استعمال کرنہ ستری چھ بار بار پیشاب یُن ٹھیک سپدان۔
 یہ عمل چھہ اٹھن دہن دوہن جاری تھاونی شیشا وری چھ کمر دَا دِس
 ٹھیک کران تہ مردانہ طاقت بڈراوان۔

دزنج دگ:

گاؤہند گؤہ دزن جلیہ لاگنہ ستری چھہ دزن دگ ٹھیک گزھان۔

قودرتی مناظر:

قودرتکس کُنہ تہ ماحولس منز گڑھ پُنن پان جذب کُرَن تہ امہ
کبن حسین مناظرن ہنڈ لطف تہ تُلن دگ گڑھ مُشتہ۔

غیر غری:

گرم گرم نوئے آیکو غیر غیر چھ دکام تہ ژاس بکراؤس منز مدد کران۔

آنچ کمی:

دزوکھ، دستہ یا مُسِل چھ سمانہ جسمہ منز آب خارج کران۔ امہ
خاطر چھ اُکس گز بکے ناؤر مِتس آبہ لپٹرس منز ۵۰ گرام نوَن تہ
۵۰ گرام کھنڈ ملناوتھ یہ آب چوَن ضروری بنان یتھ جسمس منز آنچ
کی پور گڑھ۔ زیاد آب جسمہ منز نیرُن چھ سبٹھاہ نوقصان دہ۔

دگ:

نوئے دار گرم آبک ٹکوپر چھ اُڈجن یا کُنہ تہ تانچ دگ دوار کران۔

خوبصورتی:

خوبصورتی قائم تھاوے خاطرِ نیر و کھلے باغن تہ ما دانن مژنہ
 دورے پکوسبز دژمنہ پٹھہ۔ کینزس کالس اُسو ہنکتہ منگہ پزری پاٹھہ
 اپزری پاٹھہ، دل تہ دہماغ گڑھ تازہ۔

یڈ مژگنس:

لیڈرہ اگر ام تہ نون ۱۰ اگر ام آبس ستر کھنہ ستر چھ یڈ مژ جمع
 گو مت گیس خارج گڑھتھ یڈ ہنز دگ کم سپدان۔

دژ دکھ تہ ہکو:

سبز دینہ ولہ ہند رس چہنہ ستر چھ دژ دکھ تہ ہکو بند گڑھان۔



کینہہ یاد تھا ونہ لایگھ گتھہ

آب:

صُجس نیند رو تھر تھے کولکڑا گرتھ گتھ ا کھ تاز آبہ گلاس چوون۔

گھلہ ہوا:

آفتاب گھسنہ بڑ وٹہہ نیند رو تھتھ گھلہ ہوا ہنس منز پھیرنہ ستر چھ
دل تہ دہماغ تاز روزان تہ دل پھولان۔

تریش:

ترامہ بانس منز کالے آب تھاوتھ دؤیمہ دودہ چہنہ ستر چھے یڈ
پوڑ صاف گرتھان تہ قبض چھنہ روزان۔

اچھ گاش:

سرد آبہ دچہ اچھن دنہ ستر چھ اچھن ہند گاش ہران تہ برقرار روزان۔

سزان:

دودہ دیش سزان کرنگ عادت گرتھ تھاؤن۔ اکہ دودہ ہنفس منز
گرتھ تیلہ مائش سارک ہے جسمس کرئی۔

آوریر: فکر تہ پریشانی دُور کرنہ خاطر گزہ گنہ کامہ کارس سترِ آور
روزن۔

نفرت: یس انسان گنہ تہ وجہ کنی پئیس پانس نفرت کر تئیس چھنہ دشمن
ژھانڈئے۔

کم دَوہن ہند استعمال:

انگریزی دوا استعمال کرنچ کوشش گزہ کم سے کم کرنی تکیا زتم چھ
اکھ دود بکراوان تہ دویم ووتلاوان۔

قودرت:

گنہ تہ داد نیک یلاج گزہ قودرتن وفورتھاوی مئیس اندی پئیس،
کلبن کٹبن تہ قودرتکس ماحولس منز ژھارن۔
کابئے:

کابئے وائلس چھ کینژون دَوہن ز ژور آرام ضروری۔ گلکوز، شکر
رس، آلو بخار شیر تمر رس گلکوز ملناوتھ یا خالی چبنہ ستر ولتہ آرام۔
کوٹھبن دگ:

اکھ چچہ میتھ بیول یگھ آبس ستر کھبنہ ستر چچہ کوٹھبن ہنز دگ

ٹھیک سپدان۔

ترے زور ڈوڑی گوجہ سکی کھنبہ ستری چھ کوٹھن ہند دودھیک سپدان۔

نفرت نہ کرنی:

پننس پانس پننو غلطیو کن نفرت کرنہ ستری چھ اُس تَمَس دُشمن ستر
کام انجام دوان یس گنہ تہ حدس تام ہیکہ گنہتھ۔

لول:

قودرتچہ تھر منز یار تری گڑھ گنہ تہ طریقہ لول برن۔
انسان، حوانن، چرندن، پرندن برولول۔ اگر ممکن سپد نہ توتہ
مہ گری وکھ نفرت۔

بچھ گینہ:

بٹھس گینہ تہ داغ زراونہ خاطر گڑھ رینہ دہل پوڈر بناوتھ
آبس ستری پیسٹ بناوتھ بٹھس کینوس کالس مٹھتھ تھاؤن، گینہ کو
داسغ گڑھن ٹھیک۔

خوش روزن:

پنہ نین کتھن منز، پنہ ووتھہ بیٹھہ منز بر وچھر تہ لول۔ یوتاہ لول

یہ تھ تھند ہمسایہ، تھند اُشناو، تھند یار دوس تھند آسپج کمی محسوس
کرن۔

صحتندی:

یہ تھنہ قبض روزیو۔ یہ چھ تھند صحتندی آسنس تہ نہ روزنس مثر
گوڈ نیچ ارچن۔

دند/ماز پیر:

پھنکر تہ نون پھیکھ پوڈر بناوتھ اوگچہ ستر ماز پیرن تہ دندن
متھنہ اکھ ز منٹ گروہنہ کولکڑ کرنہ ستر چھ دند کو ماز پیر مضبوط
سدان۔

ماز پیرن ورم یا دگ ٹھیک کرنہ خاطر گروہ شوٹھ پوڈر کھو ورس
اتھس پٹھ رٹھ دچھنہ اوگچہ ستر دندن تہ ماز پیرن مجن کرن۔
دند و مثر خون نیرن:

اگر دندن یا ماز پیرن خون یا پاکھ آسہ نیران تھوتا و پٹھ گروہ پانٹ
دہ گرام جاویند اڈ دوڈ کرن تہ پوڈر بناوتھ دندن کو ماز پیرن مالش
کرنی۔

پائیریا:

امبہ آنچہ پوڈر بناوتھ تمہ پوڈر ستر منجن کرنہ ستر چھ دند و منز خون
نیرن یا پاکھ نیرن بند سپدان۔

کم نون:

نون کم کھنک عادت گزھ لو کچا رپانہ پٹھے تھاؤن۔

اُس خوشک:

اُس یا ہوٹ اگر ہو کھان آسہ، اکھ خضر اُنٹ اُسس منز
گولنا ونہ ستر چھے اُسس تر اوتھ پھیران۔

ہٹکو داؤد:

ہٹ کین داد بن چھ شاہ تول یا شاہ تول مور بہ یلاج۔ نون تہ
پھٹکر آپہ ستر سوکھہ وشن غر غر۔

گل غنقسہ تہ کابنہ بیول آبس منز گزبکہ ناوتھ گزھ امی آپہ ستر
توتڑ ما لیس کرنی تہ آب نیرتھ گنہ دچہ پٹھ تھاوتھ ہٹس راتس گنڈتھ
تھاؤن۔ ہٹس یمہ قسمک تہ دود آسہ گزھ ٹھیک۔

ہوچھ دانہ ول اکھ لوکٹ چچہ دوہس دوپہ تریپہ لہ ژاپنہ ستر

چُھ ہٹہ کین دادہن آرام سپدان۔

ذوودوا:

۵ شے وُتھر برگ تج آہے گلاس منز گز بکے ناوتھ ییلہ نصف
گلاس روز تہ آہے ستر گزہ کلس مائس کرنی تہ گھنٹہ اڈ گھنٹہ پتہ گزہ
کلہ چھلن۔ کلس اگر ذوو آسن تہ گزہن ختم۔ کف گزہ کم۔

کلہ دود:

کلہ دا دس تہ چُھ برگہ تیج علاج۔ اکھ تیج پوڈر بناوتھ آبس ستر
ملنا وُٹھ پیسٹ بناوتھ دیکس مُتھتھ تھاونہ ستر چُھ کلہ دود نزلان۔

اچھ دود:

اچھ دا دس تہ گزہ برگ تیج پوڈر پیسٹ بناوتھ اچھ ٹارہن مُتھتھ
تھاون۔ اچھن ہند دُگوش نزلہ۔

دند:

دند صاف تہ شفاف کرنہ خاطر گزہ برگ تیج پوڈر بناوتھ
دند منجن بناؤن۔

ژاس:

برگ تچ پوڈر اکھ چچہ اکھ کپ گرم دودس ستر یا اکھ چچہ ماچھ
ملنا وتھ استعمال کرنہ ستر چھہ ژاس ژلان۔

بچہ دانہ ہنز صفائی:

لوسہ زنانہ گڑھ اکھ گلاس آبس منز پاٹھ شے و تھر برگ تچ
گڑبکہ ناؤن۔ پیلہ آب نصب روز سہ چاونہ ستر یس بچہ دانہ منز
گند خون یا مل آسہ سہ نیر نہر تہ بچہ دانہ گڑھ صاف۔

دند:

جافر پوشہ کلنک پنہ و تھر آبس منز گڑبکہ ناوتھ تمہ آبہ ستر کولہ
کڑ کرنہ ستر چھہ دند دودژلان۔

ماذیر:

تاز آبس منز لیوب چیر تھ کولکڑ کرنہ ستر چھہ ماذیرن ہند ورم
تہ آسچہ بد بوے ژلان۔

قبض:

سیمس قبض آسہ بار بار گڑھان تس پڑ کاشر تیلچ مائلش شامس

شوئکے بڑوئہ یڈ کرنی۔

گرم آب کپس منز اکہ لیوم چیرتھ شوئکن وز چہنہ ستر نیر صحن
گھلہ مل۔

آب چنگ عادتھ:

صُجے نیند ر ووتھتھ کولکڑ گرتھ گڑھ اکھ تاذ آب گلاس چیون۔

نیند ر:

آفتاب گھسہ بڑوئہ نیند ر ووتھنہ ستر چھ دل و دماغ تاذ
روزان پیہ ا کس کامہ دوئس دون ہنز برکت نیران۔

اکھ یاز گلاس آب کالے تزامہ بانس منز تھاوتھ صُجے نیند ر
وتھر تھے چہنہ ستر گڑھ یڈ پور صاف تہ پیہ روزنہ قبض تہ۔

اچھ:

تہرنہ آنچہ دچہ اچھن دینہ ستر چھ اچھن ہند گاش برقرار روزان
بلکہ ہران۔

آدریر:

فکرتہ پریشانی دؤر کرنہ خاطر گڑھ گنہ کامہ کارس ستر آؤر روزن۔

خدمتِ خلق:

اگر کامہ کارِ نیشہ موء کھڑا اُسو یا ریٹائر اُسو گاہے گاہے تھہ ادارس ستر گڑھ
وابستہ روزن اُس گنہ تہ طریقہ لوکن ہنز بے لوث خدمت اسہ کران۔
عمل ردِ عمل:

کائنسہ تہ انسانس، دوستس یا دشمنس گڑھ نہ بد یوہن یا بد
کرن۔ یوس تہ عمل تہو اتھو کھورو، نربو زنگو یا پنہ دل یا دہماغہ ستر گرو
تھہ چھ ردِ عمل۔ رتِ عملہ چھ رتِ معاوضہ، بد عملہ چھ بدرِ عمل۔
شیئستہ:

خونس منز آکسیجن و اتناونک اہم ذرہ یہ چھ شیئستہ (Iron)۔
خونچ کمی چھ شیئستہ چہ کمی کنی سپدان۔ سبز ترکار، مٹر، پالک، خوشک
مہ کھنہ ستر چھ یہ حاصل سپدان۔
وٹامن:

وٹامن چھ بہار یو نیشہ رچھان تہ بہار بن ہند مقابلہ کرنہ خاہر چھ
سائنس خوراگس منز وٹامن آسن ضروری۔
تھنر، لیومب، ٹماٹر، مٹر، دال، مہ کھنہ ستر چھ یم حاصل سپدان۔

خونچ کمی:

خونچ کمی، خوراک نہ شَر و پُن، گیس پاؤ سپُن، اُچھن بونہ کرنہ
سفیدی، لیڈریر، تھکاوٹ، کمزوری، ہبکتھ نہ آسنگ وجہ چھے خونچ کمی۔
قبض:

قبض گڑھنکو وجوہات چھ اُسس کُلف یلے تھاؤن۔ یمہ ساتھ
پیہ تمہ ساتھ یڈ پر نی، کھنُس چنُس منز بے قاعدگی۔ یڈ صاف گرنُس
منز جلد بازی، یمہ ساتھ یڈ صاف کر نیچ ثینہ ون دیہ سہ ساتھ ٹالُن،
مل نہر نیر ون رکاوٹ تھاؤن چھ قبض گڑھنکو کیئہہ خاص وجہ۔
قبض:

قبض گڑھ کھنُس چنُس منز تبدیلی کرنہ ستر ٹھیک کر نیچ کوشش
کرنی۔ دوا گڑھن نہ استعمال کرنی۔

چھلکے ہتھ دالہ، سوتھ سبزی، نصف یڈ گڑھ سلاد کھبتھ پر نی۔
سلاد گو مچہ، گازر، ٹماٹر، بند گو بھی و تھر، چوگندر، لار، گنڈ، کوش ہتھ
آٹچ ژوٹ۔ مو، امب، امرود، موسی، پیپتا۔
کھنہ بز فہمہ اکھ گھنہ تریش چننگ عادت گڑھ بناؤن۔

یڈ صاف کرؤ:

مر بائے ہلیلہ اکھ شوئگن وز گرم دودھ گلاسہ ستر چبنہ ستر چھہ یڈ
پور صاف گڑھان۔

سرد آہ سزان:

دوہ دیش سرد آہ سزان کرنک عادتھ گزہ بناؤن۔ گرم آہ سزان
کرنہ پتہ چھہ تیر گھسان تہ سرد آہ سزان کترتھ چھہ گرمی باسان۔
سرد آہ سزان کرنہ ستر چھہ خؤنک دوہ تیز سپدان۔

پروٹین:

پروٹین چھہ سائی جسمانی قوت، کام کرنک طاقت، پھرتی، چستی پاد
گرنس منز مدد کران۔ دالہ، اناج، چنہ، مٹر، دودھ، مہوچھہ امکو آغر۔

چربی:

Fat، چھہ سائس شریس منز گرمی پاد کران۔ یہ چھہ دودھ، تیل،
بادام، دؤن، کاجو، منگ پھلی، بیتر چیز کھنبہ ستر حاصل سپدان۔

کاربوہائیڈریٹس:

کاربوہائیڈریٹس چھہ سائس شریس گرم تھاوان یس صرف زید

انسانس منز چھ آسان۔ اناج، توئل، اوٹ، مکاے، جوار، باجر،
 نے شکر، خضر، مؤدوسو، کیلہ چھ امیک آغر۔

آب چھ زندگی:

سائنس شریس منز چھ تقریباً ۷۰ فیصدی آب۔ آب چھ ساینہ
 شریچ صفائی تہ گندی دؤر گرنس منز مدد کران۔ عارق، پیشاب،
 مل نہر کڈنس منز مدد کران۔ عارق، پیشاب، مل نہر کڈنس منز،
 خوراک شروپناؤس تہ خون بڑوٹہہ پکناؤس منز مدد کران۔ صاف
 آب چھ زندگی، گند آب چھ موت۔

کلشم:

کلشم چھ ساینہ اڈچہ تہ سائی دند بناؤس تہ مضبوط تھاؤس
 منز اکھ ضروری جو۔



देसी दवा तु देसी यत्नाज

(दाघन दवा मरज़न शफा)

देसी दवा तु देसी यत्नाज

(दाद्यन दवा मरज़न शफा)

महाराज कृष्ण मावा 'मसरूर'

किताबि हुंद नाव	:	देसी दवा तु देसी यलाज
मुसानिफ	:	महाराज कृष्ण मावा 'मसरूर'
लिपी अंतरन	:	सन्तोष शाह (नादान)
डी.टी.पी	:	रिंकू कौल # 9419136369 471, Sec-2, Vinayak Nagar, Muthi, Jammu - 181205
छपन वरी	:	2011
म्वल	:	250 र्वपयि
छापखानु	:	ताज कम्पनी नयी दिल्ली

किताब मेलनुक पताह:-

श्रीनगर :	किताब गर, मौलाना आज़ाद रोड, श्रीनगर।
जोम :	किताब गर, कनाल रोड जोम।
श्रीनगर :	फनकार कल्चरल आरगनिज़ेशन पोस्ट बोकस 112 - श्रीनगर।

बु छुस
यि किताब
बहूरा बरादरी हुंदिस
नामवर ग्वनमाथ मानजू सूरी अतार,
पनुनिस मौलिस नन्दलाल मावा टाँठ्य कौलस
तु
पनुनि माजि यँम्बरज़ल मावा
यँम्य मे कौशिर ज़बान गलि गलि आपर
नज़रानु तु अर्पण करान ।
मजाराज कृशण 'मसरूर'

‘परहेज छु यलाज खोतु बेहतर’ ।... अख प्रॉन्य कहावत ।

क्वदरतन छु असि अँद्यपँक्य सु सोरुय सामानु म्वयसर तु
व्वफूर थोवमुत, येमि सुत्य अँस्य बेमार्यव निशि दूर ह्यकव रुज़िथ ।

काँशुर यलाज छु असि अँद्यपँक्य कुल्यन कट्यन तु जँडी
बूट्यन हुंज ज्ञानकाँरी तु तिमन हुंद वर्तावि तु बैयि ख्यनु च्यनु चीज़न
मंज कँह तबदीली हैछिनावान । येमि सुत्य अँस्य सेहतमन्द तु तन्दरूस्त
रोज़व ।

तरतीब

नम्बर शुमार	मजमून	सफ
1.	पेशि किताब : जी आर हस्तर गडा	1
2.	ग्वडु कथ	3
3.	म्योन्य ज्ञान	10
4.	बेमर आसुन क्या गव ?	14
5.	सेहतमन्द कुस छु	16
6.	इन्सॉनी डाँचु - न्येबरिम तु अँन्दरिम अंग	17
7.	अंग्रीज्य यलाजस तु देसी यलाजस मंज फर्क	20
8.	इन्फ्यकशन तु अमि सुत्य यिनु वाज्यन तब्दीलियि	23
9.	तशख्यस मर्ज	24
10.	सोन औंद पोक तु सोन ख्वराक	26
11.	सॉनिस ख्वराकस मंज क्या छु शॉमिल	28
12.	इन्सानु सुंद थ्यनु प्योन	32
13.	शाह खसनुक तु वसनुक निजाम	35
14.	ख्वराक श्रपनुक निजाम	36
15.	खून बननुक तु बॉगरावनुक निजाम	37
16.	द्यमाग तु तथ सुत्य वाबस्तु निजाम	38
17.	गदूद, हारमोन, तीलुप्योत, ब्वकुवचि	38
18.	सोन अँडिजि क्रंज	39
19.	अँन्दरिम गलाजथ न्येबर नेरनुक निजाम	39

20.	पिशाब न्येबर नेरनुक निज़ाम	40
21.	अँछ, नस, कन, दन्द, मुस्ल	41
22.	बचु पौदु करनुक निज़ाम	41
	मुखतैलिफ दौद्य तु तिहुंघ यलाज	
23.	शुशि नारिक्य दौद्य	46
24.	चास - तम - शांश - नमून्या - टी बी	47
25.	कलु दोद - मायग्रेन	50
26.	बुल्ड प्रेशर	52
27.	दग : पूर जिस्मच दग या कुनि ति तानुच दग	54
28.	वैर्म	56
29.	गौवुट	57
30.	होट तु अथ सुत्य वाबस्तु दौद्य	59
31.	ज्यव, ज्यव ब्रेकुन यिन्य, ज्यव फटुन्य	60
32.	दन्द, दन्दु दोद, दन्द नीरिथ चलुन	62
33.	कनुक्य दौद्य : कनव मंजु पस नेरुन	65
34.	वुठ फटुन्य	67
35.	मिर्गी	68
36.	मौल न आसुन, ब्वछि नु लगुन्य	70
37.	नस सेर	72
38.	यँड दोद, बदहज़मी तु पीचिश	73
39.	नाफ	75
40.	कब्ज़	76

41.	अन्दरमन वर्म	79
42.	बवासीरी	79
43.	शुगर बेमारि	82
44.	क्रेहन माजुक दोद	84
45.	ब्वकुवच्यन मंज कॅन्य	86
46.	कांम्बय	88
47.	पेशाबुक्य दौद्य	90
	मरदानु दौद्य, जिन्सी कमज़ूरी ठीक	
48.	बुथिस गेनि या हुन्येर	96
49.	ड्योल बदन डेजि पिस्तानु	97
50.	यावन वीरि	98
51.	ज़्यूठ मस छु ज़नानन हुंद वस	99
52.	ज़नानु तु ज़नानु दौद्य	104
53.	दिल तु दिलुक्य दौद्य	110
54.	बुथ छु दिलुक आनु	112
55.	मोट इन्सान छु बेमार्यन हुंद आगुर	113
56.	नेन्द्र	115
57.	ब्वछि	116
58.	खूबसूरती बडरावनुक नुस्ख	118
59.	वुठ	121
60.	तलु पत्यन नार गंडुन	122
61.	आम तु खोलु	123

62.	अकल तु यादाशत ठीक करनुक नुस्ख	124
63.	कैन्सर	127
64.	बुजर	128
65.	मस क्रूहन करनु खॉतरु नुस्ख	132
66.	चरबी वालनु खॉतरु	133
67.	दादिक दवा	134
68.	कैह याद थाविन लायख कथ	156

पेशि किताब

अगर कुलहम काँशरि ज़बॉन्य तु अदबस प्यठ नज़र
 त्रोव तैलि छय असि सिरफ शॉयिरी लबनु यिवान । यथ ज़बॉन्य
 मंज़ आँगजन प्यठ गँज़रावनस लायक अफसानु, नावलु तु तंकीदी
 मज़मून आसन स्व ज़बान कोताम हैकि तॉलिब अँलमन हुंज़
 तशंगी पूर कॅरिथ । प्रथ कुनि अलमी ज़बॉन्य मंज़ गछन मुखतलिफ
 मज़मूनन प्यठ किताबु दॅस्ययाब आसनि । अगर अँस्य उर्दू ज़बॉन्य
 हुंदिस सरमायस प्यठ नज़र त्रोव तैलि छि असि १९४७ ब्रोंह
 मुखतलिफ मोज़ुवन प्यठ किताबु आमूच यथ मंज़ फलसफ़,
 नफसियात, सियासियात, नाबातात, अस्लामियात, मसूरी वग़ौरु
 मौजूद छि । अथ मंज़ कॉम असमानि यूनर्वसिटी हैदराबादन कॅरमुच
 छे, स्व छय थकून्य लायक । अगर असि ज़बान ज़िन्दु आसि
 थावून्य तैलि पज़ि असि काँशरिस मंज़ तिमन मौज़ूवन प्यठ
 कॉम करून्य यिमन हुंज़ व्यछुय असि छय । महाराज कृष्ण मावा
 मसरूर सॉबन मुखतलिफ काँशर्यन दोहन हुंज़ व्यखनय कॅरमुच
 तु सुती तिम ब्योन ब्योन दौदव खॉतरु अस्तेमाल खसु काँशुर

परन वाल्यन अख नॅव तहरिक तुलनुच दावत दिवान छय ।
 असि पज़ि मुखतलिफ मोज़ूवन प्यठ पानु ल्यखुन या तर्जमु
 करुन येमि सूत्य काँशिर ज़बान अख अँहम संगिमील परावि ।

जी आर हस्त गडा
 फनकार कल्चरल आरगनिज़ेशन
 पोस्ट बॉक्स 112 - श्रीनगर ।



ग्वडु कथ

शुरू छुस बु करान तँमिस कायिनातकिस मौलिकु सुंदि नाव
सूत्य युस अमिकिस ज़रस ज़रस मंज़ बैसिथ छु तु युस

राम ति छु तु रहमान ति छु

युस नूर ति छु तु नारान ति छु

युस वन्दु ति छु तु बहार ति छु

युस पज़रुक तु लोलुक अमार ति छु

युस पनुनि आसनुक पानय इज़हार ति छु

बु छुस अख कॉशुर ! लेकिन अज़कल पनुनि माजि कशीरि निशु दूर ।

दूर आसनु बावजूद छम माजि कशीरि हुंज़ माय रगन रगन मंज़ बरिथ !

मे छे म्यच कॉशिर, खून कॉशुर, रंगु त माज़ कॉशुर, जिसमुक
अख अख तान कॉशुर, दिल कॉशुर, जुबान कॉशिर । मे येलि ग्वडुन्यथ
लेखुन ह्योत, मे लीक्य अफसानु, शार्ट स्टोरीज़ । शॉयरी कॅरुम, नज़्मु
लेछ्यम, गज़लु लेछ्यम । खूनस तु रगन मंज़ जोश बरन वॉल्य बॉथ
लीखिम, मगर येलि बु रछा ब्रोंठ पोकुस, मे ज़ोन जि यि कॉम छे
वारियाहव कॉरमुच तु करान ति छि । मे ल्यूख प्रथ कुनि मोज़ूहस
प्यठ ! मे छु अख कोमी बॉथ वोनमुत :-

वँथिव तुलिव बन्दूक जवानव तस बद बखतस लार करव

युस ज़न सानि आज़ाँदी ज़ागन तिहिन्द्य गरु मिसुमार करव

वँथिव कॅरिव तोह्य इकुवटु सपुदिथ रतु चाँगिस हुंद वोला

इबरतनाख सबख हैछिनावि युस प्रॉटिव तँम्य सुंद ओल

कुचि लटि दोख छु दियुतमुत तँम्य बदबख्तान
यिनु तस प्यठ एतबार कँरिव

1965 किस जंगस प्यठ छुम ल्यूखमुत:-

येलि लावु ज़ेहनन गीर करान तैलि सपुदान जंग!
येलि माजि पनुन अवलाद खरान तैलि सपुदान जंग!!
येलि डॉन तु रांटस वॉरानन हुंज़ इन्सानन छि अचान
येलि मोतु मलॉयिख बेवायि नचान तैलि सपुदान जंग

आज़ादी प्यठ छुम ल्यूखमुत :-

बुलबुलव कँर शानु पोशन शालुमॉर आज़ाद गव।
रज़ गुलॉमी हुंज़ छेनिथ पेयि अज़ वतन आज़ाद गव।।

1972 किस जंगस प्यठ छुम ल्यूखमुत:-

चंगेज़ी मॅशरॉवुन बैयि मॅशरॉवुन चंगेज़खान
नॅवि सरु सॉरी मोम कॅरयवुन याद जॉलिम ऐही खान

मे छु अख लोकुट अफसानु ल्यूखमुत :-

बे नावु शहर
तथ शहरस मंज़ ओस नु काँसी नाव!
काँह येलि काँसि प्रछान ओस 'हे कुस सा छुख?'
जवाब ओस यिवान 'बु'!
जवाब दिनु वोल् ओसुस प्रछान चु कुस सा छुख?
वापस ओस जवाब मेलान
'बु तु छुस बु'
वारियाहन ओस प्रछान, जवाब ओसुस यिवान
बु - बु - बु - बु

मे सूँच जि येलि अँस्य सॉरी बु छु तेलि क्याजि तज़ादु । सारिनुय
हुंद बु छु अकुय - सिर्फ शकुल बदलॉविथ । क्रहुन ति छुस बु - सफेद
ति छुस बु - अमीर ति बु - गरीब ति बु - ओर ति बु, बेमार ति बु ।

नात, मज़ाहिया शॉयरी तु प्रावडी ति छम लीछमुच । कँह नमून
छि पेश:-

दरवेशा वोथ दामा च्यथ
स्वर्गु ख्वतु स्वर्ग गव आदम रथ
चरसी अज़ कल गँयि दरवेश
मज़हब गोव बस थावन रेश
पँज्य बाव अज़ कल गँयि पागल
हेंदव्यन्द ख्वतु म्यीठ कॉशिर अल

अख मशहूर कॉशुर बाँथ छु:-

“यिनु सा चेशमन स्रेह करख”

अज़लय ओसुय नूर प्रेडान कॉशिरस कोमस मगर
अज़ लगान टन वादु पौडर बुथ तिमन व्वज़ुलावनस
अज़ करान मातम छे पँज्य पॉठ्य कॉशिर्य ज़बान
तिम अनान अँग्रीज़ टीचर कॉशिर ज़बान हैछिनावनस



छेय बैरिथ मन्दोरि लेकिन दिल चे छुय कोताह गरीब
छुख समन्दर छुय नु ताकत त्रेशि दामा चावनस

अख नज़्म छुम वोनुमुत:-

बडि खोतु बोड नादान सु इन्सान युस ज़ानान नादान बेयन
तँस्य योत गँछि इन्सान वनुन युस इन्सान वनि इन्सान बेयन



दिलु वॉलिस गॅछि बौड दिल आसुन नतु ओस ना 'मसरूरस' दिल
दिलबर गोछ अमि कुस्मुक आसुन दिल करि हे क्वरबान बेयन



मे छु अँकिस रूसी अफसानु निगार तु नावल निगार ग्वरकी
सुंद अख अफसानु 'इन्सान सुंद थनु प्योन' कॉशुर तरजुम कोरमुत ।
रूसी बचन हुंदि खॉतर रूसी लूक कथु ल्येखनु आमच कॉशुर तर्जम
कॉरिथ छु मे कॉशिरिस अदबस मंज अख म्वलुल्य खजानुक इजाफु
कोरमुत ।

ग्वडुन्युक कॉशुर अखबार युस आजॉदी पतु कॅशीरि मंज
शाया सपुद, तम्युक ऐडिटर आसनुक शर्फ छु मे हॉसिल । मरहूम
दीनानाथ नॉदिम, हाजनी साहब, जिनाब टेंग सॉब, मरहूम मोती लाल
साकी, मोती लाल क्यमू साहब तु बेयि वारयाह शखसियचन सुत्य
व्वथ व्यठ करनुक शर्फ छु मे हासिल ।

बु रूदुस तकुरीबन च्वन वॅरियन कशमीर ट्रेडर्स एण्ड
मैनुफेक्चरस फेडिरेशनि हुंद जनरल स्यक्रेट्री, य्वसु तमि वख्तु सारिवुय
ख्वतु बॅड तु सरगरम तिजारती अनजुमन ऑस । मरहूम दीनानाथ
मदन (प्रिन्सपल गान्धी मेमोरियल कालेज) तु मरहूम ओबदुल सलाम
पारिमू सॉबुन छुस बु शुक्रगुजार यिमव मे रेहबरी कॅर ।

तिजारथ तु तॉजरन 1980 ईसवी मंज अँकिस मंजहबी जलूसस
प्यठ लाठीचार्ज करनस खिलाफ ग्वडुन्युक कशमीर बन्द, येम्य कॅशीरि
मंज इन्कलाब ओन तु सोंच बदलोव, आव म्यानि अपील प्यठ बाअमल ।
सारिसुय कॅशीरि मंज गोव खनुबल प्यठ खादनयार, ऊडी, सोपोर

क्वपवोर, वरमुल तु सारिनुय ज़िलु सदुर मुकामन, गामन कॅह शाहरन
मंज़ मुकुमल हरताल तु एहतिजाज । 134 ऐसोसियेशन तु मुखतलिफ
तिजारती अन्जुमनु सपुज़ अथ मंज़ शॉमिल ।

लेकिन यूताह करनु बावजूद सपुद न मे तसल्ली । मे दोप ज़ि
बु करु कॉशिरिस अदबस मंज़ कॅह अलग तु बिदून कॉम युस अथ तु
ऑमिकिस सरमायस मंज़ इज़ाफु करि । शॉयरी, अफसानु निगॉरी,
झामा नवीसी बेतुरि छे वारियहव कॅरिथ त्रॉवमुच । तिमन ग्वनमातन
ब्रॉठिकनि म्योन लेखुन छु आफताबस चोंग हावुनस बराबर । क्याह
अहद ज़रगर, शमस फकीर, रसुल मीर, महजूर सॉब, नॉदिम सॉब,
कृष्ण जू राजदान हिव्य ग्वनमाथ वोथुना बेयि ।

क्याह प्रकाश राम कुरगॉम्य सुन्द कॉशुर रामायण या मानुजू
सुंद हियुव, कृष्ण औवतार या नल दमयन्ती ह्यक्याह कांह वॅनिथ या
व्यखुनिथ । दार अदब ह्यक्याह कांह दोहरॉविथ या वॅनिथ । सारी करन
कूशिश लेकिन कॅति गॅछुनख ख्याल मरकूज़ । समय कति छुख ।
ज़मानस आव इन्कलाब । फरागथ नियख रॅटिथ । वख्त छोट्योव,
कॉम ज़ेटेयि, सोंचनस लोग बदल डायरेकशन, टेलिविजन तु
अलॅक्ट्रानिक मीडियाहन बदलोव ज़मानु । अमिय बास्योव मे ज़ि बु
करु कॅह नोव ।

मे दियुत ऑक्य दोस्तन मशवुर ज़ि कॉशिरिस अदबस मंज़ छु
हिन्दू मैथालोजी कॉशिरावनुच ज़रूरथ । अवय लेछि मे 'बख़्शान हार
तु स्वर्गक्य वतु बद' । अथ सोंबरनि मंज़ छु मे मॉलिकु सुंदि बजरुक्य
तिमु कथु मे शॉमिल करिमचु यिम कॅाशिरयन गरन मंज़ सीनु ब सीन
ब्रॉठ आसु पकान । म्यॉन्य बुड बबन आसु यिमु कथु म्यॉनिस मॉलिस

बोज़ुनाविमुच़ तु म्याँन्य मॉल्य बोज़ुनॉवि तिमय मे तु मे करि कल्मबन्द ।

कॅशीरि मंज़ ऑस नु अज़ ब्रोंठ 50, 60 वरिय बिजली या ऐलाक्ट्रानिक मीडिया ओस नु यूताह ज़ोरन मंज़ । अवय ओस तिमन दोहन गरियुक बुज़र्ग शाम सपुदनु पतय पनुनिस अयालस ब्रोंठ कनि बेहनॉविथ दर्म कथु या लुकु कथु बोज़ुनावान । यिम तिमन पनुन्यन बुज़र्गन निशि बोज़मुच़ आसु । मे सूच ज़ि बु करु कॉशिरिस अदबस मंज़ दोयिम्यन ज़बानन मंज़ लेखनु आमुत शाहकार तरजमु, लेकिन न छुम त्यूत अँलिम तु न तिछ तॉलीम । बावथ गँछ तिछ आसुन्य, खसु आम लुकन फिक्रि तरि । अमि खॉतरु छु लेखन वॉलिस हना ब्वन वसुन या परन वॉलिस हना ह्योर खसुन । अज़ योस बु यि कूशिश छुस करान, अथ छु मे नाव थोवमुत 'देसी दवा तु देसी यलाज' अथ छु वजह ज़ि म्याँनि सथ पीरि छि अथ कारस तु अथ यलाजस सुत्य वाबस्तु ।

अँस्य यथ ति मंज़हबस सुत्य वाबस्तु छि तमिचि किताबि या फलसफु छि वुनि अरबी, फारसी, हिन्दी या संस्कृत ज़बॉन्य तामुय महदूद । कॉशिर ज़बानि मंज़ कर वाति ति यि अँलिम या फलसफु ति छुन मॉलूम । बहरहाल वुन्यक्यन छु बेयेन ज़बानन मंज़ लेखनु आमुत या वननु आमुत अदब, फलसफु या सायनस कॉशिरावनंच छि स्यठा ज़रूरत । साईनसी तरकी छे अज़ तथ अरूजस वॉचमुच, ज़ि अथ मंज़ छुन सोन वोजूदय कुनि । कायिनातस छु अज़ प्रथ अंदु व्यूर यिवान तुलुनु । प्रथ कांह परदु छु यिवान च़टनु, लेकिन सोंच लायख कथ ज़ि कॉशिरि ज़बान छा अथ कॉबिल ज़ि स्व वाहरावि अमि नवि इन्कलाबुच गर्मी । अंज़ छे गछ़ान सानि नवि पूयि काशुर परनस ल्येखनस शर्म । बु

छुस नवजवान लेखन वाल्यन वनुन यछान जि तिम कॅरिन बैयिन
 ज़बानन मंज़ वननु आमुत या लेखनु आमुत शाहकार कॉशिरॉविथ
 पनुनि मादरी ज़ाबॉन्य हुंज़ बॅड खॅदमत। डाकटरी या कॉनूनी किताबु
 काशिरॉविथ कॅरिन तिम आयन्दु यिनु वाल्यन नसलन फैज़ियाब तु
 पानु ति सपदिन ज़िन्दु जावेद।

आय.टी.टेकनालोजी कर ह्येकि कॉशुर ज़ॉनिथ या समजिथ
 या वरताँविथ। अमि खॉतरु छु अँम्य न्यस्फ वाँसि अँग्रीज़्य ज़बान
 परनस लेखनस तु समुजनस मंज़ ज़ायि करुन्य। क्याह कॉशिर ज़बान
 ह्येक्याह पनुनि तोर तिमन म्वलुल्यन खज़ानन ठानु तुलिथ, योताम
 अंग्रीज़ी ज़बान वातान छे या वाँचमुच छे। कम कम फलसफुदान छि
 अज़तम पॉदु गॅमित्य, यिमव रूहॉनियत वॅनिथ समॉजी इन्कलाब ओन।
 अँक्य अनपढ ग्रहसथी लॅडकन ओन सिरिफ ज़बॉन्य हुंदिस बलबूतस
 प्यठ सु इन्कलाब युस नु पॅतिम्यव दॅहव पंदहाव वरियव प्यठु थमानुय
 छु।

अगर अँस्य तंग नज़रिया तु तॉसुब त्रॉविथ कॉशिर ज़बानि
 खॅदुमथ छि यछान करुन्य, अँसि पज़ि सारिनुय मज़हबी किताबन तु
 फलसफन कॉशिरस मंज़ तरजमु करुन, युथ सॉन्य नज़र वॅसीह गछि
 तु सॉन्त वुडव गछि लामहदूद।



म्याँन्य ज्ञान

यिथु पॉठ्य अंग्रीज़ दवा कुनन वॉलिस केमिस्ट छि वनान,
 तिथुय पॉठ्य छि देसी दवा या जॅडी बूटियन हुंद तिजारत तु वरतावन
 वॉलिस अतार वनान। अतार गव अतुर कुननवोल तु समाजस मंज़
 ख्वशबू फॉलावनवोल तु अमिसुय अतार सुंघन शानन प्यठ ऑस
 हिकुमथ दॅरिथ। हकीम ओस कितॉबी अॅलिम ज्ञानान तु न्वसखु लेखान।
 तमि पतु ओस तथ अमली सूरत दिवान अतार। सु ओस ज्ञानान ज़ि
 क्वसु जॅडी बूटी कमि शकलि छे। कति छु पॉदु सपुदान। कथ दौदिस
 छु दवा तु कुस दौयिम ह्येकि अम्युक मुतबौदल ऑसिथ। श्वद दवा
 हॉसिल करुन वरतावुन तु वफूर थावुन ऑस अमिसुय अतार सुंज़
 ज़िमुवॉर्य। अज़ छु कशीरि मंज़ कारिनजार बदस्ति गिलकार करनु
 यिवान। तिम छिनु ह्येकान बॅरगि सन्ना, बर्गि हना, चोब चीनी, रेवंद
 चीनी, रस अशुद या सलाजीत, बर्गु नीम या बर्गु ल्यूम फर्क कॅरिथ।
 बेमार कति ह्येकि बॅलिथ।

अतार ओस पीर दर पीर यि सॉरुय ज्ञान ब्रोंठ पकुनावान तु
 अथ बलबूतस प्यठ रूद यि नासाज़कार हालातन मंज़ कॅशीरि मंज़ुय।
 अॅम्य श्रपरोव तु व्यपरोव पनुन व्वजूद पनुनिसुय वतनस मंज़। कशीर
 छे ग्वडु प्यठय रूहॉनी बुज़र्गन हुंज़ आला तज़रूबुगाह ऑसमुच तु युस
 ति अथ सफरस मंज़ शॉमिल ओस यछान सपुदुन, तॅमिस ऑस ग्वडुनिच
 नज़र कॅशीरि प्यठ प्यवान।

रूहॉनियत छे अख सोंच, अख नज़ॅरियि, अख इबादत, अख

ताकथ युस प्रथ कांह हॉसिल करनु खॉतरु कशीरि युन ओस यछान।
 कशीरि छु वारियाहन हमलु आवरन हुंद कहर ति बरदाशत करून
 प्योमुत। तिक्याजि तिम ऑस्य पनुन नज़रियि लुकन मंज फेहलावुन
 तु कशीरि हुंज खूबसूरती हुंद व्यूर तुलुन यछान। रेशुत ऑस्य न तिम
 समजान तु ऑस्य ऑसि तिम ज़ोर ज़बरदस्ती या ताकतु सुत्य पनुन
 नज़रियि ब्रोंह पकुनावान। कॅशिर बटु तिम अथ नविस नॅज़रियिहस
 सुत्य इतिफाक या मुतुमयिन ऑस्य नु तिम ऑस्य कशीरि मंज चलनस
 मजबूर गछान तु मुल्कुक्यन बेयन बेयन जायन हिजरत करान।

पठान राजस मंज सपुदनवोल जुलुम तु जबुर बन्योव कशीरि
 मंज बटु चलनुक अख खास वजह तु अथ दोरान यिम न चॅलिथ ह्येक्य
 तिमव कोर पनुन यज़त तु ओज़ुकु बचावनु खॉतरु येतिक्यन अकसरियत
 वाल्यन लूकन हुंघ पॉठ्य व्वथु ब्येठ, पलव पोशक तु रख इखतियार
 युस तमि विजि मुरवुज ओस। कसाबु, फ्यरनन खोवुर चन्दु, पूच,
 र्वपु ज़ेवरात सपुद यिमन चलन वाल्यन कॅहन बटु गरन मंज रायिज।
 येमि किन्य तिम चॅल्यमुत्यन बटन ब्रोंहकनि ग्वडु बाहरय (Outsider)
 तु पतु बुहूरय नाव सुय ज्ञानन यिवान। यिम काह गुरु गॅयि अँक्यसुय
 जायि रोज़नस मजबूर तु अथ जायि प्योव नाव बुहूरय कदुल।

अमिपतु येलि चॅल्यमुत्य बटु वापस आयि तिमव कॅर्य न
 येति रूद्यमुत्य तिम कॅह बटु गुरु पानस सुत्य शॉमिल तु न कोरुख
 यिमन सुत्य कांह रिशतु। यिम कॅह गुरु पैयि अलग थलग तु तिहुंज
 इखतिस्यादी हालत रूज़ पथखोरि। यिमव कोर ओज़ुकु हॉसिल करनु
 खॉतरु लोकुट म्वकुट तिजारत इखतियार। अथ बरअक्स येलि चॅल्यमुत्य
 बटु वापस आयि तिमव ऑस अलिम तु तॉलीम हॉसिल कॅरिथ पनुनि

खॉतुर अख बेहतर मकाम हॉसिल कोरमुत, येमिकिन्य तिम जान जान सरकॉरी ओहदन प्यठ तायिनात सपुछ । अथ बरअक्स येति रूद्यमुत्य बटु गरु रूद्य पसमान्दु तु वारियाहन कथन मंज पथ । अज येति क्रेरिक्क नेनि म्वंडख ति खुलु समन्दरस मंज द्रायि, प्रथ कौंसि कोर पुनन मुकाम हॉसिल । बहुरा बरादरी हुंछ बचि द्रायि तौलीमी, तिजारती तु इखतिसांदी मामलन मंज शानु ब शानु दौयिम्यन बरादरी हुंद्यन बचन सुत्य ।

बहोरा बरादरी मंज छि वारियाह ग्वनमाथ वेंथिमुत्य, यिमन अगर देसी अदवायातन हुंद लुकमान ति वनव, गल्लत आसि नु केंह । हकीम स्वनु जू, हकीम मानु जू, हकीम मादव जू, हकीम सत राम, हकीम दीनु जू, हकीम श्रीदर जू, हकीम दामोदर शाह आबादी । यिमन ऑस्य हकीम मशवरु ह्यवान । यिमव आसु नु मन्दोर्यय यॉचु बनाविमुचु बॅल्कि ऑस्य गरीब गुरबातन मुफत यलाज तु दवा दिवान ।

कशीरि मंज यिम नामवर हकीम छि ऑस्यमुत्य, तिमन मंज छु अमु हकीम, काशि हकीम, हकीम क्वदरत अलाह, मामु हकीम, हकीम गुलाम रसूल, हकीम शामु बटु, हकीम मोहमद शफी । यिमव सारिवुय छु कौशिर्यन नाव हैन्य लायख खंदमत कॅरिमुचु तु छ्वंगु तुल्यव सुत्य यिहुंज बेमारि ठीक करिमुचु ।

वीद छि वनान जि महबूदस ताम वातुनच छे चोर वतु । अख गव ग्यान । ग्यान गव ऑलिम युस हॉसिल करनु खॉतुर असि तंग दौयिर मंजु नीरिथ खुलु अस्मानन हुंद सॉर पजि करुन । अकुल तेज करनु खॉतुर छु ग्यान जरूरी, ग्यान हॉसिल कॅरिथ तथ प्यठ अमल करनी गव ध्यान यानि च्यथ दियुन । ग्यान हॉसिल कॅरिथ युस ति फलसफु सोन दिल तु दिमाग मुशकस करि, तथ प्यठ अमल करनी छु

वातुनावान मँज़िलस ।

कर्म गव यि केंछा अमल अँस्य अथव, ख्वरव, नरव, जंगव
या जिस्मकय कुनि ति तानु सुत्य करव । यथ मंज़ दिल तु दिमाग ति
शॉमिल छु वातनावि अँसि मँज़िलस । अँस्य ह्यकव न कर्म करनु
बगॉर अँकिस चिहिस ति रूज़िथ । अवय छु रूत सोंचुन, रूत वर्तावुन
अहम तु लॉज़िम । अमि खॉतुर छु रूत अब्यास यानि रूत आदत
पानुनावुन ज़रूरी । अब्यास (आदत) छु टेठिस ज़हरस तु मोदुरेक्य
पॉठ्य ख्यवान । द्यान गव पुनिस दिलस मंज़ मॉलिकु संज़ कांह ति
सूरत, कांह ति वसफ़, कांह ति ताकत या बजर पानुनावुन तु तथ मंज़
लय सपुदुन । बख्ती गव लोलुक इनतिहा । प्रथ कांह वजूद ख्वदायि
सुंछ इज़हार ज़ानुन तु असंज़ खँदमत ख्वदा ज़ॉनिथ करून । खँदमतस
छु अख सु मुवाज़ु येम्युक रदि अमल छु नूर । नूर छु अँनिगॅटिस मंज़
गाश हावान तु वतुहावुक बॅनिथ अज़लुच अनिगट कासान । इन्सान छु
अख सु अब्दी खज़ानु लबान, युस अब्दी ति छु तु अज़ली ति, अवल
ति छु ऑखुर ति छु ।

ईसॉयत छु वनान ज़ि इन्सान संज़ खँदमत सारिवुय ख्वतु बॅड
इबादत । यि करनस छि वारियाह वतु । कांह ति कदम युस असि अमि
जज़ुब सुत्य तुलव या तुलनुक संज़ करव येमि सुत्य इन्सानन फैज़
वाति छि अख इबादत । सॉन्य कर्म, सोन सोंच छु सोन मुस्तकबिल
बनावान । अँस्य यस अमल अज़ करव, तम्युक रदिअमल छु गरा
सुती तु गरा बोंठकुन नेरान, ति छु कोनूनि क्वदरत ।

मसरूर



बेमर आसुन क्याह गव

बेमर छु आसान दौयि कुस्मुक । अख जिस्मौनी बेमर, दौयिम
जेहनी बेमर । येमिस आलुछ तु नेन्द्री आसि नाल वोलमुत ।

युस ख्यथ च्यथ ति आसि न्यतु स्वथ ।

येमिस बेह म्वंड आसि चामुच ।

युस पानु कॉम करनु बजायि बेयन आसि म्वहताज ।

युस कथु ज़्यादु तु अमल कम आसि करान ।

युस बद मिज़ाज आसि ।

युस पनुन्य कथ मौनिरावनु खौतरु हलकौर्य हूनिस ह्युव अगादि
गछि ।

येमिस ख्वदगज़ी हुंजु रगु आसन दवान ।

युस सिरिफ अख तु पनुन्य आसि करान ।

युस सिरिफ मौलिस माजि हुंद नाव तु दौवलत खरचावनस
आसि तैयार ।

युस पनुन्यन आँबन वुरुन तु परदु थावनु खौतरु बैयि सुंद आँब
व्वखनावि ।

युस मौलिकु सुंदिस जुरियातस पनुनि मुफादु खौतरु क्वरबान
करि ।

युस मार ख्यथ ति स्वय कॉम करि य्वसु न करनु खौतरु तैम्य
मार ख्योव ।

येमिस ख्वरन फ़ाटु तु वुठ फँटिमृत्य आसन ।

यस बदनस बदबोय तु रूमाल मँकुर आसि ।

यिथिस शिकस लदस खॉर करून गव ख्वदायस सुत्य वॉर
करून ।

युथ शखस रोज़ि दोहय ज़ेहनी बेमार । तिक्क्याज़ि अँमिस छु
वँन्य वँन्य ति, कँन्य पँत्य गछान । यि छुनु समजान, न छु समजुन
यछान ।



सेहतमन्द कुस छु

सु इन्सान छु सेहतमन्द येमिस असुवुन म्वख, फवलवुन डेकु, कमर स्योद, शरीर ठोस, दन्द साफ, ब्वछि तेज, हजमत ठीक क्वदरतक्यन वसीलन व्यूर तुलि। थकावट बगॉर कॉम करनुच तडप आस्यस। येमिस चम नर्म, वुठ व्वजुल्य, ख्वर फ्राटव वरॉय, मस क्रुहन, सीनु खोल, कमर तोन, ऑस बदब्वयि वरॉय, ऑरकु बदब्वयि वरॉय, नम गुलाब। येमिस कनि पलन प्यठ ति नेन्द्र पेयि। मुकरर कॅरिमुतिस वखतस प्यठ दोहदिश यड आसि साफ करान। अमि अलाव येमिस यरादु मजबूत, कथि मंज मेछर, दौयम्यन ख्वश यिनुवोल तु दौयम्यन ख्वश थावान वोल। कांह ति कॉम दिलु जानु ख्वश असलूबी सान अंजाम अनि, येमिस वखतुच कदुर आसि।

मुकरर करनु आमुच प्राणि कथु तु असूल नवि अंदाजुं अंजाम दिनुवोल गव ग्वनमाथ। ग्वनमाथ सुंज कथ छे इन्सान सुंदिस दिलस किहो देमागस असर त्रावान। म्वखसर यि जि सेहतमंद इन्सान छुनु कांह ति कॉम करनस वायि करान। बल्कि असान तु गिन्दान आलछि बगॉर अकुल इसतिमाल कॅरिथ सख्तु किहो सख्त कॉम अंजाम दिवान। सही वखतस प्यठ सही कॉम करनवोल छु अकुलमंद किहो सेहतमंद।



इन्साँनी डांचु (न्येबरिम तु अन्दरिम)

युस अडिजन हुंद कंज गरदन प्यठ रेकु अडिजि ताम छु तथ छि वनान थॅरक्वंड (Spinal Chord) यि थॅरक्वंड छु अँकिस माज़ म्वंडिस इन्साँनी सूरत दिवान तु खडा थावान । क्वदरतन छु अथ थॅरक्वंडस पनुनि कॉरीगरी सुत्य मुख्तलिफ अंग जूड्यमुत्य, व्यपराँव्यमुत्य तु श्रपराँव्यमुत्य । गोया यिथु पाँठ्य अख काल बानु छु थुरान तु अथ मंज मुख्तलिफ सूरच छु दिवान, तिथुय पाँठ्य छु अथ थॅरक्वंडिस प्यठ न्येबर कुन नरि, ज़िं बेतरि तु अन्दर कुन बाकुय बाकुय अन्दरिम तान फिट कॅरिमत्य ।

इन्साँनी जिस्मन मंज अन्दर अचुनचि वतु

यिमन वतन हुंद तेदाद छु नव - ९

आँस

जु नकुवॉर्य

नस

जु अँछ

जु कन

मुस्तु

जलजाय

तु मलु जाय

कुनि ति बेमारि हुंद जरासीम छि यिमवुय वतव किन्य इन्साँनी जिस्मस अन्दर अचुनच कूशिश करान । सानि जिस्मुक रॉछदर जरासीम छु गराह यिमन न्येबुर कनी चलुरावान तु गराह छु यिम सॉनिस रॉछदर

जरासीमस कमज़ोर कॅरिथ अन्दर अचनस मंज़ कामयाब सपुदान ।
 यिम व्वपर जरासीम अन्दर अचनु सुत्य छि अँस्य बेमार सपुदान ।
 येमि ति दादक्य जरासीम अन्दर अचन तमिय कुस्मुक दोद ति छु
 व्वतुलान नज़ुल, चास, शान्श, नमूनिया वगॉरु छु यिमनुय व्वपर
 जरासीमन हुंज़ मेहरबानी ।

नासाफ आब छु द्रोख, दस्त, मुसिल, यँड दोद, काम्बय वगॉर,
 दाद्यन हुंद बाँयिस बनान । कथ दाँदिस कुस तान मुलवस सपुदान, तथ
 करव ब्रौठकुन व्वखनुय ।

दाँदिस छु दवा करुन ज़रूरी । लेकिन कुस दवा किथु पाँठ्य
 छु इसतिमाल करुन, ति ज़ानुन छु ज़रूरी ।

काँशिरस यलाजस मंज़ यिम तोर तरीकु इसतिमाल करुन
 खौतुर वरतावस छि, तिमन मंज़ छु:-

शरबत बनाँविथ गव आबस मंज़ ग्रकुनाँविथ शीरु बनाँविथ ।

ऑरक कँडिथ या कहव बनाँविथ ।

गर गर कॅरिथ ।

सौफ बनाँविथ, यानि बारीक पौवडर बनाँविथ साफ छौनिथ ।

म्वरबु बनाँविथ ।

खम्बीर बनाँविथ ।

कुशतु बनाँविथ ।

जुलाबु दिथ ।

टकोरु कॅरिथ ।

महलामु लॉगिथ ।

गर्म आबु ख्वर छॅलिथ ।

आबु शोय कॅरिथ ।

लोसु आबु शीरिथ ।

मॉलिश कॅरिथ ।

टकोरु कॅरिथ ।

म्वठ दिथ ।

लतु म्वंड कॅरिथ ।

मुशुक दिथ ।

अतुरयफल बहा दिथ ।



अंग्रीज यलाज त देसी यलाज

कॅशीरि मंज अंग्रीजी यलाज यानि ऐलोपैथिक यलाज मुरवज गॉमतिस गॅयि न वुनि हथ वरिय ति पूर मगर अमि ब्रोंठ युस यलाज मुरवज ओस सु ओस दीसी यलाज (आर्युवेद या यूनोंनी) यलाज युस सिरिफ अँद्य पॅक्य जॅडी बूटियव तु असि अँद्य पॅक्य गासु केच्यव या कुल्यव कटेव सुत्य करनु ओस यिवान। अमि अलावु ऑस्य वारियाह तिथ्य चीज यिमन मंज मसालु, हाख सबज़िय, म्यवु वगॉरु इसतिमाल करनु सुत्य सान्यन दाद्यन यलाज छु सपुदान।

ऑस्य युस ति ख्यन अज़कल ख्यवान छि तथ मंज छि तिम सॉरी चीज सान्यव अकुल बुर्जगव शॉमिल थॉव्यमुत्य, यिम सानि नशूनुमा खॉतरु अहम तु ज़रूरी छि।

मरचुवांगन कोताह ट्योठ छु, यि वननुच छेनु ज़रूरत, लेकिन अथ मंज छे कैनसर ठीक करनुच सलाहियत। आँचारूक नाव ह्यनु सुत्य छु ऑसस आब यिवान, मगर गिज़ा श्रोपुरावनस मंज छु मदद करान। यस नु ब्वछि आसि तमिस छु मॉल फेरुनावान। ल्यदुर छे सान्यन अँडिजन ताकत दिनुवोल मसालु, रोंग छु दिलु किस दौदिस दवा। क्वंग छु मर्दन हुंज मर्दानगी ताकत बख़्शान।

सब्ज़ तरकारि छे अँछन हुंद गाश बडुरावान तु बरकरार थावान। हुंद छे ब्वकुवचन हुंज कारकरदगी ठीक करान, म्यवु छु बेतरि दवा अख न्यामत। अख चूँठ दौहदिश ख्यनु सुत्य पेयि नु डाक्टरस गछनुच ज़रूरत। यिथु पॉठ्य छे बाकुय सबज़ियि या बाकुय म्यवु या मसालु

मुख्तलिफ दाघन दवा ।

दौन, अम्ब, केलु, हेन्दुव्यन्द, खरबुज, न्योम वगौरु सॉरी छि
पनुनि जायि अँहम तँ लॉज़िम । यिमेन सारिनुय तासीर छु सानिवुय
बुज़रगव मनदिथ थौवमुत ।

काँशुर यलाज छु कुल्यव कटेव, जँडी बूटियव सुत्य करनु
यिवान तु अथ मंज़ छु अँसि कुनि कुलिक्य पन, कुलिक्य घेल, कुलिक्य
पोश, कुलिक्य मूल, कुलिक्य ब्याँल्य, कुलिक्य रस या कुनि सुत्य
यिमेन सारिनुय कुल्यव हुंघ अंग इकुवटु इसतिमाल करान तु मुखतँलिफ
बेमार्यन तदोरुक करान । अथ यलाजस छुन कांह सायिड इफेक्ट,
युस न्वकसान वातुनावि तु अथ बरअकस छेय अंगद्रीज़ी यलाज अख
दोद बलुरावान तु ब्याख दोद व्वतुलावान । अंग्रीज़ यलाजस मंज़ दोहन
केमिकल तॉसीर आसनु किन्य छु तिमेन फॉयदु कम तु न्वकसान
ज़्यादु । कँह जँडी बूटी छि अँसि माँदानी इलाकन मंज़ दँस्यतियाब
सपुदान । कँह वनन तु वॉरानन मंज़ तु कँह दँरियाव बढ्यन, थद्यन
कोहन तु कँह कोहसारन मंज़ हॉसिल सपुदान । कँह दवा छि गर्म
अलाकन मंज़ तु कँह सर्द अलाकन मंज़ हॉसिल सपुदान ।

कँह छि तापस मंज़ होखुनॉविथ पनुन तॉसीर दिवान तु कँह छि
शिहलिस मंज़ होखनावुन्य ज़रूरी । अगर नु ति करव तेलि छु तिहुंद
तॉसीर ज़ायि सपुदान ।

हिकमत ऑस सीनु बु सीनु अकि पीरि प्यठ दोयिमि पीरि ताम
वातान । यिथु पॉठ्य ऑस अथु वारियहन पीर्यन हुंद तजरुबु हॉसिल
सपुदान । न्येचुक ओस मॉलिस निश हैछान तु मोल ओस बुडिबबस

निश। अमि सुत्य ओस अथ वारियाहन पीरयन हुंद तजुरुब तु वर्ताव
शॉलिम।

यिम जॅडी बूटी अँस्य बँतोरि दवा इसतिमाल छि करान, तिम
छि मिज़ाज़ मुताबिक अलग अलग तॉसीरु थावान। कांह छु गर्म मिज़ाज
वॉलिस फॉयिदु करान तु कांह सर्द मिज़ाज वॉलिस। यिथु पॉठ्य
इन्सान सुंद मिज़ाज छु ब्योन ब्योन दवा जॅडी बूटी ति छु अलग अलग
मिज़ाजुक। कांह छु गर्म, कांह सर्द, कांह बॉदी, कांह द्योठ, कांह
मोदुर, कांह च्वोक, कांह ज़हरीलु, कांह नशावर, कांह सुती असर
करान, कांह वरियाहि कॉल्य। कांह दवा या जॅडी बूटी छे इसतिमाल
करनु सुत्यी फॉयिदु करान तु कांह छु वारियाह काल गँछिथ (यानि प्रोन
गँछिथ) फॉयिदु मन्द। मस्लन प्रोन ग्यव यथ जायि लॅगि तथ जायि
लगि नु ताज़ु।

कांह दवा छु खालँयी म्यादस या केंह ख्यथ च्यथ इसतिमाल
आसन करुन। कांह सकली, कांह शोंगनु विज़ि, कांह द्वदस सुत्य,
कांह आबस सुत्य। बहर हाल अँकिस हकीमस गछि यि नज़रि तल
आसुन ज़रूरी।



इंप्यकशन तु इंप्यकशन सुत्य यिनु वाज्यन तब्दीलियि

इंप्यकशन छु मुखतल्लिफ तरीकव सुत्य अँकिस इन्सानस
प्यठ दोयिमिस इन्सानस तरान:-

१. अथुवास करनु सुत्य ।
२. नालुमोत करनु सुत्य ।
३. पोन्द या च़ासि सुत्य ।
४. गंदु बाथरूम इसतिमाल करनु सुत्य ।
५. अख अँक्य सुंदि पलव लागनु सुत्य ।
६. मँहय टोपव सुत्य या क्यम्यव क्रीलव या मँछव सुत्य ।
७. पेशाब या थँविक सुत्य ।
८. आरकु सुत्य ।
९. खून सिरिज नासाफ आसनु सुत्य ।
१०. लागदार बेमारन हुंदि व्वथनु बेहन सुत्य ।

इंप्यकशन सुत्य छे यिम तब्दीलियि यिवान:-

१. बार बार अथन ख्वरन औरक फटान ।
२. कॉम करनु सुत्य या कॉम न करनु थकावट सपुदान ।
३. लगातार दस्तु या मुसिल ।
४. ऑस ख्वशुक गछ़ान या ऑसस बस्तु खसान ।
५. लगातार ख्वशुक च़ास ।
६. कुनि ति जिस्म किस हिसस दग ।
७. तनाव ।
८. नेन्द्र न यिन्य ।

तशखीस मर्ज

ऐलोपैथी यलाजस मंज छि मुखतॅलिफ कुस्मुक टेस्ट करनु पतु कुनि बेमारि हुंद तशखीस यिवान स्थकु करनु। लेकिन दीसी यलाजस मंज छु मुखतॅलिफ अलामचुव सुत्य तु मुखतॅलिफ तरीकव सुत्य बेमारि हुंद पता चलान। ग्वडुन्यथुय छु हकीम बेमार सुंद बुथ वुछिथ तु बीरूनी हालत (General Condition) वुछान। बुथ छु दिलुक ऑनु। हकीम छु पनुनि तजरुब सुत्य बेमारस बुथिस नज़र कॅरिथ, बेमारस सुत्य कथ बाथ कॅरिथ मर्ज चेनान। हकीम अमु सॉब (अमु हकीम) ओस हतस बेमारस मंज काँसि अँकिस बेमारस ब्रोंठुय बुलावान तु यलाज करान। तिक्याज़ि अमिस ओस बुथि प्यठुय तशखीस मर्ज सपुदान। टी-बी यानि सिलु बेमारस छु बुथिस तील ह्युव पेडान। बैयि छे यि लागदार बेमॉर्य येमि किन्य यि ग्वडुन्यथुय फारेग कॅरिथ दौयम्यन बेमारन निश दूर यियि थावन। काँसि छु नब्जे तेज़, काँसि सोत, काँसि छे ज्यव फटान, काँसि बेमारस छि ज्यव आसान सफेद, काँसि व्वज़ुज्य, काँसि छे आसान ज्यव चकाट आसान गॉमुत्य। ज्यवि हुंज हालत छे अलग अलग दाद्यन हुंज अलामत जॉहिर करान।

नम :- हकीम छु अथुक्यन नमन चीरिथ खूनच कमी या ज़्यादती जॉनिथ ह्यकान।

अँछ:- अँछन हुंद अँन्दरिम रंग व्वज़ुजार, अँछन पवोक, अँछन ल्यग खसुन्य।

यँड हुंद मायुन:- नर्म यड, सखुत यड, यँड दग आसुन्य वगॉर छु

अलग अलग बेमारयन हुंज चेनुवन दिवान ।

बेमारस प्रछुगौर कॅरिथ छु हकीम मर्ज समजिथ ह्यकान । सु छु
बेमारस प्रछान कब्ज मा छुय, न्यबर मा छुख बार बार नेरान, पिशाब
मा छुख बार बार करान, पेशाबस सुत्य मा छेय सफेदी नेरान, पेशाब
करनु सुत्य माह छुय ततुर व्वथान । यिथु पॉठ्य नेन्द्र मुतलक प्रछुगौर
तु बेमारस सुत्य रिशतु (Personal Relation) कौयिम कॅरिथ छु यि
मुखतलिफ दाद्यन हुंज ज्ञानकौरी हॉसिल करान ।

बेमार अगर स्यकु गछि यलाज करुन गॅछि सॅहल ।



सोन आँद पोक तु सोन ख्वराक

अख साफ शफाफ आँदपोक सेहतयाँबी हुंद जॉमिन तु अख गंदु आँदपोक छु बेमार्यन साल करान। पनुनि गरुच गन्दुगी बैयि सुंदिस गरस ब्रोंहकनि त्रॉविथ छिनु अँस्य ति महफूज रोजान। बल्कि सु हमसाय ति ह्यकि पनुन्य गन्दुगी सॉनिस गरस ब्रोंठकुन त्रॉविथ।

गन्दुगी छे महेन, मछेन, कैम्यन क्रीलन हुंज पनगाह, लिहाजा छु अँसि सारिनुय प्यठ लॉजिम जि अँस्य थावव गन्दुगी पनुनिय कोचि, पनुनि सडकि, पनुनि मँहलु निश गोया पनुनि शहर या गामु निश दूर।

गन्दुगी हुन्द जरासीम छि ह्वहकि ज़रियि सान्यन गरन तांम वातान, हताकि सॉनिस जिस्मस तांम वातान तु बेमार्यन हुंद बाँयिस बनान।

सानि व्वथुनुक बेहनुक तरीकु, सानि रननुक या पाकुनावनुक तरीकु, बल्कि सोंचनुक, समजनुक तरीकु ति छु सोन जिस्म बेमार्यव निशु रछुनु या बेमार सपुदनस मंज मद्दगार सपुदान।

सोन जिस्म छु माजि हुंजि यँड मंज प्रथुन तु फाँफलुन ह्यवान। माजि अगर सँही ख्वराक तु साफ सफ़ायि हुंद ख्याल थावि नु तँम्य सुंज यिनु वाजेन्य नँसुल आसि नु सहेतमंद, खूबसूरत तु बेमार्यन बगॉर। अगर अँकिस माजि बँचि यँड मंज आसनस दोरान दूदुच कमी गँछि, तँम्य सुंद यिनुवोल बचि आसि अँडिजव कमज़ोर। सोन ख्वराक छु मुख्तलिफ मैदिनियात, विटामिन, मिनुरलज़, कारबोहाइड्रेट, आइरन, फासफोरस बैतिरुक मजमु। यिंमन मंज कुनि ति चीज़ुच कमी सॉनिस

जिस्मन मंज़ कांह नतु कांह कमी थावान ।

माजि हुंद द्वद छु अख मुकमल गुज़ा तु यि नु छु सिर्फ अँकिस
बचि सुंदि खॉतरु सिर्फ ख्वराक तु नशोनुमा, बल्कि बेमार्यव निशु दूर
थावनु खॉतरु तु मुकाबलु करनु खॉतरु तु अख ताकत तु अख हेफाज़त ।
माजि हुंदि द्वद अलावु छु मुख्तलिफ जानुवरन हुंद द्वद यथ मंज़ सारिवुय
सरस गाँव हुंद द्वद छु । युस तकुरीबन माजि हुंदिस द्वदस मुतबॉदिल
छु । बाकुय यिम द्वद छि, तिमन छु अलग अलग तॉसीर । मसलन
छावज़ि द्वद, मॉशि द्वद, ऊँट द्वद ।

केंह द्वद छि इन्सानन हुंदि खॉतरु मनफी असर त्रावान । मसलन
खॅरिनि द्वद छु खर देमाग बनावान । मॉशि द्वद मोट देमाग तु मोट
अकुल बनावान येमिकिन्य अमिस स्योद तु साफ कथ बडु मुशकिलि
सान फिक्री तरान छे । द्वद सुत्य बनॉव्यमुत्यन चीज़न ति छु अलग
तॉसीर । ज़ामुत द्वद, ओम द्वद, चामन, गुरुस, छौकु द्वद, लॅस्य, मनुवोन्य,
ग्यव, थॅन्य । यिमन सारिनुय चीज़न छु अलग अलग तॉसीर । फुल
क्रीम थॅन्य तुलिथ द्वद । द्वशवुन्यी छु अलग अलग तॉसीर । अख छु
चर्बी खालान, ब्याख छु चर्बी वालानस मंज़ मदद करान ।



सॉनिस ख्वराकस मंज़ क्याह क्याह छु शॉमिल तु क्याह क्याह गछि आसुन

अँस्य यि केंछा ख्यवान या च्यवान छि, तिम सॉरी चीज़ छि
अलग अलग तॉसीर थवान। कुनि चीजुक तॉसीर छु गर्म, कुन्युक
सर्द, कांह छु बॉदी कांह छु कब्ज़ करान तु कांह मुसिल। हाख सब्जी
ख्वराक छु बदल तॉसीर थवान।। मुखतॅलिफ सब्जी यिम सॉनिस
ख्वराकस मंज़ शॉमिल छि बज़ाति ख्वद दवहन हुंद तॉसीर थावान तु
असि बेमार्यव निशु रखान तु दूर थवान। तॅलिथ कॅसिथ गुज़ा या कम
पाकुविथ गुज़ा ति छु सॉनिस सहेतस प्यठ असर त्रावान। हाख, हन्द,
स्वचल, मुजिह, म्वंजिह, वांगन, अलु, गंडु, प्रान, रूहन, टमाटर,
पालक, करेलु, तोरी सॉरी छि अलग अलग तॉसीर थवान।

मुख्तलिफ जानवरन हुंद माज़ छु मुख्तॅलिफ तरीकव तैयार
कॅरिथ इस्तेमाल यिवान करनु। कटु माज़, क्वकर माज़, मॉशि माज़,
ऊंट माज़, ककव माज़, गॉव माज़ वगॉरु ख्वराकन मंज़ छु अलग
अलग तॉसीर। खुराकस छु कांह ठोस तु कांह नर्म (Liquid) मगर
सॉनिस म्यादस मंज़ वॉतिथ छु यिमन सारिनुय अकुय सूरत बनान,
ताकि श्रपनस मंज़ गछि नु कांह दुशवॉरी। कांह ख्वराक छु सुत्यी
हज़म गछान तु कांह वारयाह कॉल्य मुखतॅलिफ दालु मसलन म्वोंग,
मुसुर, राजमाह, चनु, मुठ, करु, वारिमुठ वगॉरु ति छु सॉन्य ख्वराक
तु यिमव सुत्य ति छि अँस्य मुखतॅलिफ मैदनियात हॉसिल करान।
मुखतॅलिफ कुस्मक्य म्यव मसलन चूठ, टंग, अम्बु, दछ, संगतर,

अमरूद, चेरु, चुनन्य, दौन वगौरु छि अलग अलग तौसीर थवान तु
 सानि ख्वराक खौतरु अहम तु लौज़मी। यिथय पौट्य छि मुखौलिफ
 मसालु यिम दरअसल दवा छि, छि अलग अलग तौसीर थवान तु
 सान्यन मुखौलिफ बेमार्यन हुंघ यलाज। ल्येदुर, शौंठ, मर्च, मर्चुवांगन,
 बौद्ययानु, दालचीन, आँलु, रोंग, दानिवल, गंडु, रूहन, प्रान। यिमव
 सुत्य छि अँस्य मुखलिफ न्यौमुच बनावान। पनुनिस ख्वराकस मंज़
 अख मेछर पौदु करान। दरअसल छि यिम सान्यव बुज़र्गव तिम दवा
 सौनिस ख्वराकस मंज़ शौमिल करिमित्य, यिम अहम तु लौज़िम छि।
 सौनिस ख्वराकस मंज़ छिम अमि अलावु ति चीज़ शौमिल, यिम
 अँसि मौल छि अनान तु ब्वछि छि पौदु करान। मुखलिफ कुस्मुक
 आंचार, चीटनि, सिरकु वगौरु श्रोपुरावनस मंज़ मदद करान।

गोया सान्यव अकुल बुज़रगव, हकीमव, वैदव छि स्यठा तजुरूब
 कॅरिथ सानि दोहदिशुक ख्यन च्यन मुकरर कोरमुत। येतनस आम
 ख्वराक ख्यनुच मनौही छे तति छेनु सलाद यानि मुजि, गाज़र, टमाटर,
 लौर बेहेतर रोज़ान। इन्सान अगर क्वदरत किस कुनि ति चीज़स बेजा
 इस्तेमाल करि, सु वातुनावि न्वकसान, इन्सान ह्यवान, चरिन्द, परिन्द
 यि जुरियात छे क्वदरतक्यव पाँचव चीज़व सुत्य थुरनु आमुच। अगर
 अँस्य यिमुनुय पाँचन चीज़न हुंद इसतिमाल बेमारि चँलुरावनस या
 बलुरावनस मंज़ इसतिमाल करव या वरतावस अनव दवुहन हुंज़ पेयि
 नु ज़रूरथुय। द्रोख, दस्त, मुसिल आँतरु अगर अँस्य ज़ु गिलासु गर्म
 आब चेमव, दोद चलि पानय। तापस रोज़नु सुत्य छे तुरु चलान, ताज़
 ह्वहस मंज़ फीरिथ छु सीनु फ्वलान, देमाग ताज़ु सपुदान तु थकुन

चलान, सर्द आबु श्रान करनु सुत्य छे तवानॉयि हॉसिल सपुदान।
 काँशिर कहावथ छे 'पीर छा बोड किनु यकीन' जवाब छु यकीन।
 यकीन करनु खाँतरु गँछि दिल तु देमाग अकुय सपुदुन। कामयाँबी
 सपुदि पानय, रुत सोँचनु सुत्य मेलि रुचर।

यिथु पॉठ्य ज़रखेज मेच गँयि स्व मेच बथ मंज़ मुखतलिफ
 मॉदनियात, मुनॉसिब तु मौकूल तेदादस मंज़ शॉमिल आसन। तिथय
 पॉठ्य गँछि सॉनिस ख्वराकस मंज़ मुखतलिफ विटामिनस, कारबो
 हाईड्रेटस, आयरन, कैल्शियम ब्येतुरि मौकूल तु मुनासिब तेदादस मंज़
 शॉमिल आसुन्य। गज़ा गोछ तिथुय आसुन। येमि सुत्य अँसि चर्बी
 खसि नु बल्कि सॉनिस जिस्मस तु जिस्मुक्यन मुखतलिफ तानन तु
 अंगन ह्यमथ तु तवानायि मोहिसर सपदि। कँह गुज़ा छि आलुछुय
 बनावान् तु कँह फुरतीलु तु काँम करनस लायख बनावान। कुनि मंज़
 छु चर्बी खसनुक म्वादु ज़्यादु, कुनि मंज़ काबोहाईड्रेटस ब्येतुरि। दोह
 दिशु गछि नु लकीर का फकीर बनुन, न अँकी कुस्मुक ख्योन, बल्कि
 तब्दीली करान रोज़ुन। अकि दोह गछि नूनदार ख्योन तु कुनि दोह नून
 वरॉय। कुनि दोह मोदुर तु कुनि दोह मोदरेरु वरॉय। कुनि दोह गछि
 फाकुय रोज़ुन। अकि दोह फाकु दिनु सुत्य छु सॉनिस जिस्मस मंज़
 जमा सपुज़मुच फॉज़िल चर्बी कुमलान तु तम्युक न्वकसान देह असर
 छु ज़ायिल सपुदान।

सानि जिस्मुक सरताज़ु इंजन अवरहाल करनु खाँतरु गछि
 मँज़्य मँज़्य जलाबु करुन। तमि सुत्य छु सानि जिस्मुक गाडिय सरवर
 सपुदान तु तवानायी तु ताकत हॉसिल सपुदान। सॉनिस जिस्मस यिम

चीज़ ज़रूरत छि तिम छि असि बतु, च्वचि, खंड, ऑलवु, केलु वगॉर
 चीज़न मंज़ हॉसिल सपुदान। चर्बी ख्वसु सॉनिस जिस्मस मंज़ छे आसान
 गॅमुच, स्व छे तमि वख्तु ज़रूरत येमि सातु अँसि कुनि वजह किन्य
 ख्यन छु प्यवान त्रावुन। यिहोय रिज़र्व सटाक छु कॉम दिवान।

थॅन्य, ग्यव, द्वद, माज़ छु सॉनिस जिस्मस कारबो हाईड्रेटस
 वोफूर थावान तु प्रोटीन छु दाल, ठूल गाडु वॉगार चीज़व सुत्य मुय्यिसर
 सपुदान। मिनुरलज़ (Minerals) यिम सानि जिस्मुक्य मुखतलिफ तान
 बेहतर कॉम करनु खॉतरु छि तैयार करान। सानि अँडिजि मज़बूत
 थावनु खॉतरु छु ठूल, गाड, कैवशयम वॉल्य वगॉर चीज़व मंज़ दस्याब
 सपुदान।



इन्सान सुंद थनु प्योन

इन्सान सुंद थनु प्योन छु बज़ाति ख्वद क्वदरतुक अख बेहतरीन अजूब । मर्दस तु ज़नानि हुंघन ठूलन म्युल गँछिथ किथु पॉठ्य छि यिम इन्सांनी सूरत इखतियार करान । किथु पॉठ्य व्वतुलान, प्रथान तु ख्वराक हॉसिल करान, छु क्वदरतुक्य अज़मतुक अख ज़िन्दु सबूत । यि निज़ाम छुन सिर्फ इन्सानन ताम महदूद, बल्कि छु कायिनातुक प्रथ कांह वजूद हॉरान करनवोल । अख नु बोज़नु यिनु वाज्यन सल (Cell) किथु पॉठ्य छे अँन्दिरिम तु न्येबरिम वुस्तुखान बनावान । किथु पॉठ्य छु माजि हुंदिस शुर्यबानस मंज़ अख मुकमल इन्सान बँचि सुंदिस सूरतस मंज़ तब्दील सपुदान छु हॉरान कुन ज़ानुन लायख । माजि हुंदिस जिस्मस सुत्य किथु पॉठ्य छुस वाठ, माजि हुंदिस थनस मंज़ किथु पॉठ्य छेय अमि सुंद खॉतरु द्वद पॉदु सपुदान । यि सोरुय छेय अमल तु अजूब युस अँकिस आबु फ्यरिस ज़िन्दुगी मंज़ तब्दील छि करान । अकि बरगद कुल्युक ब्योल छु आसान अँकिस आसुर फँलिस सूम्ब, लेकिन अथ मंज़ छि तिम सॉरी व्वस्फु यिम अँकिस पूर आमतिस बँडिस बरगद कुलिस मंज़ आसान छि । यि वनुन छु ज़रूरी ज़ि बरगद कुल छु आसान कशीरि मंज़ आसान वाज़िनि बोनि खोतु बोड । यिथुय पॉठ्य छु अँकिस इन्सांनी सेलि मंज़ तिम व्वस्फु या आब पीर दर पीर ब्रोंठ पकान । यिम तँम्य सुंदिस मॉलिस माजि या दौयम्यन पीर्यन मंज़ आसान छे । यिम चीज़ छि आयन्दु यिनु वाल्यन नँस्लन मंज़ ति मुनतकुल सपुदान । अख बचि येलि पॉदु छु सपुदान अमिस सुत्य छि मुखतलिफ

निज़ाम ति पौंदु गछान ।

यिम्न मंज मुखतलिफ निज़ाम छि यिथु पौंद्य:-

१. शाह खसनुक वसनुक निज़ाम
२. ख्वराक तु तमिकि श्रपनुक निज़ाम
३. खून बननुक तु तैमिकि बोंगरनु यिनु निज़ाम
४. दैमाग तु तथ सुत्य वाबस्तु नारन हुंद निज़ाम
५. अँडिजि क्रंज थैर क्वोंड तु बाकुय अँडिजि
६. गदूद तु हारमोन, तिलु प्योत, ब्वकुवचि थायराइड वगौर
७. अँदरिम गलाजत न्येबर नेरनुक निज़ाम
८. पेशाब खौरिज करनुक निज़ाम
९. बचि पौंदु करनुक निज़ाम
१०. मुखतैलिफ तान मसलन अँछ, कन, नस, दंद, मुस्तु ।

यिम्न सारिनुय हेमव अँस्य अलग अलग साम:-

अख बचि येलि डमबि छु लगान तमि पतय छु अँमिस प्रथनु तु फाँफलनु खौतरु ख्वराकुच ज़रूरत प्यवान । मॉज्य यि ख्वराक पानस छे ख्यवान सु छु हसबि ज़रूरत अँमिस बचस ताम अँकि नारि हुँघि ज़ारियि वातान । यथ अँस्य नान छि वनान । माजि हुँदिस शिकुमस मंज नवन रैतन रोजनस दोरान क्याह क्याह छु अमिस माजि प्यवान चालुन तु छि अख स्व अमल यथ मंज माजि हुँद बजर तु लोल ज़ौहिर सपुदान । माजि हुँदि शिकुम मंज नेरनस सुत्य छु क्वदरतुक अख सु अमल तु निज़ाम बारसस यिवान, येमि सुत्य माजि हुँघन थनन मंज द्वद

छु ज़ॉहिर सपदान ।

बचि संज नान यानि सु वाठ युस तँमिस माजि सुत्य छु सु
 चटुन पतु छु माजि तु अवलादस न्यबरिम सु दुनिया वजूदस यिवान
 येम्युक ज़िकिर तु मेछर वुछनु खॉतरु दुनियाक्यव बडेव बडेव
 फिलसफरव पूर तॉरीफ छिनु कॅरिथ ह्यक्यमुत्य ।



शाह खसनुक तु वसनुक निजाम

सोन ज़िन्दु रोजुन छु सिर्फ शाह खसनस तु वसनस ताबेह।
 गोया ज़िन्दुगी छे तोतुय ताम मुमकिन योताम शाह रोज़ि खसान वसान।
 शाह गोव बन्द तु ज़िन्दुगी गँयि खत्म। शाह ह्योन छु गछान नस्ति तु
 आँसु प्यठ शेरू तु सॉनिस शिशिनॉरिस ताम वॉतिथ अंद। अगर
 ओताम वातुनस मंज़ कुनि किस्मुच कॅशाफत या गन्दुगी या जरासीम
 शॉमिल सपुदन तेलि छु नॅजुल, जुकाम, शांश, तम, चास, तुर तफ
 हता कि नमूनिया, क्वकर चास, ख्वशुक चास, बलगमी चास, सिलु
 ब्येतुरि छु शाहन सुत्य अन्दर अचनवॉलिन जरासीमन हुंद द्युत। अथ
 निजामस सुत्य यिम यिम दौद्य वाबस्तु छि तिमन दाद्यन हुंद यलाज तु
 परहेज़ करव अलग पौठ्य बयान। कशीरि मंज़ छु अख गरेलु नुस्ख
 यथ मंज़ कहज़बान, सेपिस्तान, शंगर ब्येतुरि शॉमिल छि। यिमन
 चीज़न हुंज़ शरबत छे शाह खालनुक तु वालुनुक्य दौद्य ठीक करान।



ख्वराक श्रपनुक निज़ाम

इन्साँनी जिस्मस मंज खुलनवोल ग्वडन्युक बोड दरवाज़ु छु
 आँस, यथ मंज दन्द ज़्यव, माज़बेरि तु पतु कॅनि लोक़ुट ज़्यव, शाह
 नोर, ख्वराक नोर, शॉमिल छि। अँस्य युस ख्वराक आँसस मंज
 त्रावान छि, तथ छि साँन्यी दंद अडब्रोक करिथ ख्वराक नालि किन्य
 साँनिस म्यादस मंज वातुनावान, लेकिन म्याँदस मंज वातुन ब्रोंह छि
 साँनिस आँस्स मंज नेरनवोल अख लॉब शॉमिल, युस अथ नर्म तु
 मुलायम छु बनावान, ज़्यव हुँदि ज़रिये छि अँस्य अमि चीज़ुक टेछर
 या मेछर चेनान तु ज़ानान। ख्वराक येलि म्यादस वातान छु अथ छु
 बेयि ति कॅह जुज़ मेलान मसलन, तिलुप्योत, प्यठ यिनुवोल अख रस
 युस अथ तेज़ाबुक्य पॉठ्य रेज़ु रेज़ु करान छु तु श्रपुनस लायख बनावान।
 अमि पतु येलि यि ब्रोंठ पकान तु सान्यन अँन्दुरमन मंज वातान छु
 अमिच कीमयाँयी अमल छे शोरू सपुदान। अमि मंज छु सानि
 जिस्मुच गाडि हुँद पेट्रोल चलावन वोल म्वाद यानि खून बनुन तु नेरून
 ह्यवान।

अँस्य युस ति गुज़ा ख्यवान छि सु छु साँन्य सीरत तु सूरत
 बनावान। सानि साँचुक समाजुक ताकत, सोन जिस्माँनी ताकत, रूहाँनी
 ताकत छु यहोय ख्वराक मुशखस करान। गिज़ा यूत स्योद तु सादु
 आसि, साफ़ शफ़ाफ़ आसि त्यूत रोज़व अँस्य बेमार्यव निश दूर।
 गिज़ायि हलाल गिज़ायि हराम छि सान्यन ख्यालन तमि आयि बनावान
 येमि आयि असि ख्वराक आसि हॉसिल कोरमुत। गोया सोन सेहत,

सानि तन्दरुस्ती या सानि बेमारि या दौद्य छि सॉनिस ख्यन च्यनकिस
 तौसीरस ताबु । ज़्यादु मसालदार ख्यन छु सॉनिस म्यादस न्वकसान
 वातुनावान, येमि किन्य च्वकु डाकर, फ्वकु डाकर, बद हज़मी, द्रोख,
 दस्त मुसलिम ब्येतुरि छि व्वतुलान । कब्ज़ किहो बवासीरी ति छे ज़्यादु
 मसालन हुंज़ मेहरबॉनी । याद थँविव कम ख्यनु सुत्य छि वारयाह कम
 मूद्यमुत्य मगर ज़्यादु ख्यनु सुत्य मरन वॉल्य छि वारया ज़्यादु ।



खून बननुक निज़ाम

लोकट्यव अँन्दरमव तु बडेव अन्दरमव मंज़ नेरनस दौरान
 छि अँमि ख्वराकु मंज़ खून नेरनुक अमल शोरू सपुदान । यि खून छु
 आसान सफ़ौयी वगॉर । येलि यि सॉनिस दिलस मंज़ वातान छु शुशि
 नारि प्यठु यिनु वोल् आकसीजन छु अथ साफ करनु खॉतर महिसर
 सपुदान तु पूर पॉठ्य साफ सपुदन खॉतर छु अथ ब्वकुवेचन मंज़
 छॉन्य लगान तु तमि पतु छु ति बेयि दिलस मंज़ वातान, येति यि
 जिस्मुक्यन बाकुय हिसन मंज़ बॉगरावनु यिवान छु । खून छु ज़िन्दुगी
 हुंद हॉसिल तु अमिकिस बननस या बॉगरावनु यिनस मंज़ अगर कांह
 रुकावट पेयि सु छु दिलुक दोद बनान ।



देमाग तु तथ सुत्य वाबस्तु निज़ाम

देमाग छु इन्सॉनी वजूदुक पावर हावस तु अमिच तार छे प्रथ कुनि तानस सुत्य जूडिथ। कमि विज़ि कथ तानस क्याह अमल छे करुन्य, देमाग छु तैमिच खबर अतर थवान तु तथ तानस स्व अमल करुनावान तु करनु खॉतरु तैयार करान। अगर अँसि कुनि जायि माँमूली सुचुनि त्रुस ति लगि, सोन देमाग छु अमि खॉतरु वापसी रदि अमल यानि जवॉबी कारवायी करान। यि छे सानि तालि प्यठ ख्वरि ताम प्रथ कुनि तानस कन्ट्रोल करान। सोन सोंचुन, वोथुन, बिहुन गोया सॉन्य अमल तु रदि अमल छु सोन देमाग तय करान।



गदूद, हारमोन, ब्वकवचि, तिलप्योत, थाईराईड

यिम सॉरी तान छि पनुनि जायि अँहम तु लॉज़िम। यिमन मंज़ अगर कुनि ति तानुच कमी या कमज़ूरी आसि सु छु सानि ज़िन्दुगी मंज़ कांह नतु कांह कमी पॉदु करान तु अँस्य छि मुख्तलिफ तकलीफन मंज़ मुबतला सपुदान।



सोन अँडिजि क्रँज

सोन अडिजि क्रँज सोन थॅरक्वंड, सानि सीनु तुरि, सान्यन नेरन जंगन हुंज अँडिजि, सोन कलु ख्वपरु छि सानि माज़ बनि खडा थवान। बेहनस व्वथनस, शोंगनस, पकनस थोरनस मंज़ मदद करान। अडिजिव बगौरु किथु पॉठ्य रोज़िहे यि माज़ बन खडा। यिम सॉरी छि तमि सुंदि कॉरीगिरी हुंद ज़िन्दु सबूत। असि पज़ि याद थवुन ज़ि सु कॉरीगर छु लाजवाब तु बेमिसाल। अमि सुंज कॉरीगिरी छे बे मिसाल। अँम्य युस निज़ाम बनोवमुत छु, सु छु बे मिसाल, कांह ति सानि जिस्मुक निज़ाम छु पनुनि जायि अँहम तु कुनि ति निज़ामस अगर खलल वाति सु छु न्वकसान वातुनावान।



अन्दुरिम गलाज़त न्येबर नेरनुक निज़ाम

अँस्य यि केँछा ख्वराक किस सूरतस मंज़ ख्यवान छि तमि सुत्य छु सानि शरीरुच मुखतँलिफ ज़रूरुच पूर सपुदान, तु अथ मंज़ युस गॉर ज़रूरी हिसु छु सु न्येबर नेरुन छु ज़रूरी। अमि खॉतरु छु सॉनिस जिस्मस मंज़ ज़ल जायि, मल जायि, ऑस, नस, मुस्तु, कॉम करान रोज़ान। यि अमल छे सानि ख्वराकुक गॉर ज़रूरी कोश तु आब वगॉरु छॉनिथ न्येबर कडान। अगर यि कोश यानि गंदु म्वाद सॉनिस जिस्मस मंज़य जमा रोज़ि, अँस्य सपुदव वारियाह मूज़ीक

बेमार्यन मंज शॉमिल । अगर यि गंद या मल पॉन्य पानय नेरनस मंज कांह रुकावट यियि, तेलि छु वारियाहव मुखतॅलिफ तरीकव सुत्य सानि जिस्मु मंज न्येबर यिवान कडुन ।



पेशाबुक निज़ाम

सानि ब्वकुवचि छि साफ करान तु यि करनस मंज युस गंद म्वाद छॉनिथ पिशाब किस सूरतस मंज न्येबर नेरान छु, अथ मंज छि वारियाह तिथ्य चीज़ यानि यूरिक अेसिड, आकजॅलेटुस, शुगर, कैल्शायम, अलबयूमिन वगॉरु गॉर ज़रूरी म्वादु ति खॉरिज सपदान । तज़रुबु तु तजरुब पतु छि अॅस्य अथ खॉरिज कॅर्यमितिस पिशाबस मंज कुनि चीज़च कमी ज़्यादती या कुनि बेमारि हुंदि आसनुक या न आसनुक पय पता ति लगॉविथ ह्यकान । ब्वकुवच्यन गॉर ज़रूरी ज़ोर वातनु किन्य छु वारियाहन बेमार्यन जुव अचान । यिम ब्रोंहकुन बड्यन परेशानियन हुंद बॉयिस छि बनान । ब्वकुवचि छि अकि कुस्मुक फिल्टर सॉनिस जिस्मस मंज तु यिमन मंज कमज़ूरी दूर करनु खॉतरु तु कारकरदगी बेहतर बनावनु खॉतरु छे त्रेश ज़्यादु च्यन्य ज़रूरी । अख सेहतमन्द इन्सान गछि कम खोतु कम अख लीटर आब च्योन ।

अॅमि बगॉर कुस कुस चीज़ छु यिमन ब्वकुवच्यन हुंज कारकरदगी बेहतर बनावनु खॉतरु ज़रूरी, तॅमिच वखुनय करव ब्रोंहकुन ।



बचु पौंद करनुक निज़ाम

जुरियात ब्रोंह पकुनावुन खौतरु छु क्वदरतन प्रथ कुनि ज़ौच
 जु जिन्सु पौंद करिमित्य तु यिम द्वाशवय इकुवट मीलित छु अख नैव
 न्यामत पौंद सपुदान तु नैसल ब्रोंह पकान। यि अमल तु यि निज़ाम छु
 क्यम्यव, क्रीलव, चरन्दव, परिन्दव प्यठु हेवानन किहो इन्सानन ताम
 लागू तु कांह ति जुरियात पकुनावुन खौतरु लौज़िम व मलज़ूम। यि
 अमल छे अख क्वदरती अमल तु ज़मीनि प्यठ या ज़मीनि तल या
 हवहस मंज़ प्रथ काँसि हरकत करनवौल्य सुंज़ ज़रूरत, हवस तु
 खौहिश।



अँछ, नस, कन, दंद तु मुस्ल

यिमन त्रेशवनी छु पानुवौन्य वाठ तु यिम छि ज़िन्दुगी हुंघ
 निज़ाम पूर करान, येमि वरौय ज़िन्दुगी नामुकमल छे। यिम काँत्याह
 अँहम छि, यि वनुनच छेनु ज़रूरत, बैल्कि महसूस करनु सुत्य ह्यकव
 अँस्य यिमन हुंद कुमत, कदुर तु अहुमियत ज़ौनिथ तु बेहतर हेफाज़त
 करिथ। महसूस करिव ज़ि अख अँछव वरौय (यानि ओन) इन्सान
 कोताह परेशान तु लाचार आसि, येमि विज़ि अँमिस आसि यिमन हुंज़
 ज़रूरत प्यवान। क्वदरतन युस ति तान असि बख्शामुत छु, चाहे सु
 अख मोयि वाल या चाहे बेकार नम छु या हँज्य तु कँज्य नस छे छि

पुननि जायि अँहम तु यिमव बगॉर छु इन्सान नामुकमल ।

अँछ छे असि न्येबुरिम दुनिया अन्दर वातुनावान तु अम्युक रंग रुप जान या नाकार हावनच कॉम अंजाम दिवान । यि दुनिया छु खूबसूरत, यि छि अँस्य अँछव सुत्य वुछिथ ह्यकान । ज़्यादु तेज़ लाइट या ज़्यादु कम लाइट छे अँछन हुंद वुछनुक ताकत कमज़ोर करान तु अँछन न्वकसान वातुनावान ।

यिथुय पॉठ्य छि नस अँसि ख्वशबोय या बदबोय चेनुनावान तु अख अँहम रोल छि अदा करान ।

कनन हुंद रोल कोताह अहम छु ति वनुनच छेनु ज़रूरत, लेकिन कनव बगॉर छु इन्सान मेचि मोन येमिस ब्रोंहकनि नगारु वायुन ति छु फज़ूल ।

दन्द छु सु हथियार युस क्वदरतन ठोस ख्यन अडु ब्रोक करनु बापथ असि अता कोरमुत छु । दंद छु सु डीड्यवान युस सॉनिस जिस्मस अन्दर खुलन वाजिन डेडि प्यठ ३ २ अवज़ारव सुत्य रॉछ छु करान । दन्द अगर कमज़ोर पेयि सॉरिसुय सानि इमारच यियि बुन्युल ।

मुस्लु छु इन्सान सुंदिस शरीरस प्यठ सुय पशमीनु शाल युस नाकॉशी तु कॉरीगॉरी कॉरिथ असि हावुन तु बावुन लायख छु बनावान । अथ शालस तल छु तिम तिम ऑबु यिम अगर नँन्य गछन अँस्य करव तौबु जि अँस्य कॉत्थाह मँकर्य छि, हतिमित्य छि तु बदसूरत छि । यि छु सु वरुन युस असि न्यथ नँनिस शरीरस परदु पूशी छु करान ।

अँछन हुंदन दाद्यन मंज़ छु व्वज़ुजार, अँछन दुगोश गछुन, मोतियाबिन्द, अँछ टार्यन फेफर, अँछन वँरुम, वोल् दोल् वुछुन, कम बोज़न युन ।

अँछन त्रेशर आसनु किन्य छे अँछ ग्वबान। अमि खॉतर छु
रस अशुद, कुनि साफ कँनि प्यठ गुहिथ अँछ टार्यन लागुन। अमि
सुत्य छि अँछन शोहलथ प्यवान तु व्वजुजार चलान।

अँछ गाश तेज करनु खॉतर गछि अँछन मंज गुलाब अर्क
चोर फेर्य सुब्हन तु शामन त्रावन्य।

स्वरमु सियाह किजुल तु काफूर दीसी स्वरमु कँनि प्यठ गुहिथ
लागुन। यि छु सनत तु रिवायत। गुलाब अर्क रलँविथ नीम रस तु
सोबूत ल्येदर कुनि शीशु बानस मंज चतजियहन दोहन कुनि खलवक
जायि सम्बॉलिथ थावुन। चतजियि दोह गँछिथ जु जु त्रे त्रे प्यरेय
शोंगनु विजि अँछन त्रावन्य। अँछ गाश गँछि तेज।

जु अदद हलेलु आब गिलासस मंज शोंगनु विजि रातस तरस
(वजनावुन) थावन्य तु सुब्हन नेन्द्रि वँथितुय गँछन अमि सुत्य अँछ
छलुनि।

स्फेद चन्दुन कुनि साफ कँनि प्यठ गुहिथ अँछन प्यठ लागुन
सुत्य छु मोतियाबिन्द ठीख सपुदान।

माछ तुज्य शीशु सलायि सुत्य या स्वरमु सलायि सुत्य ति छु
मोतियाबिन्द ठीक गछान।

गुलाब अर्क पाँछ ग्राम फटकर लायि ५ ग्राम यिकुवट मिलनॉविथ
जु जु कतरु अँछन त्रावुन सुत्य छे अँछन प्यठ जाल खँसुन्य तु व्वजुजार
ठीक सपुदान।

अँछ दादिक्य मुखतँलिफ वजह छि:-

तेज गाशस लेखुन, परुन या कॉम करुन्य। अँछन हुंद ज्यादु
इसतिमाल करुन, पूर नेन्द्र नु करुन्य, चेर ताम हुशार रोजुन, परेशॉनी,

शरारत, ज्यादु हम बिस्तरी।

परिहेज:-

नून, मरचुवांगन, च्वक्यर, आँचार, तील कम, अँछ गोल
नचुनावनि छे अँछन हुंज वरजिश।



मुखतँलिफ दाँद्य तु तिहुँद्य यलाज

शरीरुच गर्मी अचानक बडनस छि तफ वनान। येलि सॉनिस
जिस्मस मंज कुनि ति बेमारि हुँद्य जरासीम अन्दर अचनुच कूशिश छि
करान, सानि शरीरुक रॉछदर जरासीम (ऐन्टी बाडीज) छि यिमन
चलुरावुन खॉतरु जवॉबी कारवाई करान। येनि किन्य तफ छु खसान।
तफ छुन बजाति ख्वद कांह दोद, बॅल्कि चेनुवन जि कॅमिताम दाद्युक
हमलावर छु सान्यन सरहदन अन्दर अचनुक कूशिश करान। सोन
शाह खालनुक तु वालनुक निजाम छु ह्वहस मंज कसाफत आसनु
किन्य मुताँसिर सपुदान तु येलि सानि जिस्मक्य रॉछ करनवॉल्य ऐन्टी
बाडीज कमजोर छि गछान, शरीरुच हरारत छे बडान। येमि किस्मक्य
हमलावर जरासीम ज़ोरुवर आसनु तमि किस्मुक दोद छु व्वतुलान
तफ, तुर, नज़ुल, जुकाम, चास, पोन्दु ब्येतुरि छे शोरू आँती अलामुच।

तफ खसनु सुत्य छे थकावट महसूस सपुदान, कुनि कामि
कारस छुन दिल लगान। आँसुक मज्जु छु खंराब गछान तु सोरुय पान
छु फुदुमुत बासान। मंजु छु अँछव किन्य ओश वसान, कनन शोर

बासान, नस बन्द गछान। तमि किन्य शाह खालनस वालनस मंज
दिकत छे यिवान। ज़्यादु कालस तफ रोजनु किन्य छे सॉनिस जिस्मस
मंज आबुच कमी सपुदान तु रंग शिठान। यलाज करनु ब्रोंह छु तफ
खसनुक वजह ज़ानुन ज़रूरी। तफ ह्यकि मलेरिया, डेंगू, टाईफाइड
या बैयि कुनि वजह किन्य ति ऑसिथ, युस ज़ानुन छु ज़रूरी। अगर
तफ ज़्यादु तेज आसि तैलि गछन सर्द आबु दजि बेमारस डेयकस
दिनि। पाकुनोवमुत आब ठन्ड कॅरिथ गछ्यस च्यनु खॉतरु दियुन।
तफ आसनस दोरान गछि ख्वराक कम खोतु कम ख्योन। कॅरिथ दूट
ठन्ड कॅरिथ म्वंगु दालि हुंद आब, सोबूदान, गुलिकोज़ आब या नारजील
आब गछि इसतिमाल करुन। तफ चलुरावुन खॉतरु छि वारियाह नुस्खु।
लेकिन दीसी यलाजस मंज छु अख अँहम नुस्खु युस तपस सुत्य
वाबस्तु बेयन दाघन ति ठीक छु करानै।

नुस्खु १:-

काँजबान, सेपिस्तान, शनगुर, ग्येवथीर, शाख गलोई
१० ग्राम ५ ग्राम ५ ग्राम ५ ग्राम ५ ग्राम

ज़ु गिलास आबस मंज ग्रकुनॉविथ येलि यि चूरिम हिस्सु रोज़ि सर्द
कॅरिथ गछन ३ चमचि दोहस त्रेयि लटि बेमारस चावुन्य। अगर च्यनस
मंज कांह दिकत यियि, नाबद रछा गछ्यस सुत्य मिलनावुन्य। अगर अमि
अलावु अख अदद अँजीर ति ख्योन दियूस, जल्द गॅछि आराम।

नुस्खु २:-

अर्क बाँदियानु, अँर्क पुदनु, नून तु कालु मर्च पौडर, मिलनॉविथ
दोहस दोयि त्रेयि लटि च्यनु सुत्य वॅसि तफ। अगर तफ त्रेयि दोह ज़्यादु
रोज़ि तैलि छु वजॅह ज़ानुन ज़रूरी। स्टील या कतुरवि बानस मंज गछि

कालु मर्च पौडर तु नून मज्जु मुताबिक मिलनावुन तु त्रेयि चोरि लटि बेमार चावुन। सुबह सकली (ख्यन च्यन ब्रोंदुय) गछि चून्ठय रस अख गिलास, दानिवल तु शोंठ पौडर तकुरीबन ३ या ४ ग्राम बेमारस ख्यनु खॉतर दियुन, तफ गछि दूर।

ताजु बर्ग नीम ४० ग्राम कालु मर्च ५ या आँठ दानु आबस मंज ग्रकुनॉविथ तु ठन्डु कॅरिथ च्यनु सुत्य छु मलेरिया तफ चलान।

बर्ग अडस ४ आबस मंज ग्रकुनॉविथ तु आब ठन्डु कॅरिथ येलि चूरिम हिसु ५० ग्राम रोजि दोहस जु जु इसतिमाल करनु सुत्य येमि कुस्मुक ति तफ आसि सु गछि ठीक।



शुशि नारिक्य दौद्य

मोदुर दछ अँजीर रूहुन, माछ छु शुशनारिक्यन दाद्यन मंज अक्सीर। ५ ज़ाफल अँकिस द्वदु गिलासस मंज ग्रकुनॉविथ पतु ठन्डु कॅरिथ चवान रोज़नु सुत्य छे शुशनारिच कमज़ूरी दूर सपुदान। शुशनॉरिस मंज अगर बलगम जमा आसि गोमुत, तैलि गछि होख तुलसी वॅथर, कोफूर तु इलाची सब्जु (ऑलु) हमवज़न तु खंड दोगनु या त्रेगनु मिलाँविथ पौडर बनावुन्य तु अँकिस बोतलि मंज थावुन। अमि मंज वक्तु ज़रूरथ अख अख चुमुठ (२ ग्राम) सुबहन शामन इसतिमाल करनु सुत्य छु वारयाह कालुक बलगम दूर सपुदान।



चास - तम - शांश - नमून्या - टी बी

चास छेनु बजातिख्वद कांह बेमारय, बैल्कि छे यि यिमन दाघन हुंज चेनुवन। अगर ज्यादु कालस चास रोज़ि तेलि छे कमज़ूरी शाह नारन, शुशनॉरिस. तु हँट्य रगन प्यठ असर त्रावान तु कमज़ोर करान। कमज़ोरस छे मॉमूली तु ल्वकुचि बेमारि ति असर करान।

चासि छि कुत्य कुस्म। अख गँयि ख्वशक चास, दोयिम बलगम वाज्येन्य चास, कुनि चीज़ुच अर्लजी किन्य चास, हँटिस खराश आसनु किन्य चास।

यलाज:-

१. नीम रस, कालुमर्च, नून रछा मिलनॉविथ अख जु चमचि दोहस दोयि त्रेयि लटि च्यनु सुत्य गछि ख्वशक चास ठीक।
२. ख्वशक ऑमलु पौडर चु त्रे ग्राम हम वज़न माछ मिलनॉविथ दोहस दोयि त्रेयि लटि इस्तेमाल करनु सुत्य ति छे चास ठीख सपदान।
३. चूठय रस चासि खॉतरु अक्सर दवा।
४. ख्वशकु चासि वॉलिस गछि ऑमलु चेटिन्य, दानिवल पँतरु मिलनॉविथ इसतिमाल करुन।

दछ ख्यनु सुत्य ति छु शुशिनॉरिस ताकत मेलान तु बलगमी चासि हुंद कफ खॉरिज सपदान। दछ ख्यनु पतु गछि नु केंहस कालस त्रेश व्येन्य। मेथि ब्योल चोर चमचि अँकिस बँडिस आब गिलासस मंज़ पाकुनॉविथ, छॉनिथ येलि चूरिम हिस्सु रोज़ि गर्म गर्म च्यनु सुत्य

छे वारियाह कालुच चास चलान ।

अँजीर बुज़िथ तु कहव च्यनु सुत्य छे चास तु जुकाम तु सीनस
प्यठ जमाह गोमुत बलगम त्वोन सपुदिथ न्येबर नेरान । अगर सदीं
किन्य चास आसि, अख गिलास आबस मंज़ गछि चोर चमचि सफेद
तेल नु नाबद रछा मिलुनॉविथ ग्रकुनावुन । येलि यि तकुरीबन नेस्फ
चमि दोहस दोयि त्रेयि लॅटि इसतिमाल करनु सुत्य चलि चास । जु
चमचि सब्ज बॉदियानु, जु चमचि अजुव्यन, जु गुलास आब ग्रकुनॉविथ
येलि तकुरीबन नेस्फ रोज़ि, अथ सुत्य गछि चु चमचि माछ मिलनावुन
तु जु जु चमचि दोहस जु त्रे गंट पतु बेमारस चावुन सुत्य छे चास
चलान । दालचीन चापनु सुत्य ति छि चास चलान । सब्जु ऑलु, बुड
ऑलु, रूहन, पुदनु, मुनुकु, ल्यदर, मोसम्बी, माछस मंज़ फटकर
लाय कॅडिथ मिलुनॉविथ जु जु चमचि दोहस दोयि त्रेयि लटि इसतिमाल
करनु सुत्य छे चास चलान । अजुवेन अदरक, तुलसी, नारजील (होख)
यिम सॉरी छि चास चॅलरावान ।

खॉली म्याँदु यानि सुबह सकली आमलु ख्वराक पौडर तु
शंगुर पौडर, हमवज़न दोहस दोयि त्रेयि लॅटि दॅछि रस्स सुत्य दोद या
नीम गर्म आब मिलुनॉविथ इस्तेमाल करनु सुत्य छे शांश ठीक गछान ।

खवश्क चासि मंज़ गॅछि गोर (यानि गुड) १५ ग्राम, कॉशुर
तील १५ ग्राम नीम गर्म कॅरिथ चॉविथ गछि ख्वश्क चासि फर्क ।
हेंदव्यंद, गाज़ुर, नैयशकर, खॉज़ूर, इसतिमाल करनु सुत्य छि ख्वश्क
चास चलान ।

टी बी वॉलिस बेमारस छि अकसर चास रोज़ान । दोहस रातस

तफ आसान । गराह कम तु गराह ज़्याद, शाह खालुन तु वालुन छुस मुशिकिल गछान । सीनस दग, शाह नारयन मंज़ ल्योदुर बलगम जमाह गछान, युस न्येबर कडुनु खौतर छु बेमार छूट छूट करान । रातस छुस अर्क फटान । वज़न छुस कम गछान तु यिम सॉरी छि टी बी यानि सिलु बेमारि हुंज़ अलॉमुच । अमि अलाव छि अमि बेमारि हुंघ केम्य यानि जरासीम अँडिजन तु मुस्लस प्यठ ति असर अन्दाज़ सपुदान ।

येलि टी बी सुत्य शुशनोर आवलनु छु यिवान, तमि विज़ि छु चासि सुत्य ल्योदुर बलगम तु थोकि सुत्य खून ति जॉरी सपुदान । अँन्दरमन हुंद टी बी आसनु सुत्य छु बेमारस मंज़ गैस जमह सपुदान, बदहज़मी रोज़ान, यँड पवोख ख़सान, पेशाबस सुत्य खून जॉरी सपुदान ।

टी बी छे लागदार बेमॉर्य । यि छे अँकिस बेमारस प्यठ दोयिम्यन बेमारन अख अँकिस सुत्य वोथु बेठ करनु सुत्य, थोकि सुत्य, अख अँकिस सुंदि ख्यनु च्यनु सुत्य, शराब नोशी सुत्य लारान तु तरान । तदोरुक:- टी बी वॉलिस ग्वडुन्यथुय (बी-सी-इन्जेक्शन) लगावुन ज़रूरी । अमि पतु अम्युक दवा थकु बगॉर ख्योन ज़रूरी ।

टी बी छु कमज़ोरन ज़्याद हमलु करान, लिहाज़ा छु अँमिकिस बेमारस ताकती ख्वराक थँन्य, ठूल, द्वद, म्यवु ब्येतुरि ख्यावुन ज़रूरी ।

देसी यलाजस छु बेमारस अँकिस द्वद, हिलासस मंज़ पाँच दराज़ ग्रकुनॉविथ थँन्य मिलाँविथ चावान युथ तँमिस बेमारि हुंद मुकाबलु करनु बापथ ताकत ति हॉसिल सपदि । न्यामि छु तकरीबन प्रथ बेमारस फॉयदु वातुनावान । अँकिस न्येमिस रस कँडिथ तुलसी पन वँथर स्फेद ज़्युर तु नून रछा मिलाँविथ दोहस दोयि त्रेयि लटि चावुन छु तफ

वसनस मंज मदद करान ।

टी बी वॉलिस पजि चून्ठ, दछ, नारजील, खजुर, केलु, मुनक, गाजर, जरूरी बतेरि दवा ख्योन । सबजियन मंज छि जेछि अलु, फूल गोपी, कॅच गंडु, रूहन, टमाटर, मकायि, च्यूट माछ ख्योन फायिदुमंद रोजान ।



कल दोद - माथग्रेन

कलु दोद छु डेकस, कलुकिस पॅतिमिस हिस्स या सॉर्यसुय कलस मुखतलिफ वजूहातव किन्य सपदान । कुनि विजि छि कलु दादि सुत्य द्रोख ति यिवान । कलु दोद आसनस छि मुखतलिफ वजूहात, मसलन, नेन्द्र कम यिन्य, तनाव, टेनशन, परेशॉनी, फिकिर, ज़्यादु सोंचुन, कब्ज वगॉरह ।

अँछन ज़्यादु ज़ोर वातनु किन्य, ज़्यादु तेज गाश या ज़्यादु कम गाश मंज-अँछन कॉम हेयन्य ।

कनस, नस्ति, हॅटिस, दन्दु दग, आसनु किन्य ज़्यादु गर्मी मंज कलस ताव वातनु किन्य । ज़्यादु शरारत करनु किन्य, ज़्यादु शोर आसनु किन्य, देमागस प्यठ ज़्यादु ज़ोर त्रावनु किन्य, कांह जॉनी या मॉली न्वकसान सपदनु किन्य ।

यलाज:- ग्वडुन्यथुय छु गरेलू यलाज । सु गव कलस अँन्ध अँन्ध चीरु अख दँज्य गंडिथ थावन्य । कुनि खलवख जायि सोंचनु बगॉर

नेन्द्र त्रावन्य । कलस गीळ क्रीडारि सपदान अतिशय वाचन ।
 शोंठ पौडर चोर चमचि आख गर्म गर्म ।

डेकस गर्म गर्म लीगिय शायन मुख नु दिव दिव ।
 फर्क सपदान । आफताव मुखनु ब्रीद गर्म दू नु दिव मुख मुख ।
 अख गिलास दछु रस आफताव मुखनु ब्रीद मुख मुख ।

डोड चमचि नून तु अख चमचि मिलनीय मुख मुख ।
 त्रेयि चोरि लटि गौर तु माछ मुख मुख ।
 देसी ग्यव मंज कालु नं पौडर तकराव मुख मुख ।
 सुत्य ।

तुलसी वेंथुरन हुंज चाव ज्यन नून ।
 बादाम गोजि, कलनी शैरु, कालु नं कालु, कालु नं ।
 ज्युर सुख सफेद कुनि साफ कॅनि ज्यठ मुख मुख तोत तोत इत्य इत्य ।
 थावनु सुत्य छु कलु दौदिस आरान सपदान ।



बुल्ड प्रेशर

येलि खून पकुनावन वाजेन्य रगन या नॉरन अँन्दुरिम जाय तंग छे सपदान, खून छु तीजी सान ब्रोंह पकान तु अम्युक प्रेशर छु बडान। अथ हालच मंज छे दिलुच दुबराँय तेज गछान तु ब्वकुवच्यन प्यठ छु ज़ोर प्यवान।

कुनि सातु छे कलुचे रगु ति फटान तु कलस अन्दर खून बन्द गछान। येमि पासच रग फटि सु पास छु बेकार गछान, हिलुन, डिलुन तु कॉम कार करुन बन्द करान। तिव्याज़ि तथ पासस प्यठ छुन देमागस कन्ट्रोल रोज़ान। कॉशरि ज़बॉन्य मंज छि अथ लँकुवु यावज गछुन वनान।

कुनि सातु छु बुल्ड प्रेशर आसनु सुत्य दिलुक दोरु ति प्यवान। दिल कॉम करुन बन्द करान तु इन्सान छु मँरिथ ति गछान। बुल्ड प्रेशरुक बायिस छु ज़्यादु व्योठ आसुन यानि जिस्मस अन्दर ज़्यादु चर्बी, ज़्यादु शराब नोशी, ज़्यादु सिगरेट नोशी या कांह ति नशि करन वाल्यन छु बुल्ड प्रेशरुक चानिस ज़्यादु।

यलाज:-

१. तुलसी वँथुरन हुंज चाय दोहस दोयि त्रेयि लटि च्यनु सुत्य।
२. बुल्ड प्रेशर बेमारस गँछि यँड साफ रोज़न्य, कब्ज गछि न रोज़ुन।
३. ताज़ु ऑमलु रस, सत्यसम्बगुल त्रुफला चूरन न्येम्य त्रेश, ज़ेयछन अलन हुंद रस, हेन्दुव्यन्दु, चून्ठय रस, पपीता गुड,

लॉर, टमाटर, बतोरि सलाद, सिविथ ऑलू, जामुत द्वद
मिलुनॉविथ, पुदनु चून्ठ छु फॉयिदुमंद रोज़ान। बुल्ड प्रेशर
वॉलिस छु नून बिल्कुल कम ख्योन ज़रूरी।

म्वटन इन्सानन, शुगर बेमारन किहो बुल्डप्रेशर वॉलिस छु
दवा खोत ज़्यादु सुबहस सॉर यानि मारनिंग वाकस गछुन ज़रूरी। ज़
चोर मील सुबहस सुलि या शामस सर सब्ज बागन मंज कुल्यन
कट्यन पोशि बागन, म्यव कुल्यन अँन्दय पॉख्य अख ज़ गंटु गछुन
ज़रूरी गुज़ारुन्य। याद थॉविव युस सब्जारु असि अँन्ध पॅक्य छु, छु
आक्सीजनुक आगुर, युस ज़िन्दुगी हुंद अख अँहम जुज छु। लिहाज़ा
पज़ि सॉलस गछुन ज़रूरी। ननुवोरुय सब्ज गासु प्यठुय पकनु सुत्य छु
अँछन हुंद गाश हुरान, तवॉनाई हॉसिल सपदान।

अशगंड, शाख गिलोई, सर्प गन्ड, अर्जन छाल तु पनुरवा,
हमवज़न पाँछ पाँछ ग्राम शरबत बनॉविथ दोहस दोयि लटि च्यनु सुत्य
छु हाई बुल्ड प्रेशर ठीक सपदान। हेन्दुव्यन्द, लीची, शाहतूत शरबत
बनॉविथ इस्तेमाल करनु सुत्य छे दिलुच कमज़ूरी दूर सपदान ख्वस
हाई बुल्ड प्रेशरुच मेहरबॉनी छे।



दग : पूर जिस्मच दग या कुनि ति तानुच दग, अँडिजि दग या कमर दोद

दग ह्यकि कुनि ति तानस आँसिथ । यथ ति तानस दग आसि सु छु तकुरीबन बेकार सपुदान । कॉम करनस मंज़ कोतहयि करान तु पतु छु बेयन बेयन तानन ति पानस सुत्य मुताँसिर करान । कमरस आसि दग, जंग ति छे मुलवस गछान । दग दूर करनु खॉतरु यिम दवा अँस्य इसतिमाल करान छि तिम सॉरी छि तँकरीबन तँकरीबन न्वकसान वातुनावान ।

ग्वडुन्यथुय छि दगि हुंघ वजूहात दँरियापत करुन्य । दग ह्यकि ल्वकुटिस बचस किहो वाँसि आमुतिस बँडिस ति आँसिथ । यि ह्यकि कुनि ति अँकिस तानस या सॉरिनुय तानन ति आँसिथ । न्येबँर्य किन्य ह्यकि अँडिजन ति आँसिथ या माज़स ति आँसिथ, जवानस, बचस, बँडिस, मर्दस, ज़नानि ति आँसिथ । यि कँमि वजह किन्य छे ति ज़ानुनच कूशिश छे करुन्य ।

यलाज:- गर्म सेकि टकोरु, गर्म आबु टकोरु । यथ तानस दग आसि तथ तानस टकोरु करुन्य । तथ जायि गर्म तीलचु मॉलिश करुन्य । गर्म आबु बोतल थावनु सुत्य छे दगि मंज़ आराम सपदान ।

कॉशिरिस फल तीलस मंज़ रोहन कुज ग्रकुनॉविथ तकुरीबन ज़ॉलिथ गँछि अँमि तीलु सुत्य गर्म गर्म मॉलिश दगि हुंज़ि जायि करुन्य । कुनुकु आटिज च्वोट अँकि पासु तावि प्यठ तँच करुन्य दोयिमि पासु कँच थँविथ दगि हुंज़ि जायि कँचि पासु दँज या पलव गॉडिथ थावन्य ।

कमरस, अथन, ख्वरन, जंगन, नरेन, येतिनस ति दग आसि
चनु आटु आबस मंज चुशनाविथ गछि मौलिश करुन्य या मँथित
थावुन ।

बुडु ओलु या सब्ज ओलु तीलस मंज तँलिथ गछि तमि तीलु
सुत्य मौलिश करुन्य । दूद मिलुनाविथ ल्यदुर लेप गछि दगि हुंजि
जायि लॉगिथ थावुन्य । जु गिलासु गर्म आबस मंज गछि जु चमचि
स्फेद ज्युर ग्रकुनावुन तु तँमिक्क्य तँत्य तँत्य टकोरु दिन्य । यहोय
ग्रकुनोवमुत ज्युर गछि आबु मंज फ्योरिथ दगि हुंजि जायि वारु लॉगिथ
थावुन । दग अगर कुनि जायि अँडिजन ज़ोर वातनु किन्य या खून बंद
गछनु किन्य अंदरिम्यन या न्येबुरिम्यन तानन ज़ोर वातनु किन्य या दब
लगनुच जायि खून बंद गछनु किन्य (नीजर पेनि किन्य) तथ जायि
गछन दँगिथ कँच ओलवु गँडिथ थावुन्य ।

अगर कुनि जायि ज़ख्म आसि नु दग आसि तथ जायि गछि
केलु म्वोंड (यथ लटिस सुत्य केलु कुलिस केल छे आसान अलव्वन्ध
तँमिकुय रस लगावुन सुत्य छु खून नेरून बंद सपदान)

दगि हुंजि जायि शीनु आबचि दँजि दिनु सुत्य छे दग कम
गछान ।



वर्म

कुनि ति तानस फवख खसुन गव वर्म । वर्म यथ जायि आसि,
 सु दबावुन सुत्य छु तथ जायि दोब ह्युव गछान । वर्म आसनुक युस ति
 वजह आसि, अथ दौरान छु मॉल कम गछान, त्रेश ज़्यादु लगान । मँज्य
 कुनि कुनि सातु तफ ति खसान, कामि कारस छुन दिल लगान । इन्सान
 छु आलुछ्य बनान, वर्म छुन बज़ाति ख्वद कांह बॅल्कि छु यि बेयि
 दादिच चेनुन्य दिवान । अगर दिलुक दोद आसि ग्वडुन्यथुय छु यॅड,
 अथन, ख्वरन वर्म खसान । ब्वकुवच्यन अगर दोद आसि बुथिस छु
 वर्म खसान । ब्वकुवच्यन दोद आसनु किन्य छु अँछन, नेरन, जंगन,
 किहो ख्वरन वर्म खसान । वर्मक्य वजह किन्य छु यि ज़ानुन ज़रूरी ।
 वॅरम वॉलिस गछि नु कब्ज आसुन बॅल्कि गोछुस म्याँदु नर्म आसुन ।
 अँमि खॉतरु अगर जुलाबु दिनुक ज़रूरत ति पेयि, कोतॉही गछि नु
 करुन्य । यथ जायि वर्म आसि तथ जायि अँन्ध पॅक्य छु आसान आब
 जमह गोमुत ।

यलाज:-

केलु ख्योन छु बेमारस फॉयिदु वातुनावान ।

गर्म आबु श्रान करुन ।

गर्म द्वादु गिलासस मंज गछि अख चमचि ल्येदर मिलनॉविथ
 च्योन, गर्म आबुक्य टकोरु गछन पाँचन मिनटन तु तॅमि पतु अँकिस
 मिन्टस सर्द आब दजि ।

हेन्दुव्यंद ब्योल, खँज़र, गाज़र, कुनुक आबस मंज ग्रकुनॉविथ

वर्मच जायि लागनु सुत्य छु वर्म वसान, मरचुवांगन तील १०० ग्राम
मर्चुवांगन २०० ग्राम तीलस मंज ग्रकुनॉविथ पतु छॉनिथ गछि अमि
तीलच मॉलिश वर्म जायि करुन्य।

वशक आव:-

१०० ग्राम वशक ५०० ग्राम आबस मंज ग्रकुनॉविथ पतु
ठंड कॅरिथ च्यनु सुत्य छु वर्म वसान।



गाँवुट

सान्यन जोडन मंज यूरिक ऐसिड जमह सपदन किन्य छु वर्म
खसान तु दग करान। युस बेमारस बरदाश न्येबर छु सपदान। बेमार
छुन फेरनस थोरनस लायख रोजान। ख्वरन, खवर न्येठन तु ग्वडन छु
वर्म किहो दग आसनु किन्य जोड हॅल्य तु कॅल्य तु बेमारस छे अथु
किहो ख्वरुच्यन ओंगज्यन दग आसान। नासाफ दन्द फिकिर तु परेशानी,
खोफ तु वॅहम, ज़्यादु सर्द चीज़न हुंद इसतिमाल। रातस हुशार रोजुन
या चे़र ताम दुशार रोजुन गोया नेन्द्र हुंज कमी, ल्वकुट पिशाब या बोड
पिशाब रूकॉविथ थावुन, ज़ख्म लगुन या ज़्यादु खून नेरून ज़्यादु
जिस्मॉनी मेहनत, ज़्यादु व्योठ आसुन छि अमिक्य अलामॅच।

यलाज:-

गावुट वॉलिस बेमारस गछिनु कब्ज रोजुन। अमि खॉतर पज़ि
अॅमिस मुकरर कॅर्यमितिस वख्तस प्यठ लैट्रिन गछुन तु मॉदान नेरनुच

कूशिश करुन्य । ज़्यादु ज़ोर लगावुन किन्य सपुदि बवासीरी, लिहाज़ा अगर ज़्यादु कब्ज़ आसि, तील अख चमचि द्वदस सुत्य या आबस सुत्य शोंगनु विज़ि इसतिमाल करुन ।

तील कम, थॅन्य, ग्यव, तॅल्यमित्यन चीज़न हुंद इसतिमाल तर्क । ठूल, माज़ तेज़ मसालु, मर्चवांगन, आँचार, च्वक्यरुच मनाँही छि गॉवुट बलुरावनस मंज़ मदद करान । नीम रस मोसमु मुताँबिक सर्द या गर्म आबस सुत्य बगॉर खंड या नून दोहस कम खोतु कम दोयि लटि इसतिमाल करुन ।

अर्क जावेन्द या जवेन्द तीलस मंज़ त्रॉविथ तॅमिच मॉलिश करुन्य । अजव्यन पौडर बनाँविथ खॉली म्याँदस सुबहन गर्म आबस सुत्य फ्यख ख्यनु सुत्य छु फॉयिदु वातान ।

ज़ामुत द्वद गछि तर्क करुन । दगि हुंज़ि जायि गछुन दॅगिथ ऑलू लागन्य ।

कब्ज़ न रोज़ुनु खॉतरु गछुन आदात तॅमि किस्मुक्य बनावुन्य, यथ ज़न मॉल फेरनस मंज़ कांह मुशकिल सपुदि नु । सलाद, मुजि, गाज़र, न्यम, लॉर, टमाटर, चोकन्दर, गंडु, करेलु, ग्वगजि, अलु हाख गछि सब्ज़ियन मंज़ इसतिमाल करुन तु फलन मंज़ गछुन चूँठ्य, पपीता, अमरूद, खरबुज़ इसतिमाल करुन ।



होट तु अथ सुत्य वाबस्त दौद्य

होट छु सॉनिस न्येबुरिमिस दुनियाहस तु अन्दरिमिस सँदरस कनालुच काम दिवान। हँटिक्यन दाद्यन मंज छु होट लगुन, होट होखुन, हँटिस खराश, हँट्य ग्वलुर, टाँसल, हँट्य विसुर।

सर्दी जुकाम, चास तु ज़्यादा कथ करनु सुत्य या ज़ोरु क्रकु दिनु सुत्य छे सॉन्य आवाज़ बेगुर गछान तु कथ गछि खोखुर या बन्द सपदान। ग़ोख नेंगुलावुन छु मुशकिल सपदान। अथ छि वनान होट लगुन।

सॉनिस हँटिस मंज छि जु टान्सल द्वन चूकीदारन हुंज कॉम करान। कुनि सातु छु यिमन इन्फ्यकशन सपदान। येमिकिन्य ख्यन च्यन हँटि ब्वन वालनस मुशकिल सपदान छु। हँटिस अगर ज़ख्मु आसन तिम बलुरावन्य छि मुशकिल तु छु कैन्सर बनान।

कॉशुर यलाज छु टान्सल खातुर यिम:-

१. नून आबुक्य गरु गरु दोहस त्रेयि चोरि लटि।
२. नून आबस मंज नीम रस मिलनॉविथ गरु गरु।
३. ५ ग्राम मुजि ब्योल गर्म आबस सुत्य प्यकि ख्यनु सुत्य।
४. शेंगुर अख टुकरु ऑसस मंज चाफ दिनु सुत्य।
५. तँविथ मर्च तु नाबद यिकुवटु ऑस्स मंज गोलुनॉविथ।
६. शाह तुल शरबत छु हँटिस खराश तु ख्वशकी दूर करान।
७. होट अगर ख्वशुक ऑसि अख खँजुर ऑन्ट गछि ऑस्स मंज गोलुनावन्य।

८. ऑलू बुखार दोयि चोरि लटि ऑस्स मंज गोलुनॉविथ छे हॅटिच ख्वशकी दूर सपुदान। होछ्य दानिवल चॉपिथ तम्युक रस च्यनु सूत्य।

गूज्य द्वदस मंज पॉकुनॉविथ हॅटिस न्येबुर्य किन्य गॅडिथ थावुन सूत्य तु काँबय ब्योल आबस मंज ग्रकुनॉविथ शोंगनु विज़ि हॅटिस गॅडिथ थावुन सूत्य। अमिकि आबु सूत्य हॅटिस मॉलिश करनु सूत्य छि हॅटिक्य दौद्य ठीक सपुदान।

परहेज़:- हॅट्य दौदिस मंज गछि न शिशुर या शीनु आब इसतिमाल करुन या सर्द कांह ति चीज़ इसतिमाल करुन।



ज़्यव, ज़्यव ब्रेकुनु यिन्य, ज़्यव फटुन्य, ऑसुच बस्तु आसुच बदबोय

पान ख्यनु सूत्य या बेयि कुनि वजह किन्य अगर ज़्यव फॅटमुन्न आसि, होख नारजील खंड मिलुनॉविथ ख्यनु सूत्य छि ज़्यवि बॅस्तु तु ज़्यवि हुंघ ज़ख्म ठीक सपुदान।

अगर ज़्यव ब्रेकुनु आसि आमुन्न, दग ठीक करननु खॉतर, गछन अख जु रोंग ज़्यवि प्यठ गोलुनावुन्य।

ज़्यवि प्यठ जमह गोमुत माछुर तु मल चलुरावनु खॉतर गछन नून मिलुनॉविथ टमाटर ख्यन।

ऑसुच बदबोय ठीक करनु खॉतर गछि दानिवल पौडर सुबहन

शामन अख अख ल्वोकुट चमचु आबस सुत्य ख्यन्य । दानिवल आबस
मंज ग्रकुनॉविथ तु यि आब नीमठन्ड कॅरिथ गरु गरु करनु सुत्य छे
ऑसुच बदबू दूर सपदान ।

तुलसी कुल्युक पन या स्फेद ज्युर चापनु सुत्य नीम आबुक्य
गरु गरु करनु सुत्य ।

पालकि रस छि दन्द मज्जबूत करान तु ऑसुच बदबू ठीक
करान ।

सब्जु ऑलु मुनकु या शेंगरु चॉपिथ इसतिमाल करनु सुत्य ति
छे ऑसुच बदबोय ठीक सपदान ।

ऑसुच बदबू छे कब्ज तु दंदन या माज्जबेरन हुंघ नासाफ
आसन किन्य सपदान ।

ज्यवि अगर बस्तु आसन जु केलु ज़ामतिस द्वदस मंज मिलुनॉविथ
ख्यनु सुत्य ।

शाहतुल म्वरबु आबस मंज जु चमच त्रॉविथ, तमिक्य गरु गरु
करनु सुत्य ।



दन्द, दन्दु दोद, दन्द नीरिथ चलुन दन्दन खून नेरुन

क्वदुरतन छे सानि प्रथ कुनि वुस्तखानुच कामि मुक्करर करिमुच ।
दन्दु छि ठोस ख्यन अडुब्रेक कॅरिथ या चॉपिथ सॉनिस म्याँदस सोज़ान ।
ऑज़िक्य इन्सानन छु नर्म गिज़ा ख्यन शोरू कोरमुत, येमिकिन्य दंदन
ज़्यादु मेहनत छेनु प्यवान करुन्य । बिस्कुट, टॉफी, चाकलेट, मैगी,
आइसक्रीम वगॉरु ख्यनस मंज़ छेनु दन्दन मेहनतुय प्यवान करुन्य ।
दन्दन हुंज़ कमज़ूरी हुंद वजह छु यिहोय । स्व कॉम येमि कामि खॉतर
कांह तान मुकरर करनु छु आमुत, स्व काम करनुक आदत येलि न
तस रोज़िय सु छु गछान कमज़ोर, कुनि सातु बेकार ति, लोकट्यन
बचन दन्द खराब आसनुक वजह छु माजि हुंज़ि यॅड मंज़ आसनस
दोरान कैल्शायम कम गछुन । कैल्शायम छु ज़्यादु द्वदस मंज़ आसान,
लेकिन माजि क्यो बचन छु अज़कल द्वद च्यनुक आदत खरान । तिमन
अगर ऑकि पासु द्वद बोतल थावव बेयि पासु कोका कोला बोतल,
तिम दिन कोका कोलसुय थफ । दन्द दौद वॉलिस छु ख्योन च्योन
मुशकिल सपदान तु तमिस छे ब्वछि कम लगान । कब्ज़ी तु बदहज़मी
ति छे अख वजह । खंडु मिटॉय तु खंड सुत्य बनेमुत्य चीज़ छि दन्द
दादिक्य बुनियॉदी वजह तु दन्दन क्योम लगनुक बायिस बनान । ज़्यादु
गर्म या ज़्यादु सर्द ख्यन छु दन्दन न्वकसान वातुनावान । दन्द छु सु
न्यामत, युस सॉनिस जिस्मस मंज़ प्रथ तथ चीज़स हमलु छु करान,
युस ऑमिस मुवॉफिक आसि नु । दन्द छु सु न्यामत येमिच कॅदुर असि

अँमि निशु मुबरा सपुदनु पतय फिक्री छु तरान ।

हेदायत:-

कांह ति गिज़ा ख्यनु पतु गछन दन्द साफ करुन्य ।

दन्द ख्रोपन मंज़ गछि नु कुनि ति किस्मुक ख्यन जमह रोजुन

लोकुट्यन बचन गछि खंड ख्यनुक आदत मँशरावुन ।

माजि हुंदि द्वद बगौर युस ति द्वद बचस दिमव तथ गछि खंड
मिलनावुन ।

न्येम्य आबुक्य गरु गरु करनु सुत्य छु दन्द दौदिस आराम
यिवान ।

नीम रस तु नून यिकुवट मिलनौविथ गछि बतौर मंजन इसतिमाल
करुन ।

दन्द दोद ठीक करनु खौतरु छि वारयाह गरेलू न्वस्खु येथ मंज़
कँह यिथु पौठ्य छि:-

१. बर्ग तेज पौडर बतौर मंजन इसतिमाल करुन ।
२. ल्येदुर पौडर तु फटकर लाय गछि बतौर मंजन इसतिमाल
करुन ।
३. माज़बेरन बुरशु सुत्य तछान रोजुन सुत्य छे माज़बेरनु गलान
तु दन्द डेल्य गछान ।
४. माज़बेरन गछि नीम द्यलु सुत्य वारु वारु मॉलिश करुन्य ।
५. कौशिरिस तीलस मंज़ ल्येदर मिलनौविथ गछि माज़बेरन मॉलिश
करुन्य ।
६. यथ दन्दस दग आसि तथ दन्दस प्यठ गछि अँकिस मकायि

फवलिस सुम्ब फटकर टुकरु थावुन । सु कडि तमि जायि हुंद
गंदु आब या पाख चुह्थि न्येबर । म्वादु नेरि न्येबर तु दग गछि
कम ।

७. जाफुर्य पोशि कुल्युक पन जु चोर वॅथर चापन सुत्य दानि
वल, कालु मॅरच हमवज़न पौडर बनाँविथ गछि मंजन तैयार
करुन । अमि सुत्य नेरि दन्द किहो माज़बेरव मंजु गदु म्वाद
किहो पाख तु दन्द गछन साफ । लोक्कुट्यन बचन युस दन्द
नेरनस दौरान तकलीफ छु सपुदान सु गछि बचन माज़बेरन
माछ मथनु सुत्य ठीक ।

दौन शरबत (शरबत अनार) चावनु सुत्य ठीक । माज़व फल
पौडर बनाँविथ माज़बेरन तु दन्दन मॉलिश करनु सुत्य ठीक ।
टमाटर रस जु त्रे चमच दन्दन किहो माज़बेरन मथनु सुत्य गछि
दन्दव मंज खून नेरुन बंद ।

माज़बेरन अगर दोद या दग आसि दगि हुंज़ि जायि गछि रोहनु
कुज या गंडु लॉगिथ थावुन ।

अगर दन्द ड्योल आसि, अलान तेलि तीलस मंज कालु नून
मिलुनाँविथ गछि दन्दन मंजन करुन ।

कीकर किल्युक दातुनस गछि दन्दु क्रीम करनु बजाय इस्तेमाल
करुन ।

दन्द टकुन्य :-

दन्द टकुन्य छु अकसर बचन मंज वुछनु यिवान । अँमि खाँतरु
गछि अजुवेन पौडर जु चोर चमच फ्येकि ख्यन दन्द टकुन गछि बन्द ।

अँमि अलाव छि वारियाह गरेलू नुस्खु यिम दन्दन मुतलक
ज्ञानकॉरी छि दिवान। म्बुदर दानुक द्यल आबस मंज ग्रकुनॉविथ गुरु
गुरु।

अजव्येन ख्वरॉसॅनी, बाबरिंग, ऑमर करु हमौजी पौडर बनॉविथ
इसतिमाल करनु सुत्य छु दन्द कुनि दादि वरॉय साथ दिवान। पाकल
रस छु दन्द मजबूत तु आसुच बदबोय ठीक करान।



कनुक्य दॉद्य : कनव मंजु पस नेरुन, कनव नॅ बोजुन

कनुक्य दॉद्य छि मुखतलिफ वजूहातव किन्य सपुदान यिमन
मंज कनन अन्दर आब गछुन, कनन मंज कांह क्योम अचुनु किन्य,
कनुक्यन परदन छेड छाड करनु किन्य, कनन कुनि तेजदार सामनु या
तुजव सुत्य खलनु करनु किन्य, कनन मंज फेफर या ज़खुम आसनु
किन्य, कनुक्य परदु फटनु किन्य, कनन मंज मल जमह गछुनु किन्य,
ह्वहुक्य दबावु किन्य, बरदाशत न्येबर शोर आसनु किन्य, वगॉरु।
यिमव मंज युस ति वजह आसि सु ज़ानुन छु ज़रूरी।

यलाज:-

१. कनुच दग:- अदुरक रस छॉनिथ जु त्रे फ्येर कनस मंज त्रावनु
सुत्य छे दग कम गछान।

२. कॉशिरि तीलच मॉलिश (तिलु गोगलु तील) जु त्रे फ्येर कनस

अन्दर त्रावनु सुत्य ।

३. गर्म आबस मंज़ बर्ग नीम ग्रुकनॉविथ, तमिक्य बाह कनस दिनु सुत्य छु कनुक मल नेरान ।

४. सब्ज़ तुलसी आबस मंज़ ग्रुकनॉविथ, अमिक्य त्रै चोर प्येर नीम गर्म कनस अन्दर त्रावनु सुत्य छे कनव मंज़ नेरन वोल् पस यानि पाख बन्द गछान । नेम्य त्रैश ति छे कनव मंज़ नेरन वोल् पस बन्द करान । पाँछ ग्राम तील, अख रूहन कुज तलिथ तु अमि पतु १० ग्राम सिन्दूर मिलुनॉविथ गछि अँकिस बोतलि मंज़ फिरन । वख्तु ज़रूरत कनन मंज़ ज़ु त्रै प्येरय त्रावनु सुत्य छु कनव मंज़ नेरन वोल् म्वादु बन्द सपदान ।

कनुक पर्द फटनु सुत्य छु न्येबरिम इन्फेकशन देमागस ताम स्येदि स्योद वातान, येमिकिन्य सॉरीसुय रेकु अँडिंजिह किहो कलस मंज़ पस छु फँहलान । येमिकिन्य गर्दन छे अकुडान । बेमार छु कोमाहस मंज़ गछान तु फोरी यलाज न वातुन किन्य मँरिथ गछान । अथ दौदिस छु कॉशुर नाव कलु सरसान, यिथिस बेमार सुंद बचुन छु स्यठा मुशकिल ।



वुठ फटन्य

वुठ येमि ति वजॅह किन्य फटन, यिम छि इन्सान सुंज़ नुन्दबॉनी
शलकि बेशकल करान । ज़न छि कुनि र्वपु सुंज़ मूरती होखमुत पोश
पूजायि लॉगिथ कॉशुर तील (सरसों) या म्वंगुफॅल्य तील या देसी
ग्यव गछि खोवरिस अथस प्यठ रॅटिथ दॅछिनि अथुच ओगिजि सुत्य
अख वुठन तु बेयि नाफि हुंज़ि जायि मथुन्य तु मॉलिश करुन्य ।

पाँछ पाँछ बादाम गोजि गछन केंचन दोहन सुबहन शामन
खेन्य । गिलसुरीन मथनु सुत्य ति छु वुठ फटन्य बन्द गछान । सब्ज
ऑलु पिशिथ थनि सुत्य मिलुनॉविथ वुठन मथनु सुत्य, बेयि गुलाब
पोश तु मलाय अँकिस बानस मंज़ यिकुवटु मिलुनॉविथ तु रगडॉविथ
पतु वुठन मथनु सुत्य छि वुठ गुलाब रंग रटान ।



मिर्गी

मिर्गी हुंद तौलिक छु देमागस सुत्य वाबस्तु ! येमिस बेमारस मिर्गी आसि, तँमिस छु अचानक दोरु प्यवान तु सु छु बेहोश गछान । अथु ख्वर छिस अकुडान तु सौरिसुय पानस छस थरु थरु अचान । यि येतिनस ति आसि सु छु पान छूटवान । आँस्स छुस पोस खसान । पनुनि पानुक छुसनु बिल्कुल होशिय रोजान ।

यि दोरु कँतिनस पेयि तु कमि विजि पेयि ति छुन मालूम । मगर यिम छि जु किस्म, अख गँयि माँमूली, ब्याख सख्तु । अम्युक दौरु छु ज्यादु थज़र प्यठ ब्वन नज़र त्रावनु सुत्य या कुनि तेज़ बहाव वॉलिस दरियावस प्यठ नज़र त्रावनु सुत्य प्यवान । कुनि सातु छु दोरस दोरान ज्यव दन्दन मंज फसान, येमिकिन्य ज़बान रतुखल छै सपदान ।

मिर्गी हुंद दोरु हेकि पांचव मिन्टव प्यठु गंटुवादन ति आँसिथ । दोरस दोरान छु बेमारस पेशाब नीरिथ चँलिथ । यि दोरु येलि म्वकुलान छु, बेमारस छुन आसान ज़ीर करनुक ताकत तु न हैमत । अँमिस छु पान लिथुवनु छूटवनु सुत्य शकुल ति आसान तब्दील गॉमुच ।

मिर्गी दौरान गछि नु मरीज़स कुनि किस्मुक ख्यन या च्यन दियुन । मिर्गी लदस गछि नु सायकल, स्कूटर, या गॉड्य चलावनु दिन्य । मिर्गी अगर वारयाह कालस रोज़ि, बेमार छु बदमिज़ाज, कथि कथि प्यठ शरारतु करन वोले, प्रथ सातु लडॉय करनस तैयार, अँमिस सुत्य गछि न कुनि ति सातु बहस करुन ।

यलाज:-

मिर्गी दोरान गछि मरीज़स नस्ति तल रूहन या गंडु रस मुशुक
दियुन। ज़्येव गछ्यस नु दन्दन मंज बन्द आसुन्य। अगर आसि चमचि
सुत्य गछि अन्दर करुन्य।

अमि खॉतरु छु दन्द व्वोट थोद तुलुन्य तु द्दशकुय दन्द वेंदुय
खोलुन्य।

बेमर गछि लरि सावुन। पलव गछुनस डेल्य करुन्य।

बेल्ट मोज़ु या टाई अगर आस्यस तिम मुचरॉविथ गछि हस्पताल
वातुनावनुच कूशिश करुन्य। असुंघन गॅरिक्वन पज़ि अमिस बेमारस
सुंघ चंदन मंज मुकमल एडरस पर्चि थावुन।

बेमर गछि नु खलवक त्रावुन।

ठीक गछुन किस सूरतस मंज गछि अॅमिस प्रोटीन तु वियिटमन
वोल गिज़ा दिन्य। नून यूताह कम ख्ययि त्यूताह वात्यस फॉयिदु।

रूहन अख ज़ु फॅल्य गछन दोहस मंज ग्रकुनॉविथ मरीज़स
चावुन्य।

मॉज़ि पनुक (बरग हना) रस आसुर पौडर, कालु मर्च पौडर,
यिकुवट मिलनॉविथ गछि बेमारस ज़ु चोर फ्येर्य नस्ति अन्दर त्रावुन्य।

सब्ज़ तुलसी वेंथुर पिसिथ गछि बेमारस मॉलिश करुन्य।

१२ दानु ज़ाफल माल नॉल्यत्रावुनु सुत्य ति गछि फर्क।

दॉन कुल्युक सब्ज़ पन १०० ग्राम तु ६० ग्राम शकर, ६०
ग्राम दैसी ग्यव, सुब्हन शामन इसतिमाल करनु सुत्य छे मिर्गी ठीक
सपुदान।



मॉल न आसुन, ब्वछि नु लगुन्य

यिमन ब्वछि छि लगान, तिमन छु म्यादु ठीक कॉम करान।
 ब्वछि छु वाठ हॉज़िमस सुत्य। येलि ग्वडुन्यथ ख्योमुत ख्यन म्यादु
 मंज़ ब्रोंह पॅकि ब्वछि लॅंगि पानय। कहावथ छे बे मॉलस छे अँलु ति
 खरान, यानि येलि मॉल आसि नु कमु कमु न्यॉमुच आसितन ब्रोंह कनि
 खेनस छुन दिल मानान। ब्वछि न लगनस छि केंह खास वजूहात।
 अमि वरॉय ति यिमन मंज़ बेमार शखसस (कुनि ति कुस्मुक बेमार)
 छु मॉल रटान।

कब्ज़ आसुन, वरज़िश हुंज़ कमी या नु करुन्य, बेकॉरी, ज़्यादु
 सोंचनुच परेशॉनी, ज़्यादु सिगरेट नोशि, ज़्यादु शराब नोशी, वख्तस
 प्यठ मुहयसर नु सपुदुन या मनु मुताबिक ख्यन न मेलुन।

सॉनिस ख्यनस मंज़ यिम मसालुजात वरतावनुक सिलसिलु
 पतु प्यठुय चलान आमुत छु तिमन मंज़ छु मॉल फेरुनावनुच सलाहयत
 ति मौजूद। यिम मसालुजात छि बतोर अदवायात ति कॉम करान तु
 सानि ख्वराकुक्क्य मुखतलिफ तॉसीर सानि मिज़ाज़ु मुताबिक बनावान।
 अमि अलावु छे केंह चटपटी चीज़ ति यिम सोन मॉल फेरुनावनस मंज़
 मदद छि करान तु ख्यनस मंज़ गर्म सर्द बॉदी ब्येतुरि असर ज़ॉयिल छु
 करान। यिमन मंज़ छु आँचार, च्वक्यर, टेछर, मेछर वगॉरु।

यिथु पॉठ्य छु मॉल न आसनस या ब्वछि नु लगुन्य म्याँदस
 मंज़ सपुदन वॉलिस निज़ामस अलावु म्याँदस मंज़ पॉदु सपुदन वॉलिस
 गैसस या ख्यनस च्यनस मंज़ चिकनाई, चर्बी, ग्यव, तील आसुन ति

गैस पौंदु करान । होखी होखी ख्यनु सुत्य छि गैस बनान । यि कमी किथु पौंठ्य गछि दूर:-

यँड मंज बन्योमुत गैस खौरिज करुन छु ज़रूरी युथ जन मॉल फेरि तु ब्वछि लागि ।

अदुरक, अमरुद छु यँड मंज सपदन वोल् गैस खौरिज करनस मंज मदद करान । अदुरक ५ ग्राम न्युक न्युक कॅरिथ नून मर्चुवांगनस रछा मिलनॉविथ ख्वराक ख्यनु ब्रोंठ छि गैस खौरिज सपदान तु नोव गैस छुनु बनान तु मॉल छु फेरान तु ब्वछि छे लगान ।

बौदियान, अजव्येन, रोंग, मर्च, ल्येदुर, शोंठ मसालु छि बौदी ह्वा खौरिज करान । टमाटर छु ब्वछि बडुराबान । त्येमबर आब अख गिलास कालय तरस त्रॉविथ तु सुबहन म्वठ दिथ च्यनु सुत्य छु मॉल खुलान ।

ब्वछि कम लगनु खॉतरु नुस्ख:-

केंचन लुकन छेनु ख्यय ख्यय ति यड यिवान । जन छुख यँड मंज सौरुफ आसान । अँमि खॉतरु छु अख कप क्रहुन चनु त्रै गिलास आबस मंज ग्रकुनॉविथ, छॉनिथ, ठंड कॅरिथ च्यनु सुत्य लागि ब्वछि कम ।

नूनदार मुजि चीटिन्य या मुज, तँविथ सफेद ज़्युर बगरु, मेथि बगारु यंगु बगारु ज़्यीठ्य वांगन, पुदनु रस, नून मर्चु मिलनॉविथ अदुरक, रूहन गछन पनुनिस गज़ाहस मंज शॉमिल करुन्य ।



नस सेर

१. नस सेर यिनु वॉलिस गछन जु जु फ्येर नीम रस नकुवार्यन मंज त्रावन्य ।
२. मोदुर दछ रस नस्ति किन्य खालुन सुत्य छे नस सेर दस्ती बंद सपदान ।
३. आमलु:- ताजु या ख्वशुक आमलु आबस मंज अँकिस रातस वज्रनॉविथ सुलहय गछि अमि आँबु कलु छलुन, नस सेर गछि बन्द, युस आमलु आबस मंज वज्रवुन ओस थोवमुत सु गछि दँगिथ कलस प्यठ हलुवक्य पॉठ्य लॉगिथ थावुन । केंचस कालस कलस प्यठ थॉविथ कलु छलुन । नस सेर किहो कलुच गर्मी गछि दूर । कलस पेयि शोहलथ बेयि गछि मस मुलायिम
 • तु नीरिथ चलुन गछि बन्द ।
१. द्वदस मंज केलु तु खंड रछा मिलनॉविथ च्यनु सुत्य गछि दँहन दोहन मंज मुकमल फॉयिदु ।
२. दॉन रस, गंडु रस जु जु फ्येर्य नस्ति अन्दर त्रावनु सुत्य छे नस सेर बन्द गछान ।

ताजु दानिवल - ताजु दानिवल पँतरु कलस प्यठ ल्योब कँरिथ (यानि आबस मंज पिसिथ तु पेस्ट बनॉविथ) थावनु सुत्य छु गर्मी किन्य सपदन वाज्यन नस सेर बन्द सपदान ।

शीनु आबु या सर्द आबु दँजि कलस दिनु सुत्य छे नस सेर बन्द हछान । दीसी ग्यव चोर चोर फ्येर्य नस्ति मंज त्रावनु सुत्य ति छे नस सेर यिन्य बन्द सपदान ।

यँड दोद, बदहज़मी तु पीचिश

यँड दोद आसनुक्य छि वारयाह वजूहात । आम यँड दोद छु
ख्यन हज़म नु गछनु किन्य सपुदान तु कुनि सातु छु ख्यन पूर नु वातनु
किन्य सपुदान । यँड दादि सुत्य छि मंज़ यँड पेछ यिवान, मंज़ु यँड दग
करान, मंज़ु यँड फवख खसान, द्रवख बासान, मंज़ु छि द्रवख यीचाह
यिवान ज़ि इन्सान छु परेशान गछान । सु छु सोंचान ज़ि मे नय ख्यवुय
नु यूत वापस कपौर्य द्रव यूत । मंज़ छु द्रोकि सुत्य खून ति यिवान ।
युस अकुरसर ज़ोर वातानु किन्य कुनि खून अनन वाज्येन या निनु
वाज्येनय नारि हुंदि छेननु किन्य यिवान । दँहि पंदहायि लँटि न्येबर
नेरनु किन्य छु माँदान जायि ततुर व्वथान तु अथु लागुन ति मुशकिल
सपुदान, बेमारस छे ह्यमत म्वकुलान तु तफ खसान । कुनि सातु यँड
दोद त्यूताह ज़बरदस्त आसान । युस वख्तस प्यठ पर अन्दरमुच चेनुवन
छि दिवान ।

यँड दोद छु अक्सर नासफ ख्यनस यानि युस ख्यन साफ तु
पाक जायि, साफ तु पाक अथव सुत्य, साफ तु पाक बानन मंज़ तैयार
आसनु किन्य करनु आमुत । महेव या मँछव आलूद आसि कोरमुत ।
युथ ख्यन कोताह लँज़ीज़ या द्रोग ऑस्यतन, यि छु न्वकसान वातुनावान ।
अथ प्यठ फॉल्योमुत इन्फ्यकशन छु सान्यन अँन्दरमन किहो म्याँदस
म्वलुत करान तु अँस्य छि बेमार सपुदान । कान्बय, कब्ज़, फवकु
डाकुर, च्वकु डाकर, एस डी टी वग़ौरु छि अमिक्य देन । हमेशि गछि
साफ जायि, साफ बानन मंज़, साफ अथव सुत्य नोश फरमावुन ।

अन्दाजु छु जि कम ख्यनु वाल्यन हुंद मरनुक तेदाद छु ज्यादु ख्यन
ख्यनु वाल्यव खोतु कम। यानि कम ख्यनु वॉल्य छि कम मरान तु
ज्यादु ख्यनु वॉल्य छि ज्यादु मरान।

सॉनिस जिस्मस मंज छु तकरीबन ८० फीसदी आब तु अगर
कुनि वजह यि आब कम गछि चाहे स्व द्रोख यिनु किन्य सपदि या दस्तु
आसनु किन्य, या कांह ति वजह आसि, बेमारस छु आब अन्दर वातुनावुन
जरूरी। चाहे सु ऑसु किन्य वातिन या गुलकोज इपि लॉगिथ वात्यस
योतान बेमार होशन मंज छु अँमिस गछि ग्रकुनॉविमुतिस आबस मंज
सर्द कॅरिथ नून तु मोदुरेर मिलनॉविथ चावुन। बेमार सुंदिस जिस्मस
मंज आबच कमी छा किनु नु, यि छु बेमार सुंदि अथु किस पतिमिस
हिस्स चुमठ ह्यथ मुस्लु ह्योर खसान पतु छु यि मुस्लु वापस वसान।
अगर आबुच कमी आसि तेलि वॅसि यि मुस्लु वारु वारु नतु छु यि
यकदम सुती वापस वसान।

लोकुट्यन बचन दस्तु, द्रोख या पीचिश यानि यॅड दोद आसुन
छु खतरनाक। अथ पूजिशनि मंज छु बचि सुंद दयान थावुन जरूरी तु
केंचन कथन कुन गछि फौरी तवजु दियुन।

१. बचन गछि नु माजि हुंदि द्वदु बगॉर बाकुय द्वदु बन्द करुन।
२. ख्यनु च्यनुक्य चीज गछन साफ सफायि सुत्य वॅलिथ थावन्य।
३. मॅछन महेन निशि गछि बचाव करुन।
४. ताजु आब ग्रकुनॉविथ ठंडु कॅरिथ यहोय आब चालू थावुन।
५. कालुक या वारियाह दोहन हुंद गिजा ख्यनस गछि परिहेज
करुन।

६. यँड दौदिस गछि दगि हुंजि जायि गर्म आबु बोतल थावन्य तु
यँड दौदिस फर्क सपदनस ताम गछि नु बेमारस कुनि ति
किस्मुक ख्यन दियुन।



नाफ

नाफ छु इन्सौनी जिस्मस मंज सु अंग येम्युक तस्सवुर दीसी
यलाजस मंजुय ज़्यादु पहन छु। अमिच जाय छे शिकमस मंज न्येबर्य
किन्य ति बोज़नु यिवान। यथ अँस्य तून छि वनान। यि छु सु गंड येमि
किन्य अँस्य माजि हुंजि यँड मंज आसुनस दोरान ख्वराक, ताकत, तु
तवानायि छि हौसिल करान। येमि सातु अँस्य माजि हुंजि यँड मंज
न्येबर छि नेरान, अथ अन्दरम कलस छि अँस्य च़टान तु गन्ड करान।
युस ब्रोंहकुन तूनिच शकुल इखतियार छु करान। कुनि वजह किन्य
मसलन ग्वब बोर तुलनु या ज़्यादु ज़ोर लगावनु किन्य छु यि अन्दरम
गन्ड यानि नाफ पनुनि जायि निश दछुन या खोवुर चलान। येमि किन्य
यँड दोद छु बासान। सानि म्यौदुच कारकरदगी छे फर्क यिवान। अगर
नाफ पनुनि जायि डँजिमुच यि परखावनु खौतरु छिनु अँस्य बेमार
ह्योरकुन यँड कँरिथ सावान तु अकि पनु दावि सुत्य तूनि प्यठु पिस्तानन
वाम मेनान। यि गछि दँछिनि पिस्तानु प्यठ तूनि स ताम तु तूनि प्यठ
खोवरिस पिस्तानस ताम बराबर आसुन।

अगर बराबर आसि न तैलि गछि अँकि चमचि कौशिर तीलु

सुत्य तूनिस निश मॉलिश करुन्य । वारु वारु महसूस करनु सुत्य वाति
यि पनुनि जायि अँड्य मॉहिर पनुन ख्वर (ग्वड) तूनिस प्यठ थॉविथ
बार त्रावान तु नाफ छे वापस पनुनि जायि वातान ।

यलाज :-

१. जु चमचि बॉदियानु पोडर गोरस सुत्य मिलुनॉविथ पाँचन दोहन
इस्तेमाल करनु सुत्य छे नाफ पनुनि जायि डँटिथ रोज़ान ।
२. नाफ दुबारु न डलनु खॉतुर गछि ५०० ग्राम ज़ामतिस द्वदस
मंज़ अख चमचि लेयदर पोडर मिलुनॉविथ इस्तेमाल करुन ।
नाफ रोज़ि पनुनि जायि डँटिथ ।



कब्ज़

कब्ज़ गव मुक़रर कॅरिमितिस वखतस प्यठ यँड साफ न
गछुन्य या सख्त ज़ोर लगावनु पतय वारियहि कॉल्य नेरुन । अमि
किन्य न्येबर नेरन वॉलिस मलस आँचु गछान । येमिकिन्य यि मल
अन्दुरमन मंज़ रूज़िथ नॅविस मलस ब्रोंह पकुनुक रूकावट छु करान ।
कुनि सातु छु ज़ोर लगावनु पतु ओडुय मल न्येबर नेरान तु ओड
अन्दुरय रोज़ान । येमि किन्य बार बार पाखानु नेरनुच कल छे रोज़ान ।
कब्ज़ किथु पाठय छु गछान :-

बे कायदुगी सान ख्यनु च्यनु सुत्य अलग अलग वखतन प्यठ
तैयार गछनवोल मल म्याँदस किहो अँन्दरमन मंज़ जमह सपदनु पतु

सखुत गछान तु ब्रोंह न पकनु किन्य नैविस मलस न्येवर नेरनस रुकावट
करान तु यिथुपाठय छु मलुक नोवुय नोव तँह अन्दुरमन मंज जमह
गछान। याद छु थावुन जि यि केंछा अँस्य ख्यवान छि तमि मंज छु
सोन जिस्म म्यादु किहो अन्दुरमन हुंदि ज़रियि केंह कार आमद हिस्सु
चहान तु बाक्य हिस्सु छु कोश युस जिस्म मंज न्येवर कडुन ज़रूरी
छु। अगर यि कोश सानि जिस्म मंज सुबन वख्तस प्यठ न्येवर नेरि नु
तु यि छु वारियाहन तकलीफन मंज मुबतला सपदान। यँड दोद, अलसर,
गैस जमह गछान, दिल रावुन, कलु दोद, बवासीरी वगौर छु सिर्फ
अमि कब्ज आसनुच मेहरबानी।

यँड किहो अन्दुरम साफ करनुक इन्तिज़ाम गछि सँही तु मुकमल
आसुन तु अमि खौतर छु अँकिस मुकरर कँरिमुतिस वख्तस प्यठ यड
साफ करनुक आदत बनावुन। अगर अथ वख्तस प्यठ हाजथ बासि तु
तोति गछि कूशिश करुन्य। मल नेरनुक वख्त अगर कुनि वजह किन्य
डलि तैलि छु कब्ज पौदु गछान। अगर अँस्य सुबह नेन्द्रि वँधिथुय ज़
गिलासु आब गर्म या स्वखु वुशुन च्यनुक आदत बनावव, कोताह ति
कालुक कब्ज ति गछि दूर। अगर अँस्य रयतस मंज अकि दोह
जलाबु करनुक आदत बनावव, सोन म्याँदु रोज़ि नर्म तु गंदु म्वादु नेरि
न्येवर तु अँस्य करव राहत महसूस। शर्त छु यि जलाबु गछि दीसी
आसुन बर्ग नसा या कस्ट्राइल शामिल आसि।

त्रुफला चूरन यानि हलैलु तु आमलु, हमवज़न पौडर बनोंविथ
अख अख चमचि शौंगनु विज़ि इसतिमाल करनु सुत्य ति छु म्याँदु नर्म
रोज़ान। सत इसम्बगुल १० ग्राम छु शौंगनु विज़ि ऑमिस दोदस सुत्य

या आबस सुत्य छु कब्ज दूर करनस सुत्य बेयि ति केँह म्याँदक्य
अन्दरमन हुंघ तकलीफ दूर करान।

अगर वारियाह कालुक कब्ज आसि सुबह गछि संगतरु रस
अख गिलासु आँठन दोहन च्योन, कब्ज गछि दूर। मल नेरनुच जायि
हुंज जॉविजि रंग छे छेनान तु तिमन छु खून यिवान तु बवासीरी हुंज
हेम्बु छे खूनी सपदान तु इन्सान छु खून वुछिथ परेशान सपदान। कम
ह्यमत गछान यँड मंज जमेमुत मल छु कुनि सातु यूताह बदबोय छँकान
जि इन्सान छुन काँसि निश व्वथुन बिहुन लायक रोजान। कुनि सातु छु
यि गैस दिलस दुबराय तेज करान तु इन्सान छु परेशान गछान।

म्वरबु हलेल आँचि कँडिथ, अँकिस गिलास गर्म गर्म द्वदस
सुत्य जु ४ दोह इसतेमाल करनु सुत्य ति छु कब्ज दूर गछान।

खॉली हलेलु ज़र्द पौडर १० ग्राम रातस आबु गिलास्स मंज
तरस थाँविथ सुबहन नेन्द्रि वँथिथुय च्यनु सुत्य या सुबहन सक्कली चूँठ
ख्यनु सुत्य, अमरूद, पपीता, अंजीर, खज़रु गंडु, मुजि, गाज़रि, फूलगूपी
रस, खरबुज छु कब्ज दूर करनस मंज मदद करान।

मुसर दाल, नीम रस, अंजीर आबस मंज पाकुनॉविथ मुजि
नून मर्च मिलुनॉविथ छु यँड हुंद मल न्येबर कडनस मंज मदद करान।



अन्दरमन वर्म

बैडिस अंदरमस वर्म आसनुक यलाज छु गाजरि रस च्वोंगंदर
रस ५० ग्राम लॉर रस १६० ग्राम यिकुवट मिलनॉविथ च्योन।
दोहदिश चूंठ्य ख्यनु सुत्य छि यॅड हुंदि वारियाह तकलीफ ठीक
गछान। यिमन मंज म्याँदस मंज गैस पौंदु सपदान, यॅड दग, त्रेश ज़्यादु
लगुन्य या अन्दरमन ज़खम आसि चून्ठ छु यिमन सारिनुय तकलीफन
ठीक करुनस मंज मदद करान।

टमाटर, गाजरि रस छु अन्दरमन हुंघ दौंघ ठीक करुनस मंज
मदद करान।



बवासीरी

लगातार कब्ज रोजुन छु बवासीरी हुज बुनियाद। तेज मसालदार
ख्यन छु बवासीरी ब्रोंह पकुनावनस मंज मदद करान। मल न्येबर
नेरनुच जाय छे च्वमठान तु अतिनस छे हेम्ब पौंदु गछान। यिम गराह
मलु जायि न्येबरुय किन्य ति छि आसान। मल न्येबर कडनु बापथ
येलि कब्ज आसनु किन्य अँस्य ज़ोर छि लगावान, हेम्ब छे फटान तु
खून ज़ोरी गछान तु बेमार छु हवास बाखतु गछान। यिमन हेम्बन छि
सुचुनि त्रुस ही लगान तु मंज छख दग ति करान तु दगि सुत्य कशुन ति
यिवान। बेमार छु कम ह्यम्मत किहो कमज़ोर गछान।

यलाज:-

१. ग्वडुन्यथुय छु कब्ज दूर करुन ज़रूरी, अगर कब्ज दूर गछि नु खून नेरुन तु दग रोज़ि ज़ॉरी ।
२. तेज़, मसालदार ख्यन तु कम रूतबु वोल् ख्यन छु बवासीरी हुंद बुनियाद । लिहाज़ा छु दोयिम दवा तैमि चीज़ुक तर्क करुन ।
३. बवासीरी वॉलिस छु हज़ुम कम सपदान, ब्वछि कम लगान । बुथिस छुस कम ज़्यादु वर्म ति खसान ।

५० ग्राम रेंटु गछन तावि प्यठ थावुन्य तु यिमन प्यठ गछि अख कवुल्य दुबु कॅरिथ थावुन तु अमि पतु गछि तावि तल तकरीबन अँडिस गंटस नार ज़ालुन । अमि पतु गछि किलु थोद तुलन । रेन्टस आसि बस्मु गोमुत अमि पतु गछि २० ग्राम यि रेन्टु बस्मु २० ग्राम सफेद असली पान कथु तु त्रे ग्राम कुशतु फौलाद यिकुवटु मिलनावुन । छान कॅरिथ गछि यि अँकिस शीशि बोतलि मंज़ जमह थावुन । दोहदिश तकरीबन दॅहन पन्दुहन दोहन गछि अख ग्राम यि तैयार कोरमुत कुशतु सुबहन शामन २० ग्राम थॅनि सुत्य मिलनॉविथ प्यठु अख पाव गर्म ओम द्वद चोन । यि छु बवासीरा खाँतुर अख कामयाब दवा ।

परहेज़:-

माज़, शराब, अम्बु, दछ गछन नु ख्यन्य । यिम चीज़ कब्ज आसन करान, तिम गछन नु बिल्कुल ख्यन्य । यिम हेम्बु मल नेरन जायि अन्दर कुन या न्येबर कुन छे तिमन गछि पनुनि ओंगजि सुत्य व्यसलीन ५० ग्राम यथ मंज़ बोरिक ऐसिड ६ ग्राम देसी कॉफूर ६ ग्राम आसन मिलनॉविथ केंचन दोहन पनुनि ओंगजि सुत्य लागुन्य ।

खूनी बवासीर चॅलरावनुक नुस्ख:-

जाफुर्य किल्युक पनु वेंथरु १० ग्राम, सियाइ मर्च २ ग्राम मिशरी १० ग्राम गछन आबस सुत्य खॅरल करुन्य, यानि रगुडावन्य तु चोरन दोहन अकि अकि लटि च्यनु बापथ चोर ख्वराक बनावुन्य।

१. कॅच गाज़रु ख्यनु सुत्य, गाज़रि रस ३ हिसु तु अख हिस् पालक रस च्यनु सुत्य छे बवासीरी ठीक सपदान।
२. वांगन लोट होखुनॉविथ तु पौडर बनाविथ अगर हेम्बन प्यठ ज़ोर लॉगिथ थावन यिन हेम्ब प्यन होखिथ वॅसिथ।
३. च्वगन्दर ख्यनु सुत्य ति छे बवासीरी ठीक सपदान।
४. मोदुर अम्बु रस २०० ग्राम (यानि तकुरीबन अख कप) मोदुर ज़ामुत द्वद २५ ग्राम, अख चमचि अदुरक रस च्वन दोहन चोर ख्वराक अमि हिसाबु ३ ववराक च्यनु सुत्य सपदि बवासीरी दूर।

दोहदिश ख्यनस च्यनस मंज़ गछन यिम हेरिम चीज़ शॉमिल

करुन्य।



शुगर बेमारि

सॉनिस जिस्मस मंज़ खंड इनसुलीनस मंज़ तब्दील करन वोल् मुतॉसिर सपदन किन्य छु यि खंड सॉनिस पेशाबस सूत्य खॉरिज सपदान। येमिकिन्य सान्यन ब्वकुवचन ज़्यादु कॉम छे प्यवान करुन्य तु तिहुंज कारकरदगी छे असर अन्दाज़ सपदान।

सोन लब लब (Pancreas) युस सॉनिस जिस्मस मंज़ अमि खंडुच तु अथ खंडस इनसुलीन मंज़ तब्दील कॅरिथ अमिच लेवल बरकरार थावान छु येलि यि मुकरॅर कॉम छुन ह्यकान कॅरिथ, अँस्य छि मुखतललिफ तखलीफन मंज़ मुबतला सपदान। कमज़ूरी नेरन, जंगन दग, ऑस ख्वशुक, ज़्यादु पेशाब, ज़्यादु ब्वछि, ज़्यादु त्रेश, कब्ज़, फेफर नेरन्य, नेन्द्र न यिन्य वगॉरु तबदीलीयी छे साफ बासान। यि बेमॉर्य छि वारु वारु नाल वॅलान तु ग्वडु ग्वडु छेनु महसूस सपदान जि अमि बेमारि छु नाल वोल्मुत। मगर येलि यिमु अलामुच छि ब्रोंठ यिवान अमि सातु छु आसान चेर गोमुत।

पेशाबस सूत्य खॉरिज सपदनस सूत्य सूत्य छु यि खूनस सूत्य ति शामिल सपदान। मुसलुक्य दौद्य, कलु दौद्य ब्येतुरि छि अमिक्य च़ेनुवन। ग्वडु ग्वडु ओस अँम्युक शिकार मोट मर्द या म्वचि ज़नानु यिमन ४० प्यठ ५० वरिय अलावु वाँस ऑस आसान, लेकिन अज़कल छु अम्युक शिकार लोकुट बचि ति सपदान। शुगर बेमारस येलि यलाज वातनस कोतॉही गछि या यलाज सँही वात्यस नु, अँमिस छु अँछन हुंद गाश ति मुतॉसिर सपदान।

यलाज:-

सारिवुय ब्रोंह छु अमिस बेमारस मोदरेर चीज़ ख्यनस परहेज़ करुन। अमि पतु गछि। अमिस खून किहो पेशाबस टेस्ट करुन, येमि सुत्य यि पय लगि जि अगर यि बेमॉर्य छि लॅजिमुच तु अमिच लेवल काँचाह छे। अमिच लेवल गछि ८० प्यठ ९० ब्वन तु हेरि ११० प्यठ १२० ताम आसुन। लेकिन वुछनु छु आमुत जि वारियाहन छे ५० पंचाह पोइन्ट हेरि किहो ब्वनु बडेमुच आसान। अमि किस्मुक बेमॉर्य गछि न आलुछ आसुन, बॅल्कि गछि ज़्यादु एकटिव आसुन। सुबहुक सॉर सब्ज़ारस मंज़ करुन छु अमि सुंदि खॉतरु अँहम। लिहाज़ा गछि यि नरि जंगु तु जिस्मुक्य बाकुय तान हिलावनस प्यठ तैयार आसुन। अँमिस छि पनुन्य दोह अकि मुक्करर करनु आमति टाइम टेबल मुताबिक गुज़ारुन्य वख्तास प्यठ व्वथुन बिहुन ख्योन च्योन, पकुन, टुकन, शोंगुन, ब्येतुरि गछि अख लायि अमल बनावुन तु अथ प्यठ मज़बूती सान अमल करुन्य।

१. सब्ज़ तरकारि, दाल, ज़ामुत द्वद, छ्वकु द्वद, करेलु, जामन, न्यम त्रेश पज़न अँमिस यार बनावुन्य।
२. कबज़ गछि नु आसुन, अमि खॉतरु अख चमचि त्रुफला चूर्न, अख चमचि आबस सुत्य ख्यनुक आदत बनावुन।
३. लॉर, टमाटर तु करेलु रस या अख गिलासु गछि दोहदिश इसतिमाल करुन।
४. नूनदार न्यम्य त्रेश गछि बार बार च्यन्य।
५. म्येथि ब्योल पौडर बनाविथ अख चमचि सुबहन अख शामन

इसतिमाल करुन ।

६. बतु कम तु च्वोट ज़्यादु ख्योन । कुनुकु ऑटिस सुत्य वुशकु
ओट तु चनु ओट मिलॉविथ अकि टाइमुच च्वोट ख्योन्य ।
सलाद ज़्यादु ख्येथ यड बरुन्य ।
७. चोर पाँछ सदा बहार पोश नेस्फु गर्म आबु गिलासस मंज़
पाँचन मिन्टन वज़ुनॉविथ थावनु पतु यि आब च्योन ।



क्रेहन माज़ुक दोद

क्रेहन माज़ छु दँछिनि पासु किन्य सीनु तुर्यन अँन्दर्य किन्य
आसान । अथ दोद आसन किन्य छु ग्वडुन्यथुय तफ खसान, क्रेहन
माज़स वर्म खसान । क्रेहन माज़ुच जाय सखतु गछान, दबावनु सुत्य
दग करान । मेहनत करनु सुत्य या कुनि सातु मेहनत करनु वरॉय
थकावट बासान । कलु दोद, बदहज़मी, ऑस्स बद मज़ु, कब्ज़, यड
सख्तु तु यँड मंज़ बाँदी गैस जमह गछान, बेचेनी तु कमज़ूरी छे अमि
दादिच अलामत । ख्यनस च्यनस नु मॉलय, ज़्यव अँछ बुथ छु सफेद
शीन ह्युव बासान । बुथि प्यठुय छि कमज़ूरी पेडान आसान ।

क्रेहनमाज़ुक दोद आसन वॉल्मिस्स गछि म्यवु रस, सलाद,
मुजि, गाज़िर, टमाटर, मौसमी रस, पपीता, दॉन रस, खँज़रु अँजीर,
किशमिश, अम्बु तु सारिवुय खोतु ज़्यादु लेमब्य रस बार बनावुन ।
अँकिस लेमबिस गछन चोर हिस्सु करुन्य । अँकिस हिस्स गछि नून

मिलनावुन, दोयिमिस हिस्स कालु मर्च पौडर, त्रैयमिस हिस्स शोंठ पौडर तु चूरमिस हिस्स खंड। यिम च्वशवय हिस्सु गछन कुनि कटोरस ठानु दिथ थावन्य। दोयिमि दोह सुबहन गछि अथ मसालुदार ल्येमिस गर्म कॅरिथ रस कॅडिथ चोन। यि वातुनावि स्येठा फॉयिदु। दानिवल, पुदनु, शोंठ, कालु नून यिमन गछि चूर्न बनावुन। यि चूर्न गछि दोहस त्रैयि लटि इसतिमाल करुन, बेमारस फेरि मॉल। क्रेहनमाजस वाति ताकत। चूंठ, पपीता, गाज़र, खरबूज ति छु अथ दौदिस फॉयिदु वातुनावान।

सब्जियन मंज छे ज्यीठ अल, करेलु वांगन फॉयिदु मंद। अजव्यन १० ग्राम तुलसी पन १० ग्राम अॅकिस आबु गिलासस मंज ग्रकुनॉविथ येलि सु चूरिम हिस्सु म्वचि गछि यि अकि दोयि लटि सतन ऑठन दोहन इसतिमाल करुन। क्रेहनमाजुक तकलीफ गछि दूर।



ब्वकुवच्यन मंज़ कॅन्य

सॉनिस ख्वराकस मंज़ अँकिस मंज़ कैलशयम, फासफेट, आफज़टेल शॉमिल आसनु किन्य छि यिम ब्वकुवच्यन मंज़ जमह गछान तु कनि हुंज़ सूरत इखतियार करान। येमि किन्य गवरदन, कमरस बरदाशतु न्येबर दग छे करान तु बेमार छु पान छूटवान। दग आसनस सुत्य छु अथ कतुर कतुर पेशाब युन तु पेशाब करनु सुत्य ततुर व्वथुन ति छि अमुच अलामथ आसान। कुनि सातु छु पेशाबस सुत्य खून ति यिवान तु कुनि सातु छु पेशाब बन्द ति गछान।

यलाज:-

१. ताज़ु खूपरु आब छु कनि नेरनस मदद करान।
२. ताज़ु पालक रस।
३. करेलु रस अख गिलास दोहस दोयि त्रेयि लटि च्यनु सुत्य।
४. तैखमि, लाजवन्ती या लाजवन्ती कुल्युक मूल, पन वॅथर, डन्डु या ब्योल आबस मंज़ ग्रकुनॉविथ, येलि चूरिम हिस्सु रोज़ि सरदु कॅरिथ गछि यि दोयि त्रेयि लटि चोन। पेशाब नालेन हुंद वर्म गछि दूर।
५. जॉलिथ मकाय वचि हुंद सूर वुशक सूर गछन अलग अलग बोतलन मंज़ थावन्य तु वख्तु ज़रूरत मकाय वचि सूर ज़ु चमचि गछन सुबहय आबस सुत्य ख्यन्य तु शामस गछि वुशक सूर आबस सुत्य ख्योन। कॅन्य नेरि रेज़ु रेज़ु गॅछिथ न्येबर। पेशाब गछि साफ।

६. वशुक कशाबु (वशकु आब च्यनु सुत्य) छि कॅन्य रेज़ रेज़
गॅछिथ न्येबर नेरान। ज़ीठ अल टुकरु कॅरिथ आबस मंज़ गर्म
कॅरिथ दगि हुंज़ि जायि लागनु सुत्य तु तमि आब मॉलिश
करनु सुत्य छु दगि फोरन आराम यिवान। कनि कडनु खॉतरु
छि वारियाह नुस्खु यिमन मंज़ कॅह नुस्खु छि यिथु पॉठ्यः-

१. लॉर ब्योल, खरबुज़ि ब्योल, मर्चु कोंड, किशमिश तु काकुज
१०/१५ दोहन सुबहय शीरु बनाँविथ इसतिमाल करनु सुत्य
छे कॅन्य नेरान।

२. ब्रेयि दॅह ग्राम, चेरु १० ग्राम तु किशमिश १० ग्राम हम
वज़न छु ब्याख न्वस्खु। म्यवन मंज़ चूठ्य, अम्बु, खरबूज़,
जामुन, खज़रु, गाज़र, लॉर, गंडु गछन बतौर सलाद इसतिमाल
करुन्य। सोबूत डून (कॅन्ड तु गोजि ह्यथ) ज़ॉलिथ तु अथ
पौडर बनाँविथ गछि सुबहन शामन अख चायि चमचि, यि
पौडर आबस सुत्य प्येख ख्यनु सुत्य छे कनि नेरनस मंज़
फॉयिदु वातुनावान।

गुरुस (ज़ामुत द्वद थॅन्य किहो मलायि बगॉर)

नैय शकरस, क्रोथु आब, बर्ग नीम, चोकनन्दर, गंडु रस,
मुजि ब्योल, मुजि पॅतरन हुंद रस, चनु दालि हुंद आब, कुनक आटिच
चोट, बर्ग हना (मॉज़ि पन) ऑबस मंज़ ग्रकुनाँविथ येलि चूरुम हिस्सु
रोज़ि यि गछि स्वख वुशुन कॅरिथ पाँचन दोहन चोन। मुजि रस तु मुजि
पतर चापनु सुत्य छे कॅन्य टुकरु टुकरु गॅछिथ नेरान। क्रोथु दाल, कालु
मर्च सफेद ज़्युर, हल्दी (ल्येदर) गुज़ाहस मंज़ शामिल करनु सुत्य छे

कैन्य नेरनस मंज मदद सपदान ।

१. दछ राँठ पन तकरीबन ३० ग्राम रस अँकिस आबु गिलास्स मंज छॉनिथ तु नून रछा मिलुनॉविथ छे ब्वकुवचन हुंज दग फोरन कम गछान ।
२. केंचन दोहन गाज़िर रस तु ग्वगजि रस नेस्फु गिलासु च्यनु सुत्य छु ब्वकुवचन दग बिल्कुल ठीक सपदान ।
३. हेन्दुव्यन्द छु ब्वकुवचन ताकत दिवान ।
४. ब्वकुवचन मंज कैन्य या दग येमिस आसि तमिस छि आलू दवा । ओलवन छु सोडियम ज़्यादा तु पोटेसम कम । यि छु ब्वकुवचन मंज फॉज़िल नून न्येबर कडुनस मंज मदद करान ।



काम्बय

सानिस खूनस मंज येलि कुनि वजह किन्य व्वज़ुजि स्यलु कम छे गछान (Billirovin) बिलरूबीन युस क्रेहनमाज़स प्यठ छु यिवान छु पनुन असर त्रावान । सॉनिस खूनस मंज शामिल सपदिथ छु यिहुंद ल्योदुरेर सान्यन अँछन, सॉनिस मुस्लस सान्यन नमन हुंद रंग ल्योदुर सपदान । अथ छि वनान अँस्य काम्बय । शोरूआतु सुतयी छे अथ दौदिस मंज ग्वडुन्यथुय आवलुन यिवान, द्रोख फेरान तँछुन व्वथान, ऑस टेठान, तन मुसिल सपदान । माँमूली माँमूली ९९ प्यठ १०० डिग्री तफ खसान । कॉम करनु बगॉर थकावट, वज़न कम गछान तु

अँछन हुंद गाश ति कम गछान । अमि अलावु छि ज्येवि प्यठ ति मल
या पास खसान । पेशाब किहो मॉदान ति छु ल्योदुर सपदान । मादानस
छि गोय बद आसान । काम्बय दौरान छु नँब्ज स्वत व्वथान । ग्यव
तील, चरबीदार चीज़ छिनु श्रपान । येमि किन्य बद हज़मी ति छे सपदान ।

यलाज:-

काम्बय बेमारस गछि ग्वडुन्यथ काँम कार करनस मँनाही
करुन्य तु पनुनय गरि अँकिस जायि बिह्थि या शौंगिथ आराम करुनावुन ।
अगर गरि मुमकिन आसि नु तेलि गछि हस्पताल मंज पनुन्यन नज़रन
तल आराम करुनावुन । दवा करनु ब्रोंह गछि अमि जलाबु दियुन ।
जलाब ति छु मँजय कारगर सपदान तु दवहुक छुनु ज़रूरथुय प्यवान ।
बेमारस गछि नर्म गिज़ा, नर्म ख्यचरु पाकुनॉविथ गर्म द्वद ठंड कॅरिथ
कम नून दार लॅस्य, शकुर रस, गुलिकोज़ आब, मिस्मबी जूस, पपीता,
आलव बगॉर तेम्बर आब कालै तरस त्रोवमुत च्यनु सुत्य तु करेलु रस
चनु दाल शोंठ पौडर मिलनॉविथ, ताज़ु आमलु रस लेम्बि रस या गन्डु
रस यिकवटु मिलनॉविथ नून रछा मिलनॉविथ च्यनु सुत्य छे कम्बय
केंचन दोहन मंज पथ हेवान । (३ अदद गुरस या लॅस्य) च्यनु सुत्य छे
काम्बय रुकान । गाज़रि रस, मुजि रस, लॉर, टमाटर तु करेलु ब्यतुरि
सलाद या रस कॅडिथ इसतिमाल करनु सुत्य छे फॉयिदु वातान, पुदनु
च्यूट ति गछि ख्यनस च्यनस मंज इसतिमाल करुन । माज़, गाडु,
क्वकर, तील, ग्यव, तॅल्यमुत्य चीज़ छि काम्बय वॉलिस ममनून ।



पेशाबव्य दौद्य

बार बार पिशाब युन, कतरु कतरु पिशाब करनु सुत्य ततुर व्वथुन। पिशाब बन्द गछुन, पिशाबस सुत्य खून शॉमिल, पिशाब नीरिथ चलुन। यिम सॉरी दौद्य छि ग्वरदन तु ब्बकुवचन सुत्य तालुक थावान। बार बार पिशाब युन छु कुनि खास बेमारि हुंज च़ेनुवन। अगर ग्वरदन वर्म आसि या केंच़न दोहन तफ़ रोज़ि, तमि सुत्य ति छु पेशाब बार बार यिवान, बाज़ ज़्यादु यिवान। अँस्य ह्यकव पनुनिस ख्यनस च्यनस मंज़ तब्दीली कॅरिथ तु बेमॉर्य दूर कॅरिथ। अमि खॉतरु छि मुख़लिफ़ नुस्बु। शुगर वॉलिस ति पेशाब बार बार यिवान तु अँमिस पज़ि टेस्ट अथ ज़रूरी करुन।

१. अख चमचि ल्यदुरि पौडर तकरीबन ३ च़ोर ग्राम अँकिस आबु गिलास्स तकरीबन २०० एम एल सुबहन तु शामन यानि दोहस दोयि लटि इसतेमाल कॅरिथ छु पेशाब बार बार युन ठीक सपदान।
२. अगर दछन हुंद मौसम आसि, तिम गछ़न १००, १०० ग्राम दोहस दोयि त्रेयि लटि ख्यन्य।
३. ताज़ु आमलु रस आबस मंज़ तकरीबन ५०, ५० ग्राम दोहस दोयि या त्रेयि लटि च्यनु सुत्य छु पेशाबव्यन दाद्यन आराम वातान।
३. वॉस बुडनु सुत्य सुत्य छु बार बार पेशाब यिनुक दोद प्रास्टेट गदूद बडनु किन्य स्यठा परेशान करान। अमि बेमारि सुत्य छु

राथ क्युत केंचि फिरि पिशाब करनि व्वथुन प्यवान । येमिकिन्य
नेन्द्र तु आराम छु रावान । प्रोस्टेट बेमारि गछि खँजर द्वदस
मंज ग्रकुनॉविथ वारियाहस कालस चोन । ति खँजर द्वद छु
वारियाहन तकलीफन हुंद अकुय दवा । मर्दानगी कमजूरी,
कमरदोद, अँडिजि दोद, ठीक करनुक अख अकसीर दवा ।
सलाजीत करुफॅलिस सुम्ब शॉगनु विजि अँकिस द्वद गिलास्स
सुत्य इसतिमाल करनु सुत्य ति छु पेशाबक्यन दौघन आराम सपदान ।

क्रुहुन तेल (तील काडु) गौर मिलुनॉविथ तकरीबन वुह वुह
ग्राम दोहस दोयि लटि सुबहन शामन इसतिमाल करनु सुत्य छु पेशाब
बार बार युन कन्ट्रोलस मंज यिवान ।

पेशाब दौदिस मंज कुस कुस चीज छु फॉयिदु दिवान तिम छि
यिथु पौट्य:-

१. म्वदरि दौनुक दल पौडर बनॉविथ ५ ग्राम ख्वराक दोहस
दोयि लटि इसतेमाल करनु सुत्य ।
२. क्रुहुन तील या स्फेद तील तु अजव्यन यिकुवट १०, १०
ग्राम मुसुर्य दाल ख्यनु सुत्य ।
३. गाज़रि रस दोहस दोयि लटि अख अख लोकुट गिलासु च्यन
सुत्य छे पेशाबस सुत्य नेरन वाज्यन स्फेदी ठीक सपदान ।
४. अगर पिशाब रुकान आसि ताज़ु दानिवल पॅतर पाँछ दॅह ग्राम
खंड मिलुनॉविथ ति यियि खुलु पिशाब ।
५. अख गंडु अँकिस लीटर आबस मंज न्युक न्युक कॅरिथ या
कदूकस कॅरिथ ग्रकुनॉविथ तु ठंडु कॅरिथ च्यनु सुत्य ।

६. अख मुज तु अख ग्वगुज कॅच ख्यनु सुत्य वुशकु आब गाज़िरि रस, शोंठ पौडर आबस सुत्य द्वद गिलास्स मंज़ पाँछ शो सब्ज़ ऑलु ग्रकुनॉविथ ठंडु कॅरिथ च्यनु सुत्य ।
७. अगर पेशाबस सुत्य खून आसि यिवान तैलि गछि अँकिस कोरु कॅतरिकिस बानस मंज़ १/२ लीटर आबस मंज़ ३० ग्राम आकर करु ३० ग्राम दानिवल पौडर रातस तरस (वज़ुनॉविथ) सुबहय म्वठ दिथ दोहस चोरि या पाँचि लटि १०० ग्राम चोन । पेशाबस सुत्य खून युन या पिशाब रूक्य रूक्य युन गछि ठीक । दग, बेचेनी, ततुर व्वथुन गछि ठीक ।
८. ज़्यादु पिशाब यिनु वॉलिस मुसर दाल ख्यन दिन्य ।
९. अगर पिशाबस सुत्य सफेदी आसि नेरान, गाज़िरि रस दौन शरबत इसतिमाल करनु सुत्य छु तकुलीफ दूर सपदान ।
१०. गुल ब्योल, सत इसम्वगुल, केसर, सफेद बबरि ब्योल, द्वदस या आबस सुत्य फेख ख्यनु या तरस त्रॉविथ च्यनु सुत्य छु पेशाबुक कहरुन या ततुर व्वथुन ठीक गछाम ।
११. ज़ियुर स्फेद तँविथ तु खंड रछा मिलुनॉविथ च्यनु सुत्य छु पिशाब खुलु यिवान ।



मरदानु दौद्य, जिन्सी कमजूरी ठीक करनु बापथ नुस्खु

ल्वकुचार छु सानि बुजरुचि इमारेंच हुंद कुन । ल्वकुचार अगर सँही वति आसि तैलि छु यि सानि किहो सॉनिस मॉलिस माजि सान्यन अँगन ऑशनावन, यारव, दोस्तन सान्यन हमसायन कलु थोद यि वननुक होसलु दिवान ज़ि यि छु म्योन अवलाद, यि छु म्योन ऑशनाव, यि छु म्योन यार या अगर ल्वकुचार गलत वति आसि द्रामुत यिमनुय पनुन्यन ऑशनावन, यारन, दोस्तन, कलु फिरनस मजबूर करान बॅलिक कलु पथ कुन फिरिथ यि वननुक ज्वाज़ ति पौंद करान, ज़ि अँसि वाति नु किहीं । तिमु ल्वकुचि कथु बॅड कथ बनावान तु वनान ज़ि यि ओस खानदानुय युथुय । अँमिस छु मूल ति यिथुय, अँमिस सथ पीरि यिछुय । यैलि ल्वकुचारस मंज़ कांह गलती छे नॉल्य गछान, स्व छेनु मरनस ताम थफ तुलान । लिहाज़ा छु सॉनिस मॉलिस माजि, सॉनिस ल्वकुचारस तु पनुनि बुजरस रॉछ करनु म्वखु नज़र गुज़र थावन्य । मर्द आसुन गोव ताकतवर आसुन ह्यमथवोल आसुन न सिर्फ जिस्मॉनी बॅलिक ज़ेहनी तौर ति । युस पनुन्यन होशन तु हाजतन हुंदिस बेलगाम गुरिस लगाम थावि चॉरिथ, युस इन्सानी कमजूरीयन पानस प्यठ हॉवी दियि नु गछनु, सु छु पॅज्य पौठ्य मर्द । मर्द छु शेतांनी सोंचन पनुनिस कन्ट्रोलस मंज़ थॉविथ तु मॉलिक बॅनिथ तिमन प्यठ हॉवी सपदान । युथ ज़न न तिम कलु ह्यकन तुलिथ । मर्दानगी गॅय मर्दानु ताकतस रॉछ करुन्य । युथ ज़न सु चख्तु ज़रूरत शर्मसार गछि नु । जुरियात ब्रोंहकुन

पकुनावनु खॉतरु छु क्वदरतन प्रथ जॉच मंज जु जिन्स अख नर तु
अख मादु बुनियाँदी हस्ती अख मर्द अख ज़नान, मगर येलि वखति
ज़रूरत अँकिस ज़नानि हुंज जिन्सी ज़रूरत पूर करनस मंज नाकाम
छु रोज़ान सु कौँचाह शरमन्दगी छु महसूस करान। यि लफ़ज़न मंज
बयान करुन छु मुशकिल। तँम्य छु आसान पनुनि मर्दानगी नाजायिज
तरीकव सुत्य ज़ायि कँरमुच। लिहाज़ा अगर तोह्य पँज्य पौठ्य मर्द
येमि सुत्यन रौँछ ह्यकव कँरिथ।

१. सत गलोई तु तबाशीर हमवज़न पौडर बनाँविथ माछ मिलनौविथ
इस्तेमाल करनु सुत्य।
२. ज़ाफल पौडर अख ग्राम ज़ल जायि आब सुत्य या तीलस
सुत्य मँथित थावुन तु द्वन कौँशिर्यन ढूलन हुंद आमलेट ख्यनु
सुत्य।
३. बबरि ब्योल, हन्दि ब्योल, दानिवल जावन्द खोसासनी लॉर
ब्योल, हमवज़डन पौडर बनाँविथ, शे ग्राम सुबहन शामन
ख्यनु सुत्य गछि नेन्द्रि मंज तु ख्वाबस मंज मर्दानु ताकत
नीरिथ चलनुक दोद ठीक।
४. मगज़ पिस्तु, रेगमाही, करनफल, ज़ाफल, जलोतरी, बंगु,
कचल, अजव्यन, खवरासौनी, माल कंगी, फाज़ल सफेद
मर्च, सियाह हमवज़न, तकरीबन ६ शे ग्राम तीलस मंज
ग्रकुनौविथ यि तील ठंड कँरिथ कुनि बोतलि मंज थावुन।
रोज़ानु गछन अमि तीलुक त्रे चोर कतुरव सुत्य मरदान जायि
मौलिश करुन्य, कमज़ूरी गछि दूर।

५. आकर करु, कबाब, चीनी, ज़ाफल, बीजबन्द हमवज़न पौडर
बनॉविथ अख अख ग्राम पूर्य बनावुन्य हमबिस्तरी करनु ब्रोंह
द्वद सुत्य या खम्बीर कुल्युक रस्स सुत्य इसतिमाल करुन ।
६. सॉलिब पंजि, मूसली स्फेद, शतावरी, सालब मिस्री, सालब
गंडु, मुशकाल मिसरी, दालचीनी, तबाशीर, मस्तगी रूमी,
कमर कश, ताल मरवानु, लाजवन्ती, अशकंड आकर करहा,
खूलिनजान, सख अरबी, बदहारा कंद, तख्यमि रिहान, अजवेन,
ख्वरासॉनी सॉरी गछन हमवज़न पौडर बनॉविथ कुनि शीशु
बानस या बोतलि मंज़ थावुन्य तु वख्तु ज़रूरत द्वदस सुत्य
१५ ग्राम ग्रकुनॉविथ चैन्य या फ्यख आबस सुत्य ख्योन ।
सारे कुसमुच कमज़ूरी गछन दूर, अँडिजन दग, कमर दोद,
क्वठ्यन हुंज़ि दगि सपदि आराम ।
७. सत सलाजीत अख मँकायि फॅलिस सुम्ब शॉगनु विज़ि द्वदस
सुत्य ।
८. पाँछ खँज़ुर अँकिस गिलासु द्वदस सुत्य इस्तेमाल करनु सुत्य ।
९. जॉफर्य पोशुक ब्योल पौडर बनॉविथ या रस कँडिथ इस्तेमाल
करनु सुत्य ।



बुथिस गेनि या हुन्येर

बुथि लबु ऑस्यतन अन्दर चामुचु या ह्योर कुन हुन्येमुच, यिम ह्यकन सिर्फ वर्जिश करनु सुत्य ठीक सपदिथ।

१. ऑस वॉहरिथ गछि ओम वनुन तु वनुन तु वनान वनान ज्यूठ शाह त्रावुन। यि वर्जिश गछि कमअज कम पाँचन मिन्टन करान रोजुन।

२. बुथ चखुरावुन:- यिथु पाँठय चीज वुछनु सुत्य असि छि खसान या चख छि खसान तिथुय पाँठय छि केंचस कालस बुथिस द्रुह तु चख खालुन्य तु अमल छु पाँचि लटि दुहरावुन्य। वुठ वटान्य ज़न ति फ्वकु डूनिस फ्वख छु खालुन द्रुशवुन्य बुथि लबन प्यठ छु पनुन्यन द्रुशवुन्य अथन हुज़ त्रे त्रे ओंगजि थॉविथ दबावुनि। यि अमल छु चमठेमित्यन बुथि लबन ठीक करनु खॉतरु बेहतरीन एकज़रसायिज़। ऑनस ब्रोंठुकनि बिहिथ ग्वडु वुठ चमठॉविथ फ्यख खालुन पतु ऑस बन्द कॅरिथ बुथिस फ्वख खालुन तु असनुच कूशिश करुन्य। यि अमल गछि असान असान करनुच कूशिश करुन्य।

द्रुशवुन्य बुथि लबन प्यठ गछन पनुनि अथुचि द्रुशवय मावु दबाँविथ थावनि तु अँसनुच कूशिश करुन्य।

यि अमल १०/१५ मिन्ट करनु सुत्य गछन अन्दर चामुच बुथि लबु ठीक तु हुनेमुचन बुथि लबनु ति बनि श्वब।



ड्योल बदन डेजि पिस्तान

जनानु दौदन मंज सु अख दोद ड्योल बदन तु डेजि पिस्तानु ।
 यथ मंज जिस्मुक माज छु आसान तु बासान जन तु अलोन्द गोमुत,
 डेल्योमुत तु डोलुमुत । येतिनस ति माजस अथु लागव ततनस बासान
 ड्योल, जन ति नु जुवुय छुसन । जनानु मोहनविस छु बासान, जन तु
 पिस्तानु अलांज गोमच ।

यलाज:-

१. कॅचि अमबु आँचि हुंज गोजि पौडर बनाँविथ पिस्तानन प्यठ
 मँहलामुक्य पाँठ्य मँथित थावनु सुत्य छु ड्योल माज सँही
 सूरत इखतियार करान ।
२. ख्यनु खाँतरु गछि सुपारी पाक केंचन दोहन इसिमाल करुन ।
३. फल खँज्य (तिलु गोगल तीलुच खँज्य यानि तील कडनु पतु
 युस कोश बाकुय रोज़ि) आबस सुत्य मिलनाँविथ पेस्ट
 होखुनाँविथ मँहलामुक्य पाँठ्य सीनस किहो पिस्तानन प्यठ
 मँथित थावनु सुत्य छे सँही सूरत इखतियार गछन ।
४. शतावँरी पौडर बनाँविथ पाँछ ग्राम द्वदस सुत्य ख्यनु सुत्य छु
 माजि हुँदिस द्वदस बँरचर सपदान ।



यावन वीरि

यावनवीरि छे जवॉनी हुंज चेनुवन । अथ मंज छु बुथिस ल्वकुट्य ल्वकुट्य फेफर नेरान, येमिकिन्य खुबसूरत ति छु बदसूरत बासान । हारमोनन हुंदि गडबड तु सफाई हुंजि कमी किन्य छि बुथिस यावन वेरि फटान तु यिमन ज़ोर तु दाग छि वारियाहंस कालस रोज़ान तु परेशान करान । चाय, काफी, शराब बेयि ज़नानन मंज माहवॅरी हुंद ज़्यादु सपदुन ति छे यावनवीरि हुंद वजह ।

यलाज:-

१. अँकिस हॅफतस गछि सिर्फ म्यवु ख्यन । अनाज गछि अँकिस हॅफतस तर्क करुन । म्यवु कुस्मुक ति आसि ह्यकव ख्यथ । दोयि लटि बजाय ख्ययिव त्रेयि लटि, मगर ख्योन छु सिर्फ म्यवु ।
२. यथ गुज़ाहस मंज स्टाच या प्रोटीन ज़्यादु आसि ति ख्यनस छु परहेज करुन ।
३. कलस कुफ आसनु किन्य ति छु यावनवीरि नेरान ।
४. कम ख्वतु कम छि देंह गिलास त्रेश दोहस च्येन्य ज़रूरी ।
५. मैकअप क्रीम, पौडर तु साबन केंचस कालस बन्द करुन ।
६. बुथिस गछन गर्म आबुक्य बाह दियिन्य ।
७. बुथिस गछि नून वरॉय ठंड मॉलिश करुन्य ।
८. गर्म आबु बुथ छलुन युथ ज़न फेफर मंज गन्दुगी न्येबर नेरि ।
९. रातस गछि नीम रस तु नारजील तील बुथिस मॅलिथ थावुन,

सुबहय गर्म आबु सुत्य छलुन ।

१०. अदरक रस नून मिलनॉविथ गछि बुथिस मँथित थावुन ।
 ११. दोहदिश गछि ख्यनस मंज सलाद टमाटर, गाजर, गंडु, मुजि
 शॉमिल करुन्य ।



ज्यूठ मस छु ज़नानन हुंद वस

यिथु पॉठ्य शर्म, हया छु ज़नानन हुंद ज़ेवर, तिथुय पॉठ्य छु
 ज्यूठ मस ज़नानन वस, रोनक तु न्यामत ।

सॉनिस कलस मंज छु सोन पावर हावुस, यानि देमाग युस
 स्यठा अँहम तु ऑव्युल छु । यि छु जिस्मुकिस प्रथ हिस्स तु प्रथ तानस
 पकुनावान तु कन्ट्रोल करान । अमिच नज़ाकत, अँहमियत तु बचाव
 करनु खॉतरु छु क्वदरतन अथ मस अता कोरमुत । युतुय योत नु
 बॅल्कि मस कोताह फॉयिदुमन्द छु अँकिस इन्सान सुंदि खॉतरु, खासकर
 अँकिस ज़नानि हुंदि खॉतरु । यि छुनु बहस तलब बॅल्कि तसवुर कॅरिव
 अख ज़नानु मोहन्युव मस्तु वरॉय (दूल कलु कॅरिथ तॅमिस क्याह गछि
 तु बाकुय क्याह वनन अँमिस वुछिथ तथ प्यठ कॅरिव रछा गौर ।)

सॉनिस कलस तु कलुकिस मूलस प्यठ मल जमह सपदनु
 किन्य बेयि नु वातनु किन्य छु कलस कुफ तु मस्तस ज़ठ गछान तु मस
 मूलन न्वकसान वॉतिथ छु मस नीरिथ चलान । पॉन्य पानय बाज़रुक
 दवा इसतिमाल करुन छु फॉयिदु बदलु न्वकसान वातुनावान ।

हंग तु मँगुच परेशानी तु तनाव ति छु मस नीरिथ चलनुक अख वजह। ब्याख वजह छु साबन, यथ मंज तिम केमिकल छि आसान, यिम न्वकसान छि वातुनावान तु मस छि नीरिथ चलान।

मसुच मजबूती तु सफायि बापथ छु काँशिरिस यलाजस मंज आँमल ख्वशक, शिकाकाई तु रेन्ट वौल पौवडर बनाँविथ माँजि पन तु नागर मोथा, सतावैरी, हीमोजन तु पौडर बनाँविथ अख जु चमचि आबस मंज ग्रकुनाँविथ तु अमि आबु सुत्य कलु छलुन। यि अमल छे केचन दोहन जौरी थावुन्य। इन्शाअल्ला मस गछि चमकदार मजबूत तु मुलायिम तु नीरिथ चलुन गछि बन्द।

मस छु प्रथ काँसि इन्सानस नीरिथ चलान तु यि छे अख क्वदरती अमल। येलि यि पूर लम्बाई यानि ज्येछरस छु वातान, यि छि नीरिथ चलान तु अमी बदलु छु नोव मस यिनाव। मगर येलि यि ज्यादु तेदादस मंज नीरिथ चलि, तेलि छे यलाज करनुच जरूरत।

तहकीक छु करनु आमुत जि मस वालिस छि मस्तस त्रेयि प्यठ चोर वँरिय वाँस तु अमि पतु छु यि नीरिथ चलान तु अथ जायि छु नोव मस यिवान।

पनुनि वाँसि वातनु ब्रोंहय नीरिथ चलनुक वजह छु खूनच कमी या मस मूलन कांह बेमॉर्य आसनु किन्य या ज्यादु गर्मी किन्य या कुफ लगनु किन्य छु मस नीरिथ चलान। अगर माजि आसि कम उमरी मंज मस नीरिथ चलान तेलि छु अमि सुंजि कोरि ति कम उमरी मंज मस नीरिथ चलनुक इमकान। कलुकिस मुसलस अगर हँथुर यानि सफेद दाग आसन तथ जायि ति छु मस नीरिथ चलान तु सफेद गछान।

कैन्सर किस यलाजस दौरान ति छु केन्सर दवहन हुंजि असरु तु कीमोथराँपी हुंदि असरु सुत्य मस नीरिथ चलान। मस न शेरनु पॉरनु किन्य ति कंगुव अँदरिस मस्तस दिनु किन्य या नु दिनि किन्य ति छे मस्तस ज़ठ गछान तु मस नीरिथ चलान।

कुनि सातु छु कांह तिथुय दोद ति आसान, येमिकिन्य वारियाह कालस तफ छु रोज़ान। टाईफाइड छु आसान तमि विज़ि छु मस नीरिथ चलान। अगर सानि खनूक दोरु सँही आसि, सॉनिस मस्तस ति वाति तम्युक फैज़ वरनु अगर खनूक दोरु मुताँसिर आसि तमि सुत्य छु मस्तस प्यठ ति असर प्यवान तु नीरिथ चलान।

यलाज:-

१. खूपर तील (Coconut oil) या कॉशिरि तिल गोगुल तीलच मॉलिश कलस तु मस्तस करनु सुत्य छु मस मूलन ताकत मेलान तु नीरिथ चलनु रूकान।
२. श्रान करनु पतु या कलु छलनु पतु गछि मस पूर पॉट्य होखुन, तिक्क्याज़ि अँदरिस मस्तस कंगुव करनु सुत्य छु ज़्यादु मस निरिथ चलान।
३. कलस तु मस मूलन गछि लेम्बय रसुच मॉलिश करुन्य।
४. मस नर्म तु मुलायिम थावनु खॉतरु गछि बगॉर खंड तु द्वद लिपटन चाय बनाँविथ तमि आबु सुत्य कलु छलनु।
५. हमवज़न, ऑमलु, शिकाकाई तु रेन्ट द्यल पौडर बनाँविथ ज़ु चमचि आबस मंज़ ग्रकुनाँविथ ठंड करनु बापथ थावनु तु अथ दौरान गछि गन्दक पौडर बनाँविथ ज़ामतिस द्वदस सुत्य

मिलनॉविथ कलस मँथित थावुन। आब यैलि स्वखु वुशुन
सपदि कलु गछि छलुन।

६. तुलसी पन तु आमलु पौडर आबस मंज रलॉविथ कलस
मॉलिश करनु सुत्य छे सफेद मस क्रूहन गछान तु पतु ज्यूठ
गछान।
७. गॉर ज़रूरी मस बुथिस या बैयि कुनि जायि खतम करनु बापथ
गछि ल्येदुर पौडर आमलु पौडर, ल्योम, नारजील तील
मिलनॉविथ केंचस कालस गॉर ज़रूरी मसवालन हंजि जायि
मँथित थावुन तु पतु बुथ छलुन।
८. मस मूलन दीसी ग्यव मॉलिश करनु सुत्य छु मस मजबूत
सपदान।
९. गंडु रस तु लेम्ब्य रस यिकवट रलॉविथ मॉलिश करनु सुत्य
छु मस क्रूहन गछान।
१०. ज़ामतिस द्वदस मंज कालु मर्च पौवडर तु लेम्ब रस केंचस
कालस मँथित थावुनु सुत्य।
११. तील मॉलिश तु १० ग्राम होख तेल (सफेद या क्रूहन) ख्यनु
सुत्य छु सफेद मस क्रूहन गछान।
१२. सब्ज दानिवल ताज़ु आमलु रस, तुलसी पॅतुर, हमवज़न कलस
मँथित थावुनु सुत्य।
१४. ६ चमचि माँज ६ चमचि आमलु पौडर, अख चमचि काफी,
अक्युक चरिम हिसु सफेद कथु रातस वज़नावुन तु दोयिमि
दोह सुबहँय गछि अँकिस गन्टस मँथित थावुन तु पतु कलु

छलुन, मस रोज़ि मुलॉयिम तु चमकदार ।

१५. आमलु छु मस्तु खॉतरु अख क्वदरती दवा । यि यथ ति सूरतस मंज़ इसतिमाल कॅरव चाहे आमलु तीलु चाहे आमलु रस, चाहे आबस मंज़ ग्रकुनॉविथ, चाहे आमलु म्वरबु । यि छु प्रथ सूरतस मंज़ फॉयिदु वातुनावान ।

ज़ोवु दवा:-

मस्तस ज़ोव व्वथुनुक वजह छु जान पॉठ्य मस्तुच सफाई न करुन्य या वारियाहस कालस कलु न छलुन । ज़ोव छे मस्तुक्यन मूलन कमज़ोर करान येमि किन्य खॉरिश तु कुफ छु ज़ाहिर सपदान ।

चलाज:-

१. ओड चायि चमचि, मर्च पौडर, अख कप ज़ामुत द्वद अकि निकि लेमब्युक रस यिकवटु मिलनॉविथ तकरीबन ३० हन मिन्टन कलस मॅथित थावुन तु पतु कलु छलनु सुत्य ति छे ज़ोवु नेरान ।
२. बर्ग नीम आबस मंज़ ग्रकुनॉविथ तु तमिय आबु कलु छलनु सुत्य ।
३. ६ फॅल्य काल मर्च, ६ अलु ब्यॉल्य अख चमचि ग्यव यिकवट रलॉविथ कलस मॅथित थावुनु पतु छु दोयि गनटि कलु छलनु । कलु छलनु विज़ि गछन अॅछ बन्द थविन । कौशुर तील २५ ग्राम लेम्बय रस २५ ग्राम यिकवटु मिलनॉविथ कलस मॅथित थावुनु सुत्य गछि गनटि खॅन्डय कलु छलनु लुछि चलन तु ज़ोवु गलन ।

टेंड कल:-

दौन कुल्युक पन पेस्ट बनॉविथ, मस नीरिथ चलनुच जायि
गन्हु रस मथुन, ख्यनस मंज रूहन इसतिमाल करुन। दानिवल रस
अरहर या उदड दाल पेस्ट बनॉविथ कलस मँथित थावनु छु नीरिथ
चोलमुत मस यिवान।



ज़नानु तु ज़नानु दौद्य

ज़नानु छे क्वदरतन अख स्व जुरियात युस थुरनस मंज तँमिस
मेहनत तु वारियाह सोंचुन आसि प्योमुत। ज़नानु छे ग्वडु कोरि पतु
ब्येनि, पतु शरीक हयात, पतु मॉज्य मगर प्रथ कुनि मंज कशिश। प्रथ
तानस मंज मँस्ती तु प्रथ शकलि तु प्रथ सूरतस मंज मेछर तु मँदरेर तु
माछ। यथ तथ सूरतस मंज अँमिस तॉरीफ करव, यीताह ति तॉरीफ
करव, तीत्याह छि कम। यि छे मायि हुंद आगुर, मोहबतुक समन्दर,
बरदाशतुक खज़ानु।

मर्द जुरियात बनावनस मंज तँम्य सूंच तु गव तैयार मगर
ज़नानु जुरियात थुरनु विज़ि छि सॉरी हॉरान तिक्याज़ि यूताह ति बार
त्रावनु पतु ति छे अख ज़नानु कलु दौरिथ सॉरी सँन्थ वोंगुन्य चॉलिथ
तँम्य सुंद दुनिया ब्रोंह पकुनावान।

जिस्मॉनी तोर छेनु ज़नानु तु मर्दस कांह ज़्यादु फर्क। मगर
ज़नानुन यूत बोर छु तुलुन प्यवान, मर्दस अगर तम्युक सँतिम हिस्सु

ति तुलुन पेयि, सु दियि नोज़। ज़रा सोचिव मर्दस अगर १० या बाह
 वुहरिस माहवॉरी गछि, रेत्य अँहर अख बोतल खून खॉरिज सपदन
 बजाय अख चमचि खून खॉरिज सपदि या मर्दस पेयि नवन रयतन
 बजायि नवन दोहन बचि, प्यतुरावुन या अगर मर्दस प्रसनुक बार तुलुन
 पेयि, तेलि क्याह सपदि। माहवॉरी दौरान क्याह क्याह छु प्यवान अँमिस
 प्यतुरावुन, सु छु अख ज़ेहनी अज़ाब।

तँमिस मर्द सुंदि बापथ पनुन रफीक तु शफीक मोल मॉज्य
 बेनि बॉय व्यसु तु सदुर त्रावन्य छे प्यवान तु तँमि पतु येलि अँमिसुय
 मर्दस निश दूर छुस प्यवान रोज़ुन, अँमि पतु कुचन दोहन कलु न
 छलुन, पलव नु छलुन्य वगॉरु। बहरहाल अँमिस छि लानि यिय लीखिथ,
 अँस्य क्या ह्यक्व कँरिथ। असि निश छे बँड दौलत माय स्व छि
 अँमिस करान।

अख चीज़ युस अँमिस अँहम छु स्व गँयि कँशिश। स्व चाहे
 क्रहुन्य आसि या प्रन्य आसि, नुन्दुबॉन्य या छ्वचकॉन्य, परी आसि या
 राँटस, स्व छे पनुनिस शरीक ह्यातस सुंदि खॉतरु अख न्यामत, अख
 हाजत, अख मुकदर, अख रोनाक। ज़नानु येति ज़ुरियात ब्रोंह पकुनावनस
 मंज़ अँहम रोल छे अदा करान। तँति छि अँमिस दौद्य ति तमि कुस्मुक्य
 नॉल्य सपदान, यिम व्यतुरावन्य अमिसुंद्य ताकत छु।

माहवॉरी, लिकॉरिया, हिस्टीरिया या गमेरिया बँचि पॉदु करनस
 दौरान तु बचु पॉदु करनु पतु बचि सुंज़ नशोनुमा। बहँरहाल बेयि वनव
 अँकि लटि ज़ि अँमिस छु लानि लीखिथ यिय। वँलिव अँस्य ह्यमव
 अँमि सुंद्यन दौद्यन साम ग्वडुन्युक दोद छु अमिस माहवॉरी।

माहवॉरी:-

यि छे अख क्वदरती अमल, ख्वसु अँकिस लडकी १२-१३
 वरिश वातुनस सुत्यी शोरू छे सपदान। ४५-५० वरिशि ताम जॉरी
 छु रोजान। माहवॉरी दौरान जायि सतरु किन्य खून नेरान। युस त्रेन
 चोन दोहन जॉरी रोजान छु। अगर माहवॉरी ज़्यादु आसि गछान,
 तँमिस माजि ब्येनि, कोरि पँजि चारपायि प्यठ पूर आराम करुन तु
 ख्वर पासु चारपायि थँज थँवन्य। गोया कँलुच लेवल गछि ब्वन आसुन्य
 तु ख्वरन हुंज थँज। अथ दोरान गछि माजि ब्येनि ठन्ड ठन्ड चीज यानि
 तिम चीज दिन्य यिमन हुंद तॉसीर ठन्ड आसि। तील, मर्चुवांगन या
 गर्म तासीर वाल्यन चीजन गछि परहेज करुन।

महावॉरी अगर ज़्यादु आसि, ख्वशक दॉन कँन्ड पौडर बनॉविथ
 अख चमचि आबस सुत्य फेकि ख्यन्य। ज़्यादु खून खॉरिज सपदुन
 गछि बन्द।

२०० ग्राम आबस मंज गछि २० ग्राम होछ दानिवल
 ग्रकुनावुन्य। येलि चूरिम हिस्सु रोजि यानि ५० ग्राम रोजि खन्ड रछा
 मलुनॉविथ च्यनु सुत्य गछि माहवॉरी बन्द।

दानिवल पौडर जु चमचि, शकर त्रे चमचि, दीसी ग्यव जु
 चमचि यि त्रेशवुय ठीक पॉठ्य मिलुनॉविथ दोहस दोयि लटि सुबहन
 शामन अख अख चमचि इसतिमाल करनु सुत्य गछि ज़्यादु खून नेरुन
 ठीक।

यंगु आब अख चमचि दोहस त्रेयि लटि च्यनु सुत्य गछि ठीक।
 क्रूहन तील तु गौर जु कप आबस मंज ग्रकुनॉविथ तु ठन्ड

कॅरिथ च्यनु सुत्य सपुदि माहवॉरी हुंद निज़ाम ठीक ।

सर्दी लगनु किन्य अगर माहवॉरी बन्द आसि गॅमुच जु चमचि नून गर्म आबस सुत्य मिलनॉविथ त्रेयि चरि लटि च्यनु सुत्य गछि माहवॉरी ठीक । जावेन्द पौडर द्वदस मंज़ ग्रकुनॉविथ च्यनु सुत्य छे बन्द माहवॉरी यलु गछान ।

दोयिम ज़नानु दोद अँमिस चँटिथ छु त्रावान सु गव लिकोरिया ।

माहवॉरी नु सपदन्य :-

महॉवॉरी नु सपदनस छि वारियाह वजूहात । यथ मंज़ बँचिदॉन्य न आसुन्य या बचि दानि सुत्य वाबस्त दोयम्यन हिस्सन बन्द तालमेल, न बिहुन या बचि दॉन्य ल्वकुट आसुन्य । बचि पौदु सपदनु पतु ति छे केंचन र्यतन महॉवरी बन्द रोज़ान ।

देमॉगी तनाव :-

माहवॉरी सपदनु तप सर्दी लगुन्य या माहवॉरी सपदनु ब्रोंह सर्दी लगुन्य किन्य ति छे माहवारी बन्द सपदान ।

यलाज :- मुजि ब्योल, गाज़रि ब्योल तु मेथि ब्योल हम वज़न आबस मंज़ ग्रकुनॉविथ, छॉनिथ तु ठन्ड कॅरिथ केंचन दोहन च्यनु सुत्य छे बन्द गॉमुच माहवॉरी खुलु सपदान । अम्युक ख्वराक छु ५० पंचाह ग्राम द्वदस त्रेयि लटि ।

२. क्रुहुन तील १०० ग्राम तु गॉर १०० ग्राम हमवज़न जु गिलासु आबस मंज़ सँकली द्वदस सुत्य इसतिमाल करनु सुत्य गछि माहवॉरी यलु ।

३. अजवेन ६० ग्राम तावि प्यठ तँविथे नून तु मर्चु पौडर

मिलनॉविथ द्वहस दोयि त्रेयि लटि द्वदस सुत्य च्यनु सुत्य ।

४. बर्ग नीम ताजु, तुलसी ब्योल अख गिलासु आबस मंजु
ग्रकुनॉविथ, येलि तकलीफ रोजि बेयि च्यनु सुत्य गछि बन्द
माहवॉरी यलु ।

लिकोरिया:-

अथ बेमारि मंजु छु ज़नान मोहनिविस जायि सतुर किन्य सफेद
आब ह्युव म्वादु नेरान, यिमिकिन्य अँम्य सुंद सोरुय ताकत न ह्यमत
जायि छे सपदान । यि म्वादु खॉरिज सपदुन छे वारियाह बेयेन दाघन
हुंज च़ेनुवन, यथ मंजु कमर दोद ति छु ।

१. फटकर छे इन्फ्यकशन दूर करान, अवय छु फटकर आब
सुत्य जायि सतुर साफ तु पाक थावुन ज़रूरी ।
२. ज़ु आमलु ख्वराकस पौडर १० ग्राम, माछ अख चमचि
मिलनॉविथ द्वहस दोयि लटि अँकिस रयतस इसतिमाल करनु
सुत्य ।
३. केलु हलवु क्या केलु द्वदस सुत्य मिलनॉविथ या माछ मिलनॉविथ
खिर ह्युव बनॉविथ द्वहस दोयि लटि इसतिमाल करनु सुत्य ।
४. मुसरय दाल, दाल बनॉविथ या ओट बनॉविथ तँम्युक चुरमु
बनॉविथ इसतिमाल करनु सुत्य ।
५. शोंठ पौडर १० ग्राम अँकिस आबु गिलास मंजु ग्रकुनॉविथ
येलि चूरिम हिस्सु म्वोचि, त्रेन हफतन इसतेमाल करनु सुत्य
गछि यि बिल्कुल ठीक ।
६. नेस्फु तोमुल कप अँकिस आबु कपस मंजु वज़ुनॉविथ १००

ग्राम मोग तावि प्यठ तँविथ तु पौडर बनाँविथ तु तोमलु आबस सुत्य मिलनाँविथ इसतिमाल करनु सुत्य ।

७. ताजु मोदुर दौन कुल्युक पन तकरीबन १० ग्राम कालु मर्च पौडर कालस वजुनाँविथ पतु दोहस दोयि लटि इसतिमाल करनु सुत्य ।
८. गारि आटिच चोट या गारि आँट्युक हलवु छु फॉयिदुमन्द ।
९. शीशम कुल्युक पन पाँच सथ, आबु गिलास मंजु ग्रकुनाँविथ येलि तकरीबन नेस्फु रोज़ि, ठन्ड कँरिथ च्यनु सुत्य ति वाति फॉयिदु ।
१०. पीपल कुलिक्य पाँछ पनु वँथुर चापनु सुत्य शरबत च्यनु सुत्य ।
११. जॉफर्य पोशि कुलिक्य पनु वँथुर चापनु सुत्य ।
१२. शीशम कुलिक्य पनु वँथुर आबस मंजु ग्रकुनाँविथ च्यनु सुत्य ति छु लिकोरिया ठीक गछान ।

परहेज़:-

चाय, तँल्यमुत्य चीज़, मादु आटिच चोट गछि नु ख्यन्य । कब्ज गछि न रोज़ुन, शीशम कुलिक्य पनु वँथुर (बर्ग शीशम) आबस मंजु ग्रकुनाँविथ च्यनु सुत्य छु लिकोरिया ठीक सपुदान ।



दिल तु दिलुक्य दौद्य

नवि तरीकु लसुन बसुन छु वारियाहन बेमारयन हुंद बायिस ति बन्योमुत। सानि ख्यनुक च्यनुक व्वथनु बेहनुक तरीकु छु वारियाहन फीक्रन तु परेशानियन हुंद वजह। टेयनशन, तनाव, तमह अज़ुरवुन देखा-दीखी, बेशर्मी बेहयाँयी नवि ज़मानुक्य देन। अमि किन्य छु सान्यन रॉचन हुंज़ नेन्द्र तु दोहन हुंद आराम कोफुर गोमुत।

असि यॅस बे करॉरी तु बेचेनी छे स्व छेनु सिर्फ पनुनि नु आसनुच बॅल्कि बेयि सुंदि आसनुच। यहोय छु वजह ज़ि असि छि दिलुक्य दौद्यन मंज़ मुबतला सपदान। देखा दीखी मंज़ छि असि पनुन दुनिया बसावनु खॉतरु प्रथ कांह जायिज़ या नाजायिज़ तरीकु तु वतु इखतियार करान। येमि किन्य अॅस्य कमसुय कालस मंज़ अमीर छि बन्युय यछाय। युथ ज़न सॉन्य हाजत तु हवस दोहन मंज़ पूर सपदान। यि करान करान तु सोंचान सोंचान छि अॅस्य दिलुक्यन दाद्यन मंज़ मुबतला सपदान।

दिल रावुन दिलुच दुबराय तेज़ सपदुन्य, अॅरक फटुन्य, कामि कारस सुत्य दिल न लगुन। शाह खालनस वालनस मंज़ मुशकिल सपदुन वगॉरु वगॉरु छि अम्युक्य अलामथ। अमि दादिक्य शिकार छि ज़्यादु सोंचन वॉल्य, यिमन दौलत जॉयिज़ या नाजायिज़ तरीकव हॉसिल करनुच दव छे लॅजिमुन्न। डॉक्टर, वॅकील, मिनिस्टर तु बड्यन अपसरन अलावु छि बॅड्य इनडस्ट्रियल सरबराह वगॉरु अम्युक शिकार सपदान। यिमन हवस तु हाजत, जनून किस हदस ताम नॉल्य छि

आसान गौमुत्य । सियासतदान, यिम पनुनि कुर्सी रज छि यछान करनि
तु तमि रावुनक खोफ छु यिमन प्रथ विजि परेशान थावान ।
दिलकि दादिक्य अलामुच छे यिथु पौठ्य :-

१. पूरु नेन्द्र नु यिन्य ।
२. अथन ख्वरन वाय युन ।
३. ज़्यादु थोद शान्द थवुन ।
४. बार बार चास यिन्य ।
५. शाह खालुन वालुन मुशकिल गछान ।
६. कमय काँम करनु सुत्य ज़्यादु थकावट ।
७. ज़्यादु अर्क युन ।
८. सीनस दग बेहोश सपदुन ।
९. ख्वरन वर्म दिलुच दुबराँय तेज सपदुन्य ।

यलाज :-

ग्वडुन्यथुय छु वसुवास परेशाँनी तु टेनशनन निश दूर रुजिथ
हँकीमस या डॉक्टरस मशवुर ह्योन तु तथ प्यठ अमल करुन्य ज़रूरी ।
दिलुकिस दौघ वॉलिस छु अँकिस सेट प्रोग्रामस प्यठ पनुन्य
व्वथु बेठ ख्योन चोन, फेरुन थोरुन या अख टाइम टेबल बनावुन तु तथ
प्यठ सख्ती सान अमल करुन्य ।

मारनिंग वाक यानि सुबहुक सॉर ।

दौहदिश वर्जिश, कांह ज्ञानकार संजि निगराँनी मंज ।

मुकॅरर कॅर्यमुतिस वख्तस प्यठ ख्योन च्योन ।

माज़, थॅन्य, ठूल, ग्यव, चरबीदार कांह चीज़ तर्क करुन ।

तोलुमुत ख्यन, ज़्यादु मसालदार ख्यन, सिगरेट, शराब, चाय,

कांफी मनाही । नून बिल्कुल कम । म्वोट अगर आसि वज़न कम करुन
ज़रूरी ।

लालुच, ख्वदगर्जी, द्वख, लडायि, जगडु, शरारत छि दिलुक्य
दोद्य ज़्यादु व्वतुलान ।

५० वरिय वाँस सपदनु पतु गछि मोदुरेर बिल्कुल कम करुन
तु चर्बीदार .ख्यन थँन्य, ग्यव बिलकुल तर्क करुन । डून्य तु बादाम
गछन हफतस मंज़ अँकि दोह इसतिमाल करुन्य ।

सफेद चन्दयन तु ज़हरमुर गछि साफ कँनि प्यठ गुहिथ गछि
अख सीनस प्यठ दिलचि बेयि पनुनि ज़ेवि मथुन ।



बुथ छु दिलुक आनु

जवान ज़नानन किहो मर्दन छु बुथिस नूर प्रेडान । येलि तिम
पनुनि जवॉनी पानु रॉछ करन, गलत सोहबतस मंज़ प्यनु सुत्य कम
कम जवान तु जवॉनियि नाकार गछान । गलत काम्यन हुंघ शिकार
सपदन वॉल्य तु गलत सोंच पानुनावनवॉल्य कम कम नुंदबॉन्य छि
छोचु कॉन्य बनान । चर्स, गाँज, अफीम, ब्रावुन शुगर छु गलत सोहबतुक
असर तु ईजाद । यिमेन कमज़ोर होसलु वाल्यन छि अमि कारुक्य
शिकार्य अँछ कँड्य छांडान आसान । सोन बुथ छु सोरुय अन्दरिम
सानि अन्दुरिम गलाज़तुक ऑनु । साफ तु पाक ख्यालात बोरुत इन्सान
छु बारोनक प्रज़लान तु यि छु मेकनातोसी कँशिश पॉदु कारान । अमि

सुंदिस सोनु बुथिस, येलि यावन वीर या जवौनी हुंज बाकुय अमल छे
 सपदान । तिम ति छि शूबान तु सजान । अथ बरआकुस छु बदकिरदार
 बदमाश तु बद ख्यालात सुत्य इन्सानन हुंदिस बुथिस नँहूसत पेडान ।
 मदंछ ति छे यिथिस इन्सानस सुत्य सोहबत करनस मन्दछान । गोया
 सौनिस बुथिस रोनक बखशनवोल छु अन्दुरिम ख्यालात । बुथ न्यबेर
 शेरनु पौरनु खौतरु गछि अख चमचि गिलसरीन गर्म आबस मंज
 त्रौविथ बुथिस अम्युक बाह दियुन । अख तौलिया कलस प्यठ थँविथ
 गछि यि आब बानु बुथिस ब्वन कॅनि रटुन तु दँहन पन्दहन मिन्टन बाह
 दिनु पतु गछि तौलिया सुत्य बुथ वथुरावुन । साबन गछि नु अमि विजि
 इसतिमाल करुन्य । औनु बुछिथ बासिवु त्वहि पानस ति फर्क तु रौनक ।



मोट इन्सान छु बेमार्यन हुंद आगुर

म्वोट आसुन गव चर्बी आसुन्य चर्बी छे वारयाह बेमारन हुंद
 वजह अमि किन्य छु बुल्ड प्रेशर, हार्ट अटैक, थकावट, जनानन मंज
 लिकोरिया, महावौरी प्यठ कन्ट्रोल न रोजुन, शौंश, बचि नु ठहरुन
 (डम्ब नु लगुन), वजन ज़्यादु गछुन, वजन बडनु किन्य अँडजियन दग
 वगौरु वगौरु । ज़्यादु दिलुक्य दौद्य छि मोटिस इन्सान प्यठ हमलु करान
 तु हौवी सपदान । चर्बी छे कलसट्राल बडनुक अख वजह, अमि अलाव
 छु माज़, ओलव, ग्यव, तैल्यमुत्य चीज़, जिस्मौनी मेहनत कम करुन्य,
 मिठौय, केलु, खंड तु खंडदार चीज़ दोहस ज़्यादु वँखतस शौंगुन,

ज़रूरत खवतु ज़्यादा ख्यनु सुत्य, हाज़मत ठीक न आसनु किन्य, नरि जंगु कम हिलावनु किन्य, वरज़िश हुंज कमी, मेहनत कम करनु किन्य।

अँस्य यि केंछाह ख्यवान छि तम्युक आँखरी अंजाम छु मल युस कब्ज आसनु किन्य यँड किहो अन्दुरमन मंज जमह छु रोज़ान तु असि छु गछान व्यछिरस हुरेर। लिहाज़ा अगर यिमन सारिनुय परेशानियन तदोरुक छु करुन, असि छु ग्वडु कब्ज कन्ट्रोल करुन। म्याँदु गछि नर्म रोज़ुन म्याँदस तु अन्दुरमन गछि मल न्येबर कडनुच सलॉहियत आसुन्य तु आदत बदस्तूर आसुन।

यलाज:-

१. वर्ज़िश छे वेठिस इन्सानस चरब कुमलावनस मंज मदद करान।
२. करेलु रस न्येम्य रस तु लॉर रस छु चर्ब कुमलावनस मंज मदद करान।
३. नून गछि बिल्कुल कम ख्योन।
४. अख गिलासु क्रहुनि चनुक रस (कालय तरस त्रौवमुत) अख चमचि माछ मिलनॉविथ च्यनु सुत्य छय चर्ब वसान।
५. नेस्फु गिलासु पालकि रस न्योम त्रॉविथ।
६. नेम्य कँहवु, कँहवु चायि मंज नेम्य रस।
७. क्रोथु दाल दोहदिश ख्यनु सुत्य।
८. बतु कम तु सलाद ज़्यादा (सलाद, ग्यव, टमाटर, लॉर, गाज़र, मुजि गंडु)
९. ५ ग्राम फिल फिल दराज़ पौडरं बनॉविथ अँकिस माछ चमचस सुत्य मिलनॉविथ इसतिमाल करनु सुत्य छु चर्ब वसान।



नेन्द्र

नेन्दुर ज़्यादु यिन्य ।

जिस्मॉनी थकावट आसनु किन्य, आलुछ यिन किन्य, मोकुल आसनु किन्य, ज़्यादु ख्यनु सुत्य, नशि करनु सुत्य, मर्दानु ताकत ज़ायि करनु किन्य ।

यलाज :-

ज़ु गुलास गर्म आबस मंज़ दँह ग्राम बादियानु ग्रकुनॉविथ येलि सु चूरिम हिस्सु रोज़ि ज़ु ज़ु च्मचि सुबहन शामन नून रछा मिलनॉविथ अँकिस हफतस च्यनु सुत्य गछि ज़्यादु नेन्द्र यिन्य ठीक ।

नेन्द्र कम यिन्य :-

अँकिस सेहतमन्द इन्सान सुंदि खॉतरु ऑठ गंटु नेन्द्र यिन्य छि ज़रूरी । नेन्द्र छे जिस्मॉनी किहो ज़ेहनी थकावट दूर करनुक अख बेहतरीन यलाज, मगर इन्सान येलि शॉगनुच कूशिश छु करान, अँमिस छे दोहचि सारुय परेशानी याद प्यवान तु पनुन्यन मुशकिलातन हुंद हल छंडान, छंडान नेन्द्र गॉब गछान, दोहदिश पनुन्यन मसायलन हुंद हल सोंचान सोंचान छु अँमिस यि अख आदत बनान । परेशॉनी दल दिवान दिवान छे अँमिस अख नँव परेशॉनी नॉल्य गछान ज़ि मे छेनु नेन्द्रय यिवान । अमि खॉतरु छु यि नेन्द्रि दवा इसतिमाल करान, मगर यिमव सुत्य छु अँमिस नवि नवि परेशॉन्ययि नॉल्य गछान ।

यलाज :-

शॉगनु विज़ि गछि अख गिलासु गर्म द्वद इसतिमाल करुन ।

दोहचि परेशानियि गछन शोंगनु विज़ि मँशरावुनि, दोहस गछि कांह
नतु कांह वर्जिश ज़रूर करुन्य।

नेन्द्र यिनु खॉतरु छि वारियाह यलाज। ज़ामतिस द्वदस मंज़
लेम्बय रस, क्रहुन मर्च अख ग्राम बॉदियानु पौडर जु ग्राम, अख च्मचि
माछ इसतिमाल करनु सुत्य छे म्यीठ्य नेन्द्र यिवान। गाज़रि रस अख
गिलासु शोंगनु विज़ि च्यनु सुत्य छे नेन्द्र म्यीठ्य यिवान। चूठ्य म्वरबु
तलु पत्यन तलु मॉलिश।



ब्वछि

येमिस ब्वछि छे लगान, तँमिस छु म्याँदु ठीक कॉम करान
ब्वछि गलनस या नु लगनस छि कैह खास वजह आसान। यैलि अख
शखुज़ बेमार छु सपदान तँमिस (बेमार गछनस कांह ति वजह आसि)
तँमिस छे ब्वछि कम लगान।

कब्ज़ आसुन, वर्जिश नु करुन्य, ज़्यादु सिगरेट नोशी या शराब
नोशी या बेयि कांह नशि। येमि सातु सोन जिस्म कांह चीज़ ख्योन या
च्यन छु मँगान तु सु छुन तमि वख्तु मुहेसर सपदान। मॉल छु फुटान।
गोया वख्तस प्यठ ख्यनु च्यनु न मेलुन या तु ख्योन ति छु सानि ब्वछि
नँ लगनुक अख वजह।

सॉनिस ख्यनस च्यनस मंज़ मसालुजात वर्तावनुक सिलसिलु
छु चलान, तिम मसालु छि बरोति अदवियात अलग अलग कॉम

करान । तिम छि सानि ख्वराकुव्य गर्म, सर्द बाँदी तासीर ठीक करान ।
 कैह मसालु छि यँड मंज जमह सपदनवोल बाँदी ह्वा (गैस) खॉरिज
 करनस मंज मदद करान तु कैह मसालु छि ख्वराक श्रपुरावनस मंज
 मदद करान । ब्वछि लगुन्य या न लगुन्य या कम लगुन्य या ज़्याद
 लगुन्य या म्याँदस मंज गैस जमह सपदनु खॉतरु छि अलग अलग
 ताँसीर वॉल्य मसॉलु म्यवु या बाकुय बाकुय चीज़ दँसतियाब, यिम
 इस्तोमल कॅरिथ अँस्य पनुनिस सहेतस रॉछ ह्यकव कॅरिथ ।

अमरूद छु यँड मंज बन्योमुत गैस खॉरिज करान तु नोव नोव
 गैस छुन बनान । गैस बनुन छे अख स्व अमल य्वसु सॉनिस ख्वराकस
 म्याँदस मंज कीमियायी अमल सपदन दौरान पाँदु छु सपदान । यिथु
 पाँठ्य छु सॉनिस म्याँदस मंज नार दज़ान आसान तु कीमियायी अमल
 चलान आसान तु अवय छि प्रेशर बनान रोज़ान । कुनि सातु छु डाकुर
 बॅनिथ तु कुनि सातु गैस बॅनिथ न्येबर नेरनुच वथ छांडान । कुनि सातु
 येलि नु गैस खॉरिज सपदि, यि छु यँड दाँदिस तु दिलुकिस दाँदिस ति
 व्वतुलावान, सु गैस खॉरिज करनु खॉतरु गछि अदरक तकरीबन ६
 ग्राम न्युक कॅरिथ नून मरचुवांगुन रछा मिलुनॉविथ कैह गिज़ा ख्यनु
 ब्रोंह इसतिमाल करुन, गैस गछि नु पाँदु । अजुव्यन, र्वंग, कालु मर्च
 बाँदियानु लेदुर, शाँठ छि गैस खॉरिज करनस मंज मदद करान ।
 टमाटर छि ब्वछि बँडुरावान । तेम्बरि आबयानि त्रँह च़तजी ग्राम अँकिस
 आबु गिलास्स मंज कालय तरस त्रॉविथ सुबह्य म्वोठ दिथ च्यनु सुत्य
 छु मॉल खुलान । अख कप क्रुहुन चनु ३ गिलास आबस मंज ग्रकुनॉविथ
 पतु छाँनिथ च्यनु सुत्य छे ब्वछि कम गछान ।



खूबसूरती बडुरावनुक नुस्ख

खूबसूरती छे दयि सुंद युस समाजस मंज इजत तु शान शोकत छे बखुशान। कांह ति खूबसूरत चीज येलि ति नजरि गछान छु, वाह वाह करनु वराँय छिनु ह्यकान रुजिथ। खूबसूरती छे न्यबुरिम को अँदुरिम द्वशवय अख अँकिस सुत्य वाठ, तिक्काजि येलि अँदुरिम सिस्टम ठीक आसि तैलि रोजि न्येबुर्य किन्य ति रोनक। अगर अन्दर कुनि तानस कांह कमजरी या तकलीफ आसि सु हावि बुथि प्यठ्य जि अन्दर छे कोसतान्य कमी। न्येबुरिम वस्तुरवान नैरि जंग, अँछ, नस कन तिमन हुंज द्वशवय ज़नानु को मर्द केशान। अन्दुरिमि खूबसूरती मंज छु सौंचनुक समुजनुक बोलनुक, चालनुक तरिकु। कथन मंज मेछर, आवाज मोदुर वगौर, ह्यकव अँस्य अख अँकिस सुत्य व्वथु बेठ कँरिथ ज़्यादु बेहतर पौठ्य समजिथ।

अगर अँकिस इन्सानस (ज़नानु या मर्द) शकलि नुन्दुबोन ति आसि मगर व्वथु बेठ आँस्यस गलत इन्सानन सुत्य तँम्य सुंद स्वंदर आसनुक मकसद छु गछान फोत। खूबसूरती छु म्वल सिर्फ हया, सुबुर शर्मदार, रुच सोहबत वाल्यन तु आसन वाल्यन मंज बे हया, बे शर्म बदकिरदार दोस्तन या व्यसम सुत्य सोहबत छे खूबसूरती प्यठ अख दाग तु अख न्यामत। अथ बरआक्स अगर अख क्रुहुन इन्सान येमिस नाक नकशि बराबर आसनु तु न आसनु रुत्यन सुत्य व्वथु बेठ अँकलन सुत्य व्वथु बेठ मन्दुरन मसजिदन रूहॉनी महफिलन या बुजरगन मंज आसि व्वथान बेहान, सु छु पँज्य पौठ्य स्वंदर। कुस छुनु यछान

खूबसूरत बनून या बासुन, अज़ छु असि स्वंदर बनावुन खॉतर ज़ाल
वाहरॉविथ छारान, टेलिविजिन, रेडियो, अखबार वगॉरु छु स्वंदर
बननुक सामान कुनान, वनान तु वखुनय करान। अँड्य क्रीम, अँड्य
पौडर, अँड्य दवाह तु अँड्य बदन पॉरावनुक संज़ तु सामान, लेकिन
यिम सॉरी छि बेवकूफ बनावान तु अँस्य छि बानान।

युस पनुनि खूबसूरती पँज्य पॉठ्य कॉयिम तु बडुरावुन आसि
यछान, तँमिस पज़ि यिमन केंचन कथन हुंद ख्याल थावुन।

१. कब्ज़ गछि नु रोज़ुन। अमि खॉतर गछि प्रथ हफतु अख दोह
मुकरर कॅरिथ हलेल ज़र्द पौडर २ चमचि शामन शॉंगनु ब्रोंठ
ख्योन।

२. ख्यनस सुत्य गछि सलाद यानि मुज, गाज़र, टमाटर लॉर,
गन्डु, बन्दगूपी, फूलगूपी, चोकन्दर ज़रूरी इसतिमाल करुन।
बॅल्कि गछि नस्फ यड अमिय सुत्य बरुन्य। सलाद छि बुथिच
रोनक तु खूबसूरती बडुरावान तु कॉयिम थावान।

३. ल्येदुर (कॅच ल्येदर) चेटिन्य बनाँविथ या सब्जी मंज़ इसतिमाल
करनु सुत्य छु हुसनुक रंग तु रोनक कॉयिम रोज़न।

४. गर्म आबस मंज़ गछि ओलुव ग्रकुनाँविथ तु तमि पतु तमि
आबु सुत्य बुथ छलुन।

५. बुथिस गछि अख ज़ु चमचि माछ अँकिस द्वन गन्टन मँथित
थावुन तु तमि पतु बुथ छलुन।

६. ज़ु चमचि लेदुर ५ चमचि बेसन ज़ु चमचि कॉशुर तौल यिकुवट
पेन्ट बनाँविथ गछि बुथिस मँथित थावुन तु अकि दोयि गंठि पतु

बुथ छलुन । अगर अथ सुत्य औरकि गुलाब ति मिलनॉविव सु
रोज़ि ज़्यादु बेहतर ।

७. साबुनि बदल गछि साबुनि हुंघि पॉट्य मुलतान म्येच इसतिमाल
करुन्य ।
८. म्वरबु आमलु अख दानु तकरीबन ५० ग्राम गछि दून त्रेन
रयतन लगातार इसतिमाल करुन ।
९. गाज़रि रस डवोड गिलास सुबहन तु ओड गिलास शामन
इसतिमाल करनु सुत्य छु मुस्तु व्वज़लान तु नर्म तु मुलायिम
रोज़ान ।
१०. लेम्बय रस बुथिस मँथुन तु गंठि दोयि गंठि पतु बुथ छलुन छु
अख बेहतरीन नुस्खु ।

टमाटर रस, मुजि रस, लॉर रस, गुलाब अर्क यिम सॉरी
हमवज़न तकरीबन ज़ु ज़ु चमचि यिकुवट रलॉविथ गछन लेम्ब्य रस
तकरीबन अख चमचि ल्येदुर पौडर १/४ चमचि १/४ नून वरॉय
थँन्य । यिमन सारिनुय चीज़न पेस्ट बनाविथ गछि बुथिस मॉलिथ थावुन
तु गन्टु खँन्ड्य गछि गर्म आबु बुथ छलुन तु तेमि पतु गिलसरीन तु
गुलाब अर्क यिकुवट मिलनॉविथ बुथिस मॉलिश करुन्य । बुथ गछि
नॉपुवुन तु नववुन ।

अमि अलावु छि वारियाह तजरूबु करनु आमुत्य यिमव सुत्य
अँस्य पनुन्य खूबसूरती बडुरॉविथ ह्यकव । तोमुल छेलिन्यवोन्य, द्वद
बाह, नारियल आबु दोहस मंज़ दोयि लटि बुथ छलुन । कस्ट्राइल
तीलस मंज़ बेसन रलॉविथ बुथिस मँथित थावनु सुत्य । तुलसी वँथुरन

हुंद रस तु लेम्ब्य रस हमवज़न यिकवटु मिलनावेथि बुथिस मँथित
थावन सुत्य गंठि खँड्य बुथ छलुन । यिमव मंज़ युस ति कांह नुस्खु
अमलि मंज़ अनव सु बनावि स्वंदर तु सवंदरमाल ।



वुठ

फँटिमित्य, वुठ, वुठन पुतँर लगुन्य ।

यलाज:-

१. शॉगन ब्रोंह कॉशर तीलच मॉलश वुठन तु तूनिस करुन्य ।
२. दीसी ग्यव ड्वड चमचि नून रछा मिलनॉविथ वुठन तु तूनिस
(नाफि हुंज़ि जायि) मॉलिश करुन्य ।
३. गिलसँरीन दोयि लटि दोहस वुठन मँथित थवुन्य ।
४. सुबहन शामन पांच पांच ग्राम बादाम गोजि ख्यनु सुत्य ।
५. अगर वुठन पुतँर आसि लँजिमुच, मुस्लु वर्क आसन व्वथान,
सब्ज़ु आलु पौडर बनाविथ थनि सुत्य मिलनॉविथ दोहस अँकि
दोयि लटि कम खोतु कम सतन दोहन इसतिमाल करनु सुत्य ।
६. अख चमचि द्वद अख चमचि मलॉय यिकुवट चमचि सुत्य
मिलनॉविथ अगर क्वंग रछा ति आसि सु मिलनॉविथ वुठन
मॉलिश करनु सुत्य छि वुठ व्वज़ल्य तु नर्म रोज़ान ।
७. द्वद चोर पाँछ चमचि, गुलाब पोशि वँथुर पाँछ दँह यिकुवट
पिसिथ, बादाम गोजि चोर पाँछ पेस्ट बनाविथ गछि वुठन

मँथित थावुन ।

८. शौंगनु विजि गछि वुठन ग्यवच मौलिश करुन्य ।
९. गर्म च्वचि तावि प्यठ ग्यव मँथित युस प्रेडान रोजि तमि ग्यव
मौलिश गछि वुठन करुन्य ।



तिल पत्यन नार गंडुन

मे ओस बाबु सॉब वनान, जंगन छिम हून्य लमान, जंगन हा
छिम पेछ यिवान । तलपत्यन छुम नार गोंडमुत, वॉलिंज हा छम वुहान ।
बु ओसुस अँसान । रगन मंज छा पेंह अनरम पेछ यिवान, मगर अज
येलि मे पानस यिम अलामँच लबनु आयि मे तोर फिक्री जि सु ओस
सँही वनान । यिम अलामुच छे या ति कुनि दादिच या बजरुचि बहरहाल
येमि ति वजह किन्य आसन यलाज करुन छु ज़रूरी ।

यलाज:-

१. गर्म आबु लीटरस मंज गछन जु चमचि काशुर तौल त्रॉविथ
अमि आबु सुत्य ख्वर छलुन्य, पाँचन सतन मिन्टस गछन
ख्वर संगपायि सुत्य रगडावुन्य अख गछन ख्वर साफ बेयि
चलि नार व्वथुन ।
२. ज़ेछि अलि हुंघ अन्दुरिम ब्याल दार हिलु ख्वरन रगडावुन
सुत्य छु नार व्वथुन चलान ।
३. करेलु पन आबस मंज पिसिथ लागनु सुत्य या ख्वरन माँज

लागनु सुत्य अम्ब कुल्युल बामन (ल्वकुट ताजु पोश) रगडावन
सुत्य ।

४. कतीर कालय आबस मंज वजुनॉविथ सुबहय सुबहय च्यनु
सुत्य ।

५. दानिवल पौडर तु खंड रछ यिकुवट मिलनॉविथ दोहस दोयि
त्रेयि लटि फेख ख्यनु सुत्य । थॅन्य अख चमचि खंड रछ
मिलनॉविथ ख्यनु सुत्य छु ख्वरन नार व्वथुन बन्द गछान ।



आम तु खोलु

आम छु सान्यन अँन्दुरमन मंज पलनवोल सु क्योम युस यिमन
अँन्दुरमन मंज गरु ति छु बनावान तु बचिकॅशी ति छु करान । कुनि
सातु छु यि मल जायि किन्य न्येबर ति नेरान । अँस्य येलि यिम केम्य
न्येबर कडनु खॉतरु आमु दवा छि ख्यवान, यिम छि मलस सुत्य न्येबर
नेरान मगर नॅव्य बन्य छिनु कम गछान । ख्यनस च्यनस मंज रछा
बदलाव कॅरिथ ह्यकव अँस्य यिमव निश तु यिमन हुँद्यव बुर असरातव
निशु बॅचिथ ।

यलाज :-

बेमारस गछि कालु हल्कु गिज़ा दियुन । बेहतर रोज़ि दॅलिया
दियुन, दोयिम दोह सुबहय जलाबु दियुन ।



अकल तु यादाशत ठीक करनुक नुस्ख

सुबहय आफताब खसनु ब्रोंह नेन्द्र व्वथनु सुत्य छु दिल फोलान,
वाँस हुरान तु अँकिस कामि दोहस दून दोहन हुंज बरकत सपदान।
सुबहुक शबनम छु आबिहयातुक तासीर तावान। याद थाँविव दुनिया
छु अख आँनु, अँस्य येमि नज़रि अथ वुछव तमि नज़रि वुछि सु
वापस। असान असान वुछव तु दुनिया बासि रहमत। वदान वदान
रोज़व यि दुनिया बासि ज़हमथ। यि लानि लीखिथ आसि ति छु लोनून।
वदान वदान लोनूव तोति छु लोनून, असान असान लोनव तोति छु
लोनून। टेनशन तु परेशाँनी छे सारिवुय खोतु बँड बेमॉर्य। अम्युक
यलाज छु सिर्फ़ ख्वश रोजुन, दोहदिश श्रान करुन, मँज्य मँज्य तीलु
मॉलिश करुन्य छु आलुछ तु गनूदगी चँलरावान।

सुबहुक सॉर छु रूह ताज़ु करान तु अमि सुत्य छु असि
आकसीजन हॉसिल सपदान। युस ज़िन्दुगी तु ज़िन्दु रोज़नुक अख
अँहम जुज़ छु। ज़िन्दुगी गछि अँकिस सेट कॅर्यमितिस प्रोग्राम तहत
बसर करुन्य। अमिच प्रथ कांह कॉम गछि मुकरर कॅर्यमितिस वख़्तस
प्यठ करुन्य।

सुबहय अथ बुथ छॅलिथ त्रामु बानस मंज़ कालय थवनु आमृत्य
आबस ज़ु गिलास चेनु सुत्य सपदि यँड पूर साफ़। कब्ज़ गछि दूर।
अगर यँड साफ़ करनुक, चार आसिनु आमृत, तोति गछि ज़ु मिन्ट
कमोडस प्यठ बिहुन। मल दूर बगावनु बगॉर गछि नु नेरुन, ज़ोर
लगावनु सुत्य छे बवॉसीरी सपदान। प्रथ कामि खॉतर गछि वख़्त

मुकरर करुन तु अथ प्यठ अमल करुन्य। कॉम छे पानय सपदान।
 यिथु पौठ्य मुकरर करनु आमतिस वख्तस प्यठ यँड साफ करनु
 खौतरु बाथरुम गछनु सुत्य छे पानय कुनि ज़ोर लगावनु वरौय यँड
 साफ सपदान। अगर कुनि वजह किन्य यड साफ गछि नु तोति गछि
 कमोडस प्यठ ज़रूरी द्वन त्रेन मिन्टन बिहुन। सौंचनु समजनुक याद
 पौदु करनु खौतरु गछि जान जान ऑलिमन हुंज किताबु परनि तु तिमन
 सुत्य व्वथु बेठ करनुच कूशिश ज़रूर करुन्य। पाठ, पूजा, नेमाज़,
 अबादत करनुक छु सान्यव बुज़र्गव वखतु मुकरर कॅरिथ थोवमुत।
 तिथुय पौठ्य गछि सख्ती सान अमल करुन्य। फाकु या रोज़ु गछन पूर
 अकीदत सान दुरुन्य। कम से कम गछि अकि दोह अख रछा काम
 करनुक आदत बनावुत सु दोह गछि बेकार ज़ानुन येमि दोह नु तोह्य
 अख रछा कॉम कॅरिव। ज़नानि तु मरदस म्युल करनस गछि अख
 दोह मुकरर करुन तु तमि दोह बगौर गछि हवसन कलु च़दुन। पनुन
 दिल तु दैमाग गछि काचि रँदुन। यिम दशवुय गछन पनुनिस कन्दोलस
 मंज़ रटुन्य। याद थौविव येमि जुरियातकिस मॉलिकस निश छेनु कांह
 कथ ति छायि तु युस ति चीज़ असि अँन्द पौक्य हरकत करान छु तथ
 मंज़ छु सु बॅसिथ। हॅसतिस मंज़ ति छु, मॅहिस मंज़ ति छु। अवय छि
 वनान जि अगर अँमिस मॉलिकु सुंदिस जुरियातस अकार बकार
 यिवान स्व छे तमि सुंज़ बॅड इबादत।

पनुन पनुन सौंचुन समजुन गछि मज़हबस ताबेह बनावुन। मज़हब
 छु अख सु लायि अमल युस लछि बॅद्य वारि प्यठ सान्यव आकलव,
 सान्यव बुज़रगव सानि खौतरु मन दिथ तु तजरुबु कॅरिथ छु थोवमुत

असि पजि तंग दायख मंज नीरिथ खुलु समन्दरस मंज नेरुन तु कांह ति
जान कथ येत्यनस ति हॉसिल सपदि तु हासिल करुन्य तु तथ प्यठ
अमल करुन्य । गिजायि हलहाल तु गिजायि हरामस गछि हमेशि चेतस
थावुन । सोन देमाग युस ति फलसफु पनुनि खॉतरु मंजूर करि सु गछि
बेयिस ति वर्ताविनुक मिक् दियुन ।

यलाज:-

आमलु छु विटामिन सी सुत्य बॅरिथ तु विटामिन सी छु अॅछन,
कनन, नस्ति, दन्दन अलावु यॅड, दिल, देमाग वगॉर सारिनुय वुस्तुखानन
नॅव ज़िन्दुगी बख्शान ।

आमलु छु क्वदरतुक अख सु न्यामत युस होखुनॉविथ या
ताजु रस कॅडिथ या तील कॅडिथ या म्वरबु बनॉविथ या कैन्डी फॉयिदुमंद
रोजान ।

द्वन किलोहन आमलन हुंद रस शीशु बानस मंज थॉविथ गछि
त्रे पाव माछ मिलनॉविथ पन्दहन दोहन तापस थावुन । पन्दहन दोहन
तापस थावुन पतु गछि अख अख चायि चमचि सुब्हन शामन इसतिमाल
करुन । इन्शाअल्लाह सपदि यादाश तेज । मर्चुवाँगन तु चोक्यर गछि
यिमन दोहन तर्क करुन ।



कैन्सर

ख्खदा कॅरिन सारिनुय लुकन कैन्सर बेमारि निश रॉछ। यि बेमारय मॅ आसिन दुशमनन ति। येमिस यि दोद छु आसान सु ज्ञानि यि दोद कोताह मूजीख छु। कैन्सर गव जिस्मुकिस कुनि ति हिस्स मंज़ बिला वजह तब्दीली। कुनि ति जायि आँचि गछनि, यिमु आँचि बडनि या फॉलनि। अगर अँकिस जायि यिम चटोख यानि अपरीशन कॅरिथ स्व जाय चटव यिम छि दोयमि जायि कलु कडान। अगर सिर्फ अख सेल जिस्मस मंज़ रोज़ि यिम छे फँहलान रोज़ान। यिम ग्वगजि या आँचि छे मँज्य अँन्दुरी अँन्दुरी फटान रोज़ान तु सॉरिसुय जिस्मस तु जिस्मुकिस बेयिस निज़ामस ति असर त्रावान। अगर इब्तिदाई दोरस मंज़ यिमन हुंद पतह चलि, तैलि ह्यक्यन यलाज करनुक संज़ कॅरिथ मगर अथ छेनु इब्तिदाहस मंज़ तिछ कांह अलामत यथ ज़न अँस्य यलाज ह्यकव कॅरिथ। येमिसातु अमियुक पता छु चलान तमि सातु छु आसान वखतु द्रामुत यिमु सेलु आसान फॅल्यमुच। यिमव सेलव छि आसान बचि कॅशी कॅरमुच। अगर काँसि ख्वश नसीब वॉलिस इब्तिदाई।

दौरान मंज़ तशरवीस सपदि तु मसाँवी ज़ानव नु मुमकिन छु बेमार ह्यकान बचाँविथ नतु छु अम्युक अँजाम मौत, स्योद मौत तु दर्दनाक मौत।

अमि दाँदिच अलामच छे यिमव केंचव कथव सुत्य ज्ञानानि।

१. कांह ति ज़ख्म युस वारियाहस कालस ठीक सपदि नु।
२. जिस्म किस कुनि ति हिस्स लगातार खून जाँरी रोज़नु।

३. ज्ञानान माहवॉरी बन्द गछनु पतु (यानि माहवॉरी हुंघ दोह मुकमल गछन पतु ति) खून जॉरी रोज़ि, येलि कि बवासीरी आसि नु।
४. ख्यनु हँटि ब्वन वालुन अगर मुशकिल सपदि।
५. अगर लगातार बदहज़मी या अँन्दुरमन हुंज़ मुकरर कँरमुच कामि काँसि तब्दीली यियि।
६. अगर गलातार कब्ज़ु रोज़ि।
७. लखचुन छु तकरीबन प्रथ काँसि इन्सानस तु ति ह्येकि कुनि ति जायि आँसिथ। अगर लखचनिस रंग तब्दील गछुन महसूस सपदि, हंगु मंगु कम ह्यमथ या ख्यनु च्यनुक मॉल कम गछि। यिमव अलामँचव मंज़ अगर कुनि कुस्मुच शिकायत आसि जल्दु से जल्द गछि डाक्टरस रजू करुन।



बुजर

बुजर छु अख क्वदरती अमल येम्युक ऐहसास सॉन्य वाँस बडनु किन्य, सान्यन वुस्तुखानन कमज़ूरी यिनु किन्य, अँछन हुंद गाश कमज़ोर गछनु किन्य, मस सफेद गछनु किन्य, अँडिज्यन दग, मस नीरिथ चलुन किन्य, पेशाबस प्यठ कन्ट्रोल न रोजुन किन्य। मर्दानु कमज़ूरी यिनु किन्य छु इन्सान कम ह्यमत गछान तु छस चेनुवन लगान जि बुजर छु आमुत।

बुजरुकि एहसासु सुत्य छि खौहिश मरान। ख्यनु च्यनुक हँजम
न सपदनु किन्य या कम श्रपनु किन्य छु प्यवान मानुन जि बुजर छु
दस्तक दिवान। सानि दोददिश हँजि व्वथु बेठि प्यठ ति छु अमियुक
असर साफ बोज़नु यिवान। असि छु वार वार आलुछ नाल वलान तु
मॉमूली कॉम करनु सुत्य थकावट बासान, गराह ग्वडन दग, गराह
अँडिज्यन दोद, गराह कलु गीरान तु गरा कमर जवाब दिवान।

सानि जिस्मुच खून सारन वाज्यन रगन मंज़ छु चूनु ह्युव मसालु
अँदुर्य किन्य जमह सपदान, यथ कालस्ट्राल वनान छि। अमिकि
जमह सपदनु किन्य छे रगन हँज अँन्दुरिम जाय तंग सपदान तु कुनि
सातु छु यि बुल्ड प्रेशर बडन किन्य हार्ट अटैक सपदनुक बायिस
बनान, सोन प्रान्य पॉठ्य व्वथुन बिहुन ख्वश तु खवशहाल पॉठ्य
जिन्दु रोजुन छु मुतासिर सपदान तु असि बुजरुक ऐहसास स्यकु सपदान।
अकि दोह छु अख दोद बैयि दोह ब्याख दोद। गराह कमरस दग, गराह
रेकु अडिजि तु गराह बाकुय बाकुय तानु मुताँसिर सपदनु किन्य छु
बुजरुक ऐहसास पूर पॉठ्य महसूस सपदान। बुजर दूर करनु खौतरु
छु असि पनुन्य दोहदिशिच व्वथु बेठ मंज़ तब्दीली अँन्य ज़रूरी।
अँकिस मखसूस टाइम टेबल प्यठ अमल करुन छु निहायत ज़रूरी।
मुकरर कॅर्यमितिस वख्तस प्यठ नेन्द्रि व्वथुन, वरज़िश करुन्य येमि
सुत्य नरि जंगु हिलावनुक आदत बदस्तूर कायिम रोज़ि तनु अकडन
(Stiff) तिम तान।

जिन्दु रोजुन खौतरु छु मकोई तु मोहकूल गिज़ा आसुन ज़रूरी।
मुकरर कॅर्यमितिस वख्तस प्यठ ख्योन, च्योन, व्वथुन, बिहुन, म्यीठ

नेन्द्र, खुलु ह्वहस मंज वर्जिश तु फेरुन थोरुन छु स्यठा ज़रूरी। युथ जन सॉनिस जिस्मस ताज़ु ह्वा (आकसीजन) मुहैसर सपदि। बुजरस मंज ज़्यादु ख्योन छु बदहजमी, द्रख एसीडीटी हुंद बायिस बनान। यि छे चर्ब गालान तु आलुछय बनावान। कम काम करनु किन्य छु ख्योन ज़रूरी। असि छु ज़िन्दु रोजुन खॉतरु ख्योन ज़रूरी, नु कि ख्यनु खॉतरु ज़िन्दु रोजुन तैलिथ कॅसिथ ज़्यादु मसालदार ख्यन छु न्वकसान देह। कम पाकुनावमुच्च सब्ज तरकॉर्य छे फॉयिदुमन्द। अज़ताम छि कम ख्यनु वॉल्य कम मूदिमुत्य तु ज़्यादु ख्यनु वॉल्य ज़्यादु मूदिमुत्य। हफतस मंज गछि अकि दोह फाकु करुन। अँकि दोह गछि सिर्फ म्यवु ख्योन। रँनिथ सब्जी मुजि, गाज़रि, लॉर, टमाटर, बन्दगूपी, फूलगूपी, सलाद बनाँविथ ख्यनुक आदत गछि बनावुन। ज़ेछि अलु हुंद रस गछि ताज़ु बनावुन। छ्वकु दोद (थॅन्य तुलिथ ज़ामुत द्वद) छु मोचर वालनस मंज मदद करान।

याद थॅविव मोट इन्सान छु बेमार्यन हुंद गरु तु तोन छु वुडवुन जानावार, युस आसॉनी सान वुफ तुलिथ ह्यकि।

बुजरुक ऐहसास कम करन खॉतरु गछि बचन क्यो जवानन सुत्य व्वथु बेठ करुन्य। चून्ठ वुछिथ चूठ रंग रटान। मनफी सोंच गछनु नु पानस नज़दीक अननि तु परेशॉनी गछि पनुन्यन गरुक्यन बाँचन बावन्य या पनुन्यन यारन दोस्तन वनुनि, यिमन हुंद हल नेरि ज़रूरी।

अगर वाँसि किन्य बुडु इन्सान, जवानन हुंज सोंच पानुनावि, सु रोज़ि बुड आसनु बावजूद जवान। ख्वश रोजुन तु असनु सुत्य छु दिल फवलान तु दोद चलान। पनुन दोह गुज़ारनु खॉतरु गछि अख सेट प्रोग्राम बनावुन। सुबहय नेन्द्रि वॅथिथुय गछि ग्वडुन्यथुय यड साफ

करुन्य। अगर मुकरर कॅरिमितिस वख्तस प्यठ यड साफ करनु खाँतरु
 ज्यादु वख्तु वरॉय गछि नु न्येबर नेरुन। यि आदत गछि प्वखतु करुन।
 अगर कब्ज़ आसनु किन्य यड साफ गछि नु तैलि छे कब्ज़ी दूर करनु
 खाँतरु स्यकु यलाज करुन, युथ नु यि नॉल्य गछि सुबहय सुलि नैन्द्रि
 व्वथुन वोल् छु पॉन्य पानय तथ वख्तस प्यठ हुशार गछान। ज़न छि
 अँमिस मलायिख नैन्द्रि वुज़नावान। अँमिस छेनु अलारम थवनुच ज़रूरत
 प्यवान।

कुनि ति दादि खाँतरु गछि अंग्रीजी दवा इसतेमाल नु करनुच
 कूशिश करुन्य। अंग्रीजी दवा छु अख दोद व्वतुलावान। दीसी दवा छु
 साईड इफ्यकट वरॉय।

केंह चीज़ यिम जवॉनी मंज़ तोहि ख्वश आसन करान मसलन
 सिगरेट, नशि, तमौक, ग्यव थॅन्य, मलाय, वरबी गछन मॅशरावन्य।
 पनुन्य कॉम पानय करनुक गछि आदत बनावुन। लेकिन यॅस काम
 पानु ह्यकव नु कॅरिथ, तमि खाँतरु गछि अवलाद सुंद हमसाय सुंद
 यारन, दोस्तन या रिशतुदारन हुंद मदद हॉसिल करनस मंज़ कांह
 वायि करुन।

अगर तोहि अज़ मदतच ज़रूरत प्यवु, मुमकिन छु पगाह पेयि
 तिमन ति। तोह्य येलि कांह पनुन माँनिहून तैलि माँनिव सु पनुन। बुड
 मिहनिविस पज़ि नु कांह काम पगाह प्यठ तावन्य, बॅल्कि पज़्यस
 पगहुच कॉम ति कालय करुन्य। बुजरस मंज़ ओर रोजुन। सुबहस
 श्रान, दयान, इबादत, ख्योन चोन, लेखुन, परुन आदत बनावुन्य पनुनिस

गरस मंज गछि अथु बडावनुच कूशिश करुन्य, ज़िन्दु जुवस गछि नु
काँसि यि वननुक मोकु दियुन ज़ि यि छु बेकार बुड।

याद थॉविव ज़ि प्रथ कांह सॉन्य अमल छि अहमाल नामस
दर्ज सपदान। अमलि छु रदि अमल, रुत सोंचुन, रुत वर्तावुन, रदि
अमल ति आसि रुतुय। काँसि अकार बकार युन छु इबादति हुंद
मेहराज। प्रथ कांह वजूद छु मॉलिकु सुंद वजूद तु अमिच खँदमत छे
अबादत तु शुकरानु शुकर कॅरिव ज़ि तोहि म्यूल काँसि हुंज खँदमत
करनुक मोकु।



मस क्रूहुन करनु खाँतर नुस्ख

काँशुर तील (यानि तील गोगुल तील) अख किलो।

रॅत्न ज्योत (यानि यारि लंग) १०० ग्राम।

अँबु आँट पौडर बनोंविथ १०० ग्राम।

बर्गिहना (यानि माँजि पन) पौडर १०० ग्राम।

द्वन दोहन आबस मंज वज़नॉविथ तु यहोय आब तीलस मंज
त्रॉविथ गछि यि तील रॅत्न ज्योत, अम्बु आचि पौडर तु माँजि पन
ग्रकुनावुन तु मिलावुन। येलि ग्रकान ग्रकान आब होखि तु तीलय योत
रोज़ि, दवा गव तैयार। यहोय तील इसतेमाल करनु सुत्य गछि मस
क्रूहुन।



चरबी वालन खॉतर

म्वचर वालन खॉतर गछन कैह खास वर्जिश करनि। सब्ज पनु वाजिन सब्जयि इसतेमाल करनि। अँकि वख्तु गछि सिर्फ फल ख्योन तु ख्यनु पतु अकि गंठि गछि आब च्योन। कॉफी मोर्दर्य चीज़ तु चरबी वॉल्य चीज़ गछन तर्क करुन्य। माछदार लेम्बिच त्रेश ति छे चर्ब वालान।

गर्म आब सुत्य म्वचेर वालुन:-

कैह ख्यनु पतु अख कप या अख गिलास गर्म आब लगातार च्यनु सुत्य छे चरबी वसान। कब्ज दूर गछान यँड मंज गैस बनन बन्द गछान, अँन्दुरमन हुंद वर्म तु यँड हुंद केम्य (आम) ति दूर गछान।



दादिक दवा

कलु दादि खाँतर चूँठ

सुबहय सकली अख चूँठ दयल तुलनु बगौर ख्यनु सुत्य छु वारियाह कालुक कलु दोद पन्दहन दोहन मंज ठीक सपदान। कोज ख्यनु ब्रोंह देंह मिन्ट अख मोदुर चूँठ ख्यनु सुत्य छु देमागस ताकत मेलान।

दिल तु चूँठ:-

चूँठय म्वरब ५० ग्राम जु रवपुवर्क ७ लॉगिथ पन्दहन दोहन ख्यनु सुत्य छि दिल्वय दौद्य ठीक सपदान।



क्वकर चास

फटकरि लायि (नारस प्यठ फटकर त्रॉविथ छु फटकर कुमलान तु तथ छु लाय नेरान) अख म्वंगु फॅलिस सुम्ब जु चोर दानु मोदरेर मिलुनॉविथ दोहस दोयि लटि इसतिमाल करनु सुत्य छे पाचन दोहन मंज चास चलान।

चासि दवा:-

शंगुर, कथु सफेद गोंद ब्योल हमवज़न यानि देंह देंह ग्राम प्यख बनॉविथ, कपर छानि कॅरिथ, अदरक रस रलॉविथ राजमाह फॅलिस सुम्ब गोलि बनॉविथ गछि यिमव गोलव मंज अख अख चिहान रोजुन, चासि खाँतर छु यि अख कार आमद नुस्खु।

चास:-

शंगुर तु कालु मर्च दँह दँह ग्राम तु यरवुन (प्रोनगुड) गपर मिलनॉविथ मटर दानस सुम्ब तु गोलि बनॉविथ ताजु आबस सुत्य दोहस दोयि त्रेयि लटि इसतिमाल करनु सुत्य छे कुनि ति कुस्मुच चासि फर्क गछान।



कैन्सर

रूहन ख्यनु वॉलिस छुनु कैन्सर गछनुच कांह गुंजॉयिश। गाज़र, टमाटर, सब्ज परतु सब्जयि ख्यनु सुत्य छे कैन्सर गछनुच परेशॉनी कम।



प्येतु फेफर

प्येतु फेफर ठीक बापथ गछि अख खँज़र आँट साफ कनि प्यठ गुह्थि अँछ टार्यन ओंगजि सुत्य लागुन। तेम्बरि आँचि हुंज गूज अँछ टार्यन कनि प्यठ गुह्थि लागुन सुत्य ति छि प्येतु फेफर ठीक सपदान।



पयेरिया

ल्येदरि रंगु तमाक्य पन १०० ग्राम तावि प्यठ जॉलिथ येलि अमिकि दज़नुक दुह बन्द सपदि प्यख बनॉविथ गछि अथु सुत्य १५ ग्राम नून तु पाँछ ग्राम कालुमर्च (काली मिर्च) पौडर मिलनॉविथ अँकिस बोतलि मंज थावुन। दोहदिश बतोरि मंजन इसतेमाल करनु सुत्य छु दन्दन मंज खून या पाख नेरुन बंद गछान तु दन्द म्बखतु हिव्य चमकान।



मोट बननुक यलाज

अगर तोहि बननुक शोल छुव १० बादान रातस आबु गिलास्स
मंज वजुनॉविथ तु सुबहय येलि तुलिथ २५ ग्राम थनि तु खंड रछा
मिलुनॉविथ डब्ल च्वच्यन च्वन पीसन प्यठ मॅथित अख पाव नीम गर्म
द्वद च्यनु सुत्य गॅछिव तोह्य केंचस कालस मंज मोट्य ।



बार बार पिशाब तु मरदान कमज़ूरी हुंद यलाज

शतावरी पौडर बनॉविथ २५ ग्राम गर्म गर्म द्वदस सुत्य ऑठुन
दौहन ख्यनु सुत्य गछि बार बार पिशाब युन दूर । ठीक मर्दानु ताकत
बडुरावुन खॉतरु ति छु यि अख बेहतरीन दवा ।



म्वचर वालनु खॉतरु

अख गिलास ग्रकुनाव्यमितिस आबस मंज स्वखु वुशन कॅरिथ
तु १५ ग्राम माछ मिलुनॉविथ च्यनु सुत्य छु म्वचर वसान तु गॉर्यज़रूरी
चबी कम सपदान । त्रेन र्यतन गछि इसतिमाल करुन ।



हाय बुल्ड प्रेशर खॉतरु नुस्खु

अॅशिगंड, शाख हलोई, सर्पगन्दा, अर्जन छाल तु पुनसवा
हमवज़न तकरीबन पाँछ पाँछ ग्राम दोहस दोयि लटि आबस मंज
ग्रकुनॉविथ च्यनु सुत्य सपदि हाई बुल्ड प्रेशर ठीक ।



दिलच कमज़ूरी

हेंदव्यंद, शहतूत, शरबत, बनॉविथ छे दिलच कमज़ूरी दूर
सपदान।



लो बुल्ड प्रेशर

३० ग्राम किशमिश ५० ग्राम आबस मंज़ रातस तरस त्रॉविथ
ख्यनु सुत्य तु किशमिशुक आब घनु सुत्य गाज़रि रस तु माछ मिलनुॉविथ
च्यनु सुत्य छु बिल्ड प्रेशर ठीक गछान।



सेसि बोम्बुर

बोम्बुर ठीक करनु खॉतरु गछि बोम्बुरचि जाय लॅम्बय रस
दोहस दोयि लटि मॅथुन। नेम्य रस्स मंज़ फम्बु रछा ब्वडुनॉविथ गछि
बोम्बुरचि जायि गॅडिथ थावुन युथ बोम्बुरचि जाय तर रोज़ि।

गंडु रस दोहस मंज़ त्रेयि लटि बोम्बुरचि जायि मॅथित थावुन
सुत्य छु बोम्बुर नर्मान तु न्येबर कडुनस मंज़ मदद करान।



अन्द्रुमन ज़ख्म

कोच रुहन चोर फॅल्य बतु ख्यनु पतु इसतेमाल करनु सुत्य
कोच केलु सब्जी बनॉविथ या कोच केलु पोडर बनॉविथ नून बगौर
इसतिमाल करनु सुत्य छु अन्द्रुमन हुंद ज़ख्म ठीक सपदान।



चास तु बलगम

अगर सीनस मंज़ बलगम जमह आसि गोमुत, दछ ख्यनु सुत्य छु बलगम व्वथान तु सीनु साफ गछान, चासि ति छे फर्क गछान।

चूरिम दिसु पुदनु तु चूरिम हिस्सु गर्म आब यिकुवट मिलनॉविथ दोहस त्रेयि लटि च्यनु सुत्य छु नॅजलु जुकाम तु बलगम ठीक गछान।



क्वठ्यन दोद

क्वठ्यन येमिस दोद आसि तॅमिस पज़न वारियाह लॉर ख्यन्य। अख रूहन गौज ख्यनु सुत्य ति वात्यस जल्द फॉयिदु आमलु खशक पौडर बनोंविथ अख हिस्सु तु २ हिस्सु गोर यिकुवट मिलनॉविथ गछन राजमाह फॅलिस सुम्ब गोलि बनोंवनि। प्रथ दोह गछन ३ गोलि आबस सुत्य इसतिमाल करुन्य क्वठ्यन हुंज दग गछि ठीक।



यॅड मंज़ गैस

जावेद १० ग्राम, बॉदियान १० ग्राम कालु नून १० ग्राम मर्च ५ ग्राम यिकुवट मिलनॉविथ अख चायि चमचि आबस सुत्य ख्यनु सुत्य छु यॅड फ्वख खसुन बैयि यॅड मंज़ गैस बनून बन्द सपदान। यॅड मंज़ गैस जमह गछनु किन्य छु दिल रावान।



देमॉगी ताकत

१० बादाम गोजि रातस आबस मंज़ वजुनॉविथ तु सुबहय द्यल तुलिथ तु १० ग्राम खंड मिलनॉविथ अँकिस रयतस इसतिमाल करनु सुत्य छे देमॉगी कमज़ूरी दूर सपदान।



हाई बुल्ड प्रेशर

ज्यीठ अलु ज़ेछि अलि रस कँडिथ तु आबु रछा मिलनॉविथ
दोहस त्रेयि लटि अख अख च्यनु सुत्य गछि हाई बुल्ड प्रेशर ठीक ।



शांश

शांश लदस येमिस बलगम सीनस प्यठ जमह आसि गोमुत
या ख्वशुक चास आस्यस यिवान, तँमिस पज़न बुज़िथ अँजीर २
अदद अँकिस कहवु प्यालस सुत्य ख्यन्य, च्वकरस तु आँचारस मुकमल
परहेज़ ।



खॉरिश या कशुन

कुनि सातु छु काँसि त्यूताह कशुन यिवान ज़ि सु छु कँश्य
कँश्य रथ अनान तु तोति छुस नु तसला यिवान । अमि खॉतरु छु ५०
ग्राम काँशरिस तीलस मंज़ चायि पौडर, दीसी कोफूर ५ ग्राम यिकुवट
मिलनॉविथ कशुनचि जायि मॉलिश करुन्य ।



दस्त

पीपल कुलिक्य पाँछ पनु वँथुर चापनु या ग्रकुनॉविथ च्यनु
सुत्य छु दस्त बन्द गछान बयालगरी पौडर बनॉविथ ज़ामतिस द्वदस
सुत्य अख अख चायि चमचि दोहस दोयि त्रेयि लटि इसतिमाल करनु
सुत्य छि मुस्ल बंद गछान ।



ग्वरदन कॅन्य

पपीता कुलयुक मूल कनि प्यठ गुह्थि या बारीक पौडर बनॉविथ
६ ग्राम ख्वराक ५० ग्राम आबस मंज मिलनॉविथ तु छॉनिथ इसतिमाल
करनु सुत्य छे ग्वरदन हुंज कॅन्य रेजु रेजु गॅछिथ पेशाबस सुत्य न्येबर
नेरान ।

क्रोथ दाल २०, ३० ग्राम २५० ग्राम आबस मंज ग्रकुनॉविथ
येलि आब चूरिम हिस्सु रोजि यि च्यनु सुत्य छु अकवुहन दोहन मंज
कॅन्य न्येबर नेरान ।



दन्द दग

दंद दॉदिस मंज गछि रूहन कुज या रूहन टुकरु गर्म कॅरिथ
दगि हुंजि जायि दबॉविथ थावुन, दग गछिछ कम ।



मर्दान ताकत

मर्दान ताकत बॅडरावुनु खॉतरु यानि जिन्सी कमजूरी दूर करनु
खॉतरु गछन चोर खँजरु छॅलिथ तु अन्दरु न्येबर साफ कॅरिथ अँकिस
द्वदु गिलासस मंज ग्रकुनॉविथ चैन्य । दीसी ग्यवस प्यठ २ दीसी दूल
आमलेट बनॉविथ खँजरु द्वदस सुत्य ख्यनु सुत्य छु मर्दान ताकत
हॉसिल सपदान ।



क्वठ्यन दोद

हौख नारजील खंड द्वहस दोयि चोरि लटि ख्यनु सुत्य छे
क्वठ्यन हुंज दग च़लान ।

अरुँडी कुलयुक पन गुहिथ क्वठ्यन लागनु सुत्य छु क्वठ्यन
दोद ठीक सपदान।



कब्ज

शौंगनु विजि सत इसमोगुल ७ ग्राम आबस सुत्य या द्वदस
सुत्य ३,४ दोह मुतवातिर ख्यनु सुत्य छु वारियाह कालुकल कब्ज
दूर सपदान।

अगर कब्ज आसनु किन्य तफ आसि रोज्ञान १० ग्राम
कस्ट्रआईल गछि गर्म गर्म द्वदस सुत्य प्यक ख्योन।



दनद मँजन

दारचीनी पौडर तँविथ दानिवल १० ग्राम कालु मर्च पौडर ५
ग्राम चीबचीनी पौडर १० ग्राम कपूर कचरी १० ग्राम यिकुवट
मिलुनॉविथ बतोरि मँजन इसतिमाल करनु सुत्य छु कुनि ति कुस्मुक
दंदु दोद ठीक सपदान।



खूनच खराबी

१०० ग्राम ताजु नीम पन (बर्ग नीम) आबस मंज पिसिथ या
रस कँडिथ ओंड किलो ग्यवस मंज पाकुनॉविथ येलि सिर्फ ग्यव रोजि
ज्ञानुन गछि दवा गव तैयार। यहोय दवा ५ ग्राम ख्वराक च्यनु सुत्य छे
खूनच खराबी दूर सपदान।



होट लगुन

कांह ति गर्म चीज़ ख्यनु पतु येलि कांह सर्द चीज़ ख्यमव तेलि
छु होट लगान। अमि खॉतरु छे शँगुर चापुन्य। शँगुर चापनु सुत्य युस
म्वादु अमि मंज नेरन छु तमि सुत्य छु होट खुलान तु हँट्युक दोद
बलान।



खून नेरुन

यथ जायि खून नेरान आसि, तथ जायि गछि मेच तीलस मंज
वज़नॉविथ दँज या कपुर पीस लाँगिथ थावुन।



दग

ल्येदर पौडर ज़ख्मन मंज त्रावुन या बरनु सुत्य छु खून नेरुन
बन्द सपदान बेयि दबवनु आमच जायि हुंज दग कम सपदान।



वरज़िश

सुबहुक सॉर छु हतस बेमारन कुन यलाज। रज़ि गिन्दुन छे
दँहन वर्ज़िशन मंज अक्य वर्ज़िश।



सदा बहार

पोश तु पनु वँथुर नेस्फु गर्म आबु गिलास्स मंज तकरीबन
दँहन पन्दहन मिन्टन वज़नॉविथ च्यनु सुत्य तु प्यठ खॉली गर्म आबु
नेस्फु गिलास च्यनु सुत्य छे शुगर लेवलु ठीक सपदान।



ब्वकुवचन कॅन्य

बुडु अँल दानु ५ ग्राम, खरबुज्य नब्योल ५ ग्राम अख चमचि
खन्ड शीरु बनाँविथ च्यनु सुत्य छे ब्वकुवचन हुंज कॅन्य टुकर टुकर
गॅछिथ नेरान।



अँडिजि दग या गाउट

गावुट या जोडन हुंद दोद छु यूरिक ऐसिड जमह सपदनु किन्य
सपदान। वर्म तु दग बेइंतिहा आसनु किन्य छु बेमार चीखु दिवान।
बेमार छुनु फेरनस थोरनस लायख रोज़ान। ख्वर ग्वडन तु ख्वरक्यन
ओंगजन छु वर्म तु दग आसनु किन्य जोड हल्यतुकल्य बेयि अकडुन्य
हेवान।

यलाज:-

बेमारस गछि नु कब्ज रोज़ुन। जावेंद अर्क या जावेंद तीलुच
मॉलिश नेम्य रस, गांजरि रस टमाटर रस, गँडु रूहन ख्यनु या तील
कॅडिथ मॉलिश करनु सुत्य सपदि आराम। माज़, अंचार, च्वक्यर
थॅन्य, ग्यव, ठूल, ज़ामुत द्वदस छे मनोँही।



दग तु क्वदरती यलाज

दगि विज़ि गछन क्वदुरतक्य हसीन मँज़र तु शाहकार याद
करुन्य। यिमनुय मँज़रन मंज़ गछन पनुनि सोंचु आवरावनि तु श्रपुरावनि।
दगि हुंद निशानु रोज़ि नु कुनि।



क्वदरतुक बजर

कोताह जान गछिहे अगर अँस्य कुनि ति दाद्युक यलाज क्वदरत
किस बजरस मंज्र छांडुहव । अगर तति मेलि नु तेलि छांडुहव दवा ।



मस

शिकाकाई, रेन्ट, आमलु ख्वशक हमवज़न आबस मंज्र यिकुवट
ग्रकुनॉविथ तु ठन्ड कॅरिथ अमि आबु सुत्य छलनु सुत्य छु मस नीरिथ
चलनु बंद सपदान तु चमकदार सपदान ।

रेन्ट दार तील मस्तस दिनुक आदत गछि मॅशरावुन बॅल्कि
गछि नारजील तील या बादाम तील इसतिमाल करुन । बादाम तील
सुत्य या नारजील तील सुत्य मस्तुक्यन मूलन मॉलिश करनु सुत्य छि
मस्तुक्य मूल मज़बूत सपदान ।

कंगुव अगर मुमकिन सपदि हॅचि कॅंगुव गछि इसतिनाल करुन ।
तिक्वाज़ि नायलान या (Synthetic) कॅंगुव छु रगड (Friction) पॉदु
कॅरिथ मस्तुक्यन मूलन कमज़ोर करान ।



म्वच्चेर

मोट मर्द या म्वचि ज़नानु छे वारियाहन बेमारन हुंद ठिकानु ।
म्वचर छु चर्बी दार ख्यनु माज़, ग्यव, थॅन्य तु आलू, मिठाय,
तॅल्यमुत चीज़ मोदरेर, केलु, दछ, ज़्यादु शॉंगुन, कम मेहनत करनु
सुत्य खसान । वज़न छु बडान ज़नान गछिन ६० अलाव तु मर्द गछनि
७० किलो अलावु आसुन । म्वचर छु ज़नान शुगर, लिकोरिया, दिलुक्य
दॉद्य, शांश, अँडिजियन दग ब्येतुरि बेमारन हुंज़ शिकार सपदान ।



म्वचर कम करनु खॉतर

म्वचर कम करनु खॉतर छि ग्वडुन्यथुय आँसस कुलुफ करुन।
सिर्फ दोहस दोयि लटि बॅल्कि गिज़ा ख्यनु खॉतर कुलुफ मुचरावुन।
गुज़ाहस मंज़ गछि सलाद, टमाटर, मुज, गाज़िर, गन्डु ज़रूरी
ख्यन्य। कूशिश गछि करुन्य हफतस मंज़ गछि अँकि दोह सिर्फ म्यव
ख्योन। रेतस मंज़ गछि अँकि दोह ज़रूर जुलाब करुन।



अँछ

रस अशुद साफ कॅनि प्यठ गुहिथ गछि साफ आँगजि सुत्य
अँछ टार्यन लॉगिथ थावनु सुत्य छे अँछन शौहलथ प्यवान। होख
हलेलु गुहिथ ति छि अँछन खॉतर ठीक।



कन

कनन मंज़ गछि नु आब गछुन। कनन गछि नु तुजव, किलेव
या कुनि तेज़दार चीज़व सुत्य कशुन या खलल करुन्य। कनुक अँन्दिरम
हिस्सु गछि पूर साफ रोजुन। साफ फम्ब गछि तुजि वॅलिथ वारु वारु
कनुक अँन्दिरिम हिस्सु साफ करुन। ज़ोर गछि नु वातुन।



जुकाम या चास

चास या शांश अगर आँसि, अख शंगरि टुकर गछि आँस्स
मंज़ थावुन तु वारु वारु चाफ दिथ गछि तँम्युक रस चुहन, गर्म आबुक्य
नून गरु गरु छि जुकाम तु चास चॅलुरावनस मंज़ मदद करान।



ब्वकुवच दौदिस

ब्वकुवचि दौद्य वॉलिस पज़न मुजि, गाज़रि, अम्बु, दछ, चून्ठ
बतोरि सलाद ज़रूर इसतिमाल करुन ।



गर्म आब

गर्म आब छु द्रोखु, दस्तु या मुसिल ठीक करनु खॉतरु अख
स्योद सादु तु म्वखतुसर यलाज ।

नून दार गर्म आबुक्य बहा या टकोरु छि अँडिजन या कुनि
तानच दग तु वर्म दूर करान ।



यँड दोद

द्रोख, दस्तु या मुसिल ज़्यादु गछनु किन्य छु जिस्मस मंज़
आब खॉरिज सपदान । येमिच बरपाई ज़रूरी छे, अमि खॉतरु गछि
ग्रकुनॉव्यमितिस आबस अख चमचि नून तु अख चमचि मोदरेर
मिलनॉविथ बार बार चोन ।



मस

द्वद तु खंड वरॉय लिपटन चाय आबस मंज़ ग्रकुनॉविथ तु
ठन्ड कॅरिथ अमि आबु सुत्य कलु छलनु सुत्य छे मस्तस चमक
यिवान ।



मस

ऑमलु ख्वशक रातस आबस मंज वजुनॉविथ तु सुबहय
अमिय आबु कलु छलनु सुत्य छु मस नीरिथ चलुन बंद सपदान।



ऑमलु

ऑमलु कुनि ति तरीकु चाहे रस, चाहे तील, चाहे म्वरबु यथ
ति सूरतस मंज इसतिमाल करिव छु वारियाहव कुस्मक्यन दौद्यन दूर
करान।



मस

मस मूलन सफाई न आसनु किन्य छु कुफ पौदु सपदान।
येमिकिन्य मस छु नीरिथ चलान।



मस

श्रान करनु पतु या कलु छलनु पतु छु मस होख करुन ज़रूरी।
अँदुरिस मस्तस गछि न कंगुव दियुन, जठ आसनु सुत्य छु मस नीरिथ
चलान।



गर्म बहा

कलस गर्म बहा दिनु सुत्य छु मस मुलायिम तु रीशम ह्युव
सपदान। गर्म आबु मंज वजुनॉव्यमुच तौलिया कलस प्यठ थॉविथ गर्म
बहा दिनु सुत्य छु अमि मँज़ीद ति वारियाह फॉयिदु वातान। नज़ल
जुकाम, कलु दौदिस मंज ति छु फॉयिदु वातान।



कलु दोद

कलु दोद आसनु विज़ि गछि कलस अख दँज चीरु गँडिथ
थावन्य तु कुनि खलवख जायि आराम करुन । शोंठ पौडर जु त्रे चमचि
आबस मंज़ ग्रकुनॉविथ गर्म गर्म डेकस मँथित थावनु पतु येलि यि
ख्वशक गछि कलु दोद सपदि दूर ।



पेशाब कतुर कतुर युन

कलमी शौरु ३ ग्राम ओम द्वद २५० ग्राम तु आब अख
लीटर यिकुवटु रलॉविथ दोहस दोयि लटि च्यनु सुत्य पॅकि पेशाब
खुल ।



पेशाब युन तु युन

सियाह तील २०० ग्राम, दँगिथ २५० ग्राम गोर शीरु यिकुवटु
मिलुनॉविथ गछन (२०) वुह ग्राम लॅड्य (गोलि हिश) बनॉविथ दोहस
दोयि लटि सुबहन शामन इसतिमाल करुन्य । पेशाब युन तु युन गछि
बिल्कुल ठीक । बचन गछि सिर्फ अकि लटि दोहस ख्योन दियुन ।



अथन ख्वरन वाय युन

डून्य गोजन हुंद तील, अडवसु पोश तु फल, अथ तीलस मंज़
ज़ॉलिथ तु छॉनिथ, अमि तीलच मॉलिश करनु सुत्य छु अथन ख्वरन
वाय युन ठीक सपदान ।



दब लगनुच दग

दब लगनुच जायि दग वर्म ठीक करनु खाँतरु गछि दीसी ग्यवस मंज कोफूर (दीसी कोफूर) मिलुनॉविथ तु दब लगनुच जायि मॅलिथ तु गॅडिथ थावुन। दग ति गछि कम तु अगर खून आसि यिवान, सु ति गछि बन्द।



दग तु वरुम

बर्ग तेज पौडर बनाँविथ या लेदरि पौडर या दौन पन पौडर आबस सुत्य पेस्ट बनाँविथ दगि हुंजि जायि लॉगिथ थावुनु सुत्य या गॅडिथ थावुनु सुत्य गछि वर्म दग ठीक।



मस

बर्ग नीम तु बर्ग हान हमवजन आबस मंज ग्रकुनॉविथ तु ठन्ड करिथ तु अमि आबु कलु छलनु सुत्य छि मस्तुक्य मूल मजबूत गछान।



मस

बर्ग अनार (दौन कुल्युक पन) पौडर बनाँविथ आबस सुत्य पेस्ट बनाँविथ कलस थावुनु सुत्य छु टिन्डु कलस ति मस यिवान।



मस

सब्ज दानिवल रस कॅडिथ कलस मॅलिश करनु सुत्य तु केंचस कालस मॅथित थावुनु सुत्य छु नोव मस यिवान।
सफेद तेल (कान्दर तील) ख्यनु सुत्य छु मस नीरिथ चलुन

बन्द गछान तु नोव मस यिवान ।

ज़ामुत द्वद ओड कप, कालुमर्च पौडर ज़ु ग्राम, नीम रस यिकवट
मिलनॉविथ गछि तकरीबन द्वन गन्टन कलस मँथित थावुन तु दोयि
गंठि पतु कलु छलुन ।



गॉर ज़रूरी मस

गॉर ज़रूरी मस गोया येतिनस मस ज़रूरी छुन यानि बुधिस
या बैयि कुनि जायि येतनस मस गछि नु आसुन तथ जायि गछि लेदुर
पौडर मँथित थावुन्य ।



दिल

सोन दिल छु सानि सेहतमन्दी हुंद ज़िमुवार । दिल कमज़ोर,
सेहत कमज़ोर । ज़्यादु ख्योन छु न्वकसान वातुनावान, चर्बीदार ख्यन
गछि तर्क करुन । अकसर गछि बुल्ड प्रेशर चक करुन ।



पेशाब

अख लोकुट करेलु आबस मंज़ गुह्थि दोहस अँकि लटि च्यनु
सुत्य गछि पाँन्न दोहन अँदर अँदर पेशाबस सुत्य खून नेरुन ठीक ।
मर्चुवांगन तु गर्म चीज़ ख्यनस परहेज़ करुन ।



द्रोख तु दस्त

अख किलो आबस मंज़ गछन चोर सब्ज आलू ग्रकुनावनि ।
येलि आब नेस्फ म्वचि, अथ आबस गछन चोर हिस्सु करुन्य तु चोर

चोरु गंठि चोन, द्रोख तु दस्तु गछि बंद।



यादाशत तेज़

जु केलु ताज़ु आबस मंज़ ताज़ु आमलु रस ७५० ग्राम माछ मिलुनॉविथ गछि कुनि शीशु बोतलि मंज़ डकनु बंद कॅरिथ पन्दुहॅन दोहन तापस थॉविथ गछि १०, १० ग्राम सुबहन तु शामन इसतिमाल करुन। मशुरफ गछि दूर तु यादाशत गछि तेज़।



खूनच कमी

गाज़रि रस, संगतर रस, मौसमी रस बेयि माछ जु चमचि इसतिमाल करनु सुत्य गछि खूनच कमी दूर। ज्ञानानन गछि प्रसनुच दग कम तु पॉदु सपदनवोल बचि आसि थॅनि दोगुल ह्युव।



मस्तस कुफ

चोर चमचि बेसन आबस मंज़ ऑडरॉविथ तु मस्तस मॅथित थावुन तु गंठि खॅन्ड्य कलु छलनु सुत्य कुफ चालान तु मास मुलायिम सपदान।



मस

रेन्ट द्यल आबस मंज़ ग्रकुनॉविथ तु आब ठन्ड कॅरिथ, अमिनः आब कलु छलनु सुत्य छु कुफ दूर सपदान।



मस

काल मर्च ६ दानु, गोल अलि हुंघ ६ ब्याँल्य देसी ग्यव अख
चमचि आबस मंज गुहिथ थावनु पतु कलु छलुन। ज़ोव मरन तु कलु
गछि नोव मस यिनु खातरु तैयार।



दज़न दवा

अगर अचानक जिस्मकिस कुनि ति तानस तौत लगि, यानि
कुनि वजह किन्य दज़ि यकदम गछि सर्द आबस या शीनु आबस मंज
ब्वडुनावुन।

दज़न जायि गछि कोच आलू दँगिथ तु अडुब्रोक्र कॅरिथ लॉगिथ
शेहलथ पयि तु बस्तु खसि नु।



दज़न दाग

तावि प्यठ तँविथ क्रहुन मुसुर तकरीबन ज़ॉलिथ नारजील
तीलस सुत्य मिलुनॉविथ गछि दज़न जायि लॉगिथ थावुन, न खसन
बस्तुत नु रोज़ि दाग।



ददुर

(दाद) छु मुस्लुक तकलीफ तु अथ जायि छु यूताह कशुन
यिवान, कशनु सुत्य छु अथ रथ यिवान तु यि छु वॉलिंज चटान।
इन्सान दपान बु छुन यि तानुय चॅटिथ। अमि जायि हुंद कशुन ठीक
करनु खॉतरु छे पनुनि ऑसुच थोख ऑंगजि सुत्य अथ जायि मॅथुन्य,
दँदर गछि दून दोहन मंज ठीक।



खूबसूरती

खूबसूरती काँयिम थावनु खाँतुरु गछि टमाटर रस, गाज़रि रस, चोकन्दर रस हमवज़न तकरीबन ५०, ५० ग्राम दोहस अँकि लटि रयतस खन्डस इसतिमाल करुन, बुथिस यियि रोनक।



बवासीरी

जाफँरच पोशिक्य सब्ज पनुवँथुर १० ग्राम क्रहुन मर्च पौडर २ ग्राम या पाँछ शै दानु खंड ६० ग्राम आबस मंज़ ग्रकुनॉविथ ठन्ड कॅरिथ चोन, दोहय मुतवाँतिर च्यनु सुत्य सपदि बवाँसीरी ठीक।



द्रोख

नेम्य जूस पुदनु ति छु द्रोख बंद करान।



नस सेर

नस सेर बंद करनु खाँतुरु गछन कलस सर्द आबचि देंजि दिनि। ताज़ु नेम्य रस जु जु कतरु नस्ति मंज़ त्रावुन सुत्य ति छे नस सेर बंद गछान।



कलु दोद

वारियाह कालुक कलु दोद चँलुरावनु खाँतुरु गछि शोंठ, जलवेत्री हमवज़न पौडर बनाँविथ ग्यवस सुत्य मिलुनॉविथ तु पेस्ट बनाँविथ तौत तौत ड्यक्यस लॉगिथ थावुन। कलु दाँदिस गछि यकदम फर्क।

दँह बादाम गोजि जु ग्राम कलमी शौरु सफेद चन्दुन सुत्य गुहन ड्यकस
लागनु सुत्यो छु कलु दोद चलान ।



माज़बेरन बस्तु

जु चमचि ल्येदर, अख लीटर आबस मंज ग्रकुनॉविथ तु अमिय
आबुक्य गरु गरु करनु सुत्य गछन माज़बेर तु ऑसिच बस्तु ठीक ।



बार बार पिशाब

अगर पिशाब बार बार आसि यिवान १० ग्राम शतावरी पौडर
बनॉविथ अख पाव दूदस सुत्य इसतिमाल करनु सुत्य छु बार बार
पिशाब युन ठीक सपदान । यि अमल छे ऑठन दोहन जॉरी थावुन्य ।
शतावरी छु कमर दौदिस ठीक करान तु मर्दान ताकत बडुरावान ।



दज़नच दग

गावि हुंद गुह दज़न जायि लागनु सुत्य दज़न दग ठीक गछन ।



क्वदरती मनाज़िर

क्वदरत किस कुनि ति माहोलस मंज गछि पनुन पान जज़ुब
करुन तु अमिक्यन हसीन मनाज़रन हुंद लुतफ ति तुलुन गछि मॅशिथ ।



गरु गरु

ग्रम ग्रम नून आबुक्य गरु गरु छि जुकाम तु चास बलुरावनस
मंज मदद करान ।

आबुच कमी

द्रोख दस्तु या मुसिल छु सानि जिस्म मंज आब खॉरिज करान।
 अँमि खॉतर छु अँकिस ग्रकुनॉव्यमितिस आब लीटरस मंज ५० ग्राम
 नून तु ५० ग्राम खंड मिलुनॉविथ यि आब चोन ज़रूरी बनान। युथ
 जिस्मस मंज आबुच कमी पूर गछि। ज़्यादु आब जिस्म मंज नेरुन छु
 स्यठा न्वकसान देंह।



दग

नून दार गर्म आबुक्य टकोरु छु अँडिजियन या कुनि ति तानुच
 दग दूर करान।



खूबसूरती

खूबसूरती काँयिम थावन खॉतर नीरिव खुलु बागन तु माँदानन
 मंज ननुव्वरुय पँकिव सब्ज द्रमनस प्यठ केंचस कालस अँसिव हंगु तु
 मंगु पँज्य पॉठ्य अपुज्य पॉठ्य नु दिल तु देमाग गछि ताज़ु।



यँड मंज गैस

ल्येदुर १० ग्राम तु नून देंह ग्राम आबस सुत्य ख्यनु सुत्य छु
 यँड जमह गोमुत गैस खॉरिज गँछिथ यँड हुंज दग कम सपदान।



द्रोख तु हिव्य

सब्ज दानिवल हुंद रस च्यनु सुत्य छि द्रोख तु हिव्य बंद
 गछन।

कैह याद थाविन लायख कथ

आब :

सुबहस नेन्द्रि वँथिथुय क्वलकँछ कँरिथ गछि अख ताज़ु आबु
गिलास चोन ।



खुल हवा :

आफताब खसनु ब्रोंह नेन्द्र वँथित खुलु हवाहस फेरनु सुत्य छु
दिल तु देमाग ताज़ु रोज़ान तु दिल फोलान ।



त्रेश :

त्रामु बानस मंज़ कालय आब थाँविथ दोयिमि दोह च्यनु सुत्य
छे यँड पुरज़ु साफ गछान कब्ज़ छुनु रोज़ान ।



अँछ गाश :

सर्द आबु दँजि अँछन दिनु सुत्य छु अँछव हुंद गाश हुरान तु
बरकरार रोज़ान ।



श्रान :

दोहदिश श्रान करनुक आदत गछि थावुन । अकि दोह हफतस
मंज़ गछि तीलु मॉलिश सॉरिसुय जिस्मस करुन्य ।



आवरेर :

फिकिर तु परेशॉनी दूर करनु खॉतरु गछि कुनि कामि कारस
सुत्य आवुर रोजुन ।



नफरत :

युस इन्सान कुनि ति वजह किन्य पनुनिस पानस नफरत करि,
तैमिस छु नु दुशमन छांडुनय ।



कम दवाहन हुंद इसतिमाल :

अंग्रीजी दवा इसतिमाल करनुच कूशिश गछि कम से कम
करुन्य । तिक्याज़ि तिम छि अख दोद बलुरावान तु दोयिम व्वतुलावान ।



क्वदरत :

कुनि ति दाद्युक यलाज गछि क्वदरतन वफूर थॉविमितिस
अँन्द्य पँक्य कुल्यन कटेन तु क्वदरतकिस माहोलास मंज़ छारुन ।



काम्बय :

काम्बय वॉलिस छि केंचन दोहन जु चोर आराम ज़रूरी
गुलिकोज़, शकर रस, आलू बुखार शीरु तेम्बरि रस गुलिकोज़ मिलनॉविथ
या खॉली च्यनु सुत्य वाति आराम ।



क्वठ्यन दग :

अख चमचि मेथि ब्योल यख आबस सुत्य ख्यनु सुत्य छे
क्वठ्यन हुंज दग ठीक सपदान । त्रे चोर डून्य गोजि सकली ख्यनु सुत्य
छु कोठ्यन हुंद दोद ठीक सपदान ।



नफरत न करुन्य :

पनुनिस पानस पनुन्यव गलतियव किन्य नफरत करनु सुत्य
छि अँस्य तँमिस दुशमन सुंज कॉम अँजाम दिवान, युस कुनि ति हदस
ताम ह्यकि गछिथ ।



लोल :

क्वदरतुच, थुरिमँच ज़रियाच सुत्य गछि कुनि ति तरीकु लोल
बरुन । इन्सानन, ह्यवानन, परिंदन, चरिन्दन बँरव लोल । अगर मुमकिन
सपदि तु तोति में कँर्यूख नफरत ।



बुथिस गेनि :

बुथिस गेनि तु दाग चँलुरावनु खॉतरु गछि रेन्टु द्यल पौडर
बनॉविथ आबस सुत्य पेस्ट बनॉविथ बुथिस केंचस कालस मँथित
थावुन । गेनि किहो दाग गछन ठीक ।



ख्वश रोजुन :

पनुन्यन कथन मंज पनुनिस व्वथु बेठि मंज अख मेछर तु लोल,

थावन्य । यूताह लोल युथ तुहंघ हमसायि, तुहंघ आँशनाव, तुहंघ यार
दोस तुहिंद नु आसनच कमी महसूस करन ।



सेहतमन्दी :

युथ नु कब्ज रोज़ि, यि छु तुहंघ सहतमन्द नँ आसनस तु नँ
रोज़नस मंज़ ग्वडुनिच अडचन ।



दन्द या माज़बेरन :

फटकर तु नून प्यखि पौडर बनाँविथ ओंगजिह सुत्य माज़बेरन
तु दन्दन मँथित अख ज़ु मिन्ट क्वलकुच करनु सुत्य छि दन्द किहो
माज़डबेरु मज़बूत सपदान ।

माज़बेरन वर्म या दग ठीक करनु खॉतरु गछि शोंठ पौडर
खोवरिस अथस प्यठ रँटिथ दछिनि ओंगजि सुत्य दन्दन तु माज़बेरन
मंजन करुन ।



दन्दव मंज़ खून नेरुन :

अगर दन्दन या माज़बेरन खून या पाख आसि नेरान तँचि
तावि प्यठ गछि पाँच दँह ग्राम जावेन्द अडु दोद करुन तु पौडर बनाँविथ
दन्दन क्यो माज़बेरन मौलिश करुन्य ।



पायेरिया :

अम्बि आँचि पौडर बनाँविथ तँमि पौडरु सुत्य मन्जन करनु

सुत्य छु दन्दव मंज खून नेरुन या पाख नेरुन बंद सपदान ।



कम नून :

नून कम ख्यनुक आदत गछि ल्वकुचारु पानु प्यठ थावुन ।



ऑस ख्वशुक :

ऑस या हौट अगर होखान आसि, अख खँज़ुर आंट ऑसस
मंज गोलनावनु सुत्य छे ऑसस तरावथ फेरान ।



हँटिक्य दौद्य :

हँटिक्यन छु शाह तूल या शाह तुल म्वरबु यलाज । नून तु
फटकरि आबु सुत्य स्वखुवुशुन गरु गरु ।

गुल बुनफश तु काँबय ब्योल आबस मंज ग्रकुनॉविथ गछि
अमि आबु सुत्य तँच तँच मॉलिश करुन्य तु आबु फयॉरिथ कुनि दजि
प्यठ थॉविथ हँटिस रातस गँडिथ थावुन । हँटिस येमि कुस्मुक ति दोद
आसि गछि ठीक, होछ दानिवाल अख ल्वकुट चमचि दोहस दोयि त्रेयि
लटि चापनु सुत्य हँटिक्यन दाद्यन आराम सपदान ।



ज़ोवु दवा :

पाँछ शे वँथुर बर्ग तेज आबु गिलास मंज ग्रकुनॉविश येलि
नेस्फ गिलास रोज़ि, तमि आबु सुत्य गछि कलस मॉलिश करुन्य तु
गन्टु अडि गन्टु पतु गछि कलु छलुन, कलस अगर ज़ोव आसन तिम

गछन खत्म, कुफ ति गछि कम ।



कलु दोद :

कलु दौदिस ति बर्ग तेज यलाज । अख तेज पँथुर पौडर बनौविथ
डेकस मँथित थावनु सुत्य छु कलु दोद चलान ।



अछ दोद :

अँछ दौदिस ति गछि बर्ग तेज पौडर पेस्ट बनौविथ अँछ टार्यन
मँथित थावन । अँछन हुंद दुगोश चलि ।



दन्द :

दन्द साफ तु शफाफ करनु खौतरु गछि बर्ग तेज पौडर बनौविथ
दन्द मँजन बनावुन । बर्ग तेज पौडर अख चमचि अख कप गर्म द्वदस
सुत्य या अख चमचि माछ मिलनौविथ इसतिमाल करनु सुत्य छे चास
चलान ।



बचि दानि हुंज सफाई :

लोसु ज़नानि गछि अख गिलासु आबस मंज पाँच शे वँथुर बर्ग
तेज ग्रकुनावुन । येलि आब नेस्फ रोजि सु चावनु सुत्य गछि बचि दानि
मंज गन्दु खून या मल आसि सु नेरि न्येबर तु बचि दौन्य गछि साफ ।



दन्द :

जॉफरय पोशि कुलिक्य पुनू वेंथुर आबस मंज ग्रकुनॉविथ
तमि आबु सुत्य कवलकछ करनु सुत्य छु दन्दु दोद चलान ।



माज़बेरन :

ताज़ आबस मंज ल्योम्ब चीरिथ कवलकछ करनु सुत्य छु
माज़बेरन हुंद वर्म तु आसच बदबोय चलान ।



कब्ज़ :

येमिस कब्ज़ आसि बार बार गछान, तस पॅज़ि कौशिरि तीलीच
मॉलिश शामस शोंगनु ब्रोंह यॅड करुन्य । गर्म आबु कपस मंज अख
ल्योम चीरिथ शोंगन विज़ि च्यनु सुत्य नेरि सुबहन खुल मल ।



आब च्यनुक आदत :

सुबहन नेन्द्रि वॅथित कवलकछ कॅरिथ गछि अक ताज़ आब
गुलास चोन ।



नेन्द्र :

आफताब खसनु ब्रोंह नेन्द्रि व्वथनु सुत्य छु दिल तु देमाग ताज़
रोज़ान । बैयि अँकिस कामि दोहस दून हुंज बरकत नेरान ।

अख या ज़ु गिलासु आबु कालय त्रामु बानस मंज थॉविथ
सुबहय नेन्द्रि वॅथित च्यनु सुत्य गछि यॅड पूर साफ तु बैयि रोज़ि न

कब्ज ति ।



अँछ :

तुरनि आबुच दजि अँछन दिनु सुत्य छु अँछन हुंद गाश बरकरार
रोज़ान, बँल्कि हुरान ।



आवरेर :

फिक्क तु परेशाँनी दूर करनु खॉतरु गछि कुनि कामि कारस
सुत्य आवुर रोजुन ।



खँदमति खल्क :

अगर कामि कार निशि म्वकुल्य आसव या रिटायर आसव
गँमुत्य, कुनि तथ इदारस सुत्य गछि वाबस्तु रोजुन युस कुनि ति तरीकु
लुकन हुंज बेलोस खँदमत आसि करान ।



अमल रदि अमल :

काँसि ति इन्सानस दोस्तस दुशमनस गछि नु बद यछुन या बद
करुन । युस ति अमल अँस्य अथव खोरव, नरेव, जंगव या पनुनि या
देमागु सुत्य करव, तथ छु रदि अमल । रदि अमलि छु रुत मावजु बद
अमलि छु बद रदि अमल ।



शेशतुर :

खूनस मंज आकसीजन वातुनावनुक अँहम ज़रियि छु शेस्तर ।

खूनच कमी छे शैशतरच कमी किन्य सपदान । सब्ज तरकारि मटर,
पालक, ख्शाकु म्यवु ख्यनु सुत्य छु यि हॉसिल सपदान ।

विटिमेन छु बेमारि निश रछान तु बेमार्यन हुंद मुकाबलु करनु
खाँतरु छु सॉनिस ख्वराकस मंज विटामिन आसुन ज़रूरी ।

थॅन्य ल्योम्ब, टमाटर, मटर, दाल, म्यवु ख्यनु सुत्य छि यिम
हॉसिल सपदान ।



खूनच्य कमी :

खूनच कमी ख्वराक नु श्रपुन, गैस पॉदु सपदुन, अँछन ब्वन
कॅनि सफेदी, ल्यदरेर, थकावट, कमज़ूरी, ह्यकथ न आसनुक वजह
खुनच कमी ।



कब्ज :

कब्ज गछुनक्य वजूहात छि ऑसस कुलफ मुलय थावुन ।
येमि सातु पेयि तमि सातु यँड बरुन्य ख्यनस च्यनस मंज बेकायदगी ।
यड साफ करनस मंज जल्दबाज़ी । येमि सातु यड साफ करनुच च़ेनुवन
दियि सु साथ टालुन, मल न्येबर नेरुन, रुकावट तावुन्य छि कब्ज
गछुनक्य केंह खास वजह ।

कब्ज गछि ख्यनस च्यनस मंज तब्दीली करनु सुत्य ठीक
करनुच कूशिश करुन्य । दवा गछन नु इसतिमाल करुन्य ।

छिलकु ह्यथ दालु सिविथ सबज़ी नेस्फ यड गछि सलाद ख्यथ
बरुन्य । सालद गव मुजि, गाजरि, टमाटर, बंदगूपी वँथर, चोगन्दर,

लॉर, गन्डु कोश ह्यथ आटिच चोट, म्यवु अम्बु, अमरूद, मौसमी,
पपीता । ख्यनु ब्रोंह अख गन्टु त्रेश च्यनुक आदत गछि बनावुन ।



यड साफ करुन्य :

मोरबाये हलेल अख शोंगन विजि गर्म द्वाद गिलासस सुत्य
च्यनु सुत्य छे यड साफ गछान ।



सर्द आबु श्रान :

दोहदिश सर्द आबु श्रान करनुक आदत गछि बनावुन । गर्म
आबु श्रान करनु पतय छि तुर खसान तु सर्द आबु श्रान कॅरिथ छे गर्मी
बासान ।

सर्द आबु श्रान करनु सुत्य छु खूनुक दौर तेज सपदान ।



प्रोटीन :

प्रोटीन छु सॉन्य जिस्मॉनी कोवत, कॉम करनुक ताकत फुर्ती
चुस्ती पॉदु करनस मंज मदद करान । दालु अनाज चनु मटर, दोद,
म्यवु छि अमियुक आगुर ।



चर्बी :

चर्बी छु सॉनिस शरीसर मंज गर्मी पॉदु करान यि छु द्वाद, तील,
बादाम, डून्य, काजू, मूंगफली बेतुरि चीज ख्यनु सुत्य हॉसिल सपदान ।



कारबोहाईड्रेटस :

कारबोहाईड्रेटस छि सॉनिस शरीरस गर्म थावान युस सिर्फ ज़िन्दु इन्सानस मंज़ छु आसान। अनाज, तौमुल, ओट, मकॉय, जवार, बाजर, नय शकर, खँज़र, मोदुर म्यवु केलु छु अम्युक आगुर।



आब छु ज़िन्दगी :

सॉनिस शरीरस मंज़ छु तकरीबन ८० फिसिदी आब, आब छु सानि शरीरच सफाई तु गन्दुगी दूर करनस मंज़ मदद करान। अर्क, पेशाब, मल न्येबर कडनस मंज़ मदद करान। अर्क पेशाब, मल न्येबर कडनस मंज़ खुराक श्रपरावनस तु खून ब्रोंह पकुनावनस मंज़ मदद करान। साफ आब छु ज़िन्दगी, गन्दु आब छु मौत।



कैल्शायम :

कैल्शायम छु सानि अडिजि, सॉन्य दन्द बनावनस तु मज़बूत थावनस मंज़ अख ज़रूरी जुज़।



Desi Dawa-Ta- Desi Elaj

(Herbal Treatment) Kashmiri



MAHARAJ KRISHEN MAWA MASROOR

1. Name : M.K. Mawa
2. Pen Name : Masroor
3. Father's Name : Late Shri Nand Lal Mawa
4. Date of Birth : October- 1937
5. Birth Place : Bohri Kadal Srinagar-Kashmir (INDIA)
6. Present Address : House No.-137- Lane No1/H.No.2 Anupam Garden
Sainik Farms, New Delhi- 110030
Contact No.9810056225, 09810259954
A-41, Freedom Fighter Colony
Gate No. 1 Neb Sarai Saket New Delhi

7. Publications

- (A) Baksharihar Ta Surgik Wat Pad (Kashmiri) 1985
(B) Jowhare Kayinath (Spiritual Science — Urdu) Dec. 2011
(C) Desi Dawa-Ta- Desi Elaj (Herbal Treatment) Kashmiri -2012

8. Publications in press

- (a) Benav Sharuk Potel Kashmiri Short Stories
(b) Wath Ma Chhi Rawan Kashmiri Poetry
(c) Pond Chud Translator of Russian Short Stories in Kashmiri For Children

PUBLISHER
FUNKAR CULTURAL ORGANISATION SRINAGAR-KASHMIR
CONTACT NO. 09419092468